



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.


We also ask that you:


- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>







Handwritten text, possibly a signature or date, appearing as "1914" and "1915".



repauser C. Hater
Jean de Clerc
JOANNIS CLERICI
O P E R A
PHILOSOPHICA
IN QUATUOR
V O L U M I N A
D I G E S T A.

Editio Tertia auctior & emendatior.



A M S T E L O D A M I.
Apud JOAN. LUDOV. DE LORME.

M D C C I V.





Reference 10:
Jhen
11 12 23
10251
41

P R Æ F A T I O
I N
O P E R A
P H I L O S O P H I C A .



UÆNAM sit utilitas, quæ præstantia singularum partium, quibus Philosophia constat, singularibus earum præfationibus satis ostendimus. Sed cum Opuscula nostra Philosophica tertium in hac urbe recuderentur, nonnulla præmittenda duximus, de tota nostra ratione philosophandi, quæ paucis complectemur.

Tomus I.

* 2

Avo-

P R Æ F A T I O.


Avorum nostrorum memoriâ, cùm Peripatetica Scholasticorum disciplina in omnibus Scholis regnum obtineret, nulla pars Philosophiæ studiosius excolebatur Logicâ; quæ tamen iis sæculis nihil erat, præter meram disceptandi Artem, nec quidquam ad inventionem Veri, ejusque inventi commodam expositionem conducebat. Hinc fiebat ut sapientioribus omnibus studia philosophica forderent, quippe quæ videbantur fermè inutilia, & potius propter consuetudinem, quàm propter ullum fructum qui inde caperetur, excolenda. Ideò cùm in Europa Litterarum cognitio reviviscere cœpisset, præstantissimi quique viri Scholasticas illas nugas irridere cœperunt; quorum judicio paulatim, in excultioribus Europæ locis, in contemptum venerunt. Postea & præsertim XVII sæculo, exorti sunt viri ingenio excellentes, qui Mathematicis potissimum disciplinis instructi novam potius philosophandi viam aperuerunt.

P R Æ F A T I O.


Si cùm pulcherrimæ Geometrarum methodi peritissimi essent, ea felicissimè in investigatione Veri usi sunt, exemplóque adeò suo quanti esset ostenderunt. Sed quia qui primi omnium hanc viam instituerunt, potius usi ipsi sunt Regulis Artis, quàm earum rationem tradiderunt; quippe qui nullam Logicam, seu ratiocinandi Artem scripserunt; multi, qui eos meritò mirabantur, toti conversi sunt ad Mathematicas, Physicásque disciplinas, nec tanti esse putarunt Logicam, ut seorsim doceretur. Quare in re, non possumus iis adsentiri. Tametsi enim videmus penitiorem cognitionem methodi Geometricæ, perpetuúmque ejus usum, iis esse instar Logicæ; tamen tria obstant quominùs eorum probandum esse institutum existimemus.

Unam est, plerorumque studia non pari, ut satis temporis Geometricis illis inquisitionibus tribuant; quò fieri possit, ut usu ipso ratiocinandi, ex Geometrica methodo, habitum, consuetudi-





Lookian
Born at Lookian 1857
Died 1930



Jean Le Clerc
JOANNIS CLERICI
O P E R A
PHILOSOPHICA
IN QUATUOR
V O L U M I N A
DIGESTA.

Editio Tertia auctior & emendatior.



AMSTELODAMI.
Apud JOAN. LUDOV. DE LORME.

M DCC IV.

P R Æ F A T I O.

in falsas, de innumeris rebus, ratiocinationes, errorésque inciderint. Possemus præstantissimorum virorum exemplis ostendere non temerè hæc à nobis dici, sed malumus Lectori eos investigandos relinquere, laudaréque homines, summis laudibus ceteroqui dignos, quàm eorum famæ detrahere velle videri, dum sententiam nostram comprobamus.

In ceteris partibus Philosophiæ, Ontologia, Pneumatologia & Physica, rectè ratiocinandi Canones sequi conati sumus; contra quos tamen, in tanta rerum varietate, sicubi deliquerimus, hoc nobis, potius quàm Arti, tribuetur; cùm errores nostri, quicumque sint, nullâ ratione certius intelligi, ac firmitus, quàm eâ ipsâ methodo, quam protulimus, possint confutari. Comuni ergo humanitati, quæ neminem lapsus expertem patitur, animoque studiorum aliorum varietate in diversa distracto, tribuentur, & ab æquioribus,

P R Æ F A T I O.

bus, ut speramus, condonabuntur. Acerbos homines non moror, indignos quippe qui hæc studia tractent, aut quorum iudicii ulla ratio habeatur.

Quod feceramus, in secunda horum Operum Editione, ut stylum passim emendaremus, variâque adderemus ad rem ipsam pertinentia, in hac quoque tertia præstitimus; quamvis tantæ non sint mutationes. Nonnulla non satis perspicuè, aut commodè expressa, clariùs aut commodiùs expressimus, vocolâsque aliquot, explicationis gratiâ, addidimus. In Physicæ præsertim priore Volumine, nonnulla adjecta sunt, ad totius Mundi systema pertinentia ex *Chr. Huygenii*, præstantissimi Physici, Cosmotheoro, qui postea prodiit. Fini etiam posterioris voluminis Coronidem subjecimus; in quæ eorum quæ diximus, in Pneumatologia & Physica, de natura Spirituum & Corporum, insignibus exemplis usum ostendimus.

P R Æ F A T I O.

Menda denique, quæ incitiæ & incuriæ Typographorum debebantur, & festinantes emendantis oculos fugerant, sustulimus; si modo alia eorum loco non subrepserint, quod mihi aliàs contigit, nimium occupato. At hæc à Lectore non imperito facile emendantur.

Hæc scribebam Amstelodami, Calendis Februariis anni MDCCIV.

JOAN-

JOANNIS CLERICI
L O G I C A
S I V E
ARS RATICIONANDI

- - - *Neque decipitur Ratio, neque decipit unquam.* Manilius.

OPERUM PHILOSOPHICORUM.

T O M U S I.

Editio Tertia auctior & emendatior.




!

—

1. *Journal of the American Medical Association*, 1997; 277: 1033-1038.


1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. 101. 102. 103. 104. 105. 106. 107. 108. 109. 110. 111. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 84



DOCTISSIMO
ET
ACUTISSIMO VIRO
JOANNI LOCKIO

S. P. D.

JOANNES CLERICUS.

UM Opuscula hæc nostra Philosophica recuderentur, & mutanda esset, primi voluminis Dedicatio; non deliberavi, ACUTISSIME LOCKI, an eam nomini Tuo inscripturus essem, cum jam antea eorum partem Tibi consecrassem. Quæ sola ratio ejus apud me ponderis esse debuit, ut omnem dubitationem, si quæ fuisset, animo meo excuteret. Sed præterea cum maximo usui Tua mihi Scripta fuerint hæc scribenti, & facem in obscurissimis quæstionibus sæpe prætulerint; *fateri*, in limine hujus Opellæ, *per quem profecissem ingenui*, ut ille ait, *pudoris* esse duxi. Ut à furtis omnibus naturæ sum alienissimus: ita etiam ad reddendum hu-

P R Æ F A T I O.

hujusmodi mutuuum, *cum præsertim fors fiat ex usura*, paratissimus semper fui.

Cum partes aliquot & Epitomen Operis Tui de Intellectu, cedro digni, antequam prælo committeretur, legerem; multa de quibus diu varias animo versaram cogitationes, clariùs & copiosius explicata, multa mihi prorsus nova, cum summa voluptate, lustrabam. Jam dudum arctiores, quàm vulgò creduntur, cognitionibus nostris fines à Creatore positos animadverteram; at eos limites, humanæ numquam transiliendos naturæ, perspicuè signare Tuum erat. Qua in re, non minùs utilem erudito orbi operam præstitisti, quàm qui inventis suis æternam sibi peperere laudem; neque enim eruditione nova, magis quàm certa ignorantiae nostræ cognitione, indigemus. Plura certè, dum nos ea scire putamus quæ latent, quàm scientiæ inopiâ, quotidie peccamus.

Eodem in Libro omnium notionum, quas animo formare licet, originem & natales; sermonis, quo eas exprimimus, usum ac significationem; quæ nos ad dubia, verisimilia, vera, & falsa judicia ferenda adducant, ostendere felicissimè adgressus es. Judiciorum autem nostrorum fontes, verborum quibus utimur potestatem, notionumque

P R Æ F A T I O.

que nostrarum aut occasiones, aut archetypa noscere, quanti sit in investigatione Veri; ii demum ignorant, qui in se numquam descenderunt, nec Philosophiam, vel à limite, salutarunt. Certè si ab ultimo de re qualibet à nobis lato iudicio, ad prima usque ratiocinationum nostrarum initia, vestigia nostra relegentes, retrogredi sciremus; falsa à veris facilius, quàm ullâ aliâ methodo, & certius secerneremus.

Hæc cum omnibus Veri amantibus maximæ esse viderem utilitatis, potissimum iis qui studiorum incunt curriculum auro contrà cara non esse debere intelligebam. Molienti ergo mihi Opuscula, quibus studiosæ Juventuti ad Philosophiæ cognitionem via sterneretur, nihil commodius ac felicius accidere potuit aurei Tui Operis lectione; unde innumeras, in rem meam, eximias observationes derivare poteram. Multa itaque hîc videbis, quæ Tibi deberi senties, & nos ultrò profitemur. At brevitatis, in hujusmodi libris necessaria, & Scholarum mores, qui sine Studiosorum detrimento violari nequeunt, ne ingenii nostri tenuitatem memoremus, nos in arctiorem gyrum coëgerunt. Quibuscumque hæc accuratius nosse cordi erit, eos Operis Tui, VIR DOCTISSI-

ME,

P R Æ F A T I O.

ME, copiosissimis laticibus se proluere oportet. Nos interea hujus Opellæ non pœnitebit, modò ne iis quæ à Te habemus vim & pondus detraxerimus, aut nostrarum, alienarumque observationum misturâ nativum cogitationum Tuarum splendorem obnubilaverimus. An autem quod volumus adsequuti simus, Tu omnium certissimè judicabis; & qui majorem judicii Tui rationem, quàm nos, habeat frustra quæfiveris. Vale, VIR PRÆSTANTISSIME, & nos amato.

*Dabam Amstelodami, Calendis
Decembribus, MDCXCVII.*

LECTO.

L E C T O R I

S. P. D.

JOANNES CLERICUS.

CUM docendæ Philosophiæ munere, ab aliquot annis, pro virili defungerer, primum aliena Scripta interpretari adgresso molestum hoc accidebat; quod cum dogmata aut per omnia non probarem, aut multa exigui usûs æquo prolixius tradi, aliæque utilissima vel jejune tractari, vel prorsus omitti viderem; quædam inter legendum oppugnare, alia supplere ac pluribus diducere cogerer. Cum itaque mihi ea res molestiam, & audientibus tironibus studiorum perturbationem crearet; tandem ad scribenda ea, quæ mihi veriora & utiliora videbantur, eâ Methodo, quam commodissimam ducebam, animum adpulsi. *Logicam*, *Ontologiam*, *Pneumatologiam*, & *Physicam* eam in rem conscripsi, atque edidi; quibus omnia necessaria studiorum Philosophicorum initiis complexus mihi videor.

Si in Logica, ut ab ea incipiam, nihil esse novi, aut pleraque nova dixerim, Lectorem perinde fefellerero. Methodum in Scholis sine ratione, ut videbatur, usitatam sæpe immutavi; multaque quæ in Logica, quamvis ad ratiocinandi Artem pertineant, tradi non solent, iis quæ vulgò in hujusmodi libris inveniuntur addidi; ut, vel ex Capitum Inscriptionibus, colligere Lectores poterunt. Summatim tamen hîc potissima quæque indicabimus.

Quæ de Idearum septem generibus, in Prima Parte, docentur, ea in aliis Logicis aut planè omitti, aut perfunctoriè ac leviter attingi solent; quæ

A D L E C T O R E M.

quæ tamen maximi esse momenti, ubi de *simplici Perceptione* agendum, quicumque ea legerint, ut spero, non diffitebuntur. At ne in ingenuitatem peccemus, ingratiæ animi peccatum admittamus, eximio libro Anglicè scripto, cui *Tentamen de Intellectu* modestissimus idémque acutissimus Scriptor JOANNES LOCKIUS titulum fecit, plurima nos debere profitebimur. Cum hæc primum scripsimus, ejus Epitomen videramus, ex qua multa disertè tradita hausimus, nec pauca ex admissis Principiis consuetaria deduximus; quæ per omnes hosce Philosophicos libros, sed præsertim in Logica, passim sparsa sunt.

In Secunda Parte, præter præcipuas quæ tradi solent, de Propositionum generibus, Doctrinas; à Capite septimo ad decimum, de *Veritate, Verisimilitudine, Falsitate & Fide*, ea scripsimus quæ in aliis hujuscemodi Opusculis, non sine magna discentium jactura, prætereuntur, aut nimia brevitate docentur.

In Parte Tertia, de utraque Methodo, *Synthetica & Analytica*, multò quàm fieri solet, exemplum Logicæ Gallicè conscriptæ, quæ *Portius Regii* dicitur, sequuti copiosius & accuratius egimus. Ex eo libro pleraque quæ ad Syntheticam Methodum pertinent, mutua sumimus, quæ exemplis tamen nostris ut plurimum illustravimus. Ex alio celeberrimo Opere Gallico, quod de *Inquirenda Veritate* inscribitur, cum multa ex iis quæ de *Attentione & Capacitate* Mentis dicta sunt, tum pleraque quæ de Analytica Methodo docentur, in hanc nostram Logicam, more nostro expolita & illustrata, derivavimus. Qua in re exemplis, quæ ex Mathematicis disciplinis petun-

ADLECTOREM.

sus, ut plurimum insuper habitis alia substituiamus. Hæc, nimirum, alia ferè studia culturis scripta sunt, ideoque ea adtulimus exempla, ex quibus intelligerent, quâ arte argumenta Ethica, aut Historica excuti accuratissimè possint. Ac sanè de hisce periculosissimi sunt hominum errores: ut indidem maximi momenti dogmata petita sunt. Capitis ultimi argumentum cui potissimum debeamus, in ima pagina, professi sumus; quod quamvis Logicis inusitatum, nemo, ut opinor, extra rem esse queretur.

In Quarta denique Parte, traditis *Argumentationis* solitis Legibus, Artes quarum ope, sine illis, reponi facilius quibusvis Syllogismis, & disceptari candidius ac utiliùs queat, ostendimus. *Socraticam Methodum* rectius disceptandi Artem diximus, quod Socrates ea felicissimè primus usus sit, & ejus ~~Canonas~~ ex Socraticorum Scriptorum lectione collegerimus. Ut in re ipsa iis, qui *Xenophontem*, aut *Platonem* legerunt, nihil erit novi: ita eam in Logicam, prout nunc vulgò docetur, transtulisse novum plerisque videbitur. Ratio verò solvendorum sine Regulis Syllogismorum, ea, simplicissima licèt atque ex ratiocinationis natura petita, à nemine, qualis hîc describitur, quem equidem norim, tradita fuerat. Si tamen hæc, aut quævis alia, quæ nova existimavi, alibi inveniantur, ea ad alios referantur per me licet. Discientium commoda, non gloriam hîc spectavi.

Ad hæc, quæ præter Logicorum morem, seu alios paucos sequuti, seu sine exemplo docuimus, duo accedunt memoratu, ut opinor, haud indigna. Primum, ubique Doctrinas minùs utiles, &

A D L E C T O R E M.

& quas, propter consuetudinem tantum, omittere nefas duximus, ab iis quæ majores usus præstant diligenter secrevimus, atque utrarumque momenta indicavimus. Qua in re, Peripateticis vetustioribus, & recentioribus Scholasticis parum honorifica multa diximus; quæ fortè aut omissemus, aut iis condonassemus, nisi per plura sæcula magni ea fecissent Scholæ; quarum auctoritati, ne diutius noceret, aperta opponenda fuit veritas. Secundò, quod & aliis ante nos feliciter cessit & Rationi consentaneum est, exemplis Scholasticorum; ridiculis plerumque, abstinuimus, ut seriis & utile quidpiam complexis uteremur. Petita, fateor, plurima sunt ex Theologia, quam cum oporteret, apud omnes Christianos, accuratissimis constare ratiocinationibus, maximo Reipublicæ Christianæ malo, Sophismatibus omnis generis, apud quasdam Christianæ Religionis familias, scatet. Alioquin ex alia quavis Disciplina exempla petere potuissemus, nisi ex hac innumera nobis sponte se se ingessissent. Certè si usquam non errare nostrâ refert, hæc intererat, & facile fuit; nisi potius quàm Logicæ, vel rectæ Rationis haud fallacem ductum sequi, multi Christiani lites serere, & factiones alere maluissent. Verùm hæc querelæ non sunt hujus loci. Addidimus in hac Editione Dissertationem de *argumento Theologico ab invidia ducto*, quam veriamantes legissè, nisi fallimur, non poenitebit. Res certè agitur maximi momenti & quotidiani fermè usûs, de qua tamen plerique vix unquam seriò cogitarunt.

Quid in *Ontologia* & *Pneumatologia* conati sumus, utrique præfixæ docebunt Præfationes. In hac

A D L E C T O R E M.

hac ut in illa, præsertim tamen in priore, potissima quæ à Peripateticis tradi solent, paucis explicuimus. Sed quia jejunum nimis fuisset Opus, solam Historiam opinionum Scholasticarum complexum, subinde utiles disquisitiones à nobis adpersæ sunt. In multis quidem *Renatum Cartesium* sequimur, ita tamen ut sæpe quid in ejus opinionibus à nobis desideretur indicaverimus. Vir summus, & præceptis & exemplo nemini, à quo evidens non stare veritas, ad sensum præbendum esse nos docuit; neque se hac in parte imitatos, si viveret, jure vituperare posset. Idem ante nos viri doctissimi, qui *Cartesium* ceteris omnibus Philosophis præferebant, factitarunt. Ab eo discedentes, ipsa illa, quam tradidit methodo, non alia, quod erraverat, deprehenderunt; ideoque si singularia ejus dogmata non probent, viam saltem ab eo ostensam sibi calcatam, grato animo profiteantur necesse est. An autem meritò in suas ipsum interdum peccasse leges censuerimus, judicabunt harum rerum periti.

Haud raro ostendere quidem nos posse credidimus *Cartesium*, aliòsque rem acu non tetigisse, sed meliora afferre non potuimus; nisi rem sibi ignotam fateri, cum ignota est, quam notam simulare, aut perperam existimare, satius habeatur. Si veritatem ipsi invenire non potuimus, at eam, quæ secunda laus est, undecumque affulgebit, amplecti ideo paratiores nobis esse videbamur.

Ceterum stylo nostro tenui, nec ubique Latino, non est cur à Lectore veniam petamus. Romani ipsi, cum primùm Latinè philosophari cœperunt, multas dictiones procudere præsentì notâ coacti

A D L E C T O R E M.

coacti sunt, propter Linguæ suæ egestatem; quæ hodie nobis major est, qui haud paullò plura dicimus, quàm umquam cogitarunt hisce de rebus Veteres Romani. Ideoque scholasticarum vocum usus, hodie philosophantibus, vitio verti nequit. *Omne quod de re bona dilucidè dicitur Ciceroni ipsi præclare dici videtur. Istiusmodi enim res, eodem iudice, dicere ornatè velle, puerile sit; planè autem & perspicuè expedire posse, docti & intelligentis viri.*

In secunda tamen & tertia Batava Editione, innumeris in locis stylum nostrum refluximus, cum perspicuitatis causâ, tum etiam ne sine necessitate barbari fuisset videremur. Ad res etiam ipsas quod attinet, nonnulla emendavimus, atque adjecimus, ob quæ hæ Editiones prioribus multum anteferendæ sunt; quas qui habent, si nobis credant, abjicient, ut his utantur, si modò hæc nostra Opuscula usui eis esse possint. Ad didimus præterea nonnulla Veterum loca, sed non sæpe, quibus videbantur nostra confirmari, aut illustrari. Ea aliud agentibus occurrunt, nec datâ operâ ullum quærivimus; cum hic non auctoritate, sed ratione nitamur. Vale, LECTOR, & commodis tuis inservientibus favero.

LOGICA

Sive

ARS RATIOCINANDI.

P R Æ F A T I O.

*De Origine, Natura, Usu, & Divisione
Logices.*

1.



LOGICAM, spectatam summam,
tim, esse Artem ratiocinandi, X
ex quo ejus nomen auditum est,
omnes norunt. * A Zenone
Eleate, Parmenidis Auditore,
qui circiter cccc l annis ante
Christum floruit, inventa perhibetur. Post Ze-
nonem alii, præsertim Peripatetici & Stoici, Lo-
gicam excoluerunt, & novis observationibus im-
mane quantum, ut jam, vel mole suâ, molesta
facta sit, auxerunt.

2. Ut intelligantur origo & usus hujus Scien- X
tiæ, inventorum & excultorum Logices cognos-
cendus est scopus. Tempore Zenonis, & se-
quentibus etiam sæculis, Græci, præ ceteris Gen-
tibus, loquacitate, & cujusvis argumenti oppu-
gandi ac defendendi extemporaneâ facultate,
mirum in modum, delectabantur; ut ex univer-

Tomus I.

A

fa

* *Diog. Laërtius in Pref.*

sa Græcorum Historia, & præsertim vitis Philosophorum constat. Hoc cum animadverterent Dialectici, ex observatione sermonis hominum, quæfiverunt copiosæ orationis fontes, & rationes varias quibus solerent vera, aut falsa probari; atque inde Artem Dialecticam, quæ apud veteres Logicos, magna ex parte verborum potius est quam cogitationum, conficere se posse judicaverunt. Non ad investigationem veri, sed ad facilem tantum de omnibus disputationem, viam discipulis aperire studebant.

§. 2. Oppugnandi ac defendendi] Plutarchus in Pericle de ipso Zenone: διήκασε ὁ Περικλῆς καὶ Ζήνωνος, ὃ Ἐλεάτις ἐλεγχετοῖν πῦα καὶ δὲ εὐαντολογίας· εἰς δὲ πλείαν κατακλείσσειν ἐξασκήσαντος ἔξιν, ὥσπερ καὶ Τίμων Φλιασῶτος ἀρῆται διὰ τούτων.

Ἀποπτολεμαίου τοῦ μεγάλου ἀδελφοῦ τοῦ ἀπὸ τῆς Ζήνωνος πάντων ἐπιλέκτορος.

Andronic Pericles & Zenonem Eleatem qui reprehendendi quendam habitum, & contradictione ad perplexitatem deducentem sibi parassent, quemadmodum & Timon Phliasius hisce verbis, dixit: εἰς μαγνὴν, neque fallacem in utrumque linguam paratam habentis & omnia defendentis Zenonem.

3. Ut voti compotes fierent, primum ad quæ generalia nomine res omnes possent, aut solerent

LOGICES. 3

nam Universale, aut ad quam Categoriam referri posset; ac de ea ex Regulis positis, non ex intima rei cognitione, loquebantur. Itaque hæc Dialecticæ Pars Nomenclatura, seu Dictionarium fuit; cujus ope nomina quædam rebus imponebant, & memoriter ex Regulis seu veris, seu falsis, ratiocinabantur, ut ex illarum observationum interpretatione liquebit.

4. Hinc factum ut res vulgares admodum & omnibus notas, quasi reconditas doctrinas enunciarent, propter artem ad quam sua dicta exigebant; seu potius propter Dictionarium, quo constanter utebantur, & in quo etiam voces erant novæ, quibus serino quotidianus destitui videbatur. Ita si quis quæreret quid sit *Homo*? reposuisset Philosophus esse *Animal rationale*, ex ordine Categoriarum suarum; quod idem erat, ac si dixisset Homini imponi nomen *Animal*. Quærenti quid sit *Planta*? *Vivens animâ vegetativâ prædictum*, reposuisset. Sciscitanti quomodo *Animal* & *Vivens* differant? regeuisset, *Vivens* esse *Genus* Animalis, *Animal* verò *Speciem* Viventis; quod huc redit, nempe, in distributione Entium, apud Philosophos, *Vivens* nomen esse generalius seu quod pluribus tribuitur, quàm *Animal*. Si quis quæuisset quid sit id cui *Ratio* inest, quæve *Anima Vegetativa*? responsum accepisset animam rationalem esse *formam substantialem* hominis, animam vegetativam formam item substantialem plantarum. Urgenti nihil reposuisset, præter alia Dictionarii vocabula; quibus exhaustis denuo incepisset, si modò in iram non erupisset.

4 P R Æ F A T I O

5. Secundò, Dialectici quàm variè vocabula sita in Propositionibus; diètionibúsne, quæ universales vel particulares ideas significant, consent; quæ adverbia, ac conjunctiones usurpentur; atque inde quot genera sint Propositionum notarunt, & multa subtilia hac de re scripserunt, vera quidem ea ut plurimum, sed ferè inutilia; quoniam ipsâ praxi, vitæque usu, quidquid debet de hisce teneri nullo negotio discitur. Idem fecerunt, ac si quis artem saltandi edoctrurus Geometria uteretur, ad ostendendum quomodo pedes sint movendi, quæ figuræ saltando describi possint, aliâque quæ vera quidem, sed praxi ipsâ difficiliora essent.

§. 5. *Vera quidem ea &c.*] Æquissimum hac de re Chii Aristonis judicium: *ἰοικέον τὸς διζλεκτικὸς λόγος τοῖς ἀρχαίοις, ἂ καὶ τοῖς δοκῶντι περὶ τὸν τι ἐκφαίνεται ἔχρησά ἐστι.*

1b. *Idem fecerunt*] Ejusmodi Regularum nimis operosarum abusum similiter notavit Augustinus, de Doctr. Christ. Lib. II. c. 37. cum plerumque accidat, ut facilius homines eas res assentiantur, propter quas discendas ista discuntur, quàm talium præceptorum nodosissimas, & spinosissimas disciplinas. Tamquam si quispiam dare volens præcepta ambulandi, moneat non esse levandum pedem posteriorem, nisi cum posueris priorem; deinde minutim quemadmodum articulorum & poplitum catdines oporteat movere, describat. Vera enim dicit, nec aliter ambulari potest, sed facilius homines hac faciendo ambulant, quàm animadvertunt cum

L O G I C E S.

orationem non deducebant ex rei illius cognitione, sed ex Regulis artis; quas unicè, omiſſâ rei conſideratione, ſpectabant. Itaque dum anxii ſunt de uſu Regularum, ad verba tantum & methodum attenderunt; unde evenit ut hoc unum, ex eorum Scriptis, diſcere liceret, quo nomine afficerent rem aliquam in Philoſophicis ſuis Lexicis, & quo ordine nomina rerum colloca-
rent.

7. Nec reſpoſueris eos ſaltem vocibus illis aliquid ſignificaffe; etenim multæ fuere, quæ nihil ſignificarent, & de quibus tantum hoc norant, quâ occasione eſſent efferendæ. Aliæ verò adedò obſcuras ideas adjunctas in eorum animis habuerunt, ut ægerrimè poſſent diſtingui; aut adedò generales, ut nihil ſpeciale, quod uſui alicui eſſet, ſignificarent. Hunc deinde ſermonem tranſtulerunt ad alias Diſciplinās, præſertim Phyſicam, & *Scholasticorum* ævo, Theologiam; quæ etiamnum hodie, apud Dialecticorum cultores, adedò inanibus vocabulis refertæ ſunt, ut in Scholaſticis Syſtematibus nihil pænè diſcere liceat, niſi quibus nominibus res neſcio quæ Philoſophis & Theologis ignotæ inſigniantur, & quæ de nominibus illis definire Magiſtris viſum fuerit.

8. Hinc fiebat ut Logicæ, in vita communi, in qua ad Diſtionaria Philoſophorum, eorumque Methodum nullo modo reſpicitur, ſed res dumtaxat expenduntur, nullus eſſet uſus. Quicumque, operâ Dialecticæ aliquamdiu datâ, ad aliud vitæ genus ſe conferebant, ſtatim & vocabulorum & artis obliti, ipſâ experienciâ, quàm fruſtra tempus triviſſent, diſcebant.

6 P R Æ F A T I O.

9. Hæc cùm multorum sæculorum fuisset methodus, tandem exorti sunt viri præstantes, qui aliam viam iniverunt, & ostenderunt Logicam, non ut artem loquendi Philosophicis vocibus, tradi oportere; sed ut artem inveniendi veri, ejusque, vocibus omnibus notis & intellectis, efferendi, & simul cavendi ab erroribus in quos ipsi incauti incideremus, aut ab aliis conjiceremur.

10. Itaque in hac nostra Logica, ante omnia, præcepta, quibus non ad verborum, sed ad rerum cognitionem perveniri queat, trademus. Secundo loco, paucas voces præcipuas à Scholasticis adhibitas, Historiæ causâ, interpretabimur. Sed cùm hæc posterior Pars operis nostri non propter se, verùm propter consuetudinem, tractanda à nobis suscipiatur; in definitione Logices, rationem ejus nullam habemus. *Logica ars est bene ratiocinandi*, secundùm nos; non loquendi, aut disputandi, ex Scholarum methodo.

11. Eam in quatuor Partes dividimus. Primâ versabitur circa singulas ideas, quatenus de iis nihil affirmamus aut negamus. Scholastici *simplicem perceptionem*, quod eodem redit, materiam hujus partis faciunt, vocantque eam *primum modum differendi*. Secunda pars ideas conjunctas considerabit, seu *Enunciationes*, quæ sunt alter modus differendi. *Circulus* si nihil addas, sim-

LOGICES.

7

tradatur, quæ dispositio *Methodus* dici solet. Quarta denique docebit artem disponendi propositiones, ut veritatem contradicentibus probemus, quæ *Argumentationis* nomine designari, & *tertius differendi modus* vocari solet. Quidam Methodum, de qua in tertia Parte agetur, *quartum differendi modum* vocant; quod nomen seu admittatur, seu rejiciatur, perinde est.

12. *Objectum* solet vocari id circa quod Disciplina versatur, adeoque quatuor illa memorata *objectum Logice* dici solent. *Finis* est id ad quod tendit, quod est *bene ratiocinari*, & postquam bonâ ratiocinatione ad veritatis cognitionem pervenimus, eam aliis impartiri, si necesse sit.

13. Hinc satis apparet Logices maximum esse usum. Primum, inde petuntur subsidia, quibus possumus de omnibus rebus rectè ratiocinari; quod non est ita intelligendum, quasi haustâ hujus Disciplinæ cognitione, de quolibet proposito argumento dicere quis possit ex tempore, ut veteres Sophistæ & Scholastici faciebant. Hoc tantum volumus, Logicâ nobis aperiri viam, quam ingredi oportet, ut ad cognitionem, quanta potest adquiri, rerum perveniamus; & post diligens examen, quod interdum longum tempus postulat, judicium proferre & defendere contra dissentientes, eorumque placita oppugnare perspicuè & solidè queamus.

§. 13. *Inde petuntur subsidia*] Logicam egregiè laudavit Cicerò in Bruto, solâ hac ejus descriptione, ubi dixit juris civilis magnum usum apud multos fuisse, artem in uno Servio Sulpicio: quod numquam, inquit, effecisset solius juris scientia, nisi eam præterea didicisset artem. Quæ doceret rem universam distribuere in partes; latentem explicare definiendo, obscuram explanare interpretando; ambigua præmium videre, deinde distinguere, po-

stremò habere regulam quâ vera & falsa judicarentur; & qua-quibus positus essent, quaque non essent consequentia.

14. Secundò, cognitis vocibus, quibus Scholastici usi sunt, Historiam Philosophiæ præteritorum sæculorum discimus, atque unde sint multa Philosophica & Theologica placita orta cognoscimus. Præterea, ubi scimus quid significant voces illæ, periculum minus est, ne nobis imponent, qui eas certis occasionibus adhibere norunt, nève ubi Nomenclaturam suam recitant, aliquid auditu dignum dicere videantur.

§. 14. Huc pertinet quod de universa Dialectica dixit Seneca Ep. XLIX. seu Lib. VI. quinta. *Nec ego nego prospicienda ista; sed prospicienda tantùm & à limine salutanda, in hoc unum ne verba nobis dentur, & aliquid esse in illis magni ac secreti beniesse judicemus.*



L O G I C Æ

P A R S P R I M A.

De Ideis.

C A P U T I.

De Natura & Generibus Idearum.

1. **C**UM Philosophi verissimè, experientia unius cujusque teste, primam Mentis operationem esse rei, quæ illi obversatur, perceptionem simplicem, sine affirmatione aut negatione, observarint; necesse est inde Artis, quæ se ducem Menti profitetur, ad judicia de ideis ferenda, initium fieri. Itaque hoc in Libro ideas, quatenus simpliciter, secluso omni judicio, à nobis considerantur, expendemus.

2. *Ideam* in genere hic quidquid est *objectum immediatum mentis nostræ*, seu quod *menti immediate obversatur*, appellamus. Videntur omnes idæ originem vel occasionem, neque enim nobis satis constat quomodo procreentur, habere in sensibus & meditatione; hoc est, quidquid Menti nostræ obversatur id ei se se offerre; post perceptionem sensuum, aut meditationem Mentis; seu hæ causæ idearum, vel occasiones

10 L O G I C Æ P A R S I.

tantum sint. Facile hoc posset probari, si res esset hujus loci. Verum satis est, quod experientia postea comprobabit, hic poni.

§. 2. Vocem hanc primus usurpavit Plato, sensu paulum diverso, *Ideas* enim omnium specierum exemplaria *recepta*, quæ Deorum & hominum intellectibus obversari aiebat, vocavit. *Has rerum formas*, ait Cicero de Oratore n. 10. *appellat ideas ille non intelligendi solum, sed etiam dicendi gravissimus auditor & magister*, Plato, easque gigni negat, & ait semper esse, ac ratione & intelligentiâ contineri. Vide & Acad. Quæst. L. 1. n. 30.

3. I. Sunt *ideæ simplices & compositæ*. Simples vocamus eas in quibus, ne Mente quidem, plura distinguere possumus; compositas, quæ pluribus simplicibus constant. Harum idearum exempla, ut & sequentium specierum, postea proferemus.

4. II. Sunt *ideæ substantiarum & modorum*. *Substantiam* vocamus nescio quod obscurum subjectum, in quo sunt proprietates rerum quas novimus; *Modos* verò attributa substantiarum, quæ esse sola sine substantiis posse non intelligimus.

5. III. Inter substantias & substantias, modos & modos, item modos & substantias, sunt quædam *Relationes*. Nimirum, *consideratio unius includit considerationem alterius*, ideoque relatio inter ea esse dicitur.

D E I D E I S. C A P. I. II

7. V. Sunt ideæ magis, vel minus latè patentēs ; seu paucioribus aliis ideis conjunctæ comperiuntur, vel pluribus ; unde *singulares*, *particulares*, & *universales*, vocantur.

8. VI. Sunt ideæ *claræ* ; vel *obscuræ*. Claræ sunt omnes simplices, & eæ ex compositis, quarum omnes partes distinctè animo obversantur.

9. VII. Sunt ideæ *adequate*, vel *inadequate*. Adequatas vocamus eas, quæ omnes partes rei, cujus sunt imagines, complectuntur & Menti considerandas offerunt ; inadequate contra, quæ quasdam tantum partes rei, cujus sunt imagines, continent. Ideam autem dicimus imaginem esse alicujus rei, quia statuimus esse, aut posse esse aliquid extra nos, quod respondet, seu simile est ideæ, quæ est veluti imago in qua Mens rem considerat. Mens enim non adhæret immediate objectis quæ cernimus, quando ea animadvertit ; sed ea videt, ope idearum quæ, præsentè objecto externo, aut commoto cerebro, Menti se se offerunt. Ita igitur ideæ objectorum, ex quorum occasione excitantur, vocantur imagines.

10. Hæ sunt species idearum, ad quas omnes, ut quidem videtur, referri possunt. Eas singillatim expendemus, & quid in iis consideratū dignum, ad investigationem veritatis, occurret notabimus ; nec præcipuas de hisce observationes Veterum Philosophorum & Scholasticorum, omitteremus.

di posse partes , quibus dissolutis pereat motus ; & conjunctis oriatur denuò , quod licet in omnibus compositis deprehendere , faciliè animadvertemus.

6. Si ad ideas , quæ ex Mentis meditatione ortum ducunt , convertamur , multas quoque ejus esse simplicitatis , ut ne minima quidem partium distinctio locum in iis habere queat , comperiemus. Ita si consideremus quid sit *velle* , *velle* , *judicare* , & nitamur partes in iis ideis quærere , frustra nos esse illico videbimus.

7. Quamvis , ut jam dixi , in duratione sint partes , quarum alias aliæ antecedunt , si *existentiæ* ideam abstractam contemplemur , nullas etiam in ea partes deprehendemus ; nec est quod interroganti , quibus partibus constet existentia , respondeamus.

8. Non opus est plura idearum simplicium exempla colligamus. *Compositas* vocamus eas , in quibus varias ideas simplices , quæ distinguere & seorsim intelligi possunt , videmus. Ita *idea omnium corporum* sunt compositæ , cum in iis possimus partes quasvis sine aliis intelligere. Si Corpus considerem , superiores , inferiores ; anteriores , posteriores ; sinistras , dextrâsque partes clarè distinguo , deque quibusvis , omnis aliis , perspicuè cogitare possum. Si con-

9. Hac quidem in parte Logices, de judiciis non loquemur; veruntamen duo sunt magni momenti huc observanda, circa illas ideas, quæ ad judicia quæ de iis ferimus pertinent. Primum est, nos facile in eam opinionem delabi; esse aliquid extra nos, quod simile sit simplicibus nostris ideis, & ea corpora, quibus præsentibus & sensus nostros afficientibus, eæ nobis obversantur, aliquid consentaneum sensationibus nostris complecti. Ita colorem in objectorum superficie, odorem in corporibus odoratis, saporem in sapidis esse facile credimus.

10. Verùm totum hoc judicium unicè eo nititur, quod, præsentibus illis corporibus, eæ sensationes in nobis excitari soleant; quæ causa satis valida non est, cur necessario ejusmodi judicium ferendum sit. Quidni enim posset ita institutus esse naturæ ordo, ut tantum occasiones sensationum nostrarum ea essent corpora? Si autem hoc ita esset, posset effectus illi gigni ab alia causa; quæ aliquid simile in se haberet, licet corpora eo carerent. Imò hoc agnoscamus necesse est, si velimus stare alio quodam nostro judicio; in quod, ubi sensationes vividiores sunt, delabimur. Tunc enim in occasionibus sensationum nostrarum, quidquam simile sensationibus nostris esse non credimus. Ubi acu pungimur, numquam dicimus dolorem esse in acu, quod tamen dicere deberemus, si consentanea judicia de objectis ferre vellemus: quemadmodum dicimus odorem esse in rosa, colorem in panno, &c. Possemus ita ostendere nos tribuere objectis id quod

16 LOGICÆ PARS I.

quod in nobis est , ut non esset contradic-
tioni locus , verum hoc * ad Physicam pertinet ;
satis hîc fuerit observasse , ea judicia esse teme-
raria.

11. Secundum , quod hoc in loco de ideis
simplicibus animadvertere operæ pretium est ,
pertinet ad definitiones earum idearum. Nem-
pe, Philosophi Scholastici magno labore conati
sunt definire quæ definiri non poterant ; quod
hac ratiocinatione liquet. Definitio adhibetur,
ut ostendatur clariùs quàm solo rei nomine pro-
lato fit , quid norimus in re aliqua ; hîc au-
tem id ostendere non possumus , nisi unicâ vo-
ce , quæ nomen est ideæ , seu aliis planè syno-
nymis ; quarum intelligentia à cognitione Lin-
guæ quâ utimur , & sensu ejus quem alloquimur ,
pendet.

12. Ita si quis non intelligat quid sit *color ru-*
ber , eas voces exprimam synonymis vocibus , si
mihi suppetant ; aut aliâ linguâ efferam , quæ
fit ei notior ; aut denique oblato ei corpore ,
quod *rubrum* soleo vocare , dicam : hoc quod
sentio , cùm id corpus inspicio , *rubrum* me vo-
care. Verùm si quis numquam simplicem ejus-
modi ideam habuisset , neque in se , eodem mo-
do ac ego , excitare posset , omnia verba inutilia
forent. Cæco nato nulla definitio ita explicaret

D E I D E I S. C A R. I I. 87

Peripateticis : *Actus entis in potentia, quatenus in potentia*, quæ definitio obscurissima est; nec multò clariùs à Recentioribus : *mutatio sitûs*, quoniam hæc vocabula non sunt clariora voce *motûs*, & præterea inde sequitur, cum aliquis in campo ambulat, non minùs campum quàm ipsum moveri.

14. Definitio locum tantùm habet in ideis compositis, est enim præcipuarum idearum simplicium, quæ in iis continentur, enumeratio. Ita *linea recta* potest definiri, quia ideis duarum extremitatum, & punctorum variorum, inter duas extremitates certo modo sitorum, constat. Est nempe *omnium brevissima*, quæ inter duo puncta possit duci. Potest definiri *ira*, perturbatio corporis & animi, quæ oritur ex præsentia ideæ molestæ, alicujus culpâ nobis obversantis. In ira enim est 1. vehemens commotio corporis : 2. animi ardor haud levis : 3. idea molesta ei obversans : 4. culpa alicujus, quâ fit ut illa idea excitetur. Ita indignamur ob maledicta, in quibus præcipuè occurrunt duo posteriora; quæ & animum & corpus nostrum commovent.

15. Possit hîc & tertia animadversio. addi; nempe., nobis utrum omnibus hominibus sint eadem ideæ simplices non constare; unde sequitur scire nos non posse, utrum perfectè nos invicem intelligamus; nam cum ideæ simplices sint compositarum materia, si idearum simplicium nomina sint ambigua, nos in compositis fluctuare necesse est. Verùm cum hoc subtilius est, quàm ut hîc possit excuti, tum etiam ad intelligentiam sermonis aliorum, quàm ad Veritatis investigationem, potiùs pertinet.

C A.

CAPUT III.

De Ideis Substantiarum & Modorum.

1. **A**ltera classis idearum, animo nostro obversantium, est *Substantiarum & Modorum*. Intelligimus enim omnia, aut quasi seorsim & per se; aut in aliis esse, ita ut sine illis existentiam hisce tribuere nequeamus. Priora *Substantias & Subjecta*, posteriora *Modos, & Accidentia* vocamus. Exempli causâ, quando animo obversantur *cera & figura* aliqua, ut rotunditas; ceram intelligimus quasi rem, quæ sine rotunditate, aut alia ejuscemodi figura esse potest; quia nobis experientiâ constat figuras, sine interitu ceræ, posse mutari. Dicimus itaque ceram esse substantiam. Contrâ rotunditatem consideramus ita quasi ceræ inhaerentem, aut alii cuivis subjecto, cui inest, ut seorsim sine ejusmodi subjecto esse nequeat; neque enim rotunditatem esse sine corpore rotundo, intelligere possumus. Hanc ergo *modum*, vel *accidens* substantiæ vocamus.

2. Si abstractiones excipias, semper consideramus res quasi *modificatas*; hoc est, substantias quibusdam modis vestitas. Substantias & mo-

sola; ut *Stadium*, quatenus est mensura viæ; complectitur enim modos uniformes, nempe, *passus*, aut *pedes*. Aliæ verò constant modis variarum specierum, qualis est idea *Ira*, quam suprà definiimus, & ideæ affectuum reliquorum, virtutumque & vitiorum.

4. Denique sunt ideæ compositæ collectione variarum substantiarum similium, quales sunt ideæ *exercitus*, qui est ex pluribus militibus; *civitatis*, quæ constat pluribus civibus; *gregis*, qui compositus est pluribus pecudibus, &c. aut collectione idearum dissimilium substantiarum, qualis est idea materiæ, quâ *domus*, *navis*, *condimentum*, &c. constant. Atque in hisce ideis, non tantum substantiæ, quatenus tales, considerantur; sed etiam quatenus certis modis vestitæ, unde nascuntur ideæ valde compositæ.

5. Substantiæ, in genere consideratæ, definiuntur *res per se existentes*; sed tunc considerantur abstractè, seu non attendendo ullam singularem substantiam quæ actu sit. Eo sensu, satis quidem clarum est quid intelligamus voce *Substantie*; sed quia nulla substantia in genere est, nisi in ideis nostris; ubi consideramus substantias quæ re verâ sunt, res alio modo se habet. Substantiarum singularum ideæ obscurissimæ sunt, nec quidquam earum nominibus intelligimus; nisi subiecta nescio quæ ignota, in quibus quædam constanter unâ sunt proprietates. Ita, si quærat a nobis quæ sit substantia, quam *corpus* vocamus? nihil erit quod reponamus, nisi esse subiectum ignotum, in quo *extensio*, *divisibilitas*, & *impenetrabilitas* constanter unâ sunt, ut divellinequeant.

6. Ne

20 LOGICÆ PARS I.

6. Ne hoc in dubium revocetur, ostendam vocibus *substantia extensa, divisibilis, solida, mobilis, figurata*, rem obscurissimam designari. Nihil hæ voces significant, nisi subiectum ignotum, cujus una proprietas est, ut constet aliis subiectis ignotis seu substantiis, juxta se invicem positis; & ejus naturæ ut nullam ideam habeamus unius ex iis substantiis, quibus dicimus corpus constare. Nullam enim ideam affirmare possumus, *esse ideam unice substantiæ, qualibus corpora composita sunt*; cum nullam ideam substantiæ corporeæ habeamus, quæ non innumeras substantias complectatur. Itaque si velimus id quod intelligimus, nomine *corporeæ substantiæ*, efferre, dicemus esse *compagem ignotorum Entium, quorum aliquot proprietates novimus*.

7. Idem judicium ferendum de reliquis substantiis, *spiritualibus*, nempe, (an aliæ sint hîc non quærimus) videbit quicumque earum ideas diligenter expendet, nec se finet inanibus vocibus falli. In Mente nostra, ex qua colligimus ideam naturæ spirituum, videmus varias cogitationes; sed quidnam sit illud subiectum, cui insunt cogitationes, ignoramus.

8. Novimus quidem Philosophos solum dicere, proprietates easdem esse cum subiecto; verum semet ipsi fallunt voce *subiecti*, quæ,

D E I D E I S. CAP. III. 21

norant, quasi omnes rerum internas proprietates cognitās haberent.

9. Utile est, ut ad rerum cognitionem, quantum fieri potest, perveniamus, distinguere in iis subjectis, quæ Substantiæ à nobis vocantur, ea sine quibus has intelligere possumus, seu *modos*, ab iis sine quibus à nobis intelligi nequeunt. Hoc autem fit, attentè de subjectis illis cogitando, tunc enim quædam esse, quæ si subjectis eriperentur, à nobis subjectorum natura mutata crederetur; alia verò eripi subjectis posse, eadem manente naturâ, facile videmus. Attamen hîc etiam maximum est erroris periculum, quod prætermittunt vulgò Philosophi, ut ostendamus ubi de *Generibus & Specibus* agemus.

10. Ceterum modi distinguuntur vulgò in *internos*, qui intelliguntur quasi inhærentes substantiæ, ut *rotunditas*, &c. & *externos*, ut cum rem quampiam *desideratam*, *amatam*, *conspicuatam* dicimus, aliâque similia; quæ *denominationes externæ & secundæ intentiones* à Scholasticis, à nobis verò potius *Relationes*, de quibus postea agemus, vocantur.

11. Sunt etiam modi, qui sunt simul *substantiæ*, ut vestes, capilli, &c. Hi appellantur à Scholasticis *accidentia prædicabilia*, sine quibus subjectum esse potest; cum illi possint quoque sine subjecto esse. Sed *accidentia prædicamentalia* vocant ea, sine quibus subjectum esse potest, at quæ sine subjecto esse nequeunt, ut rotunditas.

12. Philosophi Scholastici ita loquuntur de nescio qua Materia prima, quâ constant, uti aiunt,

22 LOGICÆ PARS I.

aiunt, omnia corpora; ut eam describant, quasi sine attributis ullis, seu modis intelligi possët. Est enim *neque quid, neque quantum, neque quale, neque quidquam eorum, quibus ens denominatur*. Sed est merum figmentum, neque ullam substantiam sine modis, aut inseparabilibus, aut separabilibus animo concipimus; quod unusquisque deprehendet, si semet ipse attentè consulat.

13. Ad ideas verò quod attinet, quas diximus componi modis & substantiis variè conjunctis, quædam dicuntur *reales*; nimirum, quarum Archetypa, seu res quarum sunt ideæ, re verâ sunt, aut esse saltem creduntur; aliæ vero *racionales*, cùm, nempe, volente Mente, variæ ideæ unâ conjunguntur, ut cùm consideramus baculum ad stellas pertingentem. Hæc dicuntur etiam *Entia rationis*.

14. Ceterùm necesse est in ideis compositis diligenter observare, quotuplicibus & quàm multis ideis consent; ut fusiùs ostendemus, ubi ordo nos ad obscuritatem & perspicuitatem idearum considerandam deduxerit. Quod breviter hîc notamus, ne sollicita illa distinctio idearum compositarum ex substantiis & modis, licèt vera, supervacanea videatur.

DE IDEIS. CAP. IV. 23

tur tamen modo ejus aliquo. Eas vocamus *Relationes*, quibus fit ut consideratio rei alicujus alius considerationem includat. Ita cum *Patrem* aliquem appello, ea denominatio nititur eo quod is, quem hocce vocabulo afficio, liberos procreaverit, & considerationem liberorum complectitur.

2. Quælibet idea, si eam certo modo expendamus, potest esse fundamentum relationis; hoc est, aliquâ sui proprietate nos ad considerationem alius ideæ deducere. Ita quæcumque sunt in Creatorem & Creaturas dividi possunt, qui sunt *termini*, ut vocantur, *correlati*; appellatio enim Creatoris includit cogitationem de Creatura, & vice versâ.

3. Sunt autem innumeræ relationes, possunt enim esse inter substantias & substantias, modos & modos, modos & substantias, relationes & substantias, relationes & modos, relationes & relationes. Nam nulla res est quæ non possit alterius cogitationem excitare, cum pro arbitrio ideæ à nobis conjungantur. Verùm iis subtiliter excutiendis tempus non teremus; quædam potiùs majoris momenti, quæ ad relationes in genere consideratas pertinent, observabimus.

4. Sæpissimè consideramus quasi *absolutas*, seu nullam relationem includentes ideas, quæ necessariò tamen ad alias referuntur. Ita *magnum* quidquam vocare nequimus, quin idea, quæ respondet ei voci, sit relativa. Etenim magna, in certa specie, quæ sunt maxima inter res ejusdem speciei nobis notas, vocamus. *Magnus* est *mons*, qui æquat maximos eorum montium, quos

24 LOGICÆ PARS I.

quos viderimus. *Profunda* vallis, quæ est depressa inter eas quas novimus. *Alta* turris, quæ multas altiores, in eo turrium genere, non vidimus. *Longa* via, ad quam conficiendam pluribus opus est diebus, quàm ad aliam peragrandam; vel etiam quam sine lassitudine, pro eo statu in quo sumus, ætatis, morbi, virium, aliarumque similium circumstantiarum, conficere nequimus. *Lata* regio est, quæ patriâ nostrâ, aut aliis regionibus quas novimus, latior est.

5. Ad numerum quod attinet, *ingens* numerus est earum rerum, de quibus sermo est, quo multò majores plurimos esse ignoramus. *Parvus* est vice versâ, quo multò minores, in iisdem circumstantiis, plurimos esse nobis non constat. Ita apud Græcos olim *ingens* fuit numerus militum Græcorum, si sexaginta millia militum essent, quia rarè aut numquam in Græcia exercitus majores Græcis constantes conscripti sunt. Contra, apud Persas, *ingens* dici non potuit, sed potius *parvus*; quoniam Persarum Reges multò majores solebant colligere.

6. Si tempus spectemus, quidquid *longum* vel *breve* vocamus, ita dicitur cum relatione ad alia. Sic cum *Masinissa* Numidiæ Rex dicitur fuisse longævus, quod vixerit ultra XC

DE IDEIS. CAP. IV. 25

pus expectanti, aut ægro, quod occupato & valenti *breve* vocatur.

7. *Grave* pondus puero, foeminae imbecillae, seni, languenti, quod viro robusto & toroso *leve* est. *Levis* clava fuit Herculi, quae Omphalæ gravissima erat. *Levis* hasta Achillis ipsi fuit, quam alius vibrare non potuisset. *Ægrotanti* pondus fit *grave*, quod eidem valenti *leve* fuit.

8. Eadem est ratio dotium animi. Magnum ingenium, vastam eruditionem, tenacem memoriam, summam prudentiam, temperantiam, justitiam tribuimus viris; qui inter nos, pro more gentis nostræ, iis excellunt, & qui sæpe apud alias mediocria omnia habere censerentur. Aliud etiam *magna eruditio* in ore hominis imperiti, aliud in ore hominis doctioris significat; apud Doctos enim eæ voces multò latius, quam apud ignarum vulgus, patent.

9. Denique omnes modi cum Animorum, tum Corporum, qui possunt augeri aut minui, sunt idearum relativarum Prototypa. Atque hoc adtentè est observandum, quoniam est ingens earum numerus; quæ si cum absolutis ideis confundantur, magnos parient errores, nève aliorum sermonem intelligere possimus impediant.

10. Hic etiam breviter animadvertendum, iudicia nostra nihil aliud esse, quàm perceptiones relationum inter varias ideas, in quibus perceptionibus Mens nostra adquiescit. Ita quando judicamus bis 2 esse 4, aut bis 2 non esse 5, Mens animadvertit relationem æqualitatis quæ est inter bis 2 & 4, & relationem inæquali-

Tomus I.

B

tatis

26 LOGICÆ PARS I.

tatis quæ est inter bis 2 & 5; in qua perceptione, quippe evidenti, Mens acquiescit, seu non amplius expendit utrum vera sit. Sed hac de re pluribus, in secunda Logices Parte, agemus.

11. Ratiocinatio est etiam similis perceptio relationum, cum Mentis acquiescentia conjuncta. Verum non est perceptio relationum, quæ sunt inter varias res, sed relationum quas relationes ipsæ habent inter se. Sic, ubi colligo ex eo quod 4 sit minor numerus quàm 6, & bis 2. æquent 4, bis duo minorem esse numerum quàm sex; percipio relationem inæqualitatis quæ est inter relationem numeri bis 2 & quaternarii, & relationem quaternarii & senarii; in qua perceptione acquiescens, concludo minorem esse numerum senario. Verum hæc pertinent ad tertiam & quartam Logices Partem.

12. Hoc paucis animadvertendum duximus, ne inanis videretur distinctio illa variarum relationum quam initio attulimus; quoniam nisi hanc teneamus, non intelligimus quid mens nostra in judicando & ratiocinando agat.

C A P U T V.

DE IDEIS. CAP. V. 27

ulla est adeò composita, aut inusitata, quin ad hæc tria revocari, atque in ea-resolvi queat. Possumus itaque omnia Entia, si ita videatur, ad tria hæc capita componere.

2. *Aristoteli* tamen, ejusque discipulis visum est omnia Entia referre ad decem Classes, quarum una est *Substantia*, reliquæ *Accidentium*. Si voluissent tantum quædam capita pro arbitrio fingere, de quibus in Logica agerent; hoc unum circa hanc divisionem queri possemus, quod non sit satis commoda. Verum existimarunt se omnes regulas legitimæ Divisionis hinc observasse, atque inde in Physicis deducunt argumenta, quasi ex demonstratis principiis; quare meritò ineptam divisionem jactari quasi accuratam, & inde inania duci consuetaria, queri possumus. Eam primum proferemus, deinde quædam vitiosa in ea observabimus.

3. Prima *Categoria*, seu primum *Predicamentum* est *Substantia*, seu res per se subsistens, ad quam referunt substantiam spirituales, & corpoream, & sub hac collocant viventem, & non viventem; sub vivente plantas & animalia; sub non vivente reliqua corpora, & ita porro subdivisionibus pergunt omnia in certas species parti.

4. Reliquæ *Categoriæ* sunt *Accidentium*, seu rerum quæ per se non sunt. Secunda ergo est *Quantitatis*, quæ duplex esse dicitur: *Discreta*, cum partes ejus nullo vinculo connexæ sunt, ut numerus: *Continua*, quando sunt connexæ; eaque subdivisa in *successivam*, quales sunt tempus & motus, & *permanentem*, quæ aliter dicitur

28 LOGICÆ PARS I.

spatium, seu extensio in longum, latum & profundum.

5. Tertia Categoria est *Qualitatis*, cujus Aristoteles quatuor species distinguit. Prima est *Habituum*, hoc est, dispositionum animi & corporis, quæ iteratis actibus adquiruntur, quales sunt scientiæ, virtutes, vitia, artes &c. Secunda est *Potentiarum naturalium*, facultatum, nempe, animi & corporis, ut sunt intellectus, voluntas, sensus &c. Tertia *Qualitatum sensibilibus*, ut durities, mollities, calor, frigus &c. Quarta *formæ viventium & figuræ inanimatorum*, quæ sunt determinationes externæ quantitatis.

6. Quarta Categoria est *Relationis*, quam supra definiimus. *Correlata* dicuntur, quorum unum considerationem alterius includit, ita ut posito uno alterum ponatur. Huc facit etiam distinctio *Oppositorum*, quorum unum est cum altero incompatible, ut *albor* & *nigror*: *Contrariorum*, quæ ita sunt comparata ut aliquid sit in natura unius, quod non est in natura alterius, ut numeri par & impar: *Disparatorum*, quorum unum aliis pluribus eadem ratione opponitur, ut *albus color viridi, flavo & ceruleo*: *Contradictorium*, quorum unum alterum planè negat, ut *Deus non Deus*: *Privationis oppositorum*, ut

DE IDEIS. CAP. V. 29

7. Sexta est *Passionis*, quæ verbis passivis *verberari*, *cædi*, *calefieri* &c. exprimitur.

9. Septima & *Ubi*, five loci, quæ hujusmodi loquutionibus, *esse Amstelodami*, *in lecto*, *in museo* &c. significatur.

10. Octava & *Quando*, seu temporis, quæ adverbis temporis aliisque ejusmodi vocibus, ut *olim*, *nuper*, *heri*, &c. designatur.

11. Nona est *Sitûs*, quæ significatur verbis *stare*, *cubare*, *sedere* &c.

12. Decima denique *Habitûs*, ad quam pertinent quæcumque circa corpus habentur, vestitûs, aut ornamenti causâ, ut *vestis*, *corona* &c.

13. Peripatetici de hisce omnibus singillatim agunt, magnâ subtilitate. Axiomata tradunt de Categoriis, iisque quæ ad eas referuntur, vera quidem illa in plurimis, sed inutilia; quoniam sunt omnibus, vel minimâ vitæ experienciâ, notissima.

14. Ceterum hæc est tantum nomenclatura quædam, ad quam Aristoteles omnia Entia referri voluit, hausta ex vulgi loquutionibus, nisi quod novâ appellatione *Κατηγοριαι* vocatæ sunt omnes hæc classes. Itaque nihil inde discas, nisi quo nomine Entia Aristoteles affecerit; quæ cognitio tanti non est, ut propterea tempus utilioribus studiis collocandum teratur.

15. Deinde quare Aristoteles *substantiam* in genere memorat, nulla ejus additâ specie; Accidente verò in genere omisso, novem ejus tradit classes? Debuisset etiam, si accuratus esse voluisset, omnes Accidentium species memorare, non quasdam tantum pro arbitrio seligere.

20 LOGICÆ PARS I.

Omisit autem, exempli causâ, *quietem*, accidens corporum; aliâque accidentia spirituum, quæ nequeunt referri ad hæc classes. *Universales* etiam *ideæ* non continentur hisce Categoriis, ut *species*, *genus*, *differentia* &c. Igitur ea divisio nequaquam divisio adæquata est, ac proinde accurata haberi nequit.

C A P U T VI.

De Ideis qua sine ulla Mentis operatione ei observantur, & iis in quibus formandis intercedit aliqua Mentis operatio.

1. **S**UNT ideæ, quæ à Mente tantùm considerantur, sine ulla additione, aut detraktionem. Ejusmodi sunt simplices omnes, quæ nequaquam pendent à Mentis arbitrio, sũntque seu velit, seu nolit, semper eadem. Ita in dolorem, vel voluptatem nullum imperium habet; & reliquas ideas simplices, quas suprà memoravimus, ejus naturæ esse experitur, ut si quid detrahare nitatur, pereant prorsus; si quid addere velit, incolumi earum simplicitate, non liceat.

2. Ad eandem classẽ referri possunt compo-

DE IDEIS. CAP. VI. 31

Mentem non adpellunt, sed ab ea pro arbitrio componuntur. Ita conjungendo ideas dimidii corporis humani & dimidii equini, idea *Centauri* formatur; quod non aliter fit, quàm Mente volente Centauri imaginem sibi obverfari, vel confiderante fimul corpus humanum à cingulo ad caput, & corpus equinum reſecto capite. Ea enim vis Mentis noſtræ, ut quævis, quæ non repugnant, connectere contemplatione, & quidquid videtur omittere poſſit. Hæc ideas, ita compoſitæ à Mente, vocantur *Phantæſtica*.

4. Quemadmodum Mens cōjūctim contemplari quæ realiter, ſeu extra ipſam conjuncta non ſunt: ita etiam diviſim conſiderare, ea quæ diviſim non ſunt, poteſt. Atque ejusmodi contemplatio, quæ vocatur *abſtractio*, ad ideas compoſitas accuratè expendendas, utiliffima eſt. Si enim paulò ampliori numero partium conſtent, eas omnes videre ſimul animo diſtinctè non poſſumus; itaque conducit eas ſingillatim, omiſſis aliquantisper aliis, expendere poſſe.

5. Abſtractio autem fit, tribus potiſſimum modis. Primò, Mens partem rei realiter ab ea diſtinctam, ut brachium hominis, omiſſâ contemplatione reliqui corporis, poteſt intueri. Verùm hæc non eſt propriè dicta *abſtractio*, quia brachium eſt, etiam ſine intervenſu Mentis, à corpore ſeparatum; licèt ita vivere, hoc eſt, ali, augeri ac moveri non poſſit.

6. Secundò, per abſtractionem, cogitamus de modo ſubſtantię, omiſſâ ipſâ ſubſtantiâ, vel modos ſimul in eodem ſubjecto exiſtentes ſingillatim conſideramus. Hac abſtractione utuntur

32 LOGICÆ PARS I.

Geometræ, ubi considerant separatim longitudinem corporis, quam vocant *lineam*, planè omisâ latitudine & profunditate; dein longitudinem & latitudinem tantum, quas conjunctim vocant *superficiem*. Ita quoque per abstractionem à motu distinguere determinationem motûs, versùs certam partem, possumus.

7. Tertiò, per abstractionem, omittimus modos & relationes rei cujusdam singularis, si universalem ideam formamus. Ita, ubi volumus intelligere *rem cogitantem* in genere, ex nostra ipsorum conscientia colligimus quid sit cogitare; & omisâ consideratione eorum, quæ peculiariter ad Mentem nostram pertinent, cogitamus de re cogitante in genere. Ita ideæ ex singularibus fiunt universales.

8. Circa memoratas in hoc Capite ideas, hæc sunt observanda, ne malè de iis judicemus. Primò, ideæ quæ sine mentis operatione sese ei ingerunt, necessariò ab externa causa excitantur, & Menti obijciuntur quales sunt. Sed cavendum ne putemus semper in iis rebus, à quibus videntur excitari ideæ, esse aliquid ideis simile; quia, ut alibi diximus, fortè non sunt veræ causæ à quibus procreantur ideæ, sed tantum occasiones. Suspicionem hanc maximè augere debet, quod in somniis experimur: ubi ex

DE IDEIS. CAP. VI. 33

9: Secundo loco ; circa ideas à Mente compositas , nisi manifestò nobis constet experientiâ numquam eas conjunctim fuisse , faciliè primùm posse talium idearum Archetypa existere , deinde etiam esse re ipsâ in animum inducimus. Ita postquàm Peripatetici conjunxerunt Mente , in omnibus compositis ideis rerum corporearum , ideam abstractam *materiae* (si idea possit vocari quod est merè negativum) cum idea abstracta *formae* , seu nescio cujus substantiæ , per quam , ut aiunt , *res est id quod est* , quibus , instar subiecti , inessent variæ proprietates ; aliquid tale esse , quod nullibi existit , nisi in eorum ideis , contenderunt.

10. Imò etiam ideas simplices abstractas seorsim esse putarunt Scholasticorum nonnulli. Ita , per abstractionem cogitarunt de *Humanitate* , omisâ hominis consideratione , & inde concluderunt Humanitatem esse aliquid , in singulis hominibus , ab iis distinctum ; adeò ut dixerint *Petrum* , exempli gratiâ , esse *concretum* (ita vocatur quod *abstracto* oppositum est) atque ex duabus abstractis naturis *Petritate* , quæ ei peculiaris est , & *Humanitate* , quam habet cum reliquis hominibus communem , consistare.

[§. 30. *Seorsim esse* &c.] Ante alios omnes *Parmenides* & *Plato* hunc errorem errasse feruntur , dum *ideas* suas , id est , specierum omnium paradigmata quædam *reses* , quasi existentia describunt. Vid. *Critica* P. II. S. 2. C. V. Hinc ficta nomina *τὸ πρῶτον* & *τὸ δεύτερον* quæ irridentur à *Diogene Cynico* , apud *Lærtium*. Lib. VI. §. 53.

34 LOGICÆ PARS I.

11. Hinc quoque factum ut Physici contenderint dari *puncta*, sine partibus; quia talia, per abstractionem, docendi causâ à Mathematicis finguntur; & eandem ob rationem, existere *lineas* punctis constantes sine latitudine & profunditate, *superficiesque* etiam sine profunditate; quæ tamen demonstrationibus opposita sunt.

12. Ab alio etiam cavendum hîc est peccato, in quod frequenter delapsi sunt, aliosque secum traxerunt Scholastici. Nempe, postquam abstractione quædam distinxissent, ea tamquam reverâ sejuncta, & quasi separata Entia, reputarunt. Sic postquam per abstractionem distinxissent Intellectum, & Voluntatem ab ipsa Mente humana; dein in Intellectu considerassent id quod fit, ubi ei obversantur ideæ, de quarum veritate aut falsitate judicium ferendum est, aut ubi quæritur quid agendum sit; distinxissentque Intellectum *theoreticum* à *præctico*; ita loquuti sunt, quasi non modò tres essent in Mente distinctæ facultates, sed etiam quasi Entia diversa tria Mentem constituerent; & varia axiomata, ex quibus de Intellectuum illorum & Voluntatis actionibus loquerentur, sinxerunt.

CAPUT VII.

*De Ideis Individualibus, Particularibus
& Universalibus.*

1. Q UOD de abstractionibus diximus, ad considerationem idearum, quatenus Individuales, Particulares, ac Universales sunt, nos deducit; etenim ex individualibus, particulares ac universales per abstractionem fiunt; qua in re, hac ratione progredimur. Si nosmet ipsi consideremus, aut hominem nobis obversantem Mente contemplemur, obversatur nobis *idea individuali*, seu *idea individualis*. Si verò, omittis iis quæ mihi & illi homini singularia sunt, nobis communia cum aliquot hominibus animo versem, qualia sunt natum esse sub eodem cælo, eadem placita fovere, & similia; *idea particularis* gentis, aut familiæ animo meo se offert. Denique si, ne iis quidem, quorum mecum participes sunt aliquot homines, consideratis, de iis quæ mihi cum toto genere humano communia sunt cogitem, est in animo meo *idea universalis*.

2. Nomina, quibus individuales ideæ significantur, dicuntur *propria*, ut *Alexander, Cæsar*; ea verò quibus ideæ particulares & universales exprimiuntur *appellativa*, ut *Gallus, Christianus, Homo*.

3. Porro in iis ideis possunt distingui *Proprietates*, quas in iis constanter conjunctas videmus, & *Subiecta* externa ideis consentanea,

36 LOGICÆ PARS II

seu quibus ideæ conveniunt. Ita in idea hominis, videmus Mentem cogitantem, & Corpus certis organis constans; ea autem idea Europæ, Asiæ, Africæ & Americæ incolis convenit.

4. Philosophi quinque potissimum ideis abstractis, quæ possunt prædicari de omnibus subjectis nobis notis, *Universalium*, vel *Prædicabilium*, nomen attribuerunt; postquam eas, per abstractionem, formarunt.

5. Prima idea vocatur *Genus*, & significat proprietates quæ conveniunt multis ideis universalibus, sed quæ minùs latè patent. Ita *Ens* convenit *Substantiæ* & *Accidenti*, quæ sunt ideæ universales quidem, sed arctiores quàm idea Entis; nam omnis quidem substantia est Ens, sed non omne Ens substantia est.

6. Secunda dicitur *Species*, quales sunt *Substantia* & *Accidens*, quæ sunt species Entis. Hæ autem ideæ, respectu universaliorum idearum, species; respectu minùs universalium, genera vocantur. Sic Accidens est species respectu Entis, genus verò respectu *internorum* & *externorum* accidentium, de quibus suprà diximus. Observandum tamen esse quamdam speciem, quæ infima dicitur, & quæ continet *individua*, seu singula subiecta, ut *circulus*, qui tantum

tueri dicitur. Cum distinguit speciem ab alia specie, vocatur *specifica*; cum verò individua tantum ejusdem speciei ejus ope distinguuntur à se invicem, *numerica* dicitur. Differentia ab una proprietate præcipua, vel ab aliquot præcipuis petitur. Ita differentia specifica circuli, quâ distinguitur ab omnibus aliis planarum figurarum speciebus, est *habere circumferentiam æqualiter undequaque à centro distantem*. Numerica vero circuli alicujus est magnitudo, situs, res cui inhæret, aut alia similia; quæ plura, quando unum non sufficit, conjunguntur.

8. Quarta idea est *Proprium* desumptum ex attributo rei, quod minus præcipuum judicatur. Ita proprium circuli est *non posse quadrari*, seu mensurari eadem mensurâ toties repetitâ, quoties repetetur in mensuranda quadrata figura. *Proprium* porro, ex sermone vulgi, observatum est quadrupliciter dici. 1. *Proprium quod convenit omni, & soli speciei, sed non semper*. Omnes homines, & quidem soli, loquuntur, sed non semper. 2. *Quod convenit soli, sed non omni*; ita homini convenit soli *Medicum, Jurisconsultum* esse, licet omnes homines eas disciplinas non profiteantur. 3. *Quod convenit omni, sed non soli*, ut *cogitatio*, quæ convenit omni homini, sed non soli. 4. *Quod convenit omni, soli & semper*, ut Corpus habere conjunctum Menti, reciproco quodam motuum & cogitationum æstu, omni & soli homini & quidem semper convenit.

38 LOGICÆ PARS I.

9. Quinta dicitur *Accidens*, qualia sunt omnia ea attributa rerum, sine quibus attributis res esse posse à nobis intelliguntur; seu ea attributa sint substantiæ, ut *capilli*, sine quibus homines esse queunt; seu modi substantiis inhærentes, ut rotunditas respectu ceræ.

10. Multa subtiliter Philosophi de hisce Universalibus disputant, quæ vel si vera essent, inutilia forent ad nos ad veritatem vulgò ignotam tutiùs deducendos. Idèd à nobis omittuntur, qui satis ducimus præcipuas opinionum illarum nosse; cùm nulla vita satis longa futura esset, si quis omnium Philosophorum nugas excutere accuratè vellet.

11. Observabimus potiùs, quæ dicuntur de quatuor primis Universalibus, ea niti hac opinione, rerum, quæ ad ea referuntur, *Essentias esse notas*; quod sine animadversione prætermittendum non est. Sunt enim sine dubio in rebus omnibus *Essentiæ*, per quas sunt id quod sunt, ut loquuntur Metaphysici; sed ferè nobis ignotæ sunt.

12. Novimus quidem in rebus, quas sub certis Generibus & Speciebus collocamus, varia attributa; unde id quod præcipuum videtur seligimus, in eoque sitam rei essentiam dicimus. Ita dum deprehendere nitimur, quid in Mente

déo; Ergo nihil est præterea; nisi aliunde mihi constet cognitionem meam naturæ rei esse adæquatam; quod ab substantias quod attinet, nulli constat. Secundò, cùm singulæ cogitationes sint modi, quæritur semper cui subjecto inhæreant; cui objectioni numquam satisfecerunt Cartesiani.

13. Cùm eadem sit ratio substantiarum reliquarum, quemadmodum de corporeis alibi ostendimus; inde sequitur, quando eas, pro *essentialis* illarum, in certas species certaque genera distribuimus, non pro intimis essentialibus nobis ignotis, sed proprietatibus, quas in iis deprehendimus, id fieri. Itaque tota illa distributio substantiarum, in genera & species, admodum nobis debet esse suspecta; quoniam fortè ad diversas species ea quæ eandem habent intimam essentialitatem, quòd diversas in iis animadvertamus proprietates, referimus. Quod idem est ac si quis varias species hominum fingeret, ex eorum vestibus.

14. Non possunt dici *proprietates eadem esse cum subjecto*, ubi de substantiis sermo est; si cā propositione subjectum illud ignotum cui insunt significetur. Etenim de re nobis incomperta, nihil affirmare licet. Sed si voce *Subjectum* intelligamus id quod novimus, tum verum erit Axioma; at hoc unum inde sequetur, nos subjecta certo ordine, prout nobis sunt nota, non secundum eorum ignotam naturam, collocare; ac proinde ex hisce divisionibus, contrà quàm faciunt Philosophi, de eadem intima & ignorata natura, nihil posse colligi.

40 LOGICÆ PARS I.

15. Alia est ratio Modorum simplicium, quorum integram essentiam novimus, & compositorum, quos pro arbitrio copulamus. Possumus, exempli causâ, omnes Geometricas figuras ad certa genera certâsque species referre. Possumus etiam Virtutum, & Vitiorum varias constituere classes, quoniam sunt Modi compositi ab ipsa Mente, quæ collectionum earum essentiam, quacumque in re velit, collocare potest.

Πᾶς ἰσχυρὸς πὶ τὰ εἶδη, ἢ τῶν χειροκτῆσιν
 δισχυρὸς;

Gregor. Nazian. Or. XXXIV. p. 552.

CAPUT VIII.

Errores ex vulgari de Universalibus doctrina nati.

I. PRÆter errores in antecedente Capite notatos, ortosque ex Peripatetica de Universalibus doctrina; quidam alii indidem provenientes, quia latissimè patent, & innumeros alios ex se procreant; digni vili sunt de quibus paucis ageremus.

D E I D E I S. CAP. VIII. 41

mensura! Fatendum quidem, si ponamus aliud nihil à nobis intelligi; nos non posse contrarium adseveranter affirmare, saltem de Creaturis; at certè eos temerarios esse, qui omnes creatas substantias ad hæc duo-genera referunt, videmus. Verùm hac de re paullo accuratiùs agemus *Ontologiæ* C. XVIII.

3. Veteres & recentiores Peripatetici contrà, hac in re, nimium Dialecticis, seu abstractis ideis crediderunt; ubi præter illas duas Substantiæ species, nescio quas Naturas esse dixerunt, ab iis prorsus distinctas, in unaquaque re, de quibus ita loquuti sunt quasi eas probè nossent, quod nominibus quibusdam Logicis eas afficere soleant, qualia sunt, *Actus*, *Potentia*, *Qualitas*, &c. Si simpliciter affirmassent se, ope extensionis, & cogitationis, non posse omnia Naturæ phænomena explicare, potuisset hoc ferri; modò apertè se ignorare unde proficiscantur fassi essent.

4. Qui Cartesii dogmata sequuntur, duobus hisce substantiis positis, putant se omnia expedire posse; sed ab iis non intelligi quid sit *substantia extensa*, nisi per abstractionem, alibi ostendimus; nec difficulter *soliditatis* causam incompertam esse probare possemus; verùm hoc ad Physicen *pertinet.

5. Peccant quoque, eadem ratione, qui inde colligunt Deum esse *Spiritum*, qualis est nostra Mens. Hoc enim unum de Deo novimus, proprietates reales rerum omnium in ejus natura, tam corporum, quàm spirituum, con-

* *Vide Physica Lib. V. c. 3.*

42 LOGICÆ PARS I.

contineri ; cùm enim unica ac totalis causa sit omnium substantiarum , ea omnia in se habet , quæ iis dedit , secundùm indubitatum axioma , *nemo dat quod non habet*. Deus ergo Ens est , quod proprietates corporum & spirituum , & forte plurium aliarum substantiarum , quæ nobis latent , complectitur.

6. Secundus error Philosophorum , qui inde fluit , quòd sibi intimam rerum essentiam notam esse putent , situs est in hoc Axiomate : *Essentie rerum constant in indivisibili* , adeò ut eis nihil addi , nihil detrahi possit , quin pereant. Cujus rei ratio est , quòd ideæ essentiarum Philosophicarum , sint abstractæ quædam ideæ simplicissimæ , quæ mutationem nullam ferunt ; ut , exempli causâ , *Extensio in genere* ; in hanc enim non cadit plus , aut minus ; quidquid extensum est non est minus extensum quàm aliud , licèt sit amplioris , aut arctioris quantitatis. Verùm ejusmodi ideæ abstractæ nullibi sunt , nisi inter ideas ; neque essentiæ reales , Entium actu existentium , possunt constitui.

7. Igitur aut falsum , aut saltem temerarium est , quidquid affirmatur de *Essentiis* , apud Scholasticos ; nisi de *idealibus* essentiis , quas tantùm in animo habent , & quas ipsi forma-

DE IDEIS. CAP. III. 43

aureæ vocantur, licet cernantur quædam attributa similia, temerarium est affirmare ea profus esse eadem; quia discrimen nullum in iis animadvertimus. Non novimus subjectum illud ignotum, in quo unà sunt auri proprietates nobis notæ; ut fulvus color, *malleabilitas*, seu *ductilitas*, *fusibilitas*, *fixitas* &c. ac proinde temerarium est quidquam de eo affirmare, aut negare incompertum. Manifestum est idem iudicium ferendum, de ideis substantiarum omnium; de quibus nemo affirmare queat ad quam speciem *realem* (non dico *idealem*) pertineant.

9. Verùm Philosophi veteres, qui hoc unum spectabant, ut ii quos in disciplinam accipiebant quàm primùm de omnibus audacter loqui possent, illas immutabiles species, ad quas sine hæsitatione omnia referrent, invenerunt. Nam cognito uno eorum, quæ ad speciem referuntur, de omnibus ejusdem speciei quibus communes sunt eadem proprietates, loqui poterant. Contrà verò, si alia invaluisse opinio; nempe, intimas rerum essentias ignotas esse, neque eas in species & genera posse distribui; confugere Philosophos oportuisset ad solam experientiam, quæ attributorum quorundam cognitionem nobis impertitur; sed longo labore & tempore opus erat, ut ea in re vulgares cognitiones superarent. Itaque diu, priusquàm cæteris doctiores videri possent, tacendum fuisset

10. Observandum tamen est eos, postquàm multa confidenter, de speciebus suis idealibus, dixerunt, nullo negotio posse ex confidentia illa dejici. Dicunt, exempli causâ, *ratio-*

44 LOGICÆ PARS I.

tionabilitatem, esse differentiam specificam Homini-
nis, nec putant quidquam esse quod objicia-
tur. Non jam dicam eam proprietatem perti-
nere tantum ad Mentem; sed si quærerem ab
iis utrum hominem esse agnoscerent eum, cui
rationabilitate prædito esset caput equinum? Re-
sponderent illico *monstrum* esse, non hominem;
itaque rationabilitas non est differentia specifica;
quoniam licet adsit hominem non constituit.

11. Si rursus quæram quid *monstrum* vocent?
quidquid responsi accipiam; eò redibit ut id à
se dicant monstrum vocari, quod non est ita
dispositum, ut solent species animalium no-
tæ. Si tertio scisciter quænam mutatio postu-
letur ut animal monstrum vocetur, levissime dif-
ferentia sufficiat, an magna exigatur? vix ac ne
vix quidem definient, quò usque possit animalis
forma mutari, antequàm monstrum dici queat;
unde liquet speciem ipsarum idealium, ubi de
substantiis agitur, terminos nondum esse satis
distinctè constitutos.

12. Observatu quoque hanc in rem dignum
est, licet classes inventæ sint generum, & quæ-
dam species infimæ, qualis est hominum spe-
cies, sint differentiâ specificâ designatæ; ple-
rarumque tamen differentias nondum esse in-

DE IDEIS. CAP. IX. 45

ficam felium & canum, laurorum & malorum. Hic utuntur descriptionibus proprietatum quas norunt, si loqui adigantur; neque audent indivisibilem illam essentiam definire infimarum specierum, in quibus abstractiones metaphysicæ locum non habent.

13. Tertius Philosophorum error, quem hic notabimus, in eo situs est quòd proprietates easdem variis modis consideratas, diversissque insignitas nominibus, ita interdum distinguant & disponant, ut eandem proprietatem se ipsà, aliter appellatà, priorem, hoc est, sui ipsius originem, faciant. Ita in corpore distinguunt *extensionem* & *divisibilitatem*, quæ sanè animi præcisione possunt distingui, ita ut de una tantum cogitemus, omisà altera; sed hac distinctione posità, aiunt *extensionem* esse *divisibilitate* priorem, cum tamen eæ proprietates, prout ab iis describi solent, hoc uno nitantur fundamento, quòd corpus habeat partes, & in hoc unum resolvantur attributum.

CAPUT IX.

De Perspicuitate & Obscuritate Idearum.

1. **U**T de idea certum feramus iudicium, ante omnia necesse est eam esse perspicuam; alioqui de ignota, aut non satis perspecta, si verum feratur iudicium, id casu potius fit quàm sapientià. Igitur perspicuitas & obscuritas idearum, dignæ sunt, quæ in hac nostra Logica, sine animadversione, non prætermittantur.

2. *Clara*

46 LOGICÆ PARS I.

2. *Clara* dicitur idea, cùm quidquid completitur nobis animo obversatur, ita ut ab omnibus aliis facillè distingui queat. Quidam distinguunt ideas *distinctas* à clavis; & claras vocant eas quæ vividè nos percellunt, distinctas quæ nihil habent obscuritatis. Verùm apparebit ex sequentibus necesse non esse ut ejusmodi discrimen ullum statuamus, hoc quidem in loco.

3. Claræ sunt omnes ideæ simplices, quales sunt sensationes. Ita sensatio lucis ejusmodi est, etenim cùm eâ percellimur, quidquid in ea est videmus, nec eam cum ulla alia idea confundere possumus. Idem dixeris de sonitu, de odore, de sapore, de voluptate, de dolore &c. quæ numquam miscentur. Atque hæ quidem sensationes ed clariores sunt, quò vividiores; cùm enim vehementiùs Mens percellitur, magis adtendit & clariùs ejusmodi ideam vividam ab omnibus aliis distinguit.

4. Viri Eruditi has ideas esse *confusas*, ut loquuntur, contendunt; quia, nimirum, eas definire non possumus. Sed hoc summæ perspicuitatis, ut suprà vidimus, indicium est. Addunt nos indicare exempli causâ, colores ef-

DE IDEIS. CAP. VIII. 47

sim considerata perspicuitatem nihil attinet. Unde talia oriuntur judicia, indicabimus in * Physica.

5. Perspicuæ etiam sunt ideæ simplices, quæ sine corporis interventu Menti obversantur, quarum exempla supra Cap. II. attulimus. Quemadmodum autem abstractione possumus ideæ compositæ partes separatim contemplari; ita ut simplices ideas, quibus constat, singillatim expendamus: sic etiam abstractæ ideæ sunt perspicuæ, etiamsi subjectum in quo sunt est ignotum. In substantiis omnibus, quarum aliquot novimus proprietates, possumus seligere proprietatem, quæ abstractione ab omnibus aliis sejuncta simplex evadit, adeoque clara, licet ignoto subjecto insit. *Humanitas*, in genere considerata, fit simplex idea, ideoque indivisibilis; unde factum, sicut innotuimus, ut Philosophi essentias indivisibiles esse dixerint; quod de idealibus essentiis, non de realibus verum est. Proprietates enim, quæ hominem constituere dicuntur, non magis sunt in uno homine quàm in altero; vel, ut clariùs loquar, *Ratio* in genere considerata, quæ eadem censetur ac *Humanitas* in genere, non minùs in Davo, quàm in Oedipo, fuit.

6. Verùm eadem ideæ sunt sæpe obscuræ, ubi sine abstractione mistim cum aliis obscuris, quibuscum sunt in subjecto, considerantur. Ita cum quæritur, non quid sit *Humanitas*, aut *Ratio* in genere, sed quid sit *Ratio* in Davo, aut *Oedipo* existens, &

* *Physica Lib. V. c. 7. 10. & alibi.*

48 LOGICÆ PARS I.

& quæ sit ejus differentia numerica; tum verò aqua hæret Philosophis, nec quidquam nisi nescio quid prorsus ignotum vocibus designant *Oedipitatis*, & *Davitatis*; sic enim, ex Grammaticæ scholasticæ analogia, loqui licet.

7. Peccarunt sæpe Scholastici, in eo quod abstractam ideam, quasi esset in subjectis, considerarint, ut jam monuimus. Atque inde factum ut ideam claram habere se crediderint substantiarum; ex quibus, animi præcisione, illam abstraxerant. Idem fecerunt Recentiores, qui quia naturam extensionis, divisibilitatis & soliditatis in genere & abstractè consideratæ intelligunt, putant se intimam omnium corporum naturam intropexisse. Verùm, ut alibi ostendimus, ubi ad rem ipsam ventum est, non possunt quid sit res extensa, divisibilis & solida, sine abstractione considerata, dicere.

8. Si ad ideas Compositas nos convertamur, deprehendemus eas demum esse claras, quarum partes omnes, seu simplices ideæ, quibus constant, distinctè nobis animo obversantur. Obscuræ verò dicuntur eæ, quarum partes tantum quasdam animadvertimus. Ita certò sci-

judicia nostra, ac ea forent quæ ferrentur de magnitudine summæ, multis aliis constantis; quarum neque numerum, neque magnitudinem sciremus. Verum hac de re pluribus, in tertia Logices Parte, ubi de Methodo agemus.

10. Quod si in iis, quæ nobis expendenda proponuntur, non possimus partes à se invicem distinguere, earumque certam enumerationem inire; tum verò fatendum est aut ea non esse inter eas res, quas homini cognoscere licet; aut ampliori examine, ut pernoscantur, opus esse. Exempli gratiâ, nullius substantiæ omnes proprietates, intimamque naturam nobis innotescere antea ostendimus; unde de ea re judicium ferri non posse, colligere est. Si verò quæstio arithmetica solvenda proponatur, quæ postulet longiorem supputationem; aut quævis alia quæstio, quæ ut expendatur tempore indigeat, non est præposterò pudore illico, ne videamur aliquid ignorare, respondendum. Pudendum non est id nescire, quod numquam ad examen revocavimus; sed pudendum est id velle videri scire, quod re ipsâ ignoramus.

11. Multum porro conducit perspicuitati ideæ, aut à nobis aut ab aliis compositæ; si partium quibus constat idem semper numerus, idemque ordo sit. Alioqui, si augeatur aut minuat subinde numerus idearum simplicium, quibus composita constat, aut earumdem invertatur ordo; memoria, ipsæque aded animus perturbatur. Ita si quis simul summas aliquot diligenter supputarit, certoque ordine statuerit, quotiescumque eas recognoscere

50 LOGICÆ PARS I.

vult, nullo negotio id facit, modò nulla in iis mutatio intercesserit; contra verò præterita supputatio & dispositio, si perturbentur numeri, aut ordo, irritæ fiunt.

12. Ceterùm ea est natura perspicuitatis, ubi summa est; ut ad sensum nostrum necessario eliciat. Non possumus vel minimùm quin dolor diversus sit à voluptate, quin bis duo sint quatuor, dubitare. Contra si quæ sit in ideis nostris obscuritas, animadvertimus in nobis facultatem cohibendi iudicii, donec res perspicuæ factæ sint; licet passim contingat ut obscuris ad sensum temerè præbeamus, sed liberum; cùm liberum non sit summæ perspicuitati ad sensum negare. At hæc ad secundam Logices Partem pertinent.

CAPUT X.

De Ideis Adequatis & Inadequatis.

DE IDEIS. CAP. X. § I
adæquatam trianguli illius animo præsentem habeo.

2. Omnes ideæ simplices sunt adæquatæ, quoniam Facultatem, quæ eas excitat, quæcumque ea sit, totam animo obijciunt. Ita dolor, quem sentio, significat esse extra me Facultatem Entis cujuspiam, quæ eum me invito in me excitat. Sed non est ulterius procedendum, nam idea simplex objectum simplex animo offert; non docet ubi sit, nec an sit ea cum aliis conjuncta Facultas. Itaque non errabit quicumque ex sensatione colliget, aliquid esse extra Mentem suam, quod eam excitare aptum natum est.

3. Adæquatæ sunt etiam ideæ modorum, quicumque tandem sint, exceptis iis qui simul modi & substantiæ sunt, de quibus supra Cap. III. §. I I. Cum enim modi nulli seorsim esse intelligantur, à nobis seorsim à substantiis, non nisi ope abstractionis, considerantur. Omnes autem ideæ abstractæ sunt adæquatæ, complectuntur enim totam eam rei partem quam considerare tunc volumus. Ita *rotunditatis* idea est adæquata, quia quidquid est in rotunditate in genere animo meo offert. *Trianguli* in genere idea est adæquata, quia cum Menti meæ adest, tum quidquid est commune omnibus triangulis video.

4. Ejusdem generis sunt omnes ideæ, quarum nulla Archetypa extra ipsas esse intelligimus. Archetypa vocamus objecta externa, quorum occasione excitantur in nobis ideæ, quas credimus eorum esse imagines. Ita cum canis ante oculos est positus, dicitur Archetypum ideæ quæ tum Menti se sistit. Sed idea *Animalis* in genere nullum habet Archetypum. Ejus faber est, ut dicam, ani-

52 LOGICÆ PARS I.

mus noster , qui ei addit aut detrahit quidquid vult ; unde eam semper esse adæquatam consequens est.

5. Sed cavendum , quod jam monuimus ; ne , scilicet , postquam ejusmodi ideas Mens sibi obversari voluit , idè talia quædam extra nos esse objecta existimemus. Idem enim peccatum admitteremus , in quod incideret Pictor , qui pictum à se Centaurum , aut centimanum Enceladum in rerum natura esse contenderet.

6. Ne videatur hæc nostra admonitio inutilis , quasi hoc peccatum numquam committeretur ; exemplum memorabile afferemus admissi , in re haud exigui momenti , ejusmodi erroris. In unaquaque cogitatione possumus , abstractione , id quod ea cogitatio commune habet cum omnibus aliis , ab eo quod ei est peculiare , distinguere. Ita si quis malum cuiuspiam animo voveat , in eo voto , præcisione mentis , distinguimus votum in genere , seu desiderium , & desiderium mali in aliquem effundendi. Scholastici vocarunt id desiderium in genere , partem *physicam* actionis Mentis ; partem verò *moralem* , quod malum in ea dicitur. Desiderium autem contendunt per se nec bonum esse , nec malum ; sed *malitiam* desiderii inde oriri , quod feratur in objectum illicitum.

DE IDEIS. CAP. X. 53

scientia constare parte *physica & morali*, prioris-
que auctorem esse Deum, posterioris Homi-
nem. Idem de omnibus cogitationibus dicti-
tant, & hominem esse fingunt machinam à
Deo ad omnia ineluctabiliter motam; unde se-
quitur Deum mali, non minus ac boni, esse
auctorem.

8. Igitur probè recordandum est ideas abstra-
ctas ipsas esse Archetypas, & quæ nulla extra se
habent objecta, à quibus sint excitatæ; ac licet
sint in se adæquatæ, quia nihil præter se animo
objiciunt; attamen non posse adæquatas dici;
ubi objecti quod esse statuitur imagines dicuntur,
nisi postquam constat objecti illius omnes partes
in iis contineri.

9. Inadæquatæ porro sunt ideæ omnium *sub-
stantiarum*, quæ ab animo pro arbitrio non fin-
guntur, sed colliguntur ex proprietatibus, quas
in iis experienciâ animadvertimus. Hoc satis
liquet ex iis, quæ Capite III. de substantiis
diximus. Etenim aliquot earum proprietates
nobis esse notas, non omnes; adeoque earum
ideas imperfectas esse, seu inadæquatas, osten-
dimus. Ita novimus *argentum* coloris esse albū,
liquefieri posse, & igne minui dum liquefit, in
bractæas duci, aquâ forti dissolvi, contrahere
squalorem situ &c. Sed quænam sit intima par-
ticularum, quibus argentum constat, dispositio,
seu constitutio, unde eæ profluunt proprietates,
prorsus ignoramus. Igitur idea argenti, quæ
animo nostro adest, quoniam quidquid est in
argento Menti nostræ non ostendit, inadæqua-
ta est.

54 LOGICÆ PARS I.

10. Hic maximum est periculum, ne inadæquatas ideas cum adæquatis confundamus; quia ubi plures alicujus rei proprietates novimus, nec ullæ aliæ industriâ nostrâ retegí possunt; facíle nobis persuademus exhaustam esse à nobis rem, quam contemplamur. Viri, alioqui perspicacissimi, XVII sæculo, existimarunt se exhaustisse proprietates Mentis, quòd nihil in ea præter cogitationes perspicuè animadverterent, Mentémque esse *substantiam cogitantem* dumtaxat dixerunt. Cùm in corpore nihil animadverterent præter extensionem, soliditatem & divisibilitatem, nihil aliud in corpore esse quærendum contenderunt. Sed numquam quænam sint eæ substantiæ, quarum proprietates sunt cogitare, habere partes &c. ostendere potuerunt; nam *substantiæ* in genere nullæ sunt, & licèt hanc vocem in genere intelligamus, non idèò sequitur eam à nobis intelligi, cùm de subjecto quopiam singulari prædicatur, quod est probè observandum.

11. Idem etiam ausi sunt dicere se ideam claram divinæ naturæ habere, adeoque adæquatam; nam ex definitione vocis **Clarus*, apparet claras ideas esse adæquatas, ubi sermo est de ideis, quæ extra nos Archetypa habent.

DE IDEIS. CAP. XI.

cum adæquata temerè confuderunt ; exemplo-
que esse possunt erroris admodum lubrici , qui
videtur cum ex insita humano ingenio superbia,
tum ex investigandi & judicium interea cohibendi
impatientia nasci. Pulcrum enim est aliquid pe-
nitius intelligere , diu indagare ejus naturam mo-
lestum.

CAPUT XI.

*De aliquot Vocabulis, quibus Scholastici signi-
ficant varias ideas, deque Sermone.*

1. **P**ostquam ideas, secundum varia earum ge-
nera , ac relationes contemplati sumus,
nihil superesset hac in parte Logices agendum ; nisi
quasdam voces Peripateticæ Logicæ exponendas
esse, propter consuetudinem, duceremus. Præ-
cipuas tamen seligemus, ne Dictionarium scribere
nimiùm operosè videamur.

2. Hinc quoque apparebit Dialecticæ Aristoteli-
telis potius esse artem loquendi , quàm veritatis
apud animum suum quærendæ , dein proferen-
dæ. Nomina omnia dicuntur *Termini*. Termini
autem omnes distinguuntur in *simplices* & *complexos*.
Simplices sunt singulæ voces, quando
nihil subintelligitur ; termini complexi pluribus
constant vocibus , aut expressis, aut subintelle-
ctis. Ita vox *Alexander* est terminus simplex :
Alexander filius Philippi, est terminus complexus,
seu , nomen ideæ , cujus aliqua notatur
proprietas, aut relatio.

56 LOGICÆ PARS I.

3. Exprimitur *συμπλοκή* vel *complexio* idearum sine pronomine Relativo, ut apparet exemplo allato; vel addito pronomine, ut *Alexander qui fuit filius Philippi*. Observant autem Dialectici pronomen relativum esse interdum simpliciter *ἐξηγητικὸν*, seu eo explicari priorem terminum, ut si quis dicat, *Homo, qui ratione utitur: Julius Cæsar, qui summus Imperator fuit*; neque enim ullus est homo, qui ratione non utatur; neque ullus fuit *Julius Cæsar*, qui summus Imp. non fuerit. Interdum etiam pronomen est *ἰεριστικὸν*, seu determinat vocem generalem ad peculiarem sensum, ut cùm dicimus; *corpora, quæ pellucida sunt*; tum enim vox *corpora*, quæ generalis est, sequentibus ad ea tantum, quæ pellucida sunt, significanda determinatur.

4. Aliquando termini, qui simplices videntur, complexi sunt, ut in libris *de Bello Gallico*, *Imperator* significat *C. Julium Cæsarem*, qui Imp. ab exercitu salutatus erat. Aliquando complexi in Phrasi sunt simplicis loco, ut *Princeps Poëtarum* designat Homerum apud Græcos, *Virgilium* apud Latinos. Quæ observationes pertinent potius ad Grammaticam, aut Criticam, quàm ad Artem ratiocinandi, quæ statuit usum

DE IDEIS. CAP. XI. 57

nomen commune, & essentiã aliqua in re similem, ut *Homo* & *Bos animalia* univocè dicuntur. *Paronyma*, & Scholasticis *agnominata*, appellantur quæ sunt inter se etymologiã connexa, ut *Grammaticus* & *Grammatica*.

6. De hisce & quibusdam aliis *Aristoteles* egit, initio libelli *de Categoriis*; eaque propterea τὰ αὐτὰ κατηγορικά vocavit, & Scholastici ejus sequaces *Antepredicamenta*. Similiter quia τὰς κατηγορίας egit de *Contrariis*, de *Modis* quibus aliquid prius, aut simul esse dicitur, de generibus κινήσεως mutationis, seu motus, deque variis sensibus, quibus vox ἕξις usurpatur; propterea, ab iisdem Scholasticis, hæc vocata sunt *Postpredicamenta*. Circa hæc, plurima observant, etiam vera, sed quæ ad sermonis, potius quàm ad rerum cognitionem pertinent. Tradunt etiam plurimas cùm de Antepredicamentis, tum de Postpredicamentis Regulas, parum utiles, quia ferè numquam in istis peccatur. Ideoque nos ab iis expendendis abstinuimus.

7. Idem hoc in loco multa quærunt de Sermone, quæ potius ad Criticam aut Grammaticam, quàm Logicam spectant, quorum hoc præcipuum est; cùm verba signa sint cogitationum, seu idearum, an sint ejusmodi signa naturæ suæ, an verò institutione hominum? *Plato* olim prius affirmavit, sed plerique alii Philosophi posterius; ac sanè manifestum est rem ex humano arbitrio pendere, quoniam Gentes variæ varia iisdem ideis, unde orta est tanta Linguarum varietas, imposuerunt nomina.

8. Hoc itaque misso, observandum potius est ex sermone ideas sæpe obscuratas fuisse. Nempe

78 LOGICÆ PARS. I.

ita adſuefacti ſumus ideis quasdam voces ad-
gere, ut etiam, cùm apud nos taciti cogitamus,
vix temperare poſſimus quin tacito quodam ſer-
mone ſenſa animi exprimamus. Adjuvamus
etiam multùm aliorum monitis aut inventis, in
inveſtigazione veri; nec ea aliter cognoscere poſ-
ſumus, niſi ex ſermone, aut Scriptis. Igitur ſi
ſermo noſter, aut aliorum, non ſit ſatis perſpi-
cuus, metuendum eſt ne ideæ noſtræ obſcuren-
tur, & in indaganda veritate præpediamur.

9. Oſtendimus autem, in Arte Critica, * cùm
innumera eſſe obſcura in ſermone hominum,
tum etiam plurima omni ſenſu carere. Idem sæ-
pe faciunt homines, ubi de rebus ignotis ver-
ba faciunt, quod fieret à cæcis natis, qui inter
ſe de coloribus diſputarent; quòd ex aliorum
ſermone didiciſſent nomina colorum, variâſque
de iis obſervationes, quæ omnia poſtea memori-
ter recitarent. Ut ejuſmodi ſermo nihil aliud eſ-
ſet, quàm certa inanum collectio ſonorum: ita
non rarò homines, inſtar campanarum, ſoni-
tum ſine ſenſu diſputantes edunt. Atque hoc e-
venit cùm sæpe aliàs, tum potiffimùm ubi de re-
bus, quas ἀναπλητὸς fatentur, ſermones ha-
bent.

10. Hæc cùm ad aliam Artem pertineant, hinc

DE IDEIS. CAP. XI. 59

11. Secundum est, si abstinere ab ea re non possumus, inter-meditandum; aut si efferendum sit quod cogitamus, vitandas esse omnes obscuritates; ex quibuscumque tandem nascantur causas, quarum præcipuas in *Arte Critica* enumeravimus. Numquam condonanda est obscuritas, nisi iis qui clariùs loqui nesciunt; quos tamen potius tacere, quàm alios aut fallere, aut cruciare ambiguo sermone, deceret.

12. Si verò alios loquentes audiamus, aut eorum scripta legamus, utendum esset iis cautionibus quas recensuimus, in eodem opere Critico; si non liceat interrogare eos qui loquuntur, aut scribunt. Alioqui si sciscitantibus nobis respondere parati sint, ubicumque occurret dictio obscura, rogandi sunt eam definiant. Si bonâ fide agunt, nec volunt nobis fucum facere, numquam ejusmodi definitiones negabunt; si negent, non sunt ampliùs audiendi, qui enim non vult intelligi, dignus non est cui aures præbeantur. Ceterum de Definitione Vocum, in Parte sequente, ubi ad *Definitionem* ventum fuerit, agemus.

Primæ Partis Lógica Finis.

L O G I C Æ.

P A R S S E C U N D A.

De Judiciis.

C A P U T I.

*De Judicio Mente concepto, & Verbis
expresso.*

1. **I**n Deis & proprietatibus idearum singillatim consideratis, ad Judicia, in quibus plures comparantur ideæ, deveniendum est. Et ante omnia quidem, judicium, quatenus in Mente hæret, à verbis quibus exprimitur, si velimus scire quid sit, probè distinguendum est.

2. Judicium, quatenus Mente continetur, est relationis, quæ inter duas aut plures ideas intercedit perceptio. Ita quando judico Solem esse majorem Lunâ, comparatâ utriusque ideâ, ideam Solis majorem esse ideâ Lunæ animadver-

DE JUDICIIS. CAP. I. 61

3. Observandum est posse Mentem nostram obscuris ideis, non minùs ac claris, adsentiri; seu quasi aliquid comperisset, quod tamen non comperit, in eo adquiescere, & quod visa est sibi comperisse memoriæ mandare. Ita possumus existimare stellas fixas minores esse Luna, comparatis stellarum fixarum, & Lunæ obscuris ideis; & postmodum rem quasi indubitata[m] statuere. Sed etiam adsensum nostrum, donec accuratè consideratis ideis res clara evaserit, possumus cohibere; sin ad perspicuam perceptionem pervenire nequeamus, in dubitatione nostra hære[re], remque quasi dubiam memoriæ mandare. Facultas autem, quam in nobis esse sentimus, adsensûs obscuris præbendi, vel negandi, vocatur *Libertas*.

4. Verùm ubi res ad summam perspicuitatem devenit, ea facultate amplius uti non licet. Neque enim exempli causâ, à nobis impetrare possemus ut crederemus bis duos non esse quatuor, partem non esse minorem toto, aliâque similia evidentissimæ veritatis Axiomata. Statim ac ea intelligimus, Mens necessariò adquiescit, nec inquirendi ampliùs vel minimam cupiditatem in se animadvertit.

5. Hujusmodi est judicium, quatenus in Mente hæret; ubi autem verbis exprimitur, vocatur *Propositio* vel *Enunciatio*; in qua semper aliquid negatur, vel affirmatur. Ea pars propositionis, de qua affirmatur aut negatur aliquid, *subjectum*; altera vero quæ de illa prædicatur, negando aut affirmando, *prædicatum* vocatur. Ita quando dicimus: *paupertas est sublevanda*, aut *paupertas non est vitium*, vox pau-

62 LOGICÆ PARS II.

ertas est *subjectum*, *sublevanda* & *vitium* sunt *attributa*, aut *prædicata*. Præter hæc duas partes consideranda est *copula*, quâ, cum est sola, affirmatur relatio quædam inter *subjectum* & *prædicatum* esse; additâ verò particulâ negativâ, eadem negatur relatio. In priore propositionum allatarum, inter ideam paupertatis & ideam subsidii affirmo relationem esse; aded ut paupertas, in animo meo, ideam subsidii complectatur, vel secum trahat. In posteriore, idem paupertatis excitari in me notionem rei vituperandæ, nego.

6. Propositiones interdum pluribus, interdum paucioribus vocibus exprimuntur. *Achilles insanit* est integra propositio, idem est enim ac si dicerem *Achilles est insanians*. Vox *perii* continet integram propositionem, idem enim exprimit ac si dicerem: *Ego fui periens*. Hæc cogitanti nullam difficultatem pariunt, neque quidquam conferunt ad cognitionem veritatis, nisi quatenus nostris aut alienis verbis expressa est. Verum, ut sæpe monuimus, Logica Veterum ars fuit loquendi, non minus ac cogitandi.

7. Observandum porro terminos, quibus Propositiones constant, vocari *simplices*, quando sunt unicâ voce expressi; ut, *Deus est bonus*: com-

CAPUT II.

De Propositionibus Universalibus & Particularibus.

1. **I**deas divissimas in Universales, Particulares & Singulares, eodémque modo posse distribui voces, quibus exprimuntur, innuimus. Sic quoque dividuntur Enunciationes.

2. Cùm subjectum universale est, seu in tota extensione sua sumitur, nullâ exceptâ specie, neque ullo individuo, quæ sub eo continentur; tum propositio est universalis. Universalitas exprimitur voce *Omnis*, ubi affirmativa est Propositio: voce *nullus*, ubi negativa. *Omnis homo est liber*, est propositio universalis affirmativa. *Nullus homo est liber*, est universalis negativa.

3. Cùm verò afficitur subjectum aliquâ notâ, quâ ostendimus non omnes species, omniâve individua quæ continentur sub ea voce, comprehendere, tum Propositio particularis dicitur; ut, *Aliquis homo est liber*. Voce *aliquis* significamus quidquid comprehenditur vocabulo generali homo, hîc à nobis non intelligi; sed tantum partem aliquam, quam voce *aliquis* designamus.

4. *Singulares* vel *individuales* sunt, quibus aliquid de individuo affirmatur; ut *Alexander fuit iracundus*. Hujusmodi propositiones magnam habent cum universalibus affinitatem, in eo sitam quòd utrarumque subjectum, secundum totam

64 LOGICÆ PARS II

tam suam extensionem, sumatur; unde fit Argumentationis Regulis, Individuales Propositiones pro Universalibus habeantur, ut ex Parte liquebit.

5. Universalitas, & particularitas Proporum earum *quantitas* dicitur à Scholasticis: quod admodum affirmatio, aut negatio *qualitas*.

6. Hisce positis, Propositiones cum secundum quantitatem, tum secundum qualitatem, scilicet, referuntur ad quatuor genera; quæ designantur litteris A, E, I, O, ad memoriam adiutam, & ad facilius tradendas Regulas designis, ut ex quarta Parte apparebit.

A designat Universalem affirmativam; ut, *omnis homo est liber.*

E Universalem negativam; ut, *nullus homo est liber.*

I Particularem affirmativam; ut, *aliquis homo est liber.*

O Particularem negativam; ut, *aliquis homo non est liber.*

Verficulis duobus hoc comprehensum est.

Afferit A negat E, verum generaliter ambo.

Afferit I negat O, sed particulariter ambo.

DE JUDICIIS. CAP. II. 65

agant, nos eam non attingemus hîc, quia quæstio est ad Criticam pertinens, quæ docet quemadmodum Linguæ sint intelligendæ; non Logicam, quæ, intelligi quod dicitur statuit. Idèoque de ejusmodi Propositionibus egimus P. 2. Sect. 2. C. vi. nostræ *Critices*. Hac de re etiam multis egit scriptor Gallicus *Logices*, quæ *Portus-regis* dici solet. P. II. C. x. Verùm quidquid habet huc redit; nempe, ut judicium feratur de sensu ejusmodi Enunciationum oportere loquentis animum aliunde esse notum, ejusque cognitionem nobis perspectam; quandoquidem sensus ex ipsis verbis, ex notione receptâ intellectis, non satis liquet.

8. Ad investigationem veri magis pertinet observatio; ex iis quæ de substantiis antea diximus profluens. Nimirum, universales Propositiones, ubi sermo est de generibus & speciebus substantiarum, non posse certò statui rebus ipsis consentaneas; quia cùm earum essentias non norimus, omnes substantias, quibus quædam attributa simul inesse videmus, esse, etiam in iis quæ non novimus, similes pronunciare non possumus. Exempli causâ, in omnibus hominibus quædam attributa similia, constantèr videmus. Sed quis nos docebit utrum eorum Mentes omnes similes sint, adèò ut quidquid discriminis est inter eas, oriatur ab externis causis, ut à corpore, ab educatione, & similibus; an verò sit inter eas, in ipsâ Mentium substantia, discriminem? Posterius videtur persuadere discriminem ingeniorum, quod deprehenditur in fratribus eodem modo educatis; sed quoniam nobis non constat cerebrum in iis eadem ratione esse di-

66 LOGICÆ PARS II.

dispositum, posset & ingenii discrimen ab ea varietate oriri.

9. Ita quoque qui audacter omnium corporum intimam essentiam esse statuunt eandem, si verè sentiunt; veritatem casui potius, quàm perspicuæ cognitioni debent. Posset enim intima variorum corporum essentia planè differre; licèt quibusdam attributis, quæ nobis nota sunt, inter ea conveniat. Igitur cùm de substantiis effata generalia proferuntur, cavendum ne adsentiamur iis, quæ intimas earum essentias perspectas esse statuunt.

10. Alià Modorum, quorum totam essentiam novimus, ratio est. De iis effata quævis generalia, indubitatae veritatis, proferre possumus. Atque hinc fit ut Geometria, quæ circa modos versatur tota, fundamentis nitatur certissimis, & universales regulas de omnibus figuris, & magnitudinibus easque inconcussas tradat.

C A P U T III.

De Propositionum Oppositione.

1. **P**ropositiones *oppositæ* dicuntur, quarum in altera negatur, quod in altera affirmatur, vel totum, vel partim; *Contradictoriæ* verò, ubi quantitate & qualitate opponuntur, ut: *Omnis homo est liber: Aliquis homo non est liber*; prior enim est universalis affirmans, posterior particularis negans.

2. Si qualitate differant, sed consentiant quantitate, *contrariæ*, vel *subcontrariæ* dicuntur; & *contrariæ* quidem, quando ambæ sunt universales,

DE JUDICIIS. CAP. III. 67

les, ut, *nullus homo est liber, omnis homo est liber*. Subcontrariæ verò, quando particulares, ut, *aliquis homo est liber, aliquis homo non est liber*.

3. Regulas hæc condiderunt Philosophi de ejusmodi Propositionibus veras, & contra quas nemo peccat sani cerebri, exceptis Theologis quibusdam. Prima est *Contradictorias numquam simul esse vel veras, vel falsas*. Si omnes homines sunt liberi, non potest fieri ut aliquis eorum non sit liber, & vice versâ.

4. Secunda est: *Contrarias numquam esse simul veras, sed posse quidem utrasque falsas esse*. Fieri nequit ut omnes homines liberi sint, si nullus libertate fruatur; nec posterius verum esse potest, nisi prius sit falsum. Sed si quis diceret *omnes homines esse bonos*, posset hoc æquè falsum esse ac *contraria, nullum hominem esse bonum*; quia possunt aliquot homines esse boni.

5. Tertia est: *Subcontrarias posse simul esse veras*; ut, *aliquis homo est bonus & aliquis homo non est bonus*. Sed non possunt esse simul falsæ, ut apparet ex duabus Propositionibus allatis. Nam si falsum est aliquem hominem esse bonum, verum est aliquem hominem non esse bonum.

6. Oppositis Propositionibus adnumerantur à quibusdam *subalternæ*, hoc est, quarum una particularis sub altera universali continetur. Sed, propriè loquendo, non sunt oppositæ; quoniam nulla in iis est negatio affirmationi contraria, qua in re sita est oppositio. Propositiones subalternæ sunt: *Omnis homo est liber, & Aliquis homo est liber*, quarum posterior priore continetur.

7. De

68 LOGICÆ PARS II.

7. De hisce observandum primò, *ex veritate Universalis propositionis, sequi veritatem particularis, sed non vice versâ*: Secundò, *si particularis sit falsa, falsam etiam esse universalem, sed non vice versâ*: Tertiò, *universalem & particularem subalternam posse esse nonnumquam utramque falsam, interdum utramque veram*. Omnes homines esse mortales, aliquémve eorum esse mortu obnoxium æquè verum est; at æquè falsum omnes homines initio carere, & aliquem hominem ab æterno esse.

8. Multa hæc Philosophi tradunt de reductione Propositionum oppositarum ad eundem sensum, mutatis pauculis verbis; sed cum potius pertineant ad sermonem, quàm ad rectè cogitandæ Artem, ea omitemus. Eadem de causa, non attingemus quæ spectant ad conversionem Propositionum, de quibus consuli possunt Logici, ab iis quorum hæc accuratius nosse interit.

9. Licet quæ de Propositionibus contradictoriis & contrariis dicta sunt extra omnem dubitationis aleam, apud Philosophos, posita sint; non eadem est Theologorum sententia, quorum multi duas contradictorias Propositiones, divinâ potentiâ, simul veras esse posse contendunt.

DE JUDICIIS CAP. II. 89

num, adducti non devenerunt. Defendendum iis fuit dogma *Transsubstantiationis*, quod paullatim & involucro vocum obscurarum tectum, priusquam Philosophicè expenderetur, subiit. Hinc factum ut Philosophia Aristotelica, quæ postea in Ecclesiam Latinam ingressa est, *primùm sit damnata; deinde eà lege admissa, ut quædam quæ vera Philosophicè essent, haberentur Theologicè falsa.

11. Hic quidem divinam potentiam, cui ab hominibus limites poni nefas est, prætendunt. At dubium est nemini, quin plurima quæ ab hominibus non capiuntur facere possit Deus; verùm cum aliquid affirmamus tam de Deo, quàm de aliis rebus, oportet nos intelligere quid dicamus; etenim si verba sine sensu effundamus, ut nulla iis subjecta est potestas: ita nec ullius opinionis sunt signa. Igitur qui affirmant duas contradictorias simul esse veras, potentiâ divinâ, an intelligant quod dicunt, & verbis exprimant quod intelligunt, rogandi sunt.

12. Sanè ex eorum responsionibus apparebit eos non magis quod dicunt, quàm nos qui negamus, intelligere. Itaque quando diximus eos *existimare*, *sententiâ*ve fovere de hac re aliquam, loquuti sumus ex usu vulgi, secundum quem usum contradictoria credi dicere solemus. Alioqui dicendum fuisset Theologos Pontificios habere verba, quæ veritati allatæ contraria sono videntur, sed sub quibus nulla latet opinio; ideoque quantumvis pertinaciter iis verbis utantur, nihil ab iis hac de re credi, nisi quod ceteri homines sentiunt. Opinio enim iudicio

niti-

* Vide *Joan. Lamiium de Varia Fortuna Aristotelis.*

ninitur; quod de ideis inter quas relationem nullam, neque clarè, neque obscurè videmus, ferri nequit.

CAPUT IV.

De Propositionibus Simplicibus & Compositis.

1. **S**implices dicuntur à Logicis Propositiones, quæ unico tantum subjecto & predicato constant, ut *Deus est misericors*. Compositæ verò quæ habent plura subjecta, aut predicata; ut, *Odium & Amor, sunt affectus oppositi; Odium proximi est vitium & furor; Odium & amor sunt utilia & noxia*.

2. Compositæ Propositiones in varia genera dividuntur, quarum hæc duo sunt maximè universalia; nempe, vel earum compositio verbis disertis expressa est, vel latet. Posteriores vocant Dialectici *exponibiles*, deque his Capite sequente agemus; de prioribus in hoc.

3. Propositiones disertè compositæ, ad sex classes rursus referuntur. Sunt, nempe, vel *Copulativæ*, aut *Disjunctivæ*; vel *Conditionales*; vel *Causales*; vel *Relativæ*; vel *Diferentiales*.

DE JUDICIIS. CAP. IV. 71

5. Ut hæ propositiones fiat veræ, oportet utraque pars, quibus constant, verè affirmari aut negari possit. Ita verè dicere possum, *Divitias & nobilitatem esse superbiam causas*, quia affirmatio de utroque subjecto vera est. At falsa esset Propositio hæc: *Divitiæ & pietas sunt superbiæ causa*; nam verè quidem hoc affirmes de divitiis, falsò verò de pietate.

6. Contrariæ, & contradictoriæ harum propositionum, quæ, nempe, sunt copulativæ, non sunt simpliciter negativæ, aut quibus oppositum aliquid affirmatur; sed eæ demum, in quibus copula affirmatione aut negatione afficitur. Ita Propositionis allatæ, *Divitiæ & nobilitas sunt superbiæ causa*, contradictoria hæc est: *Divitiæ nobilitati conjunctæ sunt humilitatis causa*; contraria: *Divitiæ nobilitati conjunctæ non sunt superbiæ causa*. Nam quod hîc affirmatur aut negatur afficit conjunctionem E T; considerantur enim divitiæ & nobilitas, ut copulatæ.

7. *Disjunctivæ* propositiones sunt, in quibus est conjunctio disjunctiva; ut, *Amicitia pares aut accipit, aut facit*. Ut hujusmodi Propositiones sint veræ, nihil esse debet medium, aut tertium. Si quis dicat: *Homines sunt necessariò aut rubri, aut cærulei*, fallitur; quia sunt alii colores, præter cæruleum & rubrum. Harum contrariæ sunt, in quibus negatur disjunctionis veritas; ut, *Amicitia pares nec accipit, nec facit*.

8. *Conditionales* sunt, quarum partes conditionali particulâ *si* copulantur; ut, *Si sol stat, terra movetur*. Prior pars vocatur *antecedens*, posterior *consequens*. Consequentiae veritas hîc sola spectat-

72 LOGICÆ PARS II.

spectatur, quæ potest esse recta, licet utraque pars falsa sit; eâ enim ratione ad absurdum reducitur principium falsum, ut, *si Deus plectit innocentes, est injustus.*

9. Consequentia autem est *immediata*, vel *mediata*. *Immediata* est, ubi ex priore parte, nullâ aliâ interpositâ ideâ, posterior sequitur. In propositione modò allata, non est consequentia immediata, quia ut admittatur ejusmodi Propositio, statuendum injustitiam esse punire innocentes; quo ignorato, obscura est consequentia. Hæc ergo consequentia *mediata* vocatur. *Immediata* est in hac propositione, ubi nihil subintelligitur: *si numerus est septenarius, est minor denario.* Ex sola comparatione duarum harum idearum, consequentiæ elucescit veritas.

10. Contrariæ hisce propositiones sunt, in quibus negatur veritas consequentiæ; ut *si Deus plectat innocentes, non propterea injustus est.*

11. *Causales* Enuntiationes dicuntur, in quibus occurrunt causales particulæ *quia*, vel *ut*. Sic, *Homo creatus est, ut Deus ei beneficeret*; vel *quia Deus ei benefacere voluit.* Ut ejusmodi propositiones sint veræ, oportet ut quod exprimitur eâ parte, ante quam est *ut*, vel *quia*, seu ad quam causalis particula pertinet, sit causa ejus quod exprimitur parte alterâ. Ita nisi beneficentia Dei

DE JUDICIIS. CAP. IV. 73

Homo, quatenus homo, rationalis; quâ homo, mortalis est.

13. *Relative* Propositiones dici solent, quæ aliquam comparationem, seu relationem complecti censentur; ut, *tanti sis quantum habeas*. Sed accuratè loquendo, omnes Propositiones complectuntur relationem, ut *Cap. IV. P. I. & Cap. I.* hujus secundæ Partis ostendimus. Omnium Propositionum veritas nititur veritate relationis, quæ est inter ideas; quæ in iis comparantur, non minùs quàm veritas harum Propositionum, quibus comparatio disertè expressa *relativis* nomen fecit. Contrariæ omnium Propositionum, ut & harum, sunt, in quibus negatur relatio, quæ inter ideas esse statuitur.

14. *Discretivæ* dicuntur, quæ varia judicia continent, ita ut varietas illa adversativis particulis *sed, tamen &c.* notetur, nisi subintelligantur; ut *Romani victi sunt ab Annibale præliis plurimis, sed non bello: Romani exercitus disciplinâ, non numero militum, vincebant*. Debet esse inter membra harum Propositionum oppositio, ut sint veræ, aut sensum aliquem fundant. Inepta esset hæc Propositio: *Romani strenui quidem erant, sed loquebantur Latine*, nam Latinus sermo nihil huc facit.

15. Contradicitur hisce Propositionibus, tribus modis; ut, *Romani exercitus vincebant non disciplinâ, sed numero*; & hæc est directâ contradictio; obliquiores sunt: *Romani exercitus vincebant neque disciplinâ, neque numero: & vincebant cum disciplinâ, tum numero*.

CAPUT V.

*De Propositionibus Exponibilibus, seu sensu
Compositis.*

1. **S**unt, uti diximus Capite superiore, §. 2. aliae Propositiones compositæ, quarum tamen compositio disertè expressa non est. Idèd, ut appareat, expositione indigent, proptereaquæ *exponibiles* dicuntur. In quatuor classes dividuntur; sunt, nimirum, *Exclusivæ*, *Exceptivæ*, *Comparativæ*, *Inceptivæ*, & *Desitivæ*.

2. *Exclusivæ* dicuntur eæ, in quibus prædicatum soli subjecto convenire affirmatur; ut, *sola felicitas æterna est propter se optanda*. Hæc propositio constat hisce duabus: *optanda est felicitas, & ea quidem felicitas quæ æterna est*. Contradici potest tribus modis, 1. si negetur prædicatum

DE JUDICIIS. CAP. V. 75

4. *Comparativæ sunt*, in quibus fit comparatio inter duas aut plures res, quarum una, aut plures majores aut minores aliquo sensu aliis dicuntur; ut, *Achilles Hectori fortior fuit; Patroclus Hectori inferior erat fortitudine*. Continentur in hisce propositionibus duæ aliæ: *Achilles fortis fuit, imò ipso Hectori fortior: Patroclus fortis quidem fuit, sed non æquè ac Hector*.

5. Contradicitur hisce Propositionibus, cùm Propositionem subintellectam & latentem negando, tum ipsam comparisonem impugnando. Ceterùm cavendum nè putemus positivum gradum ejus comparativi, qui in Propositione adhibetur, utrique idæ convenire. Ita interdum dicimus; *Melior est honesta paupertas malè partitis divitiis*, nec tamen volumus dicere malè partas divitias bonas esse, seu laudabiles. Igitur in hac propositione non sunt quærendæ hæ duæ: *bonæ sunt divitiæ malè partæ: melior tamen est paupertas*; sed hæ; *honestæ paupertas non est mala, seu vituperanda: at vituperandæ sunt divitiæ malè partæ*.

6. Cùm aliquid dicimus incipi, aut desinere, duo continentur in Enunciationibus, judicia; quorum unum respicit ad statum, in quo res ante id tempus quo incepit, aut desiit, erat: alterum ad eum in quo est, ab eo tempore. Propositio *inceptiva* dicitur, exempli causâ, hæc: *Lingua Latina à Tiberii principatu corrumpi cœpit*, idem enim est ac si diceremus, *Linguam Latinam ante Tiberium puram fuisse, sed corrumpi cœpisse ejus ævo*. *Desitiva* verò hæc: *Romana lingua desiit esse pura, ab eo tempore, quo innumeri peregrini Romanâ civitate donati sunt*.

76 LOGICÆ PARS II.

7. Mirum est à Philosophis non esse additam hîc Propositionem *continuativam*, quæ tria complecteretur judicia; ut si quis dicat: *sub Augusti principatu, pura remansit Lingua Latina*; hac enim propositione tria significantur, 1. ante Augustum puram fuisse Linguam Latinam: 2. sub eo puram remansisse: 3. sequentibus ætibus corruptam fuisse.

8. Inceptivis & desitivis contradicitur, duabus Propositionibus, quas continent, contradicendo; continuativis verò contradiceretur tripliciter, negando tres Propositiones quæ in iis latent. Verùm hæc omnia, licet vera, aliquem fortè usum habent in intelligendo sermone alieno, & suis cogitationibus ad normam Artis exprimentis; at in investigando vero exiguum, aut pænè nullum.

9. Eodem pertinet observatio, quæ ab omnes memoratas in hoc Capite propositiones spectat; nempe, licet multifariam eis contradici queat, attamen cum simpliciter negantur, exclusionem, exceptionem, comparisonem, inceptionem, desitionem, aut continuationem censeri negativâ conjunctione affectas, nullâ latentium propositionum ratione habitâ. Ita si dicam *sub Tiberii principatu Linguam Latinam corrumpi cœpisse*, idque simpliciter negetur; negationis hîc sensus erit, *non cœpisse eam tunc corrumpi*.

CAPUT VI.

De Propositionibus Complexis, & Incidentibus.

1. **C**UM definierimus Propositiones Compositas, eas quæ multiplex habent subjectum, aut prædicatum; sequitur eas simplices esse omnes, quæ unicum habent prædicatum ac subjectum, quantumvis hæc complexa sint. Ita Propositionio hæc simplex habetur: *quicumque virtuti constanter adheret, neque hominum sermones curat, est beatus*; quia quæcumque præcedunt copulam EST unum prædicatum constituunt, non minùs ac si esset loco-tot vocum vocabulum *Pius*. Nempe, hîc spectatur animus loquentis, qui non est affirmare quempiam constanter virtuti adhærere, aut ab eo contemni sermones. Vulgi: hæc non spectat hîc, sed ponit. Vult tantùm affirmare eos, qui ita se gerunt, esse beatos.

2. Atque hæc observatio locum habet, in omnibus ejuscemodi Propositionibus, quacumque tandem ratione sint conceptæ; seu sint nomina adjectiva quæ substantivo junguntur, ut *Cæsar, Imp. Romanorum maximus, Pompeium vicit*; seu pronomen *qui* intercedat, ut, *is Cæsar, qui Pompeium acie fudit, fuit vir doctissimus*, seu alio quovis modo.

3. Propositiones porrò complexæ sunt duùm generum; nam aut in *materia* Propositionis, hoc est, in prædicato, vel subjecto; aut in *forma*, hoc est, in copula, complexio est. Facile est fingere Propositiones in materia complexas; in

78 LOGICÆ PAR. II.

forma verò complexæ, hoc est exemplum: *Ego affirmo terram esse mobilem*; huc enim redit hæc Enunciatio: *Ego sum affirmans terram esse mobilem*. Voces autem *sum affirmans*, quæ copula sunt, complexum quid denotant, quod neque ad prædicatum, neque ad subiectum pertinet. Atque ejusmodi sunt omnes Propositiones, in quibus copula exprimitur verbo activo, quod casus aut infinitivus sequitur.

4. Peripatetici inter Propositiones complexas quoad formam, quatuor species potissimum considerant, quas *modales* vocant, quia affirmatio certâ ratione in iis *modificatur*. Nempe, aliquid dicitur esse *possibile*, *contingens*, *impossibile*, aut *necessarium*. Sic possumus dicere: *Cæsarem erat possibile à Pompeio vinci*, vel *non erat possibile. A Pompeio erat contingens Italiam deserere*; hoc est, poterat hoc fieri, aut omitti. *Neceffe erat, terrâ interpositâ, Eclipsin Lunæ creari*. Multa subtiliter de hisce modis observant Peripatetici, quæ ut supervacanea, aut alibi commodiùs tradenda omittimus.

5. In complexis Propositionibus quoad materiam, occurrunt Propositiones quædam, quæ à nobis *incidentes* vocabuntur; quia inter loquendum earum *incidit* mentio, quasi rerum

DE JUDICIIS. CAP. VI. 79

6. Hic porro ad animum revocandum quod diximus supra P. I. C. XI. §. 3. de significatione pronominis QUI, QUÆ, QUOD, quod modò est *determinativum*, modò *explicativum*.

7. Cùm pronomen hoc duntaxat explicativum est, tum subjectum potest ejus loco substitui: ut, *Alexander qui fuit filius Philippi bis Darium vicit*. Possumus enim dicere: *Alexander fuit filius Philippi*. Nempe, *qui* explicativum tantùm occurrit, ubi prædicatum Propositionis incidentis affirmatur de toto subjecto præcipuæ Propositionis.

8. Contrà verò, ubi pronomen determinativum est, subjectum præcipuæ Propositionis non potest loco pronominis substitui; quia non de toto subjecto præcipuæ Propositionis affirmatur. Ita cùm dicere queam: *Corpora, quæ pellucida sunt, habent poros*, non possum tamen dicere de corporibus in genere: *Corpora sunt pellucida*, neque enim omnia talia sunt.

9. Si quis quærat, quâ scire queamus pronomen relativum esse *οὗτος* aut *ἐκεῖνος*? nihil est quod reponamus, nisi hoc pendere ex cognitione animi loquentis, quæ aliunde haurienda est, quæque sola ambiguè dicta clariora facit; ut pluribus in locis *Critices* nostræ P. II. S. I. observavimus.

10. Similiter agendum, in aliis Propositionibus complexis; in quibus incidentem distinguere sæpe aliter à præcipua non possumus, quàm si sciamus quis sit scopus loquentis. Ita si animus mihi sit dicere gravia sponde deorsum, versùs terram tendere, & ita mentem meam exprimam: *Omnes Philosophi docent res graves*

80 LOGICÆ PARS II.

deorsum sponte tendere, prior pars erit incidens, (*omnes Philosophi docent*) & addita ad confirmandam affirmationem sequentem. Verum si mihi tantum *animus* sit exponere sententiam Philosophorum, tunc priores tres voces ad præcipuam Propositionem pertinebunt, seu partem unius Propositionis complexæ, sine *incidente*, constituent.

III. Propositionibus, quæ multipliciter complexæ, & in quibus plures occurrere possunt incidentes Propositiones, recensendis non immorabimur. Etenim, ut probè intelligantur, sunt dividendæ cæ Propositiones complexæ in simplices, & expendendæ ut aliæ, de quibus egimus.

12. Possent hic quædam addi, *de veritate*, ac *falsitate* incidentium Propositionum, non inutilia; verum pertinent potius ad Criticem, & huc potissimum redeunt; veritatem & falsitatem incidentis Propositionis non pendere à veritate & falsitate præcipuæ. Potest esse præcipua vera, licet sit falsa incidens, & vice versâ. Itaque hæ propositiones Complexæ, non nisi cum distinctione, negari, aut admitti possunt.

DE JUDICIIS. CAP. VII. 81

de veritate ac falsitate in genere omnium Propositionum, ut verum à falso secernere discamus, quam in rem adsequendam Philosophi omnes summopere laborarunt. Atque hic etiam est hujus Artis scopus, etenim bene ratiocinando ad veritatis cognitionem pervenire conamur.

2. Vera dicitur Propositio, cum naturæ rei, de qua quidpiam affirmatur vel negatur, consentanea est. Ita cum dico 4 esse $\frac{1}{2}$ 16, ea Propositio est vera, quia consentanea est naturæ horum numerorum. Si dicam bis 4 esse æqualem bis 3, Propositio erit falsa, quia non est horum numerorum naturæ consentanea.

3. Quicumque serid, & prout sentit, loquitur, se credere necessario nihil medium esse, inter verum & falsum, fatebitur. Sanè omnis Propositio in se considerata nobis videtur aut falsa, aut vera; sunt enim res *contradictoriae*, *consentaneum esse*, & *non consentaneum esse cum natura rerum*. Sunt quidem Propositiones verisimiles, aut falsitatis suspectæ; at hoc ad naturam Propositionum, quæ est in se vera aut falsa, non pertinet; sed ad cognitionem nostram, quæ, quod attinet ad hujuscemodi Propositiones, nondum satis magna est, ut certò pronunciare queamus. Qua de re postea agemus.

4. Fuere olim Philosophi, qui hoc unum certum esse hominibus contendebant, *nihil esse certum*, præter hoc ipsum eorum Axioma; veritatemque nullum habere indicium, quo à falsitate in ceteris rebus distingueretur. Verùm cum diffiteri non possent, quidquid vitiligarent, se hoc Axioma: *nihil certum est*, verum existimare, oportet in hoc Axiomate fuerit, secun-

D s. dùm.

82 LOGICÆ PARS II.

dùm eos, aliquod ~~verum~~ ^{verum}, propter quod id reliquarum propositionum omnium incertitudini eximebant. Ac fanè in eam delapsi erant sententiam, quòd ~~se~~ in iis quæ ab aliis Philosophorum sectis affirmabantur indubitata incertitudinis indicia ~~invenisse~~ existimarent. Igitur, dum ~~videri~~ volunt de omnibus dubitare, de omnibus certa judicia ferunt, cùm judicant incerta esse omnia quæ ab aliis dicuntur. Itaque necesse non est ut oppugnemus *Pyrrhonios*, aut *Academicos* (nam verbis, potiusquàm re, dissentiebant) quasi negantes notam prorsus esse veritatem; qui se verè de omnium rerum incertitudine judicare putabant, nec minùs *Dogmatici*, quàm ceteri Philosophi, erant.

§. Verùm ut nobismet ipsi satisfaciamus, quærendum unde quod affirmamus de rebus id earum naturæ esse consentaneum sciamus. Animadvertimus, si in nos descendamus, quædam esse, quæ necessariò adsensum exprimunt; alia verò, de quibus iudicium cohibere possumus. Ubi interduas ideas certam relationem videmus perspicuè, fieri nequit quin in ea perceptione adquiescamus, aut ut diutius de ea quærendum putemus. Ita inter bis quatuor & octo, adèd manifesta est relatio æqualitatis, ut an hoc ita se habeat dubitare ne-

DE JUDICIIS. CAP. VII. 83

7. Hinc colligere est, *evidentiâ* solâ, nobis omne dubium eximi. Superest quæramus, an ex eo quod de Propositione nullâ ratione dubitare possumus, sequatur eam esse veram?

8. Primum, circa hanc quæstionem observandum eam esse inter Homines planè supervacaneam; quia quodcumque tandem de ea judicium feramus, naturam nostram non mutabimus. Evidentibus semper necessariò adsentimur, & potestatem in nobis dubitandi de obscuris sentiemus. Ea quæstio agitari posset inter Naturas alias Rationis participes, ac nobis confabulantes; sed hominibus planè inutilis est.

9. Secundò, si *evidentiâ* reperiretur in Propositionibus falsis, necessariò in errorem conjiceremur, quandoquidem necessariò *evidentiæ* adsentimur. Hinc sequeretur Deum, qui nos fecit, esse errorum nostrorum auctorem, quandoquidem in errorem nos ineluctabiliter impelleret. At facere ut fallamur non est nisi maleficæ naturæ, quod de Deo suspicari nefas. Atque huc redit etiam responsio antè adhibita; nempe, si quis quærat, quare fallere maleficæ esse naturæ putemus, aut quapropter id in Deum cadere non credamus? aliud ut sentiamus frustra à nobis impetrare nitamur.

10. Tertiò, veritatem necessariò amamus, erroremque odimus; nemo enim non cupidus est cognoscendæ veritatis, nemo sponte fallitur. Quis autem à se impetrare queat, ut suspicetur ita nos à benefico Numine creatos, ut id vehementissimè amemus, quod aut consequi nequimus; aut, si consequamur, id nos adeptos nullâ arte cognoscere queamus?

84 LOGICÆ PAR. II.

11. Quartò, si in evidentibus erraremus, ut in aliis; deprehenderemus aliquando inter evidentes Propositiones contradictiones, quæ occurrunt passim inter eas, quæ de rebus obscuris agunt. At contrà, evidentia evidentibus semper consentanea sunt; cùm passim evidentia ab obscuris dissentiant. Unde colligere est Evidentiam non esse fallacem, atque in Obscuritate sola errorem latere posse.

12. Igitur Evidentia veritatis est *κατήκειν*, eaque demum vera censere nos oportet, quibus necessariò adsentimur. Nam hoc est quoque Evidentiæ proprium *κατήκειν*, ut adsensum necessariò eliciat. Quæcumque ergo evidenter cernimus consentanea esse rebus, de quibus agimus, ea vera esse censenda sunt. Contrà ubi Propositionem esse contrariam naturæ rei, de qua sermo est, evidenter videmus, eam falsam merito dicimus.

13. De iis verò, quæ obscura sunt, iudicium ferre temerarium est, ut observatum P. I. C. IX. *de obscuritate & perspicuitate idearum*, ubi quæ à nobis dicta sunt non repetemus. Ceterum quia sæpe temerè evidentia dicuntur, quæ reverà obscura sunt; quicumque in eum errorem incidere nolet, eum oportet iudicium cohibere quoad

CAPUT VIII.

De Perspicuitatis gradibus, deque Verisimilitudine.

1. **Q**Uoniam omnia quæ credimus non nituntur evidenti cognitione, Philosophi varios in iis quæ novimus observarunt gradus: qui ad hosce tamen duos possunt referri, *Scientiam, & Opinionem.*

2. *Scientia* est cognitio ex ipsius rei, de qua agitur, introspectione petita, & quæ omnem dubitationem excludit. Potest autem oriri ex simplici intuitione idearum, ut cùm considero hanc Propositionem: *totum est majus suâ parte*, & similes, quarum veritas solâ evidentia, sine ratiocinatione, cognoscitur: aut ex principiis evidentibus certa deducendo consectaria, etiam remotiora; quales sunt Geometrarum Demonstrationes innumeræ, per longam ratiocinationum seriem ex primis principiis necessario deductæ.

3. *Opinio* est assensus animi præbitus Propositionibus non evidenter primo intuitu veris, neque ex veris necessariâ consequentiâ deductis, sed quæ speciem veri præ se ferre videntur. Ita verisimile est Scriptores vitæ Alexandri ejus res gestas nimium extulisse. Amazonum Reginam ullam ab eo exceptam fuisse, aut ab eo Caucasum montem umquam conspectum, verisimile non est.

4. Solent nonnulli hisce addere *Fidem*, quæ est adsensus præbitus rem dicenti, quam ipsi non vidimus, neque ratiocinatione invenimus. Verum aut illa Fides nititur collectione necessariâ ex evidenti ratiocinatione deducta, aut tantum opinione *verisimili*; ideoque ad superiorum alterutram referri potest.

5. Hisce adjici posset *dubitatio*, vel *dubius adsensus*, quamquam hic quoque est *Opinio*, soletque generali nomine *Opinionis* contineri. Tunc est *dubius adsensus*, quando levis est *verisimilitudo*; quæ, cum magna est, firmam *Opinionem* parit. Verum ut hæc melius intelligantur, gradatim progrediemur à *verisimilitudine* incipiendo, donec ad *evidentiam* devenierimus.

6. Cum, ut in antecedente Capite vidimus, veræ Propositiones eæ dicantur, quæ sunt consentaneæ naturæ rerum, de quibus efferuntur; *verisimiles* sunt, quæ videntur naturæ rerum consentaneæ. Ea *verisimilitudo* potest esse major, aut minor; ac proinde *Opinionem* firmiorem aut infirmiorem gignit. Nititur autem, alienâ auctoritate; rei naturâ; cognitione, ac experientiâ nostrâ, seu verâ, seu falsâ; animisque nostri affectione & ratiocinationibus.

DE JUDICIIS. CAP. VIII. 87

hæc occurrit credendi ratio; in qua tamen variae sunt circumstantiae considerandæ.

8. Si qui aliquid narrat prorsus nobis ignotus sit, licet quod narrat sua naturâ incredibile non sit; attamen quia nobis non constat aliis experimentis, an sit fide dignus, prorsus adfentiri non audemus; ubi aliæ non occurrunt circumstantiæ, quæ ejus dictis pondus addant. At si sit leviter notus, procliviores sumus ad eam fidem habendam, præcipuè si sit vir celebris, auctoritatis magnæ apud plerosque; licet experienciâ nobis non liqueat, an eam famam, auctoritatémque meritò adeptus sit. Imò homini diviti, licet ceteroquin animi dotibus destituto, potius credimus, quàm pauperi; quòd, nempe, eum cum rerum peritioribus versari, non pauperem, suspicemur. Facies honesta, & sermones probi, ceteroqui leviter noto, faciunt ut non ægrè adfentiamur.

§. 8. Potius credimus quàm pauperi] Menander:

Πίνης λίγων τ' ἀληθείς ἔπιστεύεται.

Ekilemen:

Προσεν ἄρεσιν καὶ τῷ πίνῃ ἐπισία·
καὶ σφόδρ' ὑπάρχει, καὶ λίγη τὸ συμφέρον.
Δοκίμῃ π' φερέσιν τοῖς ἀκέραιον κακῶς
τῷ γὰρ πινῇ πῖσιν οὐκ ἔχ' λόγος.
Λ' ἦρ' ὃ πλουτῶν, καὶ ἄρ' ὃ ψευδογῆρ' ἦ.
Δοκίμῃ π' φερέσιν τοῖς ἀκέραιον ἀσφαλές.

In Grot. Excerpt. p. 779.

*Paupertas etiam hominibus deducit fidem,
Nam pauper quâvis catus & quod negotium
Facile consuevens, gravis est auditoribus,
Quia cassa pendere inopis est oratio.
At dives plenus falsis falsimonibus
Ita auscultatur, quasi res compertas setas.*

88 LOGICÆ PAR. II.

9. Si notior aliquis nobis quidpiam narret , quò notior est , hoc est , quò plura veracitatis ejus habemus documenta , eò promptiorem apud nos invenit fidem ; quamvis quin fieri possit eum in ea re fallacem esse ; dubitare nequeamus. Ægrè nobis persuademus nos falli ab eo , quem scimus ut plurimum veracem fuisse ; quia rarius fit ut qui veracitatis habitum contraxit , aut alium quempiam , contra indolem suam agat.

§. 9. *Veracem fuisse*] *Natura auctoritas*, ait Cicero in *Topi-*
cis cap. 19. *in virtute inest maximè. In tempore autem multa*
sunt quæ afferunt auctoritatem : ingenium, opes, ætas, fortuna,
ars, usus, necessitas, concursio etiam nonnumquam rerum fortui-
tarum. Nam & ingeniosos, & opulentos, & ætatis spatio proba-
tos, dignos quibus credatur, putant ; non rectè fortasse, sed vul-
gi opinio mutari vix potest, ad eamque omnia dirigunt, & qui
judicant & qui existimant. Qui enim bis in rebus, quas dixi,
excellunt, ipsâ virtute videntur excellere.

10. Sunt præterea variæ circumstantiæ , quæ vim addunt testimonio aliorum , ut si res fuerit ejus generis , in qua difficillimè falli potuerint ; ut si homines non vani se aliquid vidisse , tetigisse , diligenter expendisse , non leviter atque ~~ad id præcipue~~ observasse testentur. Præterea augetur verisimilitudo , si qui loquuntur nullam ex fide , quam iis habent alii , utilitatem trahant ;

DE JUDICIIS. CAP. VIII. 89

§. 10. Nullum ex fide &c.] Facit etiam necessitas fidem, quæ à corporibus, tum ab animis nascitur. Nam & verberibus, tormentis, igni fatigati quæ dicunt ea videtur veritas ipsa dicere; & quæ à perturbationibus animi sunt, dolore, cupiditate, iracundia, metu, quia necessitatis vim habent, assensum auctoritatem & fidem. Cicero in Topicis. c. 20. Vide & Scriptorem ad Herennium Lib. II. c. 2. & 3.

11. Secundum, quod hîc animum nostrum afficit, est ex ipsa rei natura, simû que experientia nostra ductum. Si res planè impossibilis proferatur, ut postea dicemus, quicumque eam narret, dum impossibilis videbitur, numquam credetur. Hoc enim est indicium falsi.

12. Necessè est ante omnia, ut id quod dicitur fieri posse putetur; si tamen numquam id viderimus, nec ab aliis experientiâ compertum, audiverimus, licèt res non sit impossibilis, exiguum apud nos fidem inveniet. Exempli gratiâ, si quis nobis narraret, se vidisse apud Indos adamantem nitidissimum, quî crassitie caput humanum æquaret; quamvis in ea re animus noster nihil videat planè impossibile, aut repugnans; attamen vix crederemus; quia nec ipsi umquam tantæ magnitudinis adamantem vidimus, nec ab alio ullo conspectum fando accepimus. * Hoc olim vidit *Empedocles*, cùm dixit, ea quæ neque conspecta sunt, neque audita ab hominibus, mentem non subire.

Οὕτως δ' ἐπιδερκὰ τὰ δ' ἀνδράσι, ὅτ' ἐπικυρώ.
Οὐτε γὰρ ἀεληπτά.

* Apud Laëtiū in Pyrrhone.

Idem.

Idem etiam dixerat :

Αὐτὸ μόνον πεπεισέναι, ὅτι αὐτοῖς αὐτοῖς ἕκαστος·

*Hoc tantum unumquemque persuaderi , quod
probat.*

Eleganter etiam * *Plinius : Varia opinio ex ingenio cujusque , vel casu.*

13. Quando simile quid vidimus , aut ab aliis visum accepimus , consideramus præterea quàm rarè , aut quàm frequenter id acciderit ; quò enim frequentius viderimus , aut ab aliis oculis usurpatum resciverimus , eò faciliùs credemus ; & vice versà , quò rariùs , eò difficiliùs. Ita si quis dicat se pontem vidisse lapideum , fluvio impositum , centum aut ducentos passus longum , haud ægrè ad sensum nostrum obtinebit ; sed difficiliùs credemus narranti se vidisse pontem ex solido marmore æstuario marino oppositum , ad quatuor passuum millia porrectum ; & alium pontem uno tantum quadringentorum pedum fornice suffultum ; quales apud Sinas esse dicuntur.

14. Ex eadem experientia , ad examen revo-

DE JUDICIIS. CAP. VIII. 91

ne gravibus rationibus facta esse credi nequit ; quæ rationes si prorsus ignorentur , res minimum dubia in animo nostro remanet. Si verò gravissimæ rationes animo obversentur , propter quas id fieri oportuerit , non dubitamus , aut certè facile credimus rem evenisse ; si modo constet , aut constare videatur eas causas Agenti non fuisse ignotas. Sic haud ægrè Hebræorum priscis Historiis , portenta plurima inter Hebræos à Deo edita fuisse , credimus ; quia gravissimi momenti erat , saltem unam Gentem ab Idololatria incorruptam servari , quod sine illis miraculis fieri non potuit. Sed ægerrimè credimus Deum , postquam Christiana Religio altas radices egit , prodigum miraculorum fuisse , propter res nihili ; qualem eum describunt & anteriorum ævorum Monachi , & nostri temporis Pontificii.

15. Tertium , quo ad credendum quidpiam adducimur , in nobis inest ipsis quærendam. Sunt enim quidam eventus , quorum veritas constare non potest , nisi iis qui animum priùs certâ cognitione imbutum habuerint. Exempli causâ , hi sunt eventus priscæ Historiæ : *fuit Macedonia Rex , qui Alexander vocabatur , à quo subacta est Asia , devicto Persarum Rege Dario.* Homini in Græcorum & Romanorum Historiis versato hæc usque aded constant , ut in dubium ea revocare nequeat ; Historiæ verò imperito , an vera sint , non liquebit. Nimirum , prior plurimos Historicos ea de re legit , variorum temporum , & populorum ; inter quos omnes , de summa rei convenit. Seriem totius Historiæ , cum qua hæc sunt connexa , novit , & ad eam cognitionem gradatim multiplici lectione pervenit.

12 LOGICÆ PART II.

12. Itaque si velit idem alteri persuadere, oportet eam ac eam veritatem per eodẽ gradus, per quos eam pervenit, deducat; alioqui pertina-
cia nunquam fidem faciet.

13. In hac porro verisimilitudine rerum ab alio narratarum, quò plures aut pauciores ex me-
moratis circumstantiis occurrunt, eò minor aut
major est. Imò ubi contingit omnes, aut longè
plurimas occurrere, tanta est vis conjunctarum;
et animos nostros æquè afficiant, ac maxima
evidentia. Exempli gratià, qui legit Historias re-
rum à Romanis gestarum non magis an fuerit *Ju-
lius Cæsar*, anve *Pompeium* vicerit, quàm an
lineæ à circumferentia circuli ad centrum ductæ
sint æquales, dubitare potest. Qui natus est in
cultioribus Europæ partibus, in dubium revoca-
re nequit an sit urbs Roma, aut fuerit saltem
hoc sæculo, usque ad ætatem nostram; nec se-
ciùs credit quàm triangulum constare tribus li-
neis rectis.

17. Quemadmodum autem in rebus theore-
ticis, & quæ à ratiocinatione pendent, eviden-
tia veritatis est *κατασκευαστική*: ita in rebus, quæ *facti*
dicuntur, concursus tot circumstantiarum indi-
cium veri indubitatum est. Certè hisce circum-
stantiis non magis resistere licet, quàm summæ

DE JUDICIIS. CAP. VIII. 93

18. Verisimilitudo nititur quoque solis nostris ratiocinationibus, solâve nostrâ experientiâ sine aliorum interventu, & omiſſis reliquis, quas antè enumeravimus, circumſtantiis; atque hîc etiam varii gradus diſtingui ita queunt; ut ubi ad ſummum ventum eſt, jam non ampliùs verisimilitudo, ſed explorata veritas habeatur, & ad ſenſum noſtrum neceſſariò eliciat.

19. I. Ubi agitur de rebus, quâs novimus quidem aliquatenus, ſed perſpectas non habemus, poſſumus verisimilia quidem de iis ferre judicia, potiùs quàm ſi planè eſſent nobis ignotæ; attamen vacillat ejuſmodi verisimilitudo, facilè enim nos erraſſe perſuaderi poſſumus. Sed ubi res eſt nobis experientiâ perſpecta certiora multò feremus judicia de quapiam ejus proprietate, licèt ipſa non ſit nobis perfectè nota. Sic aurifaber, qui ſæpiùs aurum liquefecerit, & variè tractaverit, poteſt certius judicare de quibuſdam ad aurum pertinentibus, quæ non vidit; quàm alius, qui circa aurum exercitus numquam fuerit.

20. II. Verisimilius eſt eum de re quapiam rectè judicare, qui priùs de ea dubitaverit, nec judicavit, niſi poſt ſerium & longum examen; quàm qui de re, diu non verſatâ, præceps judicium tulerit. Sanè nobiſmet ipſi magis credimus, poſtquàm diligens examen adhibuimus, quàm ubi judicium nimis citò ferendum fuit. Diligens autem examen non id dumtaxat dicimus, poſt quod nullum ſuperſit planè dubium, neque enim natura rerum, de quibus judicium ferendum eſt, ſemper patitur ſe ita introſpici, ut omne dubium nobis eximatur; ſed examen, quale

94 LOGICÆ PAR. II.

quale adhiberi circa rem ejusmodi potest. Sic paucas substantias, imò potius nullas, possumus ita expendere, ut certò plerasque proprietates earum nobis esse notas constet. Hinc fit ut Physica tota, *exceptis* illis quæ experientiâ cognoscuntur, conjecturalis sit.

21. III. Si antequàm judicium de re feramus, exercitati sumus in ejusmodi investigationibus, & sæpiùs judicia similia de aliis rebus tulimus, quæ veritati consentanea erant; inde sumtâ quadam inveniendi veri fiduciâ, faciliùs speramus nos rem acu tetigisse, quæ tamen fiducia sæpe fallax est.

22. IV. Prout nuper aut olim de re judicavimus, post examen institutum, judicia eo tempore, quo eorum recordamur, sunt nobis certiora, aut incertiora. Etenim ubi recens est memoria examinis, & totius rationis quâ institutum est, verisimiliora judicia nostra nobis videntur. Sed cùm tenuis tantùm examinis illius superest memoria, tum facilè subit de diligentia in examine adhibita dubitatio, nec audemus nostra judicia audaciùs tueri.

23. V. Cùm experientiâ notum sit, in ea re quam expendimus esse certas proprietates, vulgo ignotas & solâ ratione cognoscendas; divisasse nobis videmur, eò verisimiliùs, quò cum notis proprietatibus melius consentiunt. Si quærat quæ Hypothesis circa dispositionem Solaris Vorticis, in quo Terra nostra est, sit similior vero? *Ptolemæi*, *Tychonis*, aut *Copernici*? hujus Hypothesis aliis præferetur, quia ejus operatio omnium *φαινομένων*, seu eorum quæ circa nos in Planetis & Stellis fixis apparent, red-

DE JUDICIIS. CAP. VIII. 95

di potest, cum ex aliis supersint plurima planè *αλυτα*. In similibus investigationibus, magnum etiam pondus habet Hypothesis simplicitas. Quò enim pauciora ponuntur, ad reddendam *ἡ φαινομένη* rationem, eò plausibilior est Hypothesis, modò ejus ope omnibus satisfiat.

24. VI. Ubi agitur de re, quæ sensibus obnoxia est, postquam sensus rectè dispositos adhibuimus; tum non ampliùs simplex probabilitas, sed indubitata veritas animo obversari videtur. Sunt tamen cautiones adhibendæ, quas hic non memorabimus, cum earum examen ad Physicam potius pertineat. Præterea observandum sensus non ad objecta penitus cognoscenda, sed tantùm quatenus ad vitam hancce tuendam cognitu necessaria sunt, nobis esse datos.

25. Ceterùm quibusdam sensibus magis credimus, quàm aliis, ut visui magis quàm auditui; quia magis afficimur iis quæ ope oculorum nobis innotescunt, quàm iis quæ per aures subeunt. Sed quando plures sensus concurrerunt in re deprehendenda, ut cum vidimus, tetigimus, audivimus, tum prorsus convincimur, neque ullatenus nobis dubitare licet, utrum aliquid ante oculos nostros versatum fuerit. Ita si amicum vidimus, audivimus loquentem, complexi sumus, dubitare non possumus, quin re verà is sit: uti dubitare non licet an linea curva, quæ à certo puncto ad aliud porrigitur, longior sit lineà rectà, quæ inter duo illa puncta duceretur. Igitur ejusmodi convictio ex sensibus orta, evidentiæ ratiocinationis æquiparatur;

tur; quoniam illi, quàm huic, non magis licet resistere.

26. Ex hisce omnibus liquet hoc discrimen inter tenuiorem verisimilitudinem esse, & summum ejus gradum: quòd huic ad sensum negare nequeamus, illa verò animo nostro obversante, judicium cohibere possimus, si velimus, aut etiam ad sentiri.

27. Alius est autem Propositionum verisimilium usus, in vita communi; alius in rebus philosophicis, ac merè theoreticis. In vita communi, rarè evidentibus nitimur ratiocinationibus ad agendum, satis est modò sit verisimilitudo haud spernenda, ut adducamur ad aliquid faciendum. Si enim immoti staremus, donec evidentissimè nobis constaret quid esset agendum, nobis foret brevi pereundum. Attamen non oportet nos ita gerere, ut levissimâ verisimilitudine commoveamur in omnibus. Quoad ejus fieri potest, omnia sunt diligenter expendenda, & is habitus contrahendus judicandi rectè, ut celeriter sine periculo judicare queamus. Sæpissimè etiam ex duabus rebus, non omnino certis, eligenda est ea quæ minus periculum, si fallamur, secum trahit. Verùm hæc ad Ethicam pertinent.

28. In Philosophicis rebus, non tam libere uti-

DE JUDICIIS. CAP. IX. 97

festum, ut à nobis alibi observatum est, nos con-
jiceremus.

29. Ceteroquin, in omnibus, *Evidentiam Mathematicam* exigere non debemus; quando-
quidem ea tantum habet locum in ideis abstractis
& adæquatis, quarum omnes relationes & partes
novimus. At in rebus *Facti*, *Evidentia*, *Mo-
ralis*, qualem in hoc Capite descripsimus, seu
summum verisimilitudinis gradus, cui necessariò
adsentimur, ex circumstantiarum concursu ex-
surgit; in quo adquiescere par est.

CAPUT IX.

De Propositionibus Dubiis, Falsitatis Su- spectis, & Falsis.

1. **L**Ustravimus, in antecedente Capite, varios
gradus, quibus ab infima verisimilitudine
ad veritatem indubitata[m] adscendimus; in hoc
verò per similes gradus, qui à dubitatione sunt ad
persuasionem usque evidentem, quàm falsum ali-
quid esse statuimus, descendemus.

2. *Dubia* in genere sunt ea, in quibus nulla
occurrunt evidentia veri aut falsi indicia; qualia
quæ leviter verisimilia sunt. Interdum in iis pau-
culas circumstantias, quibus solet verisimilitudo
effici, sine ullis quæ excitent in nobis suspicio-
nem falsi, cernimus. Ejusmodi sunt antiquæ
nonnullæ Historiæ, quas nec rejicere possumus,
propter aliquam speciem mendacii; nec etiam
admittere, quasi indubitatas, quod non sint in
iis sat multa indicia veri. Ita quod Sinæ de an-
tiquissimis suis Regibus, & præsertim de *Fohi*,

Tomus I.

E

qui

98 LOGICÆ PARS II.

qui haud multò post Noachum vixit, neque certum haberi, neque quasi mendacii suspectum traduci à nobis potest. Similiter si quis rerum Universalitatis esse multò plures incolas, quàm sunt homines; esseque alios Planetas felicioribus, aut infelicioribus colonis occupatos, affirmaret, hoc rejicere quasi falsum, aut credere quasi verum nequiremus.

3. Interdum sunt quædam circumstantiæ, quæ mendacium comitari solent, aliis haud improbabilibus permixtæ; sed ita ut hæ posteriores majori sint numero, aut majoris ponderis. In fabulis Græcorum, quæ sunt antiquissima Græciæ fama, sunt plurima mendacia manifesta; attamen, si accuratè expendantur, occurrent circumstantiæ plurimæ, quæ ostendent verisimillimum esse priscis Græciæ colonis plurima accidisse, quæ fabulis occasionem dederint, atque aded quæ narrantur à Poëtis, non esse omnia falsa; sed verum à mendacio secernere, saltem ubique, difficile est.

4. Sunt alia, in quibus occurrunt totidem rationes credendi quidpiam esse falsum, ac sunt ejusdem rei quasi veræ admittendæ. Hoc plurimi judicium ferant de * Gigantibus, ac Giganteis ossibus, quæ in variis locis reperta narrantur. Ejus generis sunt plurima, quæ passim de Dæmonio-

DE JUDICIIS. CAP. IX, 99

5. Secundò, sunt *falsitatis suspectæ* Propositiones, in quibus plura & graviora indicia falsi, quàm veri sunt; licèt ea indicia necessariò ad sensum non eliciant. Incidia autem hæc sunt opposita signis verisimilitudinis, unde possunt faciliè colligi, ne eadem repetere hîc necesse sit. Ita ostendi posset hîc longa sèries Regum Assyriorum, quam ex *Ctesia* habent Vett. nonnulli Historici, plura habere signa mendacii, quàm veritatis; licèt *ἀποτόμως* negari nequeat. Quod dicit *Cartesius*, de ratione quâ tonitrua formantur, concursu nivofarum nubium, quæ inter se exhalationes ac vapores collidunt, ejusmodi est ut videatur falsum esse; nec tamen prorsus rejici queat, ut in *Phyfica* ostendemus.

[§. 5. *Plura & graviora Græc.*] Hujusmodi est quod *Antias Valerius* scripserat de rumore Romæ sparso, quo P. & Lucius Scipiones capti, Legionésque Romanæ in Asia deletæ ab Antiocho ferebantur. *Rumoris hujus*, inquit Livius, Lib. XXXVII. c. 48. *quia neminem alium auctorem habeo, neque affirmata rei meâ opinione sit, nec pro vana prætermissa.*

6. Eadem hîc servanda cautio, quam circa verisimiles Propositiones tradidimus. Nempe, de dubiis, dubitandum; de falsi suspectis, suspicio est animo fovenda. Temerarium esset eas confundere cum falsis prorsus, non minùs ac si compertæ veritatis haberentur. Nec inter se etiam sunt confundendæ, quasi ubicumque occurrit dubitandi levis occasio, falsitatem subesse suspicaremur necesse esset.

7. *Falsæ* denique à nobis dici meritò possunt Propositiones, aut *evidentiæ Mathematicæ*, aut *Moralis* oppositæ. Ita falsum est corpus humanum, aliquot pedes longum; posse intra frustulum

100 LOGICÆ PARS II.

lum panis tenuissimum contineri. Falsam Propositionem proferret, qui numquam fuisse urbem, quæ *Roma* vocaretur, diceret.

8. Verùm licet hæc natura sit falsarum Propositionum, non semper perinde est nota; ideoque libertate nostrâ, quâ possumus obscuris adsentiri, abusi sæpe quod falsum est statuimus esse verum. Attamen non potest evenire, ut id cujus falsitas nobis nota est, à nobis simul habeatur pro vero; hoc enim repugnat *verum, & non verum habere idem.*

9. Universalis, & quâ omnes aliæ continentur, origo *Erroris*, quo falsum existimamus esse verum, est is abusus, quem diximus, libertatis; quo fit ut obscuris adsensum præbeamus, quasi perspicuis. Sed sunt particulares quædam erroris occasiones, pauldò minùs generales; quæ dignæ sunt quæ à nobis, ut ab iis caveri possit, recenseantur.

10. Primùm, aliquando desunt rationes seu argumenta, quæ possent quidem haberi, sed judicaturis eo tempore non suppetunt. Si iudicium tunc feratur, periculum est summum erroris. Ita si quis sine instrumentis necessariis quæ Poli sit altitudo, quam aliunde non acceperit, judicare adgrediatur; falli potest, nec

DE JUDICIIS. CAP. IX. IOI

culo erroris , quod nullâ arte possit certior fieri an idea substantiæ illius , quæ idea animo ejus obversatur , adæquata sit , nec ne. Quàm multa de divina natura , Deique decretis dicta sunt ; ad quorum veritatem cognoscendam , necessaria nobis defunt subsidia ? Deficientibus omnibus Historicis Monumentis , Historia Gentis cognosci nequit , nec quidquam verum nisi casu de eâ dici. Quot conjecturæ inanes circâ Historiam Sacram , & Ecclesiasticam , quasi certæ afferuntur , quæ multò majorem Historiarum postularent lucem , si de iis quidquam certi statuendum esset ?

11. Secundò , erroris occasio est imperitia eorum qui ratiocinantur , & qui sæpe ingenium ac judicium suum numquam excoluerunt. Licet rationes validæ adferantur , quibus periti commoverentur , non adsentiuntur ; quia nec usu didicerunt bene ratiocinari , neque ad Artis regulas umquam animum adplicuerunt. Sic plerosque homines qui Artibus Mechanicis , ad vitam sustentandam , operam dant ; extra ea quæ experientiâ norunt , stultè ratiocinari , inepta argumenta quasi solida admittere , & solida quasi inania repudiare quotidie videmus. Hoc præsertim in Religione observare licet , de qua portenta quævis plebecula , quasi demonstrata , credulis auribus bibit. Imò qui honestioris sunt ordinis , ipsi etiam sumnates , qui in voluptatibus vitam terunt , ita judicium suum negligunt ; ut , præter ea quæ à stultorum Magistrâ Experiencia didicerunt , nihil penè teneant , & à peritioribus , aut fraudulentis hominibus nullo negotio in absurdissimas opiniones conjiciantur.


102 LOGICÆ PARS II.

Cujus rei nimis sunt frequentia exempla, & antiqua & recentia.

12. Tertia erroris causa in eo sita est, quod argumentis veri aut falsi, quæ alioqui nota sunt, aut cognosci possent; sæpe homines uti nolint; quod oritur ex variis affectibus. Impatentia laboris, exempli causâ, impedit quominus longum ratiocinationum nexum expendere, aut sat multa experimenta exspectare velimus: facitque ut citius judicemus, quàm cognoverimus. Cupiditas famæ, quâ quamprimum frui optamus, dum eruditi volumus videri, antequàm simus, judiciorum præproperorum de rebus non satis notis causa est. Odium hominis, aut sectæ, facit ut inauditos damnent qui sunt eo affectu præpediti; néve adversariorum, aut inimicorum argumenta expendant impedit. Cujus rei, ne exempla apud Ethnicos solos exstarent, degeneres Christiani Veteres & Hodierni operam dedere.

13. Quarta denique causa Erroris sita est in fallacibus regulis verisimilitudinis, quæ ad quatuor potissimas classes referri queunt, & quarum aliquot obiter notavimus, ubi de verisimilitudine egimus.

14. Prima est *opinionum dubiarum*, quæ postquam quasi indubitatae admittæ sunt, innumeros alios errores pariunt, quando falsa esse contingit.



DE JUDICIIS. CAP. IX. 103

§. 14. *Opinionum dubiarum*] Cicero pro Roscio Comedo :
se est vulgus, ex veritate pauca, ex opinione multa affirmat. C. 10.

15. Secunda est *receptarum Hypotheseum*, quæ quasi certæ statuuntur, quod ab infantia viderimus eas admitti ab omnibus inter quos viximus, & ab iis etiam quos amamus, aut colimus. Cum enim à teneris unguiculis aliquâ opinione, quam tunc expendere nequibamus, imbuti fuimus; haud faciliè ab animo nostro evellitur, aut etiam dubia redditur. Sæpissimè autem opiniones receptæ universè à maximis gentibus falsissimæ sunt; unde etiam numerosa sumentorum, per consequentiās, nascitur propago. Ita cum Romanorum plerique crederent Romulum & Remum à lupa nutritos, cum ipsa illa in re tallebantur, tum etiam animum, ad similes credendas neniās, parabant. Hujus rei exemplum est *Trogus Pompeius*, qui cum quemdam *Habidem*, antiquissimum Hispaniæ Regem, cervæ lacte nutritum fuisse accepisset, non audebat in dubium revocare; quod alioqui etiam dubitandum fuisset de *Περικλέει* Romuli & Remi, cum non esset major ratio credendi unius, quàm alterius. * *Hujus casus*, inquit de Habide Justinus, *fabulosi videntur, nisi & Romanorum conditores lupâ nutriti, & Cyrus Rex Persarum cane alitus proderetur.*

16. Tertia est *affectuum*, qui nos ad fidem habendam parant, aut contrà animum nostrum obstruunt quibusdam opinionibus. Verisimile sæpe

* Lib. XLIV. cap. 4. Vide simile quiddam in *Panegyrico Nazarii Constantino dicti*. Cap. xv.

104 LOGICÆ PARS II.

sæpe aliquid nobis videtur, quia nostrâ interest, ut verum sit aut videatur. † *Quæ volumus, & credimus libenter, & quæ sentimus ipsi, reliquos sentire speramus.* Hoc quotidie observare est, cum nos aut vicini, sociisve bellamus. Clades nostrorum exercituum, aut peccata ducum, si quæ nuncientur, non credimus. Contrâ victorias nostrorum credulitate nimiam amplificamus, & imperitiam aut ignaviam hostium augemus. Idem, quem modo laudavimus, Scriptor de Ædulis falso nuncio deceptis: *impellit alios avaritia, alios iracundia, & temeritas, quæ maxime illi hominum generi est innata, ut levem auditionem habeant pro re comperta.* Lib. VII. B. G. cap. 42. Atque hac in re tanto agimur affectu, ut illis vehementer indignemur, qui audent ostendere quàm levi talo nitantur nostræ Opiniones. Nec desunt etiam qui pignora deponant, ea amissuri, nisi sui constitutâ die victores evaserint. Cum metus est ingens, quæ metui consentanea sunt, etiam à levibus auctoribus persuadentur. Sic Tyrii ab Alexandro obsessis, & rerum suarum trepidis, cum nescio quis dixisset oblatam esse per somnum sibi speciem Apollinis urbem deferentis; *quamquam auctor levis erat, tamen ad deteriora credenda pro-*

DE JUDICIIS. CAP. IX. 105

Ibid. *Verifimile* &c.] Spem, seu Cupiditatem: & metum: eo modo animum afficere observavit Seneca in *Hercule furente*. VI. 313.

MEGAR-A. *Quod nimis miseri volunt
Hoc facile credunt.* AMPHIT. *Imò quod metunt nimis;
Numquam amoveri posse, nec tolli putant.*
Prena est timori semper in pejus fides.

Ovidius Ep. Phyllidis ad Dem.
Tardè qua credita ladunt
Credimus.

Ibid. *Cùm metus est ingens*] De eo quod nobis nocere potest adrentius cogitamus, quàm de eo quod prodest. Cicero pro P. Quintio §. 2. *Omnes, quorum in alterius manu vita posita est, sæpe illud cogitant, quid possit is cuius in ditione ac potestate sunt, quàm quid debeat facere.*

17. Ubi agitur de dogmatibus speculativis, ea credimus etiam esse vera, quorum veritate posita, melius nobis est, aut esse putamus. Multi sunt & fuerunt, apud plurimas Ethnicorum, Judæorum, Muhammedanorum, imò & Christianorum familias, qui ea se credere profitentur, & credunt re ipsâ, quorum fides ipsorum commodis conducit. Quæcumque dubia in animo nascuntur circa dogmata, quibus, sine molestia aut periculo, fidem detrahare non possunt; ea veluti nascentia, animum ad alia avertentes, suffocant. Quod suis honorificum id facile sibi persuaderi sinunt, difficilius quod indecorum est. Imò interdum sermone ita eum animi affectum produnt homines, ut licet veritatem se videre profiteantur; tamen indicent se paratos contrarium credere, si qua esset quâ se possent tueri auctoritas. Ita Livius Lib. XXI. cap. 46. ubi loquitur de Scipione Africani patre Pœnis crepto: *Servati*, inquit, *Consulis decus*

106 LOGICÆ PARS II.

Cælius ad servum natione Ligurem delegat. MALIM equidem de filio verum esse, quod & plures tradidere auctores & fama obtinuit. Curtius de deleta, per temulentiam, ab Alexandro Persepoli: Pudebat Macedones tam præclaram urbem à comessabundo Rege deletam esse. Itaque res in serium versa est, & IMPERAVÉRUNT sibi, ut crederent illo potissimum modo fuisse delendam.

18. Admisso præ affectu dogmate, idem affectus facile suadet ea quæ dogmati consentanea sunt, possuntque ad id confirmandum prodesse, esse verissima. Admisâ superstitiosâ opinione de prodigiis, Romani facillimè quod nunciabatur simile credebant, præsertim difficilibus temporibus; quod idem, cujus verba modò attulimus, *Livius* observavit Lib. xxi. c. 61. *Multa eâ hyeme, inquit, prodigia facta; aut, quod evenire solet, motis semel in Religionem animis, multa nunciata & temerè credita sunt.* Ita Pontificii, admisso semel imaginum cultu, exempli gratiâ, aut summâ Episcopi Romani auctoritate, avidè arripiunt quæcumque ad hæc tuenda dogmata apta sunt. Monumenta conficta, primorum sæculorum Christianis supposita, quasi genuina defendunt, ubi ex iis aliqua pro illis

DE JUDICIIS. CAP. IX. 107

tur, non satis accuratè expensum sæpe arripimus. Scripturæ divinæ unica, in dirimendis Christianorum controversiis, summo jure propugnatur auctoritas; at propterea aut nulla esse in ea Librariorum vel levia mendâ, aut puncta Hebræorum vocalia à Prophetarum manu esse, quosdam pertinaciter contendere par non erat. Atque ejusmodi errorum, ex affectu natorum, exempla sunt innumera.

19. Quarta verisimilitudinis mala ratio est ex auctoritate, cui temerè confidimus, petita. Passim videmus homines, quibus sanè humanum ingenium & humanæ facultates deberent notissima esse, alii, quasi certò sibi compertum esset eum non falli, credere; cum non nisi inanes temerariæ suæ fidei rationes habeat. Certe hominibus, cum de re agitur, quam aliter, nisi ex eorum narratione cognoscere non possumus, tibi eorum narratio habet indicia veritatis, de quibus in Cap. antecedente diximus; numquam simplici auctoritati, rationibus destitutæ, adsentendum. Ita qui credunt Ecclesiæ, sine rationibus affirmanti, & putant eandem Ecclesiam esse ~~ad perpetuam~~, non propter rationes, sed quia ita edocui sunt; & ad illam opinionem, quasi ad scopulum quemdam è naufragio adpellentes, ab infantia adhæserunt, auctoritati temerariam fidem habent.

§. 19. Ed autem nobis à fallace auctoritate diligentius cavendum, quò magis viam quâ ad auctoritatem summam sæpe pervenitur, consideraverimus. Audiri dignus est hanc in rem Cicero in Topicis, cap. 20. *In homine virtutis opinio valet plurimum. Opinio autem est non modo eos virtutem (adde & scientiam) habere qui habeant, sed etiam qui habere videantur.*

108 LOGICÆ PARS II.

Itaque quos ingenio, quos studio, quos doctrinâ præditos vident, quorumque vitam constantem & probatam, ut Catonis, Lælii, Scipionis, aliorumque plurimum, videntur eos esse, quales se ipsi vident. Non solum eos censent tales esse, qui in honoribus populi, reque publica versantur; sed & Oratores, & Philosophos & Poëtas, & Historicos, ex quorum & scriptis & dictis sæpe auctoritas petitur ad faciendam fidem.

20. Denique, circa hæc omnia observandum ut plurimum esse quamdam *συμπεριουλήν* causarum, quæ nos in errorem conjiciunt; ac rarò, propter unicam, nos in errorem delabi. Inopia argumentorum; imperitia in iis expendendis, quæ suppetunt; eorumdem neglectus, quo fit ut ea ne considerare quidem velimus; fallaces verisimilitudinis rationes, dubia dogmata pro compertis habita, opiniones vulgò receptæ, perturbationes animi, auctoritas male tuta; omnia interdum confertim in animos nostros simul irruunt, interdum divisim, ut ita dicam, copius nos adgrediuntur & transversos nullo negotio agunt.

21. Contrà hæc una generalis cautio est, jam allata; si nulli Propositioni, firmo animi iudicio, adsentiamur, dum est obscura, seu dum sentimus nos posse, ei adsensum negemus. Verisimilitudini verò eatenus, quatenus ad verum accedit, credamus.

22. Sed sunt præterea singularia remedia adhibenda, petita ex consideratione causarum, quæ nos in errores conjiciunt. Ubi, nimirum, expendenda est Propositionis veritas, aut falsitas, videndum anxie annon ad eam admittendam aut rejiciendam proclives fortè simus, propter aliquam ex memoratis causis. Si quid simile in

in nobis esse suspicemur, quàm diutissimè fieri potest, cohibendum judicium, res altiùs investiganda; interdum etiam alios, in quibus eàdem præconceptæ Opiniones non sunt, consuluisse profuit.

23. Exempli causâ, si deprehendamus à nobis Opinionem animo admissam, eò quòd à magno virorum doctorum numero recepta fuerit; quod animadvertemus, si severè nosmet ipsi interrogantes, nullam aliam rationem ob quam dogma quoddam animo nostro insederit, proferre possimus; Si, inquam, nos solo numero sic opinantium niti sentiamus; tum utile erit cogitare alias sectas Philosophorum aut Theologorum, quorum numerus sæpe minor non est; interdum etiam major, contraria, aut dissimilia affirmasse; quòd, nempe, viri plurimi eorum judicio præstantes, easdem sententias fovissent. Hinc nobis opinionis nostræ quàm infirmum sit fulcrum, liquebit; si vel minimùm amantes veritatis simus. Atque eadem ratione in ceteris agendum erit, nisi malimus in perpetuo erroris periculo, quàm in certa veritatis luce versari.

CAPITULUM X.

De Fide.

1. **C**APITE VIII. §. 4. Fidem posse aut ad Scientiam, aut ad Opinionem referri ostendimus, ideoque quæ de hisce duabus hæcenus diximus possent etiam Fidei accommodari. Verùm quia res est maximi momenti, propter

PIO LOGICÆ PARS II.

Christianorum controversias , paucis singulari Capite ea de re agendum duximus.

2. *Fides* in genere dicitur Adſensus Propositioni præbitus ab alio prolata , cujus veritatem ratiocinatione aut experienciâ ipsi immediatâ nonprehendimus , sed ab alio prehensam credimus. Potest distingui in *cæcam* & *oculatam*. *Cæca* fides est , quâ Propositioni prolata ab aliquo , à quo verum dici nullâ certâ ratione nobis constat , adſentimur ; atque hic adſensus homine sapiente prorsus indignus est. *Oculata* est quâ propositioni prolata ab eo , quem neque falli , neque fallere velle certò scimus , adſensum præbimus. Quò autem evidentiores sunt hæ rationes , eò firmior est Fides.

3. Distingui quoque solet in fidem *divinam* & *humanam*. Prior est , quâ Deo affirmanti , credimus ; posterior , quâ hominibus . Ubi æquè nobis constat Deum esse loquutum , ac homines , firmior est fides divina quàm humana ; quia ut plurimum certiores sunt rationes , quæ persuadent Deum neque fallere , neque ipsum falli ; quàm quæ idem , ut de hominibus credamus , efficiunt. Verùm ubi dubium est , an Deus aliquid dixerit ; aut Deum dixisse credendum , quia ab hominibus aliis narratur , fides credendi rationibus firmior esse nequit . At interdum tam

DE JUDICIIS. CAP. X. III

nemo ejusmodi fidem jactare potest; nisi sit Propheta, quem Deus immediatè adloquutus fuerit. Hodie quidquid est fidei inter Christianos pendet ex hominum testimonio, quos vera quidem dixisse certissimis rationibus liquet, sed quarum vis pendet ex cognitione Historiæ; nam sancti viri, quos Deus immediatè adloquio dignatus est, dudum terris erepti sunt.

5. Hinc videmus cum omnis fidei, tum etiam hujus nostræ, fundamentum unicum esse rationationem; quæ non fallit, ubi necessarium elicit adsensum. Deo crediderunt ii quibus immediatè voluntatem suam patefecit, propter certas rationes, non cæco adsensu. Iis hodie credimus, aut potius eorum Scriptis; propter rationes, quarum vim non aliter noscimus, quàm quemadmodum novimus quare indubitatis aliis Historiis assentiamur. Verùm hodie plurimi hæc omnia rejicientes, quæ de rationibus credendi diximus, aiunt se firmissimè persuasos à Spiritu Sancto, licet planè ignorent rationes credendi. At iis quidem licet sibi et ipsis gratulari; sed quoniam sui *ὁρθοτατοι* nulla afferunt argumenta, de eo dubitare aliis licitum sit oportet.

6. Hinc quoque liquet Propositionem, quam quispiam immediatè à Deo se accepisse putat, non posse nisi stultè ab eo admitti, quasi indubitatum fidei objectum, si cui cognitioni evidenti contraria sit. Nimirum, licet certissimum sit Deum non posse falli, neque fallere; tamen fieri nequit ut is, ad quem directa est revelatio, evidentiores rationes habeat ei credendi, quàm evidentes veritates amplectendi.

7. Ve-

112 LOGICÆ PARS. II.

7. Verùm immediata revelatio, quam à Deo esse manifestò liquet, potest admitti, licèt contraria sit verisimilibus Propositionibus; quia tunc rationes, quæ revelationem eam à Deo manare suadent, firmiores sunt iis, quibus Propositiones verisimiles nituntur.

8. Si autem revelationem divinam, seu immediatam, contrariam esse evidenti veritati per Rationem cognitæ, credere nequeamus; minùs certè revelationem mediatam, seu hominum ministerio ad nos delatam, si contraria sit evidenti veritati, admittere possumus. Nam licèt indubitatum sit Deum non esse fallacem, attamen scire non possumus pari evidentiâ ejusmodi revelationem verè à Deo profectam, quâ novimus veritates manifestas.

9. Præterea Propositionum, quæ olim revelatæ dicuntur, æquè evidenter cognoscere sensum nequimus; ac novimus veritates manifestas, quas operâ Rationis cognoscimus. Itaque posito Propositionem olim revelatam fuisse, propter validas rationes; attamen sæpe adhuc non levis potest superesse difficultas, in sensu Propositionis invenièdo, nec tam certò nos eum adsequutos, quàm unum & plura differre, exempli causâ, scimus.

10. Hinc ulterius colligimus, quidquid est fi-



DE JUDICIIS. CAP. X. 113

guis operam sat diu dedisse, aut aliis qui eas non-
runt credere, propter certas rationes, quæ non nisi
ratiocinatione cognoscuntur.

11. Hæc eò certiora videbuntur, quò accu-
ratiùs expenduntur, præsertim si reputemus, re-
velationem ad homines missam non fuisse, ut
omnia eos edoceret, quasi nihil prorsus scirent;
aut quod revelatur ad eò novum non esse, ut
nullam connexionem, neque similitudinem ha-
beat, cum iis quæ jam noverant. Contrà re-
velatio statuit nobis plurima esse nota, neque
enim accepimus Systema omni ex parte perie-
ctum, & cujus solâ lectione, sine ullo consecra-
riorum usu, voluntatem divinam cognoscere
possimus. Pōnit revelatio & res plurimas notas
esse iis ad quos pertinet, & certum etiam sermo-
nis usum, ex quo concepta est, & ex cujus regu-
lis intelligenda; quod iis quibus sermo ille non
nisi studio innotescit, quàm iis quibus vernacu-
lus erat, difficilior est.

12. Multa possent hanc in rem adferri, quæ
neque injucunda, neque inutilia essent; sed
quæ pertinent ad alias disciplinas, Theologiam
putà & Criticam. Hic satis habemus ostendere
de veritate & sensu Propositionum, quæ revela-
tione innotescunt, iisdem subsidiis, judicium
certum ferri, ac de Propositionibus ceteris om-
nibus, de quibus narratione tantum certiores
simus.

CAPUT XI.

De Propositione, quæ Divisio dicitur.

1. **U**bi de re aut idea composita agendum est, partes ejus singillatim considerandæ; quod nō fiat, dum confunduntur partes aut proprietates distinctæ, necessariō nascitur obscuritas. Vitatur autem *Divisione*, quæ partes rei, circa quam meditatio nostra versatur, enumerat.

2. Divisio definitur: *distributio totius in omnia, quæ continet*. Apud Philosophos autem vox *Totum* duplicem sortita est significationem, unde etiam duplex distinguitur divisio.

3. Totum est, quod constat partibus *integrantibus*, quales sunt substantiæ, quæ componuntur variis partibus; ut corpus humanum, quod potest in plura membra dividi. Hæc divisio à Philosophis propriè *partitio* appellatur.

4. Est & aliud *Totum*, aliter Latine *Omne* vocatum, quod est propriè idea quædam abstracta, quæ pluribus rebus communis est, qualia sunt Universalia; aut idea composita, quæ complectitur substantiam & accidentia, aut saltem plura

DE JUDICIIS. CAP. XI. 115

tribuitur, secundum accidentia opposita; ut quando Stellæ distribuuntur in eas quæ lucem ex se emittunt, & eas quæ opaco corpore lumen solare reflectunt. Tertia est, quando accidentia ipsa dividuntur, secundum subiecta quibus insunt; ut quando bona dividuntur in bona animi, corporis, & fortunæ.

6. Tres à Logicis conditæ sunt bonæ divisionis Regulæ. Hæc est prima: *Membra divisionis debent exhaustire totum divisum.* Ita quando numerus omnis dividitur in *Parem* & *Imparem* recta est divisio; quia nullus prorsus est numerus, qui non sit par, aut impar. Sed si divideretur in denarium, & septenarium, ridicula esset divisio; quia infiniti sunt numeri, qui ad neutrum referri possunt.

7. Secunda hæc est Regula: *Divisionis membra debent esse opposita;* ut numerus impar pari est oppositus. Ea autem oppositio potest fieri, simplici negatione, ut *corporeum, non corporeum;* vel membris positivis ut *extensum, cogitans.* Atque hæc posterior divisio melior habetur altera, quia ex ea divisi natura melius innoscitur. Qui enim dicunt Entia omnia esse corporea aut *incorporea*, non docent quæ sit incorporeorum natura; sed tantum quâ re careant; nempe, corporis proprietatibus.

8. Tertia Regula hæc est: *Membrum unum divisionis non debet ita in altero contineri, ut alterum de eo affirmari queat,* licet alioquin aliquatenus eo includi, sine divisionis vitio, possit. Ita extensio Geometricè considerata potest dividi in *lineam, superficiem, & solidum;* quamvis linea includatur in superficie, superficies in solido; quia, nempe.

116 LOGICÆ PARS II.

neimpe, superficies dici non potest solidum, neque linea superficies. Sed malè divideretur numerus in *parem*, *imparem* & *denarium*, quia denarius est par.

9. Cùm divisio inventa sit, ordinis & perspicuitatis causâ, cavendum est ne eam ita concipiamus ut confusionem & obscuritatem pariat. Ubi inquitur natura alicujus rei, *non debet divisio in nimis magna membra, aut nimis generalia fieri*; etenim sic res distinctæ confunduntur. Ita si quis, naturam corporum nobis notorum inquisiturus, ea distingueret in ea quæ sunt in Terra hac nostra, & quæ extra sunt; deinde, sine ulla alia subdivisione, eorum naturam investigare adgrederetur, sine dubio confunderetur.

10. *Membra etiam non oportet esse, nisi res hoc necessario postulet, nimium inæqualia.* Ejusmodi est divisio eorum, qui dividunt Universum in *Cælum* & *Terram*, cùm Terra, præ eo quod vocatur Cælum, seu immensis illis spatiis, in quibus Stellæ erraticæ & fixæ continentur, sit minor puncto. Manifestum est ejusmodi divisione, seu veritatem sibi soli quærat, seu eam repperitam aliis explicet, animum turbare. Sic fit ut vulgò homines hanc nostram glebam, cui innitimur, equiparent, aut etiam præferant toti re-

DE JUDICIIS. CAP. XI. 117

divideret in inferiorem, & superiorem partem, quam inferiori prorsus æqualem faceret; oportet enim ab eo expendi dimidiam partem variorum membrorum corporis, & partem coherentem differre in aliud tempus; unde fieret ut totius cordis, exempli causâ, aut lienis descriptionem non traderet, sed tantum dimidiorum; quâ divisione impediret ne ipse, aut audientes uniuscujusque membri integram structuram distinctè intelligerent. Igitur est habenda ratio connexus, ne quæ arctè nexa sunt violenter divellantur; néve conjungantur quæ nullum habent inter se connexum.

12. Dum diligentiam ostentant quidam Scriptores, in partes adeò minutas quod expendunt dividunt, ut numerus partium conturbet memoriam, & obtundat attentionem. Hoc quoque vitium est divisionis; quod accuratè ratiocinantibus cavendum. Hujusmodi sunt divisiones Disciplinarum, quæ exstant apud *Diogenem Laërtium* in *Platone*, atque huic Philosopho tribuuntur. Sunt enim adeò multiplices, & tam subtiles, ut vix memoriæ mandari queant. Hanc rationem dividendi in minutissimas partes, secundum varia exigui momenti accidentia, ab eo sumfit *Aristoteles*, cujus opera etiam divisionibus & subdivisionibus scatent.

§. 12. In partes adeò minutas &c.] Rectè Seneca Ep. 89. si-
ve Lib. xiv. prima: *Quidquid in majus crevit facilius agnosci-
tur, si discessit in partes, quas, ut dixi, innumerabiles esse &
parvas non oportet. Idem enim habet vitii nimia, quod nulla di-
visio; simile confuso est quidquid usque in pulvrem sectum est.
Vide & Quintilianum Lib. IV. c. 5.*

118 LOGICÆ PARS II.

13. Cavendum quoque ne in scopulum impingamus, in quem idem *Aristoteles* & Veterum non pauci impegerunt. Nempe, dum res dividere sibi videbantur, sæpe significationem vocabulorum dumtaxat dividebant; nam res planè diversas, quòd eodem nomine insignirentur, sub unam classem referentes, tot esse rerum species, quot erant vocabuli notiones dicebant. Ita ubi agit ὅτι τὸ μὴ πῶς κατηγορίας §. 5. ὅτι δὲ ἔχειν de habendi generibus: τί ἔχειν, àit, dicitur variis modis. Dicimus enim aliquem habere (ἔχειν) virtutem; aut quantitatem qualis est magnitudo quam aliquis habet, ut tria, quatuorve cubita, aut circa corpus, ut vestem; aut in parte, ut in digito anulum; aut instar partis, ut manum, pedem; aut in vasculo, ut testa vinum; aut instar possessionis, ut domum, agrum. Dicitur etiam vir habere uxorem, & uxor virum. Meritò addit: Fortè & alii quidam videbuntur esse habendi modi, οἱ δὲ συνήθως λέμεθα, χεῖρ δὲ ἀπαντὶς κατελθόντων, sed soliti dici ferè omnes enumerati sunt; nam reverà hæc est tantum observatio sermonis Græci, cum in aliis Linguis illi habendi modi non occurrant; neque enim Latine, exempli causâ, testa dicitur habere vinum, ut Græcè οἶνος ἔχειν λίγεται τὸ πρῶτον, teste Aristotele, Grammatico opti-

CAPUT XII.

De Propositione, quæ DEFINITIO dicitur; & primum quidem de Definitione Nominis.

1. **D**Uplex est Definitio, una *rei*, altera *nominis*. Prior exponit quam rei naturam esse existimemus: altera quam significationem voci, seu nomini cuiusdam tribuamus. De posteriore hoc in Capite agemus, de priore postea dicturi.

2. Quandoquidem nobis solis semper non cogitamus, sed sæpe etiam verbis aut pronunciatis, aut scriptis, animi nostri sensa aliis patefacere nos oporteret; aut ab aliis, eadem ratione, discere quod ignoramus; possemus aliis, aut alii nobis errandi occasionem præbere, ambiguitate verborum, nisi, quid verba ambigua significant aliis non ambiguis explicaretur. Possunt hanc in rem aut nova vocabula fingi, qualia plurima à Veteribus Græcis, & Recentioribus Scholasticis ficta sunt; aut jam usitatis, additâ novâ definitione, novæ significationes tribui. Ita si velim probare *Animos* esse immortales, dicam me voce *Animus* intelligere *id quod in hominibus cogitat, quidquid sit*; ne qui me audiunt loquentem fortè putent me, voce *Animus*, ventum intelligere, qui facilè dissipatur.

§. 2. *Possimus aliis &c.*] Ipse Epicurus, disciplinarum aliqui Mathematicarum pretor, crebrò dicebat, *diligenter opere*

720 LOGICÆ PARS II.

tere exprimi, quæ vis subiecta sit vocibus, ut auctor est Cicero, Lib. de Finibus II. n. 6.

3. Definitione nominis definitio usûs, seu significationis, quam voces usu obtinent, notatio hîc non significatur. Non quærimus enim quo sensu alii utantur voce quapiam; sed quis futurus sit, apud nos, ejus usûs, exponimus. Definitio significationis usitatæ potiùs ad Criticam, quàm ad Logicam, pertinet.

[§. 3. *Definitio usûs.*] Hujus meminit Cicero de-Invent. Lib. II. n. 53. ubi de controversia nominis: *Primus*, inquit, *accusatoris locus est, ejus nominis, cujus de vi queritur brevis & aperta & ex hominum opinione definitio.*

4. Igitur hac missâ, primò definitionem significationis, quam voci cuipiam tribuere constitutumus, prorsus pendere ex arbitrio nostro observabimus. Licet enim nobis sono, qui per se nihil significat, prout libet, ideam adnectere. Rei verò, sono significatæ, definitio non pendet à nobis, nam cum ejus natura certa & eadem semper in se sit, nullam in eâ mutationem verba nostra facere possunt. Ita mihi *circulum*, in meo sermone, significare figuram planam tribus lineis rectis constantem, dicere liceret. Sed quando-

DE JUDICIIS. CAP. XII. 121

affirmamus, negare potest. Si definiissem circulum, prout dixi, nemo id in controversiam trahere posset; nec quidquam quod quereretur haberet, si inòdò constans ea in definitione essem.

6. Tertio, quandoquidem oppugnari nequit definitio nominis, sequitur eam posse instar Axiomatis indubitati adhiberi; quòd faciunt Geometræ, qui omnium maximè ejusmodi definitionibus utuntur. Verùm ne putemus propterea aliquid de idea, quæ affixa est definito nomini, affirmari, quod in dubium revocari nequeat, cavendum. Principium est indubitatum, aliquem ita definiisse vocem quampiam; sed non est principium indubitatum id quod de re cogitat, quam vocabulo illo afficit. Ita si quis definierit *calorem*, id quod est in corporibus quæ nos calefaciunt, & simile est calori quem sentimus; nemo quidem poterit eam definitionem oppugnare, quatenus exprimit quod voce *calor* intelligit; sed nihil obstat quominus negemus esse aliquid, in corporibus calefacientibus, ei simile quòd nos in nobis sentimus.

7. Scholastici duobus præcipuè modis, contra hæc observationes, peccant. Primo, res ipsas definiunt, prout libet, dein nolunt suas definitiones oppugnari; cùm hoc tantùm juris habeant definitiones nominis. Satis malè hominem definiunt *Animal ratione præditum*, quam tamen definitionem si quis admittere nolit, quasi prima principia negaret, indignantur. Ejusmodi definitione, si non accuratior, certè candidior est, quàm Veterum quispiam jocans utebatur: *Homo est quod cæces novimus*. Secundo,

Tomus I.

F

raro

13. Cavendum quoque ne in eo
pingamus, in quem idem *Aristoteles*
non pauci impeerunt. Nempe,
de re sibi videbantur, sepe significarum duntaxat dividebant; nam res
quod eodem nomine insignirentur
classẽ referentes, tot esse rerum
erant vocabuli notiones dicebant
ἅμα τὸ μὲν πῶς κατηγορεῖται ὅ, τὸ
de habendi generibus: πῶς, αὐτ.
modis. Dicimus enim aliquem habere
tutem; aut quantitatem qualis est magis
aliquis habet, ut tria, quatuorve cubum
corpus, ut vestem; aut in parte, ut in
lum; aut instar partis, ut manum, pedem
vasculo, ut testa vinum; aut instar partem
domum, agrum. Dicitur etiam vir habere
uxor virum. Merito addit: ἅμα
dam videbuntur esse habendi modi, ὅ
λέγεσθαι, καὶ δὲν ἅπαντες κατηγορεῖσθαι
ferè omnes enumerati sunt; nam re
tantum observatio sermonis Græci,
Linguis illi habendi modi non occurrunt
enim Latinè, exempli causa, posse
bere vinum, ut Græcè εἶναι ἰξοῦν
εἶναι, teste Aristotele, Grammatico.

rarò definitionibus nominum utuntur, unde summa obscuritas in eorum sermonibus nascitur, & innumera *λεχμαχία*, dum eadem dicentes aliis verbis se invicem non intelligunt. Hinc olim controversiæ *Eutychianæ* & *Nestorianæ*, de Persona & Naturis Christi, natæ. Nam dum Eutyches *Naturam* vocat quod alii *Personam*, & Nestorius contra *Personas* quod alii *Naturas*, excitata sunt dissidia ingentia in Oriente, inter eos qui reverâ, quoad ex eorum Scriptis conijcere licet, idem sentiebant.

§. 7. *Homo est quod omnes novimus*] Ἄνθρωπος ἐστὶν ὃ πάντες νομίζομεν. Democritus apud Sextum Empir. Pyrrh. Hypot. Lib. II. cap. 5.

8. Ex iis quæ diximus, liquet Definitionis Nominum, in sermone Philosophico, usum esse ingentem. Attamen inde omnia vocabula debere, aut posse definiri, colligi nequit. Sunt enim quædam, quæ & clara sunt (Linguam, nempe, quâ utimur intelligentibus) & ejusmodi ut definiri nequeant. Ea sunt nomina idearum simplicium, ut *cogitare*, *esse*, *sentire* &c. qua de re egimus supra Cap. II. §. 11. P. 1.

9. Præterea, ubi jam sunt receptæ definitiones satis perspicuæ, non sunt mutandæ; quia qui sunt recepto iam usui adfuescenti, melius nos intel-

DE JUDICIIS. CAP. XII. 123

Augustinus, propter mutatam definitionem vocis *libertas*, obscurus evasit multis, nec sibi satis constitit. Antea *libertas* vocabatur, ut nunc vulgò, *facultas faciendi aut non faciendi*. Ipse verò spontaneitatem simplicem, in qua non est coactio, intellexit. Attamen quia usum receptum, ex animo suo, ipse prorsus eliminare non potuit, sæpe ut alii, sæpe peculiari sensu loquitur.

10. Hinc sequitur etiam, si necesse sit ab usu recepto abire, quàm minimùm ab eo recedendum. Facilius enim adfuescimus significationibus vicinis iis, quæ jam admixtæ sunt; quàm planè remotis, aut etiam usui prorsus contrariis. Hinc vituperantur meritò Chymistæ, qui cum è vulgò petitis vocabulis uti possent, ea cane pejus & angue refugerunt, ut inusitata vocabula in Artem inferrent. Nec sæpe alia de causa obscurum sermonem claro prætulerunt, nisi ut fucum credulis & imperitis, qui facilè sub obscuris verbis res pulcherrimas latere suspicantur, facerent.

11. Verùm ante omnia, quod jam subinnuimus, observandum; nempe, ab definitione, semel constituta, numquam recedere oportere. Qui enim Auditor aut Lector scire nos abire à definitione semel allata, nisi moneatur, potest? Dum autem hoc ignorat, quid nobis velimus, cum videt à nobis affirmari quod definitioni allatæ contrarium est, aut nescit, aut nos in contradictionem incautos delabi putat. Si adhibeamus autem vocabula, quorum significatio sæpe mutetur, molestum est, quotiescumque occurrunt, definitionem proferre. Itaque nihil rectius, aut commodius fieri potest, quàm si constanter in una definitione hæreamus.

CAPUT XIII.

De Definitione Rei.

1. **C**UM Definitio nominis à nobis pendeat, Definitio rei non est juris nostri; neque enim nobis id esse in re aliqua, seu in ejus quæ nobis obversatur idea, quod in ea non est, affirmare licet. Solet autem Definitio distingui in accuratam & minus accuratam. Prior *Definitio* propriè dicitur, posterior *Descriptio*.

2. *Definitio* propriè dicta est, quæ aperit naturam rei definitæ, enumeratione præcipuorum attributorum, quorum quæ rei definitæ communia sunt cum aliis *Genus*: quæ verò pertinent tantum ad rem definitam *Differentia* dicuntur. Genus oportet esse *proximum* & differentiam *specificam*. Ita Circulus definiri potest: *Figura plana cujus circumferentia undequaque æqualiter distat à centro*. *Figura plana* erit Genus, est enim attributum commune Circulo cum omnibus figuris *planis* specie differentibus; reliqua verò erunt *Differentia*, iis enim circulus ab omni aliâ figurâ differt.

§. 2. *Quæ rei definita &c.*] Cicero in Topicis ad Trebatium, Cap. 6. ita rem egregiè exponit: *Cum sumseris ea quæ sunt ei*

DE JUDICIIS. CAP. XIII. 125

3. *Descriptio* verò est enumeratio plurium attributorum, etiam quæ accidentalia sunt; ut si describatur aliquis, ex quibusdam quæ gessit aut dixit; velut, si pro Aristotele, *Philosophum, qui regnum solus in Scholasticos obtinuit*, dicamus.

4. A Philosophis nihil esse definitum præter *species*, nulla verò *individua*, ut jam alibi notavimus, animadvertendum est; quod sibi *genus proximum & differentiam specificam* specierum esse notas putent, sed non audeant individuorum proprietates essentielles, quibus ab ejusdem speciei aliis differant, sibi compertas jactare.

5. Revocandum etiam est in memoriam, quod in superiore parte, nempe, Substantiarum intimam naturam esse ignotam, adeoque non posse definiri, ostendimus. Verum eas definierunt Philosophi ex iis quæ norant, quibus totam substantiarum essentiam frustra contineri existimarunt. Hinc liquet etiam, secundum ea quæ alibi à nobis observata sunt, solos Modos, quorum tota natura nobis nota est, posse certâ, & propriè dictâ definitione describi.

6. Tres Regulæ Definitionis vulgò afferuntur. Prima est, *Definitionem oportere esse adequatam definito*; hoc est, convenire omnibus iis, quæ specie, quæ definitur, continentur. Itaque à Peripateticis tempus male definitur: *Mensura motûs, per partes priores & posteriores*, quia tempus potest etiam mensurare quietem; res enim quiescens, per certum tempus quiviesset, non minus quam si mota esset, dicitur.

126 LOGICÆ PARS II.

7. Secundò, *Definitionem oportet propriam esse definitio*, hoc est, nulli alii speciei, præter eam quæ definitur, convenire. Cùm enim definitio adhibeatur, quò rem aliquam ita cognoscamus ut à ceteris omnibus distingui possit, soli rei definitæ convenire oportet definitionem. Male ergo definitur Materia Prima à Scholasticis: *Quod neque est quid, neque quale, neque quantum, neque quidquam eorum quibus Ens denominatur.* Hac enim Definitione, Materia Prima vix à mero Nihilo secernitur. Idem dixeris de omnibus definitionibus merè negativis, hoc est, quæ docent non quid res sit, sed quid non sit.

8. Tertio, quoniam Definitio adhibetur ut aliis nota fiat res antea ignota; *Definitionem esse claram, & faciliorem intellectu re definitâ oportet.* Atque hinc colligere est plerasque Aristotelis definitiones, quoniam sunt obscurissimæ, esse parum commodas. Exempli gratiâ, quis non melius intelligat quid sit motus, sine definitione, quàm hac definitione auditâ: *Actus entis in potentia, quatenus in potentia?* Quis non æquè beneficiat quid sit Anima, si vel minimùm advertat, ac si Philosophum dicentem: *Actus primus corporis naturalis organici, potentiâ vitam habentis, audiat?*

sonitum in nubibus excitatum ; quæ responsio ostendit quidem in genere quænam res eo nomine soleat vocari, sed nequaquam quid sit *sonitus* ; nisi is qui responsum accipit aliunde quid sit *sonitus*, seu quæ sit natura ejus rei, quæ *sonitus* vocatur. & unde nascatur norit. Quandoque etiam rei naturam notam nobis esse opinamur, si rem quam vocabulo quodam appellari audimus, oculis usurpaverimus. Ita quærenti *quid sit vitrum*, ostenditur id quod ita vocatur, & sibi rem notam esse censet, quia pauculas proprietates ejus, & quo nomine vocetur novit.

10. Eadem de ratione, Definitio rei verbis planè synonymis ~~constare solet~~ ; ut, si quis quærat quid sit *summum Numerus* ? & respondeatur *supremus Deus*. Hisce enim posterioribus verbis, fortè quidem priora explicantur eorum usitatam significationem ignorant ; sed divinam naturam ex iis melius cognosci nemo dicit.

11. Hisce observatis, satis liquet definitionem locum dumtaxat habere, in ideis compositis ; & esse enumerationem præcipuarum idearum simplicium, quibus constant. Ideæ verò simplices nequeunt definiri, ut alibi observavimus ; quia in earum descriptione, enumeratio nulla ejusmodi fieri potest. Qui nescit quid sit quod vocamus *calorem*, hoc aliter non discit, nisi experientiâ, aut synonymo ejusdem, aut aliâ Linguae vocabulo, vel circumloquutione quâ res indicatur quidem, non verò definitur ; ut si diceremus *esse sensationem*, quam experimur ubi igni adsidemus, aut sole lucente ambulamus, &c. indicarem quæ res sit, cui id nomen tribuimus, at ejus naturam non explicarem. Si quis enim

128 LOGICÆ PARS II. &c.

co sensu careret, qui necessarius est ad calorem percipiendum, non magis intelligeret quid diceremus; quàm intelligit cæcus natus quis sit color viridis, cùm ei dicimus eum esse quem percipimus, ubi gramen nobis obversatur.

Secundæ Partis Logicæ Finis.



LOGICÆ.

PARS TERTIA.

De Methodo.

CAPUT I.

De Methodo, eâque Analytica & Synthetica.

I.



Ostquàm Perceptiones nostras simplices, itémque varia Judiciorum nostrorum genera contemplati sumus, & docuimus quâ ratione circa illa ut vitetur error, versari necesse sit; superest ostendamus, quâ ratione judicia nostra debeant disponi, ut tutius ac citius ac veritatis cognitionem perveniamus. Atque hæc Logices *Pars Methodus* à Dialecticis dici solet; & paucis tractatur, præ ea parte in qua de *Syllogismo* agitur, quod haud paullo plus in animo ad disceptationem, quàm ad veritatis indagacionem, muniendo laborarent. Nos contra Methodum diligentius, quod nobis multò magis cordi sit veritatis inquisitio, quàm disceptandi libido, quæ veritatis cognitioni scire obest, excutiemus.

F 5

§. I. *Haud*

§. 1. *Haud paullo plus in animo &c.*] Hinc apud *Ciceronem* Lib. 2. de Orat. cap. 38. Antonius negat in hac arte ullum esse praeceptum, quo modo verum inveniat; sed tantum esse quomodo judicetur, contendit.

2. Cum pleraque veritates inquirendæ nitantur aliarum cognitione, ex quibus per quamdam confectariorum seriem deducuntur; non satis est tradidisse Regulas, quarum ope cognoscere queamus quibus Propositionibus adsentiri nos oporteat singillatim consideratis. Ostendendum etiam est quâ ratione inter se disponendæ sint, ut per eas, quasi per gradus, ad veritatem, in puteo, ut fert dictum vetus, latentem descendamus.

3. Duplex autem est Methodus; una est *Analyseos*, seu *resolutionis*, quâ ut plurimum veritas investigatur: altera est *Syntheseos*, seu *compositionis*, quâ veritas inventa docetur.

4. In Analytica methodo, ex veritate particulari nota, ad alias quæ pertinent ad rem aliquam singularem progredimur. In Synthetica verò methodo, generales quasdam veritates proponimus, ex quibus veritates singulares deducimus.

5. Si in Analytica methodo, quæpiam Axiomata proponantur, id non fit statim initio, &

DE METHODO. CAP. I. 131

contrà, à posteris ad majores adscendendo. Ita posset quæri genus Alexandri, nominato ejus Patre Philippo, & ab eo retrogrediendo ad *Caranum* usque *Heraclidem*; quæ ratio investigandi cum Analyfi convenit. Atque eo modo esset progrediendum, si Alexandri majores ignoti quærendi essent. At si jam inventa Genealogia tradenda esset, tunc ab Hercule aut Carano initium fieri deberet; quâ ratione progreditur Synthetica Methodus.

7. Verùm utraque Methodus paritèr ex re nota ad ignotam progressionem communem habet. Quæ nota sunt, priora utrobique proponuntur, ut ex iis per consequentias ad ignota perveniri queat; deinde omnis hæc series consecutorum, in utraque, Propositionibus inter se connexis constat.

8. In utraque hæc quoque, ut vitetur error, summam postulantur. Primò nulla Propositionis, quasi vera, cui ad sensum negare possumus, seu quæ non sit evidens, admittenda est. Deinde in unoquoque progressionis gradu, nexus Propositionis sequentis cum antecedente debet esse etiam evidens, seu necessarius. Alioquin si in longa Propositionum serie, Propositionem, aut consequentiam dubiam aut falsam admitteremus vel unam; quidquid inde directè deduceretur necessariò dubium esset, aut falsum.

9. Ut exemplo res clarior fiat, prius exemplum Analyticæ Methodi, deinde etiam Synthetice tradam. Proponi fingamus hanc quæstionem: *an posita hominis existentia, probari queat Deum esse?* Hoc ut scire possumus, ita progredimur.

132 LOGICÆ PARS III.

dimur. 1. Humanum genus, quod nunc est in terra, non semper fuit; quod historiæ omnes ostendunt, quæ humano generi initium fuisse produnt. Non tantum enim hoc disertè testantur, sed etiam eorum quæ narrant serie significant; nulla enim est quæ res gestas plurimum quàm sex mille annorum, aut. circiter, comprehendat. 2. Si humanum genus non semper fuit, seu initium habuit, oportet aliquam existendi fuisse causam; nam è nihilo nihil emergit. 3. Quæcumque sit ea causa, oportet in ea saltem fuisse proprietates, quas in nobis videmus; nam nemo dat quod non habet. 4. Præterea oportet in ea causa esse proprietates quæ in nobis non sunt, cum potuerit facere, id quod nos non possumus; nempe, ut homo, qualis antea non erat, existeret, seu ut Mens & Corpus ejus inciperent esse; quam potentiam in nobis non deprehendimus. 5. Videmus autem in nobis esse vim intelligendi, & volendi, & corpus quod variè moveri potest. 6. Igitur oportet esse eas facultates in causa humani generis, & alias etiam præstantiores; qualis est vis producendi è nihilo, seu faciendi ut aliquid, quod antea non erat, existat. 7. Hæc autem causa vel est adhuc, vel non est. 8. Si non sit etiamnum, non fuit ab æterno; quod enim ab æter-

lum initium habuerunt ; itaque si est aliquid, sunt causæ æternæ. 10. Igitur esset fatendum, esse Ens æternum, quod habeat omnes proprietates, quas habemus, & plures etiam ; seu ipsum nos per se, seu per aliam Naturam creaverit, quæ alia est quæstio, quam hîc non attingimus. 11. Si sit adhuc humani generis causa, eadem rediret ratiocinatio, quæ continetur gradibus progressionis 9. & 10. 12. Igitur ex eo, quod est humanum genus, necessario sequitur esse *Deum*, seu *Causam* æternam, quæ per se, aut per aliam, id creaverit.

10. Ita Analyticâ Methodo existentiam Dei probamus, vel potius invenimus. Veritatem inventam deinde methodo Syntheticâ docere possumus, hac ratione: 1. Omnia Entia initium habent, aut nullum. 2. Nihil est quod per se queat è nihilo emergere, aut incipere existere, cum antea non esset. 3. Itaque quæ initium habent procreata sunt omnia, ab aliqua initio carente causa. 4. Humanum genus habet initium. 5. Igitur procreatum est à causa æterna. 6. Causam illam vocamus *Deum*, idcircoque *humanum genus à Deo procreatum est*.

11. Omnes hæ Propositiones, ut jam diximus, debent in utraque Methodo diligenter expendi, ut nulla pro comperta admittatur, quæ non sit; neque ulla irrepat consequentia, non necessaria; quo peracto, veritatem à nobis inventam, aut doceri, certò scire possumus.

12. Quædam subsidia possunt ad id facilius præstandum adhiberi, quæ sunt pensculatiùs docenda, quia inde tota ratiocinationum faci-

litas & certitudo pendet. Primum, quâ debeat esse, ad feliciter inveniendam veritatem, animus affectus; secundo loco, regulas Analyticæ Methodi: tertio, quæ ad Syntheticam pertinent trademus.

CAPUT II.

De Attentionis necessitate, & subsidiis quibus comparari potest.

1. **E**ST quidem evidentia; ut plus semel diximus, unicum veritatis *veritas*. Verum non satis est hoc novisse, ad investigationem veritatis; quia evidentia semper præstò non est, nec animo nostro, nisi post longum laborem, interdum obversatur. Quærendum itaque quâ ratione eam, in cognitionibus nostris, nancisci possimus.

2. Quemadmodum non satis est esse objecta extra nos, eaque luce illustrata, sed præterea oculi sunt ad ea convertendi, ut ea cernamus: ita non satis est omnium rerum, quæ animo concipi queunt, posse formari ideas, ut eas res noscamus; aciem, ut ita dicam animi, ad illas ideas converti, & hunc adtentum in earum con-

exponderit. Ut enim cum oculis leviter aliquid lustravimus, aut è longinquo, aut in obscuro loco vidimus, sæpe id credimus nos conspexisse quod non vidimus : ita quando Mens, post levem rei considerationem, in observationibus suis adquiescit, sæpe id à se animadversum, quod nequaquam ei est obversatum, censet.

4. Ut caveamus errorem, qui ex oculorum usu nascitur, levi considerationi non credimus; cum objectum obscurum, aut remotum est, faciem adhibemus, propius accedimus, denique diu & diligenter consideramus. Nulla quoque alia est certior ratio vitandi erroris, in Mentis iudiciis, quam si ea cohibeamus, donec diu & adtentè, pro rei natura, id quod investigatur contemplati fuerimus. Hinc satis constat quàm sit necessaria *Adtentio*, quam rectè definiveris, *diuturnam, neque intermissam, aut aliis cogitationibus interpellatam ideæ considerationem.*

5. Itaque is operam non malè collocabit, qui artem augendæ Adtentionis quæsierit. Videmus autem nos adtentiores multò esse, & faciliùs etiam ad eas res quæ interventu sensuum nos afficiunt, quarum imagines quædam figuratæ animo obversantur, & quæ affectum aliquem in nobis excitant; quàm quæ absque hisce Menti nostræ se se ingerunt. Ita in spectando corpore luce illustrato; in imagine rei corporeæ Menti oblata lustranda; in consideranda denique re unde ad nos commoda redire, aut incommoda queunt, quæ metum aut desiderium in nobis excitant, adtenti sumus. Hoc adeò manifestum est, ut probatione non indigeat.

136 LOGICÆ PARS III.

6. Non minùs certum experientiâ est nos diffici-
lius animi aciem ad abstractas ideas , exem-
pli causâ , convertere & diu defixam tenere.
Hoc quicumque de hisce cogitare conati sunt ,
præsertim priusquàm adsuefierent meditationi ,
experti sunt. Discrimen illud inde nascitur ,
quod in aliis Mens, interveniente corpore, ad-
juvetur , & vividis sensationibus aut imaginibus
afficiatur, quas vel invita animadvertit : contrâ
verò contemplationibus abstractis, & nihil è cor-
poribus ducentibus , corporei motus officiant ,
dum ad corpora Mentem revocant ; nec quid-
quam Menti obversetur , quod eam valdè afficiat,
atque attentionem ejus alliciat. Imò dum eâ con-
templatione Mens occupatur, oportet eam om-
nes corporeas imagines , sponte se se ipsi ogge-
rentes, summâ vi amoliri ; quod sine dolore fieri
nequit, quia hæc Lex est naturæ, ut, cum vis in-
fertur corpori, Mens doleat.

7. Hoc posito , videndum annon ope sen-
suum , facultatis imaginandi , aut affectuum ,
etiam in rebus merè incorporeis, Attentionem
augere possimus. Atque hoc eâ arte fieri po-
test , quam postea indicabimus ; verùm est ante
omnia cavendum , ne inde nascatur incommo-
dam, quod sequi animi per sensus, imaginatio-
nem, aut affectus, commotiones ut plurimum

8. Hinc deducitur hoc, in veritatis inquisitione, maximi momenti confectarium; nempe, iis qui volunt seridò veritatis investigationi incumbere vitandas esse, quoad ejus fieri potest, omnes sensationes vehementiores, quales sunt ingens strepitus, lumen vividius, dolor, voluptas, &c. Cavere etiam debent, ne vehementius ipforum commoveatur imaginatio ullo objecto, quod eam ita inficiat, ut inviti de eo cogitent; hoc enim fit ut Adtentio subinde interpelletur. In primis motibus affectuum validioribus non debent adfuefieri, qui enim sæpe iis perturbantur ita afficiuntur, ut vix de ulla re, nisi de affectûs objecto, aut de iis quæ cum eo conjuncta sunt, cogitare possint. Attamen quia horum nemo potest esse immunis prorsus, propter rationes, quas hic non attingimus; conandum est ex hisce inevitabilibus incommodis, quaecumque ad veritatis indagacionem subsidium petere.

§. 2. *Sensationes vehementiores.*] Propterea fixerunt Democritum Philosophum luminibus oculorum suâ sponte se privasse, quia existimaret cogitationes, commentationesque animi sui, in contemplandis natura rationibus vegetiores & exaltiores fore, si eas videndi illecebris & oculorum impedimentis liberasset &c. Verba sunt A. Gellii Lib. X. c. 27. Falsum esse Plutarchus, in libro *περί πολυπραγμοσύνης*, contendit.

9. Sensus prodesse possunt Adtentioni, si iis utatur ut Geometræ, qui inconspicuas quantitates lineis, numeris & litteris exprimunt. Hac enim ratione fit, ut facilius animus in ea quæ quærit adtentus ac defixus hæreat; dum enim oculi in figuras defixi sunt, animus rem cujus sunt.

138 LOGICÆ PARS III.

sunt signa contemplatur. Atque hoc fit eò meliùs, quòd nullum sit periculum ne figuras cum re quam quærit confundat, cùm nulla sit inter eas relatio, nisi quam ipse instituit. Ita celeritas & duratio motûs possunt inquiri descriptione aliquot figurarum, quas numquam credet id esse quod quærit Geometres.

10. Possumus & hac ratione, sine periculo, sensibus nostris uti in ratiocinatione. Nempe, ne multitudine relationum considerandarum obruamur, possunt ordine in charta vocibus aliquot exprimi. Præterea faciliùs Propositiones jam expressas & chartæ commissas, quàm earum ideas adtendimus. Sæpiùs & faciliùs, in longis ratiocinationibus, vestigia nostra, ubi eorum in charta notæ hærent, quàm ubi memoriæ tantùm infixæ sunt, relegere possumus.

11. Pueri propterea multa faciliùs discunt ex imaginibus, & figuris, quàm si ea millies dici audiant; aut ad cogitandum iis de rebus excitentur. Si videant Virtutum Emblematicas imagines, multò faciliùs intelligunt, adtendunt, & dicta memoriâ tenent; quàm si vocabulis, quæ sunt abstractarum idearum signa, quibus ideis non sunt adfueri, edoceantur. Attamen debent

quæ de sensibus dicta sunt pertinent. Attamen peculiare etiam subsidium, ad juvandam Adtentionem, confert. Unicuique experienciâ notum est, res incorporeas meliùs intelligi ope comparationis è corporibus petiæ; quorum imagines Menti obversantur, Imaginationis operâ. Ita ubi quæro quâ ratione Mens mea objectas ideas videat, & quo modo aut ab errore caveat, aut in errorem incidat; & inveni, acri meditatione, ideas esse nescio quæ objecta quæ extra Mentem sunt (exceptis sensationibus) & Menti, postquam diu ideam contemplata est, perceptionem claram ejus fieri, aut obscuram remanere; cum autem obscura est, Mentem posse judicium cohibere, contra verò cum clara est, in ea necessariò adquiescere; ubi, inquam, hoc inveni, idem comparatione, ex re corporea desumptâ, exprimere conducit. Memoria meliùs sic mandatur, faciliùsque & clariùs Menti se res inventa objicit. Exempli causâ, mecum tacitâ meditatione conferre ideas cum objectis externis & corporeis possum, Mentem cum oculo, & similia in oculorum operationibus animadvertere, ac in Mentis actionibus.

13. Si quod inveni sit aliis explicandum, illi etiam faciliùs comparationem, quàm nudam rei expositionem adtendent, citiùs quod dicam intelligunt, & tenaciùs memoriæ mandabunt. Hinc nata erat antiquissimorum temporum utendi fabulis, apud rudes populos, consuetudo, quam apud Orientales diu viguisse ex veteribus monumentis constat.

140 LOGICÆ PARS III.

14. Verùm hîc cavendum à peccato, in quod Veteres potissimùm inciderunt. Nempe, dum nimium captant imperitorum Adtentionem, tot figuris & loquutionibus ex rebus corporeis petitis usi sunt, ut nullas pænè præter corporearum rerum ideas eorùm animo offerrent. Adeò est sub iis figuris oppressa veritas, ut planè lateat, & vix etiàm à peritis inde possit erui; qua de re egimus in *Critica* nostra, P. II. Sect. 1. Cap. xv.

15. Cavendum est etiàm ab aliò scopulo, in quem illiserunt plurimi Veterum & Recentiorum, qui temerè Comparationem, aut aliam ejusmodi Figuram, quâ res illustrantur, esse argumentum quo probantur crediderunt. Figuræ hujusmodi adhibentur, ad res in majori lumine collocandas, unde *lumina orationis* dicuntur; sed nihil quidquam probant.

§. 15. Nihil quidquam probant] Τὸν δὲ παραβόλῃ λόγον εὐρίσκει Euclides Megaricus, ut auctor est Diogenes Laërtius, Lib. II. §. 107. κίρων ἢ τοι ἐξ ὁμοίων αὐτὸν ἢ ἐξ ἀνομοίων συνίστασθαι. καὶ εἰ γὰρ ἐξ ὁλοῦν, πάλαι αὐτὰ δεῖν μάλλον ἢ οἷς ὁμοίᾳ ἴσιν ἀνασχεφιδέσθαι. εἰ δὲ ἐξ ἀνομοίων παρέλπειν πλεὺς παρὰ βέλποντι: dicens eum sermonem constare aut ex similibus aut ex dissimilibus; si ex similibus, circa ipsa oportere potius, quam circa similia versari; si ex dissimilibus inuisilem esse collationem.

DE METHODO. CAP. II. 141
fortasse numquam est, sine affectu aliquo, acrior
Adtentio.

17. Certissimum est, gloriæ cupiditatem multis unicam causam fuisse, ob quam Veritatis investigationi operam darent; at nec minùs verum eos, dum invenisse videri volebant quod nondum invenerant, multa quasi comperta, quæ tamen explorata non erant, protulisse. Nihilominùs gloriæ studio uti feliciter possumus, si ei, ut par est, moderemur. Utilis est honor & existimatio, ut commodius ipsi vivamus, & aliis prodesse queamus; sed non est fama captanda, quasi aliquid sit quod propter se concupisci debeat. Itaque eò contendendum est, quatenus licet per Veritatem & Virtutem, quæ propter se amandæ sunt. Si quis ergo gloriæ studio teneatur, quod sit cum Veritatis & Virtutis amore vehementissimo conjunctum; dubium non est quin eà honoris cupiditate multùm adjuvari, in investigatione veri, possit. Tunc sibi honorem proponere licet, quasi præmium Veritatis inventæ: ut Opifici licet operæ susceptæ sibi mercedem proponere. Quemadmodum etiam Artifex non debet mercedem ullam poscere, quam operâ non commeruerit: ita nec gloriam sibi non debitam æquus Veritatis indagator tribui postulabit.

18. Semper est recordandum eum affectum, si solus sit, noxium esse; itaque in nobis excitandi alii affectus, qui ne nos gloriæ studium solum transverfos agat impedian. Ejusmodi est cupiditas ipsâ veri cognoscendi, quæ est in omnium hominum animis; nemo enim falli amat, nemo ignorantia delectatur.

19. Ve-

19. Veri autem cognoscendi cupiditas multum potest augeri, si cogitemus quantam voluptatem perceperimus, ubi veritas antea ignorata nobis innotuit, præsertim si diu eam quæsiuissimus. Sanè tanta est in veritatis cognitione voluptas, ut qui in ea investiganda operam ponunt, nihil in vita jucundius se experiri testentur, quàm ubi aliquid, quod sibi latuerat, retegunt.

20. Verùm hoc quoque cavendum, ne iudiciorum nostrorum causa sit solus etiam invenienti veri affectus. Affectus enim nulli facem iudicio præferunt; animum tantum ad quærendum, quod nostra novisse interest, incendunt. Itaque hoc quoque affectu utendum ut ad veri investigationem impellamur; sed tum demum ferendum iudicium, ubi id cohibere non possumus ampliùs, quando de rebus meditamur, quæ evidentè cognosci queunt.

C A P U T III.

De Mentis Capacitate, ejusque augenda ratione.

1. **C** *Apacem* animum vocamus, non quòd eum putemus esse instar vasis, quod ca-

DE METHODO. CAP. III. 143

fiderandarum contrahit. Cùm autem dicimus *simul*, aut *uno tempore*, hoc non est ita intelligendum quasi unico indivisibili momento, & unicâ Mentis perceptione multa posse ita intelligi velimus; nam sanè perpauca distinctè simul capiuntur. Sed quod dicimus aliquâ latitudine debet capi, & de brevissimo tempore intelligi; quod tamen voce *simul* expressimus, quòd tam celeriter Mens ab una cogitatione ad aliam se conferat, ut nulla sit mensura externa temporis quâ possit in partes dividi.

2. Si quis à nobis petat an omnes omnium hominum Mentès æquè naturâ suâ sint capaces, aded ut quidquid discriminis inter eas animadvertitur, id omne ab educatione manaverit? nullum responsum hîc à nobis feret, nisi nobis non liquere, sed duo esse experienciâ certissima.

3. Unum est, quorundam ingenia esse aded infelicia ut Propositionum duarum nexum ægrè capiant; nisi de rebus, quas experienciâ didicerunt, agatur. Ceterum in merè theoreticis pænè cæci sunt, nec discrimen ullum inter bonam & malam ratiocinationem vident. Alii rursus paullo capaciorem Mentem habent, possuntque nexum aliquot Propositionum, uno animi intuitu, deprehendere; sed si deductio consequentiarum paullo prolixior sit, hærent, nec possunt se explicare. Sunt etiam felicia ingenia, quæ longam Propositionum seriem, si non unico intuitu, saltem paucis cogitationibus, brevi tempore, faciliè complectuntur. Non fatigantur, neque turbantur numero Propositionum, qui alios prorsus obtundit. Pænè dixeris horum
ani-

144 LOGICÆ PARS III.

rum animos esse amplissima vasa, quæ aliquoties impleta magnam liquoris copiam exhauriant: priorum verò adeò arcta esse, ut sæpissimè oporteat ea impleri, ut copiam liquoris exiguam successivè exhaurire queant.

4. Secundo loco, experienciâ constat, Mentis capacitatem, quadam cogitandi de pluribus adfuetudine, augeri posse. Notum enim est eos qui Geometriam, Arithmeticam aut Algebram primùm addiscunt, initio conturbari, idearum simul considerandarum copiâ; nec posse, nisi molestissimâ adtentione, quæ legunt aut quæ docentur, propter idearum considerandarum numerum, intelligere. Exempli gratiâ, qui primùm *Divisionis Regulam* adsequi nituntur, multiplici comparatione numerorum *Divisoris & Dividendi* conturbantur. Si plures sunt operationes Arithmeticæ peragendæ, ita ut nectantur invicem, nonnisi ægrè intelligunt quæ fieri queat ut Magister, qui ipsos docet, possit tam faciliè & veluti uno obtutu, aut paucis saltem, nexum tot Propositionum complecti. At iidem, postquàm per aliquot menses ei arti operam dederint, faciliè plures animo operationes, quas singulas antea capere non poterant, complectuntur. Hinc ergo posse capacitatem Animi augeri, colligere est.

DE METHODO. CAP. III. 145

ficere queunt, aded aut obtusi ingenii, aut infelicis cerebri sunt ! Inter eos verò, qui hisce studiis non sunt prorsus inepti, quod ab initio apparet, alii aliis multò faciliùs proficiunt, ulteriusque progrediuntur; seu hoc ab animi, seu à corporis natura proficiscatur. Qui se nullo modo aptos ab initio sentiunt, si invitâ naturâ cogantur studiis operam dare, nihilo magis proficiunt, quàm si aliud agerent. Hi ergo rectè faciunt quando ab iis studiis abstinent, quæ ex multa ratiocinatione pendent; & ad eas Artes, quæ experientiâ paullatim addiscuntur, animum adpellunt.

§. 5. *Capacioris fieri ingenii*] Indoles arte exulta perficitur, Scriptor ad Herenn. Lib. III. cap. 22. *Nihil est, inquit, quod àus natura extremum invenerit, aut doctrina primum; sed rerum principia ab ingenio profecta sunt, & exitis disciplinâ comparantur.*

6. Ut ad rem ipsam veniamus, quicumque capacitatem animi auctam sibi optat debet ante omnia operam dare ut attentus esse possit, quando vult; quod eâ ratione, quam Capite superiori incicavimus, potest comparari. Etenim qui ne paucis quidem attentus esse, multò minùs plura simul distinctè intelligere & multiplicitate objectorum non confundi poterit.

7. Quandoquidem verò capacitas ingenii, ut vidimus, facultas est quæ nobis naturâ inest; quidquid fieri potest ad eam comparandam, ut hætenus loquuti sumus cum vulgo, huc redit ut frequenti exercitio usum ejus facilem nobis faciamus. Videndum dumtaxat, circa quæ objecta potissimùm exerceri queat.

Tomus I.

G

8. Sunt

8. Sunt objecta duplicis generis; quædam sunt Mathematica, alia non possunt Mathematicè tractari. Mathematica sunt quæcumque Methodo Geometricâ, quam trademus, ubi de Synthesi agemus, expendi queunt. Atque hujusmodi sunt omnia, quæ possumus penitus cognoscere, hoc est, quæcumque ad Modos pertinent.

9. Consideratione harum rerum, capacitatis ingenii usum adquiri aiunt quicumque iis animum adpulerunt. Ac sanè in Arithmetica (ut hoc exemplo utamur, ne omnes Matheseos partes sint expendendæ). multiplices objecti partes adeò distinctè notantur, adeò clarè percipiuntur, ut nulum sit periculum ne confundantur, si modò attentio adhibeatur. Præterea in supputatione, primùm tot objecta sunt quot unitates; deinde unitatum certis collectionibus nomina quædam imponuntur, brevitatis causâ, quæ tamen nullam confusionem pariunt, quantavis sit ea unitatum collectio, ut *centum*, *mille*, *centum millia*, *millio*, &c. Denique comparatio longa fit numerorum, quorum numquam unicus consideratur, sed plures simul; nam si addas, aut subtrahas, aut multiplices, aut dividas, quò omnis Arithmetica redit, multiplex consideratur numerus; nisi fortè excipias numerum binarium, qui duabus unitatibus constat. sed in quo arte non est

DE METHODO. CAP. III. 147

tas multa simul confusè intelligendi, siquidem ea ad investigandam nihil prodest veritatem.

11. Alia sunt, quæ Mathematicè expendi non possunt, qualia sunt quæ pertinent ad substantias, vel, ut clariùs loquar, in quibus de ipsis substantiis agitur. Hic frustrà simus si in hisce considerandis, capacitatis ingenii usum acquirere speremus; etenim cum nec singulas substantias norimus clarè, multò minùs substantiarum compagem clarè intelligemus. Hoc unum possumus, earum proprietates, & relationes quæ inter proprietates intercedunt, considerare.

12. Inde colligi potest, quod Philosophi olim crediderunt, ingenium capacius non fieri, consideratione Generum, & Specierum, in quæ distributæ sunt ab iis substantiæ; quia est tantum incerta ignotorum objectorum divisio, ut in prima Parte monuimus.

13. Sed præter ea, est interdum consideranda Moderum tanta copia, eorùmque adeò tenuium, ut Geometricà methodo, nisi longissimo tempore, quod nobis non suppetit, disponi nequeant. Attamen recta de hisce ferre iudicia, multò magis quam de Mathematicis investigationibus, nostrà interest. Huiusmodi sunt affectiones animorum, & rerum ad vitam pertinentium; de quibus peritissimi Geometræ meliùs aliis non iudicant, imò sæpe pejus. Quæritur, exempli causâ, an aliquod consilium, seu cœptum felicem eventum sit habiturum? In eo cœpto, sunt multiplices ideæ, quæ ad exitum, nisi multiplicibus admodum viis, quæ pendent ex circumstantiis ianueris, perducì nequeunt.

148 LOGICÆ PARS III.

14. Qui adfueti sunt Mathematicis ideis, quæ facillimè à se invicem distinguntur & animadvertuntur; ubi volunt, secundum notæ Artis regulas, de rerum publicarum aut domesticarum administratione judicare, ineptissima ferunt judicia. Nimirum, abstractas tantum possibilitates considerant, & in suis ratiocinationibus dispositiones quasdam rerum & animorum omittunt, quæ multiplicitate & tenuitate suâ ingenii aciem pænè fugiunt. Ut plurimum etiam evenit, ut qui rectè de hisce judicant, de rebus Mathematicis inepta judicia ferant, aut eas difficillimas, quod iis non sint adfueti, putent.

15. Quemadmodum autem, ut Mathematicas quæstiones intelligere & solvere queamus, sunt eæ disciplinæ excolendæ: ita, ut de iis quæ ad Remp. aut familiam pertinent aliisq; similibus rectè judicemus, possimûsque eas facîle animo complecti, vita sic instituenda est, ut adtentissimus omnibus quæ eveniunt, & memoriæ diligenter quæ cernimus cum omnibus, quantum licet, circumstantiis, mandemus. Sed quia paucis suppetit sat longa experientia, ut non eveniant eis quodidie pluriina, quibus nulla similia viderant; experientia aliorum uti licet, consulendo peritos rerum, & legendo quamplurimas Historias.

DE METHODO. CAP. IV. 149

abundarent, quæcumque etiam ~~medius~~ tertius, quantūve
eagerant in memoriam revocabant; ac ratio etiam amplius;
τὸ αὐτὸ ἐπεὶ μὴ καὶ φερόμενον, ἐπὶ δὲ τῶν πάντων ἑμ-
πειρίαν, καὶ διὰ τὴν αὐτὴν μεμνημένους: cum ad scientiam
ac prudentiam & plurimarum rerum memoriam complectendam id
conducere existimarent.

16. Si quis ergo velit sibi capacitatem ingenii,
cūm ad theoretica, tum etiam ad res usūs quoti-
diani quod spectat comparāre, eum oportet me-
morata omnia, ne in quibusdam peritus in aliis
ineptiat, conjungere. Vel si nequeat sibi tantam
animi capacitatem polliceri; saltem in iis, quæ
maximè suā interfunt, quā amplissimam judi-
candi facultatem adipisci, ceteris omis-
sis, conetur. Nam de uno rectè judicare posse, quā in
omnibus vacillare, fatius est.

CAPUT IV.

Méthodi Analytica Lēges.

1. **M**ethodi Analyticæ leges lecturos oportet
in memoriam quædam Axiomata, quæ
sunt harum Legum fundamenta, revocare. Pri-
mum est, quod superius indicavimus plus semel:
*In omnibus gradibus progressionum nostrarum, in
ratiocinationibus, conservandam esse evidentiam,*
nisi velimus in erroris periculo perpetuo ver-
sari.

2. Alterum est hujus consuetudinem: *Debere
nos de iis tantum, quorum clara menti nostræ
obversantur idæ; aut rebus obscuris, quatenus
dumtaxat sunt nobis notæ, ratiocinari.* Unde

150 LOGICÆ PARS III.

colligere est omnes nostras ratiocinationes circa proprietates & modos substantiarum ideâsque abstractas oportere versari; non circa substantiarum intimam naturam, quæ obscurissima est; quod antehac sæpius monuimus.

3. Tertium est: *Nos debere semper incipere à simplicibus & facilibus, & iis aliquamdiu inhærere, priusquàm ad composita & difficilia progrediamur.* Prius enim sunt percipiendæ simplices ideæ, quàm compositæ; alioquin has nunquam sat bene intelligeremus.

4. Atque hæc quidem generalia Axiomata sunt tam Syntheseos, quàm Analyseos, principia; nam in utraque Methodo, æquè postulantur evidentia in progressionis gradibus, delectus eorum circa quæ ratiocinamur, & simplicium cognitio, antequàm ad composita perveniamus; ut patebit ex sequentibus. Verùm hæc sunt Analyticæ Methodi peculiare Leges.

5. Prima est: *Perspicuè intelligendum statim quæstionum propositarum.* Si nobis ipsis quærendum aliquid proponemus, tenendum distinctè animo quid quæramus; ne frustra per ea, quæ ad rem investigatam nihil attinent, divagemur. Si ab aliis verbis quibusdam proponatur, non prius ejus solutionem adgredi nobis licet, quàm constet perspicuè quid singula vocabula, quibus expressa

DE METHODO. CAP. IV. ISI

oratio, qua quid sit id de quo agitur ostendit quàm brevissimè. Tum explicato genere cujusque rei, videndum est qua sint ejus generis siue forma, siue partes, ut in eas tribuatur omnis oratio.

6. Postquàm distinctè intelleximus quibus de rebus agatur, & jam sunt ideæ quæ Quæstione continentur comparandæ, altera Lex est: *Essè aliquo ingenii conatu retegendas unam aut plures ideas medias, quæ possint esse instar mensuræ communis, cujus ope inveniuntur relationes, quæ intercedunt inter ideas comparandas.* Si quæratur, exempli causa, an prudenter fecerit Cicero, cùm Antonium hostem Reip. à Senatu judicari curavit? Postquam factum, ut loquuntur, ex Historia, cum omnibus circumstantiis, cognovimus; invenienda est idea generalis prudentiæ civilis, quæ postea singulari illi facto, ut videamus utrum ei conveniat, aptanda est.

7. Verùm cùm quæstiones sunt difficiles, & longà discussione indigent, tertià Lege cautum est: *Ut à re, quæ consideranda venit, omnia, quæ non necessariò pertinent ad investigatam veritatem, circumcidantur.* Ita in Quæstione modò memorata, non est inquirendum quid sit *Respublica* in genere, anve melior *Democratia*, aut *Aristodemocratia* quàm *Monarchia*? Status dumtaxat Romanæ Reip. cognoscendus, & videndum utrum quod Cicero fecit salubre ei esset, an verò noxium.

8. Cùm Quæstio est redacta ad minimos terminos, ut loquuntur, hoc est, cùm percepimus distinctè qua de re agatur, omittis omnibus aliis ad eam necessariò non pertinentibus, tum quarta Lex jubet *Quæstionem compositam dividi in partes, easque singillatim expendi, eo ordine ut ab iis in-*

152 LOGICÆ PARS III.

*cipiamus quæ simplicioribus constant ideis ; nea-
umquam ad compositas deveniamus , nisi postquam
simpliciores distinctè novimus , & faciles nobis
consideratu meditatione effecimus.* Sic in Quæ-
stione allata , hæc quæri possunt 1. Quis fuerit
Rom. Reip. status , secundum leges receptas ?
2. Leges , in quibus sita erat Reip. forma.
3. An verisimile fuerit à Proceribus Romanis po-
tuisse eas Leges inviolatas servari , vi & Senatus-
consultis contra Antonium agendo ? 4. Quæ
vires iis fuerint , quæ Antonio ? 5. Quæ auctori-
tas Senatûs , in turbata Republica ? 6. Quæ
gratia Antonii apud Pop. Romanum , aut apud
milites ? 7. An hisce collatis verisimile esset Se-
natum superiorem futurum ? 8. An contra
omnem spem esset Antonius armis impeten-
dus ? &c.

9. Cùm Meditatione distinctam omnium
Quæstionis partium cognitionem adepti sumus ,
& facilè eas animo versamus , quinta Lex jubet
*Idearum quædam signa constitui figuris , aut ver-
bis quam paucissimis comprehensa ; eaque signa
memoriæ imprimi , aut chartæ illini , ne ampliùs
circa hæc laboret Mens.* Si velimus , possumus
capita Quæstionis memoratæ in pauciora verba
contrahere , ut 1. Resp. Romana. 2. Ejus con-
servatio. 3. Senatûs vis & auctoritas : 4. Anto-

DE METHODO. CAP. IV. 153

10. Postquàm quæ necessariò in Quæstione consideranda sunt; ea nobis evaserunt dilucida, compendiosissq;ue signis notata; & ordine disposita sunt; tum *ideæ*, secundùm sextam Legem, *invicem*, aut solâ meditatione, aut arrepto *calamo* & *comparatione verbis expressâ*, conferenda. Possumus, exempli causâ, vires Senatûs cum Antonii viribus meditando comparare. Aut, si velimus, utrasque ex historia cognitâs chartæ consignare. Ubi plura sunt conferenda, memoria & judicium plurimùm scriptione juvantur; alioqui facilè confunduntur, & perturbata malè judicant.

11. Si *comparatione factâ omnium idearum*, quarum signa chartæ illevimus, nondum sit inventum quod quæritur, septima Lex hoc consiliûm suggerit: *Abscindendas omnes Propositiones, quas ad Quæstionis solutionem inutiles esse, examine factò, deprehendimus; & in reliquis eodem ordine, qui sex prioribus Regulis traditus est, deinceps procedendum.*

12. Si, examine repetito quotiès necesse erit; nihil eorum quæ notassemus videretur conducere ad Quæstionis solutionem, tunc fatendum esset Quæstionem, nobis saltem, esse *ἀλυτον*; quandoquidem quidquid videremus in ejus partibus ad eam solvendam satis non esset. Itaque aut omittenda, aut consiliûm alicujus esset quærendum, si fortè alius nobis oculatior, aut investigandi peritior sit.

13. Atque hæ sunt Leges Analyseos, quæ non omnes in omnibus Quæstionibus observandæ; in simplicioribus enim, aut paucis Propositionibus constantibus, una aut altera Lex sufficit.

154 **LOGICÆ PARS III.**

ficit. Sed ubi sunt valdè compositæ & intricatæ, sæpe ad ultimam deveniendum, quæ & plus semel repetenda. Easdem copiosius, res enim est maximi momenti, singillatim aliquot Capitibus explanabimus.

C A P U T V.

De tribus Axiomatibus, quibus nititur quævis Methodus.

1. **D**E primo Axiomate, de *Evidentia in omnibus cognitionis gradibus conservanda*, non necesse est quidquam à nobis, præter ea quæ superius observata sunt, dici. Hoc tamen in loco, memorandum fuit, cum ut sequentium, cum eo nexus appareret, tum etiam quòd nimis inculcari apud homines, obscuris adfentiri adfuc-tos, nequeat.

2. Secundum, quod inde sequitur, est: *Nos non oportere de rebus, quarum menti clara non obversantur ideæ, aut de obscuris, quatenus obscure sunt, ratiocinari.* Non est ita hoc Axioma capiendum, quasi negaremus rerum hæcenus ignotarum naturam posse quæri. Contra-rium hoc esset instituto nostro, quo viam ad ul-

DE METHODO. CAP. V. 155

nequit ut *quadratura circuli*, aut *duplicatio cubi*, quod demonstrasse se putant non pauci Geometræ, inveniatur; hanc legem violaverit, quifquis inquirendis illis tempus triverit. 2. Fieri nequit ut intelligamus quæ sit intima substantiarum natura; hoc unum cognoscere possumus, unà esse in substantiis proprietates quasdam, quod experientiâ didicimus. Ergo est omittenda investigatio substantiarum, nec quidquam præter earum proprietates quærendum. 3. Si nullam substantiam intus cognoscere queamus, ne quidem creatas, multò minùs quæ sit substantia ejus Naturæ, à qua reliquæ omnes procreatæ sunt, inveniemus. Ex iis quæ in Creaturis videmus, possumus colligere, veluti experientiâ, ea esse in Creatore, nemo enim dat quod non habet. Verùm quomodo omnes omnium Creaturarum proprietates reales in Deo sint, intelligere nequ' is. Voluntatem ejus partim ex eventu, partim ex revelatione colligimus; sed hanc esse totam ejus voluntatem, non nisi stultè affirmaverimus. 4. Ex brevissima antiquissimarum rerum Historia, eaque Linguâ haud satis notâ scripta, eam rerum illarum cognitionem haurire non possumus, ut omnibus, quæ circa illas proferri possunt, quæstionibus satisfacere nos posse speremus.

4. Ex tribus hisce posterioribus exemplis, sequitur neque Theologiæ, neque Physices ullum Systema perfectum posse ab hominibus fieri; quia cum principia rerum Theologicarum, & Physicarum sint maxima ex parte ignota, non possunt inde deduci consequentiæ, quarum ope solvatur quidquid occurrit difficultatis, sine quo

156 LOGICÆ PARS III.

quo plenum Systema fieri nequit. Itaque frustra se cruciarunt qui earum rerum accuratam cognitionem ex positis principiis, indeque ductis confectariis, impertiri nobis conati sunt.

5. Alter Axiomatis allati sensus, est ex ignoto, aut incerto principio non posse evidentem consequentiam deduci. Omnes quidem Philosophi Axioma admittunt; nec eò seciùs & Veteres & Recentiores passim in id peccant. Aristotelica principia obscura sunt, & ignota interdum, nec minùs Aristoteles in Physica se posse clara inde deducere confectaria credidit. Exempla afferrem, nisi passim, aperto Peripatetico Syntagmate, occurrerent. Sed, quod mireris, Recentiores ipsi, qui maximè omnium id in Aristotele reprehendunt, in eundem scopulum impingunt. Statuunt sibi notum esse quidquid est in natura corporum, quod sanè obscurissimum est; unde colligunt, quasi manifestum, ad corporum naturam non pertinere quod in ea non deprehendunt. Ita non videmus quò corpora possint sponte moveri, seu inter proprietates corporum quas novimus, nullam quæ aliquem cum spontaneo motu nexum habeat cernimus. Inde sanè sequitur nos non debere affirmare corporibus ullis inesse vim se se moven-

DE METHODO. CAP. V. 157

quæ ignoramus. Igitur qui affirmant, exempli causâ, à Mente moveri corpus, ii plus affirmant quàm norunt; sed nec minùs peccant qui idem negant, quia eam proprietatem in Mente non animadvertunt. Hac in re peccavit Vir * alioqui laude dignissimus, & ex quo non pauca ad Methodum pertinentia hausimus; in illo ipso capite ubi Axioma, quod nunc interpretamur, profert & exemplis illustrat.

6. Ne quis porrò hîc mentem nostram in alienum sensum torqueat, monere necesse est, quæ diximus non esse ita intelligenda, ut inde sequatur repugnantia negari non posse. Aliud enim est negare esse in subiecto quidquam, præter id quod in eo novimus; aliud negare aliquid posse in eo esse & non esse simul. Ita non possumus affirmare in Mente nihil esse aliud, præter cogitandi vim, quia nihil aliud in ea videmus; sed possumus contendere, sine erroris periculo, Mentem, dum cogitat, non posse esse cogitatione destitutam, quia clarè alterutram harum Propositionum necessariò esse falsam videmus.

7. Ut hanc secundam, quam memoravimus, cautionem observemus, necesse est principia semel ponenda expendamus diligentissimè, priusquàm ad consecutaria deveniamus. Tertio Axiomate, docemur à simplicibus & facilibus initium facere, iisdemque, priusquàm ad composita & difficilia progrediamur, aliquamdiu inhaerere. Si quis vellet Arithmeticam discere, & statim leviter quatuor primas Regulas Additionis, Subtractionis, Multiplicationis, & Divisionis, quodd sunt faciles intellectu, delibaret; deinde quàm primùm

G 7

* Scriptor Gallus de Inquirenda Veritate Lib. vi. c. 2. P. 11.

158 LOGICÆ PARS III.

mum ad ultiores Regulas, quales sunt Regulæ quæ *Trium* & *Falsi* dicuntur, progredieretur; is sanè tantam in hisce difficultatem experiretur, ut Arti, nisi denuò à simplicioribus inciperet, eaque ita memoriæ mandaret, ut semper essent in promptu, valedicendum ei esset.

8. Attamen, in solvendis nodis Philosophicis, ea Methodus negligitur, simplicia & facilia quasi nota vix delibantur, ac uno, ut ita dicam, saltu se horum studiosus ad difficilia & composita confert; unde fit ut fudet, hæreat, & ubi quod cogitat effert nihil præter nugas aliis propinet. Atque hac in re summopere peccarunt Veteres Philosophi, & qui eos sequuti sunt. Sed nec planè hujus vitii expertus est, licèt multò diligentius sibi ab eo caverit, ipse *Cartesius*. Hinc * vel ejus discipuli observarunt ex regulis motûs, quas tradidit, quartam, sextam, & septimam falsas esse. Hinc quoque iidem eum temerè quieti, quasi Enti positivo, vim resistendi tribuisse ostenderunt. Denique, ut exemplum addamus, quo totum ejus Systema Physicum concutitur; postquàm ostensum est quietem non esse causam, ob quam partes sibi invicem adhærent, neque hoc fieri ob compressionem aëris, neque impulsu materiæ subtilioris; superest ut fateamur incertum esse quare corpora sint

Cartesius diutius prima cogitata pressisset, quo erat ingenio, fortè deprehendisset ea incommodis illis laborare, & conficiendi Systematis Physici consilium temerarium abjecisset. Sed se intra terminos continere, quibus excedere posset cum gloria nos putamus; aut tam diu serere, ut ita dicam, sine ullius messis collectione, difficillimum est.

CAPUT VI.

De Prima Analytica Regula.

1. **Q**Uandoquidem omnia nostra judicia sunt tantum perceptiones relationum, in quibus perceptionibus adquiescimus; cum quidpiam quærimus, quod ignoramus, à nobis nihil præter relationem, quæ an sit inter duas ideas nescimus, quæri manifestum est. Quando igitur in prima Regula, *perspicuè intelligendum questionis propositæ statum* dicimus, idem est ac si cavendum esse ne eam relationem quæri putemus, quæ nequaquam investigatur, moneremus. Nisi enim certa quædam nota insigniat relationem quæsitam, nec scimus quid quæratur, nec inventum agnoscemus.

2. At si ejusmodi relatio sit perspicuè nota, inquiet fortè quispiam, quomodo ampliùs quæritur? Verùm relatio quidem abstractè considerata nota est, sed ignoramus an intercedat inter ideas quas expendimus. Nulla quæstio, nisi ejus termini sint aliquatenus noti, solvi potest. Ita quæritur, exempli causâ, *quinam sint duo numeri, inter quos est hæc relatio, ut si unitatem uni*
de-

detrahas quam addas alteri, futuri sint pares; contra verò si ei cui detraxisti addas alteri tantam unitatem, unus duplo major altero sit futurus? Licet ignorentur ipsi numeri, inter quos est hæc relatio, attamen nota est relatio, ex qua inventi statim agnoscuntur.

§. 2. *An potest esse rei prorsus ignota &c.* Sextus Emp. adversus Mathematic. pag. 282. πῶς γὰρ τις καὶ ζητήσας δυνάται μανθάνειν ἔννοιαν ἔχων τὴν ζητούμεν πρὸς γινώσκον; ἔτι γὰρ ἐπὶ τούτων εἰσι δὲ ἐπὶ ἐπὶ τούτων ἔτι ἀσχετίαι, ὅτι ἡσυχίαν: quomodo enim aliquis poterit querere, nullam habens notionem rei quaesita? Eam adsequutus nescies se adsequutum, nec, si aberraverit à scopo, se aberrasse.

3. Quando quaestio verbis est concepta, quoad ejus fieri potest, distinctè sunt intelligenda; seu optimè noscendæ ideæ, quæ singulis vocibus significuntur. Igitur ambiguitas omnis amovenda est, ne pro una quaestione, tot exsurgant, quot erunt Propositionis sensus; nec scire, si ab alio proposita sit quaestio, quem sensum ei tribuat, possimus.

4. Exemplo esse potest quaestio nugatoria puerorum piscatorum, quæ *Homero proposita dicitur. Quærebant quid esset, de quo dici posset.

Negatur Homerus potuisse respondere; nempe, quod omnia hæc verba eo sensu, quo solent à Piscatoribus sumi, intelligenda crediderit; quâ ratione, quæstio erat planè *ἄλυστος*. At statim ac pueri dixerunt se pediculos intelligere, facillima solutu visa est. Possemus afferre exempla quæstionum, ex gravissimis Disciplinis; quæ malè solvuntur, quod voces ambigua non intelligantur. Quæstiones, quæ proponuntur de sensu locorum *Scripturæ Sacrae*, quam plurimæ sunt ejusmodi. Verùm hoc extra limites, nobis in Compendio hocce præfixos, nos abduceret. Satis sit hoc monuisse, ut observeatur.

5. Si nequeamus scire omnes sensus vocabulorum, quibus quæstio concepta est; an à nobis eo sensu, quo proposita est, soluta sit, rescire non possumus; quod in quæstionibus generalibus, & quarum occasio satis nota non est, sæpe usu, venit. Tunc temporis, de quæstione proposita, nihil præter conjecturas proficere licet. Atque ejusmodi sunt omnes pænè interpretationes difficultatum locorum, quæ ex serie orationis explicari nequeunt, apud Scriptores Veteres.

6. Postquam vocabula, quibus quæstio concepta est, quoad potuimus, clara nobis effecimus; adtentio animi convertenda est ad conditiones, si quæ in ea sunt, considerandas. Nisi intelligantur, obscura quæstio remanet; & sæpe ejus solvendæ viam ostendunt. Si nullæ sint, neque ullæ subintelligantur, tum quæstio generalis est; circa quam ea observanda sunt, quæ diximus. Si verò subintellectæ & quidem necessariae non

162 LOGICÆ PARS III.

non exprimentur; tunc, nisi liceat eum qui quæstionem proponit interrogare, non potest solvi. Si inutiles sunt quæstioni additæ conditiones, sunt distinguendæ à necessariis; nisi enim hoc fiat quod nullius est momenti quærimus, dum necessaria interdum omittimus.

7. Potest proponi hæc quæstio: *Invenire duos numeros, quorum unus, designatus litterâ A, superet alterum litterâ B notatum, duabus unitatibus, ita ut desumtâ ex numero B unitate, numerus A eâ additâ sit duplo major.* Hic conditio est concepta vocibus, *ita ut* &c. atque hæc maximè adtendenda, quia sine ea non intelligitur quæstio. Non enim quæritur, quâ ratione inveniri queat numerus duabus unitatibus alterum superans simpliciter; sed ejusmodi investigantur numeri, in quibus id occurrat quod in conditione ponitur, qui sunt 7. & 5.

8. Omitteretur conditio necessaria in hac quæstione: *An homo possit ita immotus reddi, ut incedere nequeat, modò digitum suum auri inserat, donec digitum ex aure eduxerit?* Quæstio ita concepta negabitur, neque enim, immisso tantum in aurem digito, quisquam immotus reddi potest. Affirmatione verò eidem quæstioni respondetur, si addatur: *ita eum hominem collocando,*

DE METHODO. CAP. VII. 163

delibutus, coronâque ferteâ redimitus, frustra laborabit, etenim nihil ad rem faciunt. Quod quaeritur fiet, si is homo navi à vento actæ imponatur, aut si è turri, vel alio loco excelsq cadat; movebitur enim necessario, quamvis quod cum movet non videat, nam à materia sub oculos non cadente pelletur.

10. Atque hæc non tantum in quæstionibus, animi gratiâ, fictis considerata; similia enim occurrunt in iis quæ ex Critica, exempli causâ, aut Physica, reliquisque omnibus Disciplinis proponuntur. Ita si quaeratur, *quid significet vox quæpiam* seorsum spectata? quod respondebitur, licet verum, raro ad solvendam quæstionem particularem, *quid significet vox illa in certo quodam loco?* sufficiet. Igitur si quis hoc posterius rescire aveat, cum necesse est non generalem quæstionem proponere; sed locum recitare; in quo vox cujus sensus quaeritur occurrit. Nempe, vocibus, pro situ quem obtinent, varia, quæ solæ non designant, significari solentur est.

C A P U T VII.

Secunda & Tertia Analyseos Regulae explicantur.

1. **O**Mnes quæstiones ad duo genera possunt referri; sunt enim omnes aut simplices, aut composita. Ad priorum solutionem, nihil aliud postulatur, præter diligentem idearum, quibus constant, comparisonem. Ita quando
dici-

dicitur circulus habere eam proprietatem, ut omnes lineæ, quæ ab ejus centro ad circumferentiam ducuntur, sint æquales; si quis hac de re dubitaret, vellétque inquirere verumne sit an falsum hoc Axioma, ideam circuli cum idea hujus proprietatis dumtaxat conferre eum oporteret.

2. At quæstiones compositæ, nisi ideæ quibus constant cum tertia quadam idea, aut etiam pluribus comparentur, solvi non possunt. Relationes enim ignotas, quæ investigandæ sunt, comparatione immediatâ idearum quæstionis propositæ, cum ea collatio nequeat fieri, nemo invenerit. Est ergo inveniendâ una idea, aut plures etiam sunt quærendæ, cum quibus termini quæstionis comparentur. Debent autem ejusmodi ideæ perspicuæ esse, saltem secundum relationem, secundum quam cum aliis comparantur. Atque hinc ducta est secunda Analyseos Regula, quam supra attulimus Cap. IV.

3. Exemplis res perspicua evadet. Quæstio hæc si proponeretur, *An oporteat furem capite plecti?* quoniam *furis* idea non potest immediatè cum *ultimo supplicio* comparari, nullo intercedente inter eas ideas naturali connexu, adeo ut idea *furis* offerat ideam hujus pœnæ; non nisi interven-

4. Si rursus quæreretur, *an puerum quindecennem furti reum oporteat capitali supplicio plecti?* Hac quæstione prior involveretur, prius enim quærendum an omnino fur debeat capite poenas luere, quàm quæramus an ejusmodi furem hac poenâ affici æquum sit. Itaque, nisi prior quæstio soluta esset, hæc posterior non posset solvi. Deinde, posito furtum commissum in viro posse puniri, ultimo supplicio, secundum leges; quærendum esset, an eadem poenæ essent de puero quindecenni sumendæ. Itaque esset hic rursus alia comparatio, non pueri cum poenâ, sed poenæ puero infligendæ cum *justitia*, aut *prudentiali*, instituenda. Hæ enim sunt eadem, in Reip. administratione; verum hac de re hic non agimus.

5. In hac eadem quæstione, possunt aliæ ideæ comparandæ occurrere, quia utilitas Reip. non est res simplex; sed hic, docendi gratiâ, *justitiam* esse ideam simplicem & summæ perspicuitatis statuimus. Statuimus etiam de circumstantiis furti non quæri, quæ plerumque tamen in considerationem veniunt. Verum si omnia essent hic accuratè enumeranda, justum inde posset confici volumen.

6. At si quærat, *quâ poenâ sit plectendus Titius, qui sine sententia judicis rem ab alio sibi, ut ait, debitam vi abstulerit?* tunc primâ fronte apparent plurima quærenda 1. Videndum an verè creditor sit alterius, à quo rem abstulit, quam in rem ejus affirmatio debet comparari cum instrumento, si sit aliquod, aut cum jurejurando, aut cum testibus &c. 2. Videndum an tantam summam pecuniæ crediderit, quantam dicit, quod

quod cognoscere est ex comparatione ejus affirmationis cum verbis instrumenti, testium &c.
 3. Videndum an rapuerit? 4. An vi usus sit, ubi audiendi sunt testes, quorum testimonia cum multiplicibus ideis sunt comparanda, ut constet an sint vera. 5. Videndum an Leges damnent vim quamlibet in illo negotio, ubi comparatio instituenda facti cum verbis Legis. 6. Vim, quæ adhibita statuitur, ubi non intercessit sententia Judicis, quâ poenâ Leges afficiant. Igitur priusquam solvatur hæc quæstio, *quomodo Titius sit plectendus?* idearum mediarum cum terminis quæstionis, multiplex est instituenda comparatio.

7. Si autem in ea comparatione adsumantur idæ minus perspicuæ, summum est erroris periculum; qui si aliquâ irrepit, sequentes omnes Propositiones aut falsæ, aut extra rem sunt, & conclusio prorsus falsa. Etenim, ex superiori exemplo, satis liquet Propositiones esse invicem connexas, aut iis quædam poni quasi comperta, hisque omnibus niti conclusionem; aded ut vel ex una falsitate præmissa, conclusionis sequatur falsitas.

8. Tertia Regula est, à quæstione, quæ consideranda venit, amovenda esse omnia, quæ ad investigatam veritatem necessariâ non pertinent. Hæc

DE METHODO. CAP. VIII. 167
inde nihil ad quæstionis solutionem hauustum iri
manifestum est.

9. Hæc cautio adhibetur potissimum in iis quæ-
stionibus, quæ pluribus verbis sunt conceptæ,
aut ab imperitis, aut datâ operâ, ut intricatiores
reddantur, aut quæ hauriuntur ex scripto, quod
qui exaravit in animo non habuit ejusmodi quæ-
stionem dilucidè proponere.

C A P U T VIII.

*Explicantur Quarta, Quinta, Sexta & Sep-
tima Leges Analyseos.*

1. **P**ostquam ex quæstione proposita sustulimus
quidquid ad rem quæsitam necessariò non
pertinet, aut pertinere non videtur; si quæstio
tamen composita supersit duobus, aut pluribus
capitibus; quoniam plura simul adtentè expen-
dere non licet, secundum quartam Legem 1. *di-
videnda est quæstio in sua capita: 2. ea capita sin-
gillatim expendenda, & eo quidem ordine ut ab
iis incipiamus quæ simplicioribus constant ideis: 3.
nec prius ad capita magis composita, quàm simpli-
ciora meditatione perspicua & facilia nobis facta
sint, deveniendum.*

2. Manifesta est hujus Legis, in quæstionibus
compositis solvendis, necessitas. Primum enim,
si confundamus capita diversa, numquam eo-
rum distinctas ideas habebimus; confusio enim
& distinctio in una sede non morantur. Hinc
vix poterimus ideas inter se comparare, ut sunt
comparandæ ad veritatem tutò inveniendam;
quæ si aliter nobis occurrat, id potius casui,
quàm

quàm sapientiæ imputandum erit. Ut enim is qui oculis plura simul videre vult, nec ea distinctè videt, non potest de singulis satis judicare: ita qui mente plura, quàm potest, complecti nititur se ipse perturbat, nec certa judicia de pluribus simul ferre potest.

3. De variis ideis, interdum quidem idem fertur judicium; attamen ut plurimum eadem judicia pluribus consentanea non sunt. Si autem mistim de pluribus judicemus, singulis singillatim non expensis; generale de rebus diversis judicium, quod raro non aliqua ex parte peccat, ferimus. Facite esset exempla virorum celebrium congerere, qui dum quæstionum multis capitibus constantium partes non distinguunt, ab aliis non possunt intelligi, neque ipsi fortè se intellexerunt. Sed sufficiet hoc indicio eos homines designare; nimirum, quando lecto diligenter opere, cujus argumentum aliàs nobis non est ignotum, non possumus ad certa capita contrahere quod in eo habetur, neque ordinem Scriptoris indicare, inde sanè ab eo hanc Analyseos neglectam Regulam liquet. Si quis legat Scripta, non Veterum modò, qui passim hoc vitio laborant, sed Recèntiorum plurimorum, hoc experietur. Duos, alioqui Viros Magnos, instar omnium, appellabimus, *Joannem Seldenum Anglum*, *Claudium Salmasium Gallum*; qui ita ordinis Regulas omnes negligunt, ut propterea sine molestia legi nequeant.

4. Eadem incommoda ex neglectu secundæ, & tertiæ cautionis hujus nostræ quartæ Legis oriuntur; & cùm jam egerimus hac de re *Cap. v. §. 7. & seqq.* unum hîc addemus; scilicet, postquam

DE METHODO. CAP. VIII. 169

quàm simplicibus quæstionis propositæ principiis adfueti sumus, ita ut distinctè animo obversentur, contraria iis à nobis affirmari, ubi ad extrema consecutaria devenimus, non accidere. Contrà ubi simplicia leviter præmittuntur, & ad composita statim progressio fit, illorum paulatim obliviscimur, ac tandem ultima primis sæpe adversantur.

5. Quinta, sexta & septima Leges rarò in aliis Disciplinis adhibentur, præter *Algebram*, ex qua exempla petita earum usum ostenderent. Sed quia difficiliora sunt non adfuetis & eisdem Canonas ceteris Disciplinis cum fructu aptari posse censemus, aliunde exempla desumemus.

6. Quando quæstionem propositamolvere, & quod responderi posse videtur, chartis adlinere adgredimur, summæ est utilitatis capita quæstionis paucis verbis chartæ committere, præsertim si multa sunt; ne dum de uno cogitamus, cetera animo, ut fit, propter quæstionum multiplicitatem elabantur. Hac ratione, memoria etiam felix, quæ laborat in pluribus capitibus retinendis, non parum sublevatur; & animus, aliis non impeditus, minori labore singula attendit. Rarò omnes compositæ & difficilis quæstionis partes, quæ expendendæ veniunt, simul ac semel animo se offerunt. Plerumque diu meditandum, priusquàm omnes retexerimus; nisi autem eas quas primùm invenimus scriptis mandaremus, facillè memoriâ elaberentur. At quia molestissimum esset multa scribere, idè quibusdam vocabulis possunt variæ relationes expendendæ exprimi.

7. Hinc etiam duo commoda, nequaquam spernenda, exsurgunt. Unum est antequam plenius scribamus quod de quæstione quapiam meditatione, cum solâ, tum lectione adjunctâ, comperimus; hac arte facîle scribendorum ordinem concipi, & immutari, si quid fortè malè conceptum statim fuerit. Alterum, ita & ordinem, & partes tractationis memoriæ inseri, relegendo aliquoties capita chartæ mandata; ut postea, ubi scriptioni totius Dissertationis incumbimus, ab ordine non recedamus, neque quidquam ex iis quæ consideratu digna sunt, omittamus. Alioquin ubi memoriæ nimium fidentes, ordine, & capitibus Mente tantum conceptis, animum ad scriptionem adpellimus; multa, quæ inter scribendum occurrant, æffinia iis quæ cogitavimus, nos interdum sensim à recta via deflectunt, faciuntque ut quæ erant agenda non agamus, & quæ ad rem nihil attinent excutiamus; quod sæpissimè evenit duobus illis Viris, alioqui maxima laude dignis, quos antehac nomine appellavimus.

8. Postquàm, secundum quintam Legem, ordinem conceptum notis quibusdam expressimus, tum unamquamque Propositionem expendendam diligenter consideramus, secundum sextam. Sunt autem duo termini unius Propositionis, numquam plures, comparandi: donec quæ sit.

DE METHODO. CAP. VIII. 171

9. Postquàm omnes Propositiones expendendas ita scripsimus, nec tamen quod quærebamus invenimus, septima Lex nos vestigia diligentius relegere; & quæcumque videmus inutilia fuisse, ad quæstionem solvendam, delere; & si quid superest quod usui esse queat, id denuo, ex memorata methodo, expendere jubet. Sæpe enim fit, in intricatis quæstionibus, ut primo intuitu credamus quædam ad solvendam quæstionem planè necessaria esse; quæ postea experimento, comparatione accuratâ idearum, factò, inutiliaprehendimus. Contrà quædam, quæ non satis statim excusseramus, nobis viam, repetito examine, ad veritatem inveniendam munient. Atque hæc unusquisque usu, potius quàm exemplis ab alio allatis, intelliget.

10. Denique, si, examine instaurato aliquoties, nulla via apparet solvendæ quæstionis, nihil superest nisi ut calamo abjecto quæstionem solvi non posse à nobis agnoscamus; aut si inter expendendas ideas prehenderimus nullas posse inveniri, quibus solvatur quæstio, eam *ἀλυστην* esse, ne quis frustra in ejus solutione quærenda animum fatiget, demonstramus.

11. Difficilem fortassè hanc esse methodum quis dicet, at nulla facilior, nec in veritatibus inventu facilibus omnes Canones ad praxin revocantur, sed tantum in intricatioribus, ut jam monuimus. Sanè veritatem, sine hac methodo, invenire, eandemque inventam agnoscere; quàm methodo uti, & ex ejus usu certitudinem inventorum colligere, multò difficilius est.

CAPUT IX.

Syntheseos. Regula traduntur.

1. **E**X comparatione, quam supra Capite I. inter *Analyticam* & *Syntheticam* Methodos instituimus, qua in re sita sit *Synthesis*, satis liquet. Postquàm, nimirùm, veritatis cujuspiam, aut totius Disciplinæ principia invenimus, ordo quærendus fuit, quo partium ejus nexus facillè intelligeretur; & ita simul probaretur res ipsa, ut concessis initiis cetera etiam essent concedenda.

2. Nulla autem inventa commodior ratio, nisi ut generalia principia primùm proponerentur, & si necesse esset, probarentur; deinde eorum confectaria ita disponerentur, ut, quantum licet, posteriora ex prioribus manarent. Præterquàm quòd hac ratione & ordo & vis demonstrationis obtinetur, vitatur incommodum in tradendis Disciplinis non exiguum, repetendi necessitas. Si enim à particularibus seu speciebus initium fieret, ut ad genera postea deveniretur; esset, ubi de unaquaque specie dicendum foret, repetendum quod de ejus genere innotuit; quoniam, sine generis cognitione, Species satis nota non

DE METHODO. CAP. IX. 173

versantur. At ubi agitur de substantiis, ut in Physica, Synthesis, quia genera substantiarum nobis sunt ignota, nec intimas earum essentias adsequimur, adhiberi nequit. Itaque quicumque Systemata Physica adgredi voluerunt, ii se difficultatibus ineluctabilibus impediverunt; quod facile, quorumvis principiorum Physicorum examine, si res esset hujus loci, ostenderemus.

4. In solis Mathematicis disciplinis, quarum principia *ἀποδείκνυται* nota sunt, hæc Synthetica Methodus hæcenus observata est accurate; ideoque à nullis melius ejus Leges petantur, quam à Geometris.

5. Cum nihil proponere cui possit contradici animus iis esset, hoc se maxime triplici viâ adsequuturos existimarunt; I. Si nihil proferrent, quod non constaret vocabulis quorum significatio esset perfecte nota; quam ob rem *definierunt* diligenter vocabula, quibus utuntur, qua de re egimus P. I. Cap. 12. II. Si niterentur tantum *principiis evidentibus & perspicuis*, aded ut à nemine possent in dubium revocari, si modò ea intelligeret. Itaque ante omnia, ponunt *Axiomata* sua, quæ sibi concedi postulant, probatione quippe non indigentia. III. Si omnia *consecutaria demonstrative probarent*, proptereaque in ratiocinationibus suis dumtaxat Definitionibus, Axiomatibusque concessis, aut Propositionibus uterentur jam à se demonstratis, quæ ad posteriora quod attinet sint principiorum loco.

6. Ad hæc tria capita referri potest quidquid à Geometris observatur, in demonstratione vertitur; quas retexerunt. Sed ut melius intel-

174 LOGICÆ PARS III.

ligantur, duæ statuuntur Definitionum, una Axiomatum, duæ Demonstrationum Leges; de quibus singillatim agemus, postquam eas proposuerimus.

7. Definitionum Leges sunt hæ. I. *Nullum vocabulum subobscurum, aut ambiguum, sine definitione adhibere.* II. *In definitionibus nullis vocabulis, nisi notissima significationis, aut jam explicatis, uti.*

8. Axiomatum Lex est: *nihil Axiomatis instar, quod non sit evidentissimum, statuere.*

9. Demonstrationibus hæ Leges positæ sunt: I. *Omnes Propositiones subobscuras probare, nec quidquam in iis demonstrandis adhibere, præter Definitiones constitutas, Axiomata concessa, Propositiones jam demonstratas, aut Constructionem figuræ, de qua agitur, ubi quid simile faciendum contingit.* II. *Numquam abuti ambiguitate vocabulorum, iis non affingendo definitiones quibus explicantur.*

10. Hæc Geometræ necessaria observatu duxerunt, ut veritates quas probare instituunt evidentes, & ἀναπόρρις redderent. Ac sanè quicumque his Legibus steterit, ita ut in eas ne minimum quidem peccet, is se in falsam nullam ratiocinationem delapsurum, quod præcipuè in omnibus Disciplinis spectatur, sperare

DE METHODO. CAP. X. 175
scias. Itaque in hoc, omnibus ingenii viribus,
contendendum.

CAPUT X.

Explicantur Leges Definitionum.

EGimus quidem P. I. C. XII. de *Nominum Definitione*, attamen quia res est non exigui momenti, & sine qua Geometrarum Methodus intelligi nequit, quædam eadem de re, vitatis, quoad licebit, repetitionibus, addemus.

2. Prima Regula vetat *ullum vocabulum sub-obscurum sine definitione abhibere*. Hujus Regulae necessitas hisce nititur fundamentis. I. *Ut aliquid evidenter probetur, necesse est id quod dicitur perfectè intelligi*; quæ enim evidens esse potest demonstratio, quæ non plenè intelligitur? Non possunt autem perfectè intelligi plurima vocabula, nisi definiantur; cum usus Linguae, ex qua petita sunt, iis aut nullum aut obscurum sensum attribuerit, ut in *Critica* ostendimus. Cum ejusmodi adhibentur vocabula, in Disciplinis tradendis, potissimum in Principiis, neque Principia ipsa intelliguntur, neque consuetaria, neque ordo ratiocinationum, seu Propositionum nexus; unde fit ut verane sint quæ dicuntur necne, cognoscere nequeamus.

3. Ne porro observatio hæc credatur inutilis, quasi nemo in eam peccet, in animum revocandum est omnes ferè Philosophos gravissimè hoc in negotio peccasse. Innumera vocabula non definita, petita seu ex usu vulgari, seu ex Phi-

176 LOGICÆ PARS III.

Iosophorum aliorum sermone, seu à se inventa: obscurissima, aut ambigua in Philosophiam intulerunt. Theologi, Philosophos sequuti, immaniter quoque hac in re peccarunt. Priores *qualitatum naturalium & occultarum*, ut vocantur, nomina ex usu vulgi acceperunt non definita, eaque obscurissima, qualia sunt *gravitas, levitas, calor, odor, sapor, frigus, calor, &c.* Quando ab iis quæritur quid sit *color*, quasi ridiculam quæstionem irrident, cum reverà non satis distinguant id quod sentimus, ab eo quod est in superficie objecti, ut ex eorum sermonibus apparet. Accuratiores Philosophi utuntur voce *perfectio* non definita, quæ tamen intelligi nequit sine definitione. Theologi ubi de Deo loquuntur, aiunt Deum habere proprietates *ἀκαταλήπτους*, quibus imponunt nomina aliunde sumpta, licet fateantur nihil esse in rebus creatis simile; nec tamen definiunt ea nomina, nisi definitionibus obscurissimis, quod non est propriè definire, ut postea videbimus. Vox *Persona*, quæ in divinis definiri nequit, aut vox *πρόσωπον*, quæ tamen tantos excitarunt dissidiorum fluctus, ejusmodi sunt.

4. II. Definitiones vocabulorum faciunt etiam ut ipsi, in tribuenda eidem vocabulo eadem significatione, constantiores simus. Dum enim ipsi satis distinctè non novimus quid voce significetur, eamque sine definitione adhibemus, facile fit ut ab ea significatione, quam primò ei attribueramus, imprudentes recedamus; si præsertim ratiocinationes prolixiores sunt, & de variorum generum rebus sermo est. Quando autem hoc evenit, ne ipsi quidem satis scimus quid

DE METHODO. CAP. X. 177

quid velimus, & quæ sit ratiocinationum nostrarum series; nedum ut alii nos intelligant. Si verò definitionem vocabulorum adhibuerimus, significatio altius memoriæ inhæret; & si contigisset nos ab ea incautos abiisse, in viam earatione facilius rediremus, substitutâ, nimirum, definitione loco definiti; unde illico utrum in pristina significatione hæsissemus, necne, palam fieret.

5. Hoc ipsum etiam aliis inservit, ut idem experiantur. Ita cum Euclides definiisset angulum: *concursum duarum linearum rectarum in eodem plano inclinatarum*; animadversum est ab iis, qui ejus Elementa diligenter legerunt, significationem eam vocis *Angulus* constanter ab eo non esse servatam: Ubi enim docet quâ ratione *Angulus* dividi possit, continuò intelligere est eam vocem illic aliâ significatione sumi, neque enim dividi potest *concursum duarum linearum*, cum fiat in puncto indivisibili. Itaque, ubi de divisione Anguli agit, voce *Anguli* intelligit spatium interceptum inter duas lineas rectas inter se concurrentes, & in eodem plano inclinatas, quod spatium dividi potest.

6. Secunda Definitionem Lex vetat *voces in iis, quarum significatio nota non sit, aut jam explicata, adhibere*. Absurdum est ad definiendas voces obscuras usurpare obscuriores, aut æquæ obscuras; cum definitionem, non nisi ut clarius sermo intelligatur, addamus. Attamen quantum hac in re peccaverint Philosophi Veteres, & Recentiores Scholastici ostendimus, in Capp. de *Definitione*, sub secundæ Partis finem.

178 LOGICÆ PARS III.

7. Liquet ex Regula duo exigī, ut voces sint claræ, aut potius duorum alterutrum. Unum est, ut sint usu jam recepto ita certæ cuiusdam rei attributæ, ut ad aliam transferri non soleant, saltem in ea occasione in qua adhibentur; neque nescio quid confusum, sed rem certam designent. Sic vox *existere*, in sermone Philosophico, ita est ideæ simplici existentiae alligata, ut neque aliò transferri soleat, neque confusum quid significet. At vox *natura* obscurissima est, quòd de multis soleat dici, & quædam parura nota designet. Ubi de Hominibus usurpatur, significat, exempli causâ, *indolem*, id quod à Deo creatione acceperunt oppositum ei quod usu adquirunt, *proprietates eorum Mentis & Corporis*, *affectionem quamdam quâ fit ut, nemine docente, aliquid sciant aut faciant* &c. Igitur in accurata demonstratione, ea voce non est utendum, nisi definitâ, aut saltem eo loco positâ, in quo vicinæ voces ejus sensum liquidò ostendant.

8. Si verò vocem contra usum usurpemus, aut ipsi fingamus, definienda est. Ea definitio idem præstat ac usus receptus, estque altera ratio quâ vox clara fit, nec sine ea ulla vox ignoti usûs est proferenda. Ejusmodi est vox *ουδελεία* apud Aristotelem, quam singulari quodam sensu, quem

DE METHODO. CAP. X. 179

væ; nisi ubi nullæ aliæ suppetunt. Alioqui passim definitiones essent afferendæ, & fortè etiam definitiones definitionum. Cùm dixissent Theologi, *Hominem esse naturâ corruptum*, quasi- tum est primùm, quid intelligerent voce *corruptus*? secundò, quid sibi vellent voce *natura*? tertio, an voce *homo* intelligerent *corpus*, an *mentem*, separatim, aut utrumque simul? Inde natæ definitiones plurimæ; quod exemplo unius vocis *corruptus*, ostendimus, ne prolixiores simus.

A. Quid intelligis voce *corruptus*? 1

B. Intelligo *peccatorem*.

A. Quis est tibi *peccator*? 2

B. *Violator Legis divinæ*.

A. Quæ *Lex divina* hîc à te intelligitur? 3

B. *Lex Adamo tradita*.

A. Quænam fuit ea *Lex*? 4

B. 1. Præceptum de interdicto fructus non comedendo. 2. Quæ recta ratio Adamo suavit esse facienda.

A. Ut hoc responsum, quasi perspicuum, admittam, quid intelligis voce *violator*? 5

B. Qui *transgreditur*, aut *non vult facere* ea quæ dixi.

A. An ergo omnes homines *naturâ* comedunt fructum illicitum? 6

B. Minimè, sed alius loco eorum comedit antequàm essent, & statim ac existunt censentur ipsi comedisse.

A. Deuisti ergo dicere, *transgressorem* à te vocari tam eum pro quo alius transgreditur, antequàm sit, quàm qui pro se ipse peccat. Verùm hoc misso, an omnes homines, statim ac

180 LOGICÆ PARS III.

exsistunt, *transgrediuntur ea quæ ratio Adamo suavit esse facienda?* 7

B. Transgrediuntur.

A. Voluntne ergo contraria iis agere? 8

B. Nescio an habeant ullum voluntatis exercitium, ac proinde an aliquid agant.

A. Me ergo fefellisti, quando dixisti te credere *homines naturâ Legem divinam transgredi*; nam transgredi, ut ipse fassus es, ubi agitur de Legge, est *nolle ei parere.* 9.

B. At hîc non ita intelligitur, idem est enim ac si quis diceret homines statim ac exsistunt ita esse affectos, ut cùm incipiunt voluntate uti, incipiant velle contraria Legi.

A. Itaque dicere non debuisti *hominem esse naturâ corruptum*, ut te intelligerem; sed, *Hominem, cum primum exsistit, censei comedisse fructum Adamo interdictum*; & ita esse affectum, ut cùm incipit velle, contraria iis, quæ ratio Adamo facienda esse suadebat, velit. 10

B. At nimis hoc prolixum est.

A. Sed multò prolixiora fuere responsa tua, si omnia colligantur quæ dixisti, ut hoc te velle intelligerem.

DE METHODO. CAP. XI. 181

potest esse causa alicujus rei : 2. Nulla causa dat quod ipsa non habet. Hæc aliæque ejus generis Propositiones demonstratione non indigent, quia demonstratio iis non potest esse evidentior. Atque hujusmodi oportet esse omnia, quæ sine demonstratione, quasi perspicua, ponuntur. Etenim ex dubiis, aut obscuris Principiis non potest indubitata elici consequarium.

2. Verùm cavendum ne ea sola clara & certa esse putemus, quibus nemo umquam contradixit. Potest enim fieri ut negatum olim fuerit Axioma evidentissimum, aut quoddam verba, quibus erat expressum, non intelligerentur; aut ore tantum à parum candidis, aut insanientibus Philosophis, quales videntur Pyrrhonii, & Academici fuisse. Ac sanè licet reliqui omnes mortales negarent *numerus binarius esse majorem unitate*, numquam ut homo sui compos veritatem hujus enunciationis in dubium revocaret efficerent. Crederet potius se ab aliis non intelligi, aut ab iis de industria negari, quod non negarent, si ex animo loquerentur, aut insaniam omnes laborare, quantumvis hæc videantur incredibilia; quia contraria æquè evidentia, ac prolatum Axioma, esse nequeunt.

3. Si quis quærat undè nascatur Axiomatum, etiam generalium, evidentia, ut cum dicitur, *Totum esse suâ parte majus*, cum non viderimus omnia Tota, ut an partibus suis majora essent experientiâ investigaremus? Respondebimus, eam evidentiam inde oriri, quod agatur in ejusmodi Axiomatibus de ideis abstractis, quas adæquatè novimus, & immediatè comparamus. Cum autem hujusmodi ideæ animo nostro di-

stinctè obversentur, simplici intuitione relationem, quæ inter eas est, animadvertimus; nec possumus vel minimùm dubitare, de eo quod animi simplici intuitu novimus. Hinc indubitatò quæcumque inter quæ eadem est relatio, quam inter duas ideas abstractas cernimus, eodem modo se habere inter se colligimus. Itaque non necesse est dici eas ideas nobis innatas esse; imò falsum hoc esse necessariis argumentis ostenderemus, si res esset hujus loci.

4. Quicumque ergo intelligunt quid sibi velint verba, quibus utimur ad Axiomata exprimenda; seu quicumque, verbis illis prolatis, animo comparant easdem ideas quas comparamus, necessariò eadem de iis ferunt judicia. Ita cum dicimus *binarium*, *trinarium*, *quaternarium*, *reliquosque numeros majores esse unitate*, quicumque, his verbis auditis, horum numerorum ideas abstractas cum idea unitatis comparabit, illico nobis animo adsentietur; & ore etiam, si ex animi sententia loquatur, ad sensum testabitur.

5. Neque inde sequitur, nos ea tantùm quæ animo nostro immediatè obversantur cognoscere; adeoque Disciplinas non circa res ipsas, sed circa ideas versari. Etenim res omnes, inter quas eadem sunt relationes, quas inter ideas

sequetur Urbem eâ esse maiorem; si Fundamentum pars est Domûs, sequetur à Domo magnitudine superari Fundamentum, &c. Veritas iudiciorum, quæ de rebus ipsis ex ideis abstractis feruntur, pendet ex similitudine rerum & idearum ejusmodi abstractarum; quæ similitudo, si evidenter nota sit, evidens etiam est Propositio quæ eâ innititur.

6. Expōitâ Axiomatum naturâ, & origine, ut meliùs animo infigatur quid pro Axiomate haberi debeat, duæ Regulæ factæ sunt, quibus continetur quidquid ad hanc rem pertinet. Prima est: *Quando ut perspicuè videamus Attributum Subjecto convenire, quemadmodum videmus Toti convenire ut sit Parte sua majus, opus est tantum mediocri consideratione Attributi & Subjecti; ita ut nequeant animo obversari, quin animadvertatur ideæ Attributi connexa esse ideæ Subjecti; meritò Propositio, quâ hoc exprimitur, habetur instar Axiomatis.* Potest & brevius concipi: *Propositio, quæ exprimit duarum idearum immediatam, sine tertiæ subsidio, comparationem perspicuam, est Axioma.* Nam quando ex immediata duarum idearum comparatione clarè animadvertimus relationem inter eas; demonstratione, quæ tertiæ ideæ subsidio sit, non indigemus.

7. Est autem probè distinguenda explicatio vocum, à demonstratione Axiomatis; nam licet demonstratione non indigeat, sæpe opus est interpretatione, apud eos qui voces quibus conceptum est non intelligunt. Exempli causâ, si apud Græcæ Linguae ignarum dixerim: *πῶλοι τῷ μεγέθει μῖζον*, licet rem intellectam sit illico agniturus, tamen.

tamen verba non intelliget, ideoque à me ea prius verti necesse est. Ita etiam, in Lingua alioqui nota, plurima verba, quorum significatio omnibus clara non est, & quæ sunt explicanda usûs ignaris, occurrere possunt.

8. Altera Regula, opposita priori, his verbis concepta est: *Quando sola consideratio idearum Subjecti & Attributi non sufficit, ad perspicuè deprehendendum Attributum Subjecto convenire, Propositio, quâ hoc affirmatur, non potest Axioma haberi; sed, adhibitis aliis ideis, debet demonstrari.* Brevius sic tradi queat: *Omnis Propositio ad quam probandam adhibenda est tertia idea, præter Subjectam & Prædicatum, non est Axioma: Vel: Veritas, quæ non nascitur ex immediata duarum idearum comparatione, non est Axioma.* Ita cum dicimus tres angulos Trianguli esse æquales duobus rectis, ea Propositio non est *Axioma*; quia demonstratione indiget, ex comparatione tertiæ ideæ petita; nimirum, linearum parallelarum, quarum ope anguli Trianguli, cum duobus rectis, comparantur.

9. Hasc Regulas numquam aut rarissimè violant Geometræ, à quibus petita sunt; sed in aliis Disciplinis passim negliguntur, ac conculcantur. Nihil frequentius, in aliarum Disciplinarum Syntagmatibus occurrit, quàm Proposi-

CAPUT XII.

Explicantur Regule de Demonstrationibus.

1. **I**N recta Demonstratione, duo postulatur; unum ut omnes Propositiones quibus constat, seorsim consideratæ, sint veræ: alterum ut eæ quæ ex aliis consequentiâ ducuntur ex iis necessariò fluant; seu ut consequentia omnia in antecedentibus contineantur. Utrumque autem sine dubio obtinebitur, si duæ Leges traditæ Cap. IX. accuratè observentur.

2. Propositiones omnes erunt veræ, si nullæ adhibeantur præter Definitiones, quæ non possunt in litem vocari; aut Axiomata, quæ semper oportet esse evidentiâ; aut Propositiones jam demonstratas, quæ demonstratione extra omne dubium collocatæ sunt; aut constructionem figurarum, si quæ sint faciendæ, quæ per *aut vias* veritatem nos docent. Igitur si priorem Legem observemus, omnes Propositiones, quibus utemur, extra omnem dubitationis aleam erunt constitutæ; quoniam nihil aliud, præter enumerata, adhibere per Legem licet.

3. Consectaria etiam rectè ducentur, si modò in secundam Legem, quæ ab omni vocabulorum ambiguitate cavere jubet, non peccetur. Etenim vix quisquam mentis compos Propositionem ex alia sequi, aut in alia contineri, si utramque plenè intelligat, falsò crediderit. Falsa consectaria pænè omnia nituntur verbis malè acceptis; si quæ enim alia sunt, adeò inepta esse

esse primo intuitu apparet, ut nemo sanus in ea incidat. Quicumque utetur Propositionibus, quarum vocabula respondent ideis distinctis, & duas ideas ope tertiæ diu ac diligenter compararit, in eo errare non poterit, ut putet esse inter eas relationem quæ non intercedat. Si quis in manifesta peccata, ubi nulla ambiguitas vocabulorum, nulla obscuritas idearum occurrat, incidit, ei leges ratiocinationis non scribuntur; neque enim sani est cerebri, quod in omnibus, qui hæc studia adgrediuntur, sanum esse statuimus.

4. Atque has quidem Leges satis observant Geometræ, attamen in aliquot alias, quæ ordinem spectant & perspicuitatem, sæpe numero peccant. I. *Passim probant aliquid esse verum, nec tamen rationem ejus veritatis querunt.* Eorum quidem argumentis nihil est quod reponamus, sed quia non intelligimus veritatum, quas probant; rationem, animus hæret, & vix demonstrationi credere audet. Nimirum, si longior demonstratio fuerit, ne aliquid falsitatis aliquà irreperit veremur, cum quomodo fieri queat ut quod probatum videtur verum sit non capiamus.

5. II. *Probant interdum ea quæ probatione non indigent.* Euclides sine necessitate demonstravit duo latera Trianguli simul sumpta esse majora ter-

6. III. *Demonstrant passim ab impossibili.* Non retegunt Propositionis cujuspiam Principia, ut eam ostendant esse veram aut falsam; sed ostendunt tantum, si aliquid esset verum aut falsum, inde sequi aliquid impossibile. Hoc autem non prorsus animo veritatis cognoscendæ avido satisfacit; cupit enim, ut modò dicebamus, scire quid fiat ut aliquid sit verum aut falsum. Itaque ejusmodi demonstrationes adhiberi, nisi ubi aliæ tradi nequeunt, non oportet.

7. IV. *Demonstrant per rationes nimis procul petitas.* Modò sint argumenta vera, parum curant unde sint desumpta; cum tamen nullum delectum habere argumentorum, & è longinquo petere quod propè est, incommodum sit.

8. V. *Ordinem, quo generaliora & simpliciora specialibus & compositis præponi necesse est, negligunt.* Modò demonstrationes ita sint inter se dispositæ, ut posteriores ex prioribus manent, nullum alium quandoque morantur ordinem. Unde fit ut quod ad unum argumentum pertinet, uno loco, non absolvant; sed prout hoc per inviolabilem demonstrationis ordinem licet, quod molestissimum est. Atque hoc peccatum, ab Euclide admissum, jam plurimi ex recentioribus Geometris feliciter emendarunt.

9. VI. *Divisiones & partitiones, eo quo oportet ordine, non adhibent.* Proponunt quidem in definitionibus varias species generum, quæ tractare adgrediuntur; sed non ita ut dicant tot esse genera, quæ in tot species dividantur, de quibus sint postea æturi, quod tamen commodissimum est.

188 LOGICÆ PARS III.

10. Atque hisce quidem ampliùs non immorabimur, quia hæc à nobis attingi, nisi quatenus ad omnes Disciplinas pertinent, Logicæ institutum non patitur. Hoc dumtaxat inde colligemus, eos qui alias Disciplinas tradunt, cavere sibi oportere ne Geometras, in eo quod vitiosum est, quod sæpe tamen evenit, imitentur. Plurimi Veteres ac Hodierni Scriptores hoc unum curarunt ut quod dicerent verum esset, ceteroquin ordinis prorsus securi; quasi perinde esset, quocumque modo res collocarentur; & reliqua admiserunt peccata, quæ meritò in Geometris notantur.

11. At multò plures, cùm hæc peccata nequaquam fugerint, id quod in Geometrarum methodo rectum est non observarunt. Voluerunt quidem Synthetica methodo uti, sed adeò ejus Regularum fuere imperiti, ut vix unam observarint. Voces rarò definiunt, in definitionibus obscurissima vocabula usurpant; ponunt quasi notas res prorsus ignotas, sæpe & falsas; in probandis opinionibus suis, neque concessa, neque clara adhibent quasi comperta; & ambiguitate vocabulorum passim abutuntur. Ne exempla diu sint quærenda, effecere Philosophi, & Theologi Scholastici; qui in unaquaque pagina laudatissimas hæc Leges conculcant.

12. Verùm hoc est animo infigendum; ubicumque adhibetur Synthetica Methodus, eam eò præstantiorem esse, quò est Geometrarum Methodo vicinior; (exceptis tamen memoratis vitiis) eò deteriorem, quò ab ea magis recedit. Cujus rei ratio manifestò ex ipsis omnis ratiocinationis rectæ fundamentis petita est; ut necesse non

DE METHODO. CAP. XII. 189

non fit pluribus rem persequi, postquam Methodum Syntheticam explicuimus.

13. Hoc tamen non ita intelligendum, ut necessariò prorsus observari in scriptione stylum, & ordinem Geometrarum velimus, adèd ut Definitiones initio ponantur, ab omni ratiocinatione sejunctæ; dein Axiomata, eodem modo, ab omnibus aliis divulgata describantur; postremò omnia in argumenta tribus Propositionibus constantia digerantur, eodémque compendio verborum utamur, ac Geometræ solent. Non adfuctis ea Methodus durior & difficilior videretur. Præterea non posset, sine prolixitate nimia, observari; nam, ut in sequentibus nihil dicatur quod ex anterioribus non probetur, ubi paullò major rerum consideranda est copia, ingenti circuitu, ut Principia necessaria colligantur, utendum necessariò est. At ita debent omnia concipi, ut in eam Methodum quæ quasi indubitata proponuntur redigi queant, si necesse sit.

14. Fatemur quædam esse in variis Disciplinis, quæ nequeunt Geometricè proponi; sed eadem nequeunt evidentè demonstrari, ideoque earum Disciplinarum frustra conemur perfectâ cudere Systemata, aut ab aliis expectemus. Ejusmodi sunt Theologia & Physica, inter alias. Verùm quæ certò in iis Disciplinis novimus possunt Syntheticè proponi, & si necesse sit Geometrico ordine enunciarî; reliqua fatendum esse dubia, neque quasi comperta Lectoribus obtrudenda.

CAPUT XIII.

Quare in aliis Disciplinis rare occurrant Demonstrationes, quæ in Mathematicis sola adhibentur.

1. **H**Aud semel quidem inuimus in iis, quæ hætenus de utraque Methodo diximus, aut Philosophorum culpâ, aut obscuritate argumentorum quæ excutienda suscipiunt, raras in eorum Scriptis occurrere demonstrationes seu probationes, quæ Syntheticæ Methodi inflexum rigorem ferre queant. At ea res, cui singulare Caput attribueremus, digna visa est; quia dum rationes quærimus cur tot Propositiones, nequaquam per se evidentes aut evidentibus nixæ, quasi veræ admittantur, animum ad negandum obscuris assensum facilius adsuëfaciemus. Igitur ejus rei rationes sparsim atque obiter in superioribus indicatas, aut intactas prorsus hîc collectim & accuratius trademus.

2. Primò, Mathematicæ Disciplinæ circa ideas claras, & distinctas versantur, nec de ulla re agunt, cujus naturam perfecte adsequi nequeat.

DE METHODO. CAP. XIII. 191

veniantur, aperienda sunt Theologorum, Jurifconsultorum, Physicorum aut Medicorum Syntagmata. Atque hinc factum ut tam acres inter eos subinde ortæ sint controversiæ, quæ inter Geometras multò rariores sunt.

3. Secundò, Mathematici ideas suas nominibus propriis, adæquatis, & ejusdem ubique significationis efferunt; adeò ut qui semel voces quibus uti solent intellexit, auditis eorum verbis, quid sibi velint illico adsequatur; ac proinde videat an quod demonstrandum susceperant probarint. In aliis verò Disciplinis, nomina parum commoda, rem partim exprimentia, dubia, atque incertæ notionis passim occurrunt; unde fit ut legentes aut audientes, nec quid probandum suscipiatur, nec quid probetur satis adsequi possint. Hinc innumeræ nascuntur *λογισμολιαι*, & dubitationes; quæ non aliter sedentur, quàm si, quoad ejus fieri potest, ad Geometrarum in loquendo *ἀκρίβειαν* accedamus.

4. Tertiò, Geometræ nulla adhibent Principia, aut Axiomata, quæ non sint universaliter vera, communique omnium suffragio concessa; adeò ut quæ inde, necessariâ consequentiâ, colliguntur ad sensum ineluctabilem intellecta extorqueant. At in aliis Artibus, Propositiones, quæ ad alias ex iis deducendas ponuntur, passim oppugnari exemplis contrariis possunt; unde, ne quasi falsæ rejiciantur, exceptionibus muniuntur. Interdum etiam non perspicuitate suâ,

* *Hæc partim debemus viro summo, Isaac Barrow, qui Propositionum quæstiones agitæ Praelectione Mathem. xv. Ann. 1664.*

92 LOGICÆ PARS III.

uā, sed consuetudine, quia pudet iis negare ad-
sentium, quæ à Magistris consecrata sunt, per-
suadent. Nemini ergo mirum videatur, ex ejus-
modi Propositionibus nullum manifestum, in-
dubitatum, ac universaliter verum deduci con-
secrarium.

5. Quartò, Geometræ præter Definitiones, &
Axiomata propriè dicta, interdum quidem sibi
aliquid concedi, sine demonstratione, petunt,
aut aliquid ejusmodi ponunt, brevitatis causâ;
sed Positiones illæ aut Hypotheses sunt faciles in
se; perspicuæ, atque in promptu; adeò ut sine
certandi libidine, negari nequeant. Exempli
causâ, ut duo puncta dentur; ut inter ea ducatur,
aut ducta ponatur recta linea; ut punctum
datum in centrum sumatur, & circa id cir-
cumducto in orbem filo circulus describatur,
&c. postulant; quæ nemo non illico, atque ul-
trò largitur. Verùm in aliis Disciplinis quot
obscurissima, aut difficillima factu, imò inter-
dum impossibilia, quasi, clara, proclivia, & pos-
sibilia credi postulantur? Quidam Theologi à
Deo ita *omnia* fieri posse, ut ne repugnantia quid-
dem excipiantur, concedi sibi inverecundè po-
stulant. Alii Deum esse omnium actionum, ne
quidem exemptis, auctorem statuunt, nec
esse posse, quasi rem in-

devorant potius; quàm aut gratuitum adsensum emendicent, aut auditorum in negando frontis mollitie abutantur. Quæ sibi concedi volunt scorsim exprimentes, apertè & candidè cum Lectore agunt; non ejus adsensum veluti surripiunt. In aliis autem doctrinis, innumera fermè proponuntur Axiomata, Postulatorumque vix ullus est modus; dum verisimilis quævis aut non prorsus impossibilis Propositio, quasi jure concedenda, ponitur. Hypotheses novæ passim, prout res postulat, adhibentur, ut vix Caput ullum, sine novis aliquot Hypothesibus, conscribatur. Neque hæc disertè & perspicuè proponuntur, ut intelligat Lector quid concedi postuletur; sed furtim, & verbulo interdum uno aut altero, eoque ambiguo, orationi, & quasi dudum concessæ, inferuntur. Qui ita se gerunt exemplar, ad quod se componant, sibi videntur eos proposuisse, qui, sæderum verba in suam rem flexuri, inferi quædam, adversariis non satis adtentis, quasi aliud agentes petunt. Quod postquam obtinuerunt, ubi ad finem perventum est, confectaria maximi momenti ex vocibus, quæ temerè insertæ videbantur, cum summa audientium aut legentium, qui eas non observatas prætermiserant, admiratione deducunt. Ita Theologi quidam, postquam obiter *Sacerdotes Dei nomine apud homines loqui* dixerunt, quod à Lectoribus negatum *ἀπορίας* sibi non iri satis sciunt; inde, multis aliis subjectis & permistis, tandem Sacerdotibus resistere perinde esse ac Deo bellum inferre, colligunt, adversariosque invidiosissimè traducunt.

§. 6. *Quod postquam obtinuerunt.*] Huc facit quod de Oratoribus observat Cicerò de Invent. Lib. I. n. 89. *Sape oblitum putant quid concesseris, & idcirco id quod non conficitur, quasi conficiatur in conclusione inferitur, hoc modo: si ad illum hereditas veniebat, verisimile est ab illo esse necatum. Deinde hoc approbant (nempe hereditatem ad illum venisse) plurimis verbis, post adsumunt: ad illum autem hereditas veniebat. Deinde inferitur: ille igitur occidit. Id ex iis qua sumserant non conficitur.*

7. Sextò, generationes figurarum, quibus generationibus ad figuras definiendas quandoque Geometræ utuntur, & ex quibus harum deducunt proprietates, facillimè intelligimus. Exempli causâ, fili puncto immoto adligati circumductu circulum fieri, atque inde sequi circumferentiam undequaque à centro æqualiter distare, radiosve circuli omnes esse æquales aiunt; quæ plenissimè adsequimur. Et generatio ipsa, & quæ inde deducuntur intellectu facillima, & indissolubili nexu connexa sunt. Eadem non est aliarum Scientiarum ratio, in quibus rerum, de quibus agunt, neque generatio, neque proprietates aut *φαινόμενα* usque adedò nota sunt. Quis dixerit, exempli gratiâ, quomodo procreata sit materia, seu corpora, & quæ dispositio Universi inde oriri potuerit? Nihil pænè præter conjecturas, gravissimis incommodis obnoxias, ut exemplo constat *Ren. Cartesii*, qui hoc ausus est, in medium hac

DE METHODO. CAP. XIII. 195

conclusionibus etiam remotissimis permitta deprehendes. Propositionum ipsarum aut nullum ordinem, aut exiguam admodum connexionem reperies. Multa à Lectoribus suppleri oportere, quæ cum nusquam dicantur nexui tamen planè necessaria sunt, videbis. Hinc fit ut, per singularum Progressionum gradus, ab infimo ad summum ascendere, seu Propositionum originem ad Principia usque persequi, ac proinde, an quod erat demonstrandum rectè probatum sit, cognoscere nequeamus.

9. Octavò, Geometræ ea tantùm quæ sibi perspecta sunt attingunt, ignota aut incerta prorsus prætereunt. Non miscent demonstratis verisimilia, clavis obscura; nec eos pudet ignorationem rerum quas non expenderunt fateri, atque intra arctissimos limites cognitionem suam coërcere. Qui verò alias Artes profitentur dubia compertis, manifestis obscura implicant. Innumeras omnis generis Propositiones discutiendas, quamvis levibus tantùm conjecturis instructi sint, suscipiunt. Quod in Physices, Medicinæ, Theologiæque Systematibus passim videre est.

10. Nonò, cum demonstrationibus tantùm, omni verborum fuso, omnibûsque externis ad persuadendum adminiculis omissis, utantur Geometræ: alii quod probare nequeunt philosophicè id rhetoricâ arte student persuadere. Conjecturas suas quàm possunt eloquentissimè in medium proferunt, & nituntur fallacibus Verisimilitudinis fundamentis, quæ in *P. 11. Cap. 12. §. 14. & seqq.* subruimus. In Theologia, exempli causâ, tantis affectibus res agitur; ut vix umquam, sine periculo, libera de Dogmatibus judicia proferre

196 LOGICÆ PARS III. &c.

licuerit. In partes dudum itum est, & quævis factio terrore & minis sua placita muniit. Hinc factum ut non spernenda ingenia à Religione ipsa Christiana, quæ si sibi permitteretur suapte luce animos hominum suo Auctori facilè conciliaret, aliena fiant, quamquam præ metu fingunt se ei addictissimos esse; nec ejus quidquam observent præter id quod, in factione in qua vivunt, observasse conducit. Sed hæc mala, ut observatu facillima: ita curatu difficillima sunt, nec tangenda in hoc Opusculo.

Tertia Partis Logica Finis.



LOGICÆ

PARS QUARTA.

DE ARGUMENTATIONE.

CAPUT I.

De Natura, Partibus & Generibus Argumentationis.



UM veritas quærat non tantum nobis ipsis, sed ut ejus participes alios faciamus; judicant Philosophi, satis non esse, si traderent ejus inveniendæ Regulas, nisi quâ ratione aliis, etiam pertinentibus, probari possit ostenderent. Verum, ut quod res est profiteamur, nulla melior videtur probandæ veritatis via; quàm si ii, quibus ignota est, per eundem tramitem, per quem ad eam pervenimus, deducantur. Hoc pacto non modo iis os obturatur, ne eam oppugnare queant; sed etiam luce veritatis Mens, illustratur; quæ persuasio multò efficacior est alterâ illâ, quæ vulgari argumentatione creatur; quæque eo tantum nititur fundamento, quod quidquid secundum certas Regulas probatur verum sit, licet quare verum sit ignoretur. Hujus, nimirum, Artis inventores eam totam, non ad inventionem Veri, aut ejus propagationem; sed ad disceptationem extemporaneam, in qua

victoria, ex silentio adversarii, quæreretur, compararunt.

2. Nos quidem Sophisticum hujusmodi institutum non probamus, sed quia per plura invaluit sæcula, & aliquando res homini, alioqui Sophistices minimè amanti, potest esse cum ejusmodi vitiligatoribus, necesse est saltem principia Artis nosse; ne Sophistæ de nobis triumphent, ea tantum de causa, quod eorum Artis ignari simus. Præterea Canones argumentationis, cum sint veri, possunt ingenio exercendo inservire, quamvis non magni ceteroquin usûs; modò ne ejusmodi contemplationibus nimium indulgeamus.

3. Propositio, quæ probanda, vel oppugnanda est, vocatur à Dialecticis *Quæstio*; in qua cum sit subjectum & prædicatum, prius *minorem terminum*, posterius *majorem*, ambo simul *extrema* vocant. Si sit hæc quæstio, utrum *Deus sit natura intelligens*? vox *Deus* minor terminus, *natura vero intelligens* major est.

4. Quandoquidem non argumentamur de rebus per se manifestis, termini tunc non possunt, ut sit in Propositionibus evidentibus, immediate inter se comparari. Idèò adsciscitur tertia idea, quæ *terminus medius*, vel *medium* vocatur. Si probanda sit Propositio allata, quærenda est tertia idea, quæ cum utroque termino comparabitur, ex

DE ARGUMENTATIONE. CAP. I. 199

5. Duæ priores Propositiones vocantur *præmissæ*, quòd *Conclusioni*, quæ est tertia, præmittantur. Prima dicitur *major*, quia in ea major terminus cum medio; secunda *minor*, quia in ea terminus minor cum eodem medio confertur. Non possunt autem plures esse termini hisce tribus, in una ratiocinatione, tribus constante Propositionibus, ubi duæ ideæ comparantur, accedente tantum tertiâ. Si idea, quæ comparatur cum minore termino, non esset eadem quæ cum majore confertur, non posset ostendi quæ sit relatio inter majorem & minorem terminum; nisi monstraretur quænam sit inter duas ideas medias, quod non potest fieri unicâ trium Propositionum ratiocinatione. Exempli gratiâ, inepta esset hæc ratiocinatio:

Disponere mundum ordine est nature intelligentis;

Atqui Deus mundo est antiquior;

Ergo Deus est natura intelligens.

Hic enim sunt duo Media *disponere mundum ordine & esse antiquiorem mundo*. Nemo quidem sani cerebri peccat in hanc Regulam, ubi duo Media sunt diversis vocibus expressa; sed ubi vox, quâ Medium exprimitur, ambigua est, & peccatur in hanc legem, & decipiuntur incauti.

6. Ex allato exemplo liquet rectam ratiocinationem non posse fieri paucioribus, quàm tribus Propositionibus, quia Medium debet semel cum utroque termino comparari. Sed possunt hæ Propositiones exprimi omnes, quod cum sit vocatur ratiocinatio à Dialecticis *Syllogismus*; vel

200 LOGICÆ PARS IV.

potest minor aut major subintelligi, & tunc vocatur *Entbymema*: ut, *Deus ordine mundum disposuit*; *Ergo est natura intelligens*. Subintelligitur hîc major: *disponere ordine est naturæ intelligentis*.

7. Sed possunt esse, in longiori ratiocinatione, multò plures Propositiones; quando enim idea aliqua non sufficit ad ostendendam, quæ est inter terminos, relationem; postquàm eam cùm uno comparavimus, ad aliam ideam confugimus, & sic deinceps. Tum ratiocinatio vocatur *Acervus* vel *Sorites*, quòd veluti coacerventur Propositiones. Ita si velim probare Mundum initium habuisse, sic potero ratiocinari:

Mundus est corporeus;

Quæ corporea sunt non possunt semetipsa movere;

Quæ non possunt semetipsa movere, & moventur tamen, mota sunt ab alio;

Quæ motum acceperunt ab alio initium habuerunt;

Mundus motum ab alio accepit;

Ergo mundus initium habuit.

Verùm hæ omnes ratiocinationes, quotcumque Propositionibus constent, ad Syllogismorum formam reduci possunt.

8. Ceterùm Syllogismi sunt aut *simplices*, aut

DE ARGUMENTATIONE. CAP. II. 201

Si Deus est æternus, potest homines æternâ beatitudine donare;

Atqui Deus est æternus;

Ergo Deus potest homines æternâ beatitudine donare.

Deus enim, & potest æternâ beatitudine donare, quæ sunt subiectum & attributum Conclusionis, conjunguntur, in majore Propositione, cum voce *æternus*, quæ Medium est.

9. Syllogismi simplices possunt rursus in *complexos & incomplexos* dividi. Posteriores habent Conclusionem constantem terminis incomplexis, priores contrâ constantem complexis. Sed quoniam, si rectè Syllogismus complexus intelligatur, potest ad incomplexi formam reduci, non opus est de eo separatim agamus.

C A P U T II.

Règula Generales Syllogismorum.

1. **Q**ui audiunt aliquem ratiocinantem de re ipsis perspecta, & intelligunt linguam quâ utitur; si modo sani sint cerebri, & qui loquitur obscuritatem non capiet; nullis Regulis, ut videant an consequenter ratiocinetur necne, indigent. Rei cognitio & adtentio ad animadvertendum ratiocinationum nexum; seu verum seu falsum, sufficiunt. At Veteres Philosophi, qui Discipulos suos, de rebus quas ignorarent, disputare docere adgressi sunt, quæsiwerant Regulas; quarum ope, intelligerent ex verborum

202 LOGICÆ PARS IV.

borum solorum structura, an rectè ratiocinarentur, an secùs, si fortè in eas peccarent ii quibuscum res ipsis esset. Regulas illas non eodem animo, sed quia veræ sunt, & cum ejusmodi hominibus interdum usui esse possunt, trademus.

2. Earum fundamenta sunt tria Axiomata, quæ iis nituntur, quæ diximus P. II. de Propositionibus Affirmativis & Negativis, Universalibus & Particularibus.

Primum est, *Propositiones Particulares contineri in Universalibus ejusdem naturæ, non Universales in Particularibus.* I continetur in A, & O in E, non vice versâ A. in I & E. in O.

Alterum est, *prout subjectum Propositionis particulariter aut universaliter sumitur, Propositionem esse Universalem, aut Particularem.*

Tertium est, *cum Attributum Propositionis affirmativæ numquam latius subjecto pateat, id sumi particulariter, quia nonnisi per accidens universaliter sumitur.*

3. Prima Regula sic habet: *Medium debet semel saltem universaliter sumi, non bis particulariter.* Scilicet, Medium, cum sit tertia idea, quæ comparatur cum terminis conclusionis, unde colligitur relatio quæ inter eos esse potest, debet cum utroque termino comparari eadem ratione. Alioqui si variis comparetur, nihil cer-

DE ARGUMENTATIONE. CAP. II. 253
ne inter se habent, ubi Medium bis particulari-
ter intelligitur. Exempli causâ, si hoc utar ar-
gumento:

Aliquis homo est pius;
Aliquis homo est latro;
Ergo aliquis latro est pius.

Medium *aliquis homo* particulariter utrobique
sumitur, tam in majore quam in minore, nec
quidquam inde concluditur. Nam *homo*, quæ
est idea media, certo respectu est *pius*, hoc est,
eorum qui præceptis divinis parent respectu. *Ho-*
mo, alio respectu, nempe, aliquot perditorum,
est *latro*. Idea autem hominis variis rationibus
cum duabus ideis *latro* & *pius* collata, non osten-
dit quid relationis hisce intersit. Idem hic fit ac
si quis dicturus an duæ perticæ æquales sint, nec-
ne, uteretur mensuris variis, & reponeret tot esse
certas mensuras in una, tot alias in altera. Quid sibi
vellet sciri non posset, nisi mensuræ inter se imme-
diatè, aut accedente tertiâ, componerentur.

4. Hæc est secunda Regula: *Termini Conclusio-
nis non possunt universalius sumi in Conclusio-
ne, quàm in præmissis.* Hujus Regulæ veritas
nititur Axiomate primo, quo universalia parti-
cularibus includi negantur. Hinc Logici varia
confectaria deducunt, quæ ad Theoriam potius
quàm ad praxin pertinent, quæque ideo omit-
temus.

5. Tertia Regula ita concipitur: *Ex duabus
Propositionibus Negativis nihil concluditur.* Duo
termini de idea tertia cum negantur, idem est
ac si negaremus ullam esse inter medium & ex-

tremos terminos relationem; unde sequitur Medium illud non esse aptum ad relegendam relationem, si quæ est, inter terminos propositos. Ita si velim probare, *Hispanos non esse superbos*, & sic ratiociner:

*Hispani non sunt Turcæ;
Atqui Turcæ non sunt superbi;
Ergo Hispani non sunt superbi.*

Malè ratiocinabor. Verùm ejusmodi error à nemine committitur, nisi ratiocinatio sit valdè complexa ac composita, ut partes ejus ægrè distinguantur.

6. Quarta Regula: *Ex duabus Propositionibus affirmativis non potest negativa conclusio colligi.* Nam duo termini affirmativè cum medio conjuncti, non possunt, per negationem, in Conclusionem, separari.

7. Quinta Regula: *Conclusio semper sequitur deteriorem partem.* Deterior pars, respectu affirmativæ Propositionis, est negativa; respectu universalis, particularis. Itaque si alterutra præmissarum erit negativa, ejusmodi quoque Conclusio erit: si particularis, erit Conclusio particularis. Nempe, si media idea, cujus ope duas extremas connecti oporteret, si inter eas con-

DE ARGUMENTATIONE. CAP. III. 205

8. Ultima Regula sic concepta est: *Ex duabus particularibus nihil colligitur*; cujus Regula eadem est ratio ac primæ. Hæc non excutimus subtilius, quod sint exigui admodum usûs, & alibi rationes harum Regularum fusè expositæ inveniri ab iis, quibus hæc placebit investigatio, possint.

CAPUT III.

De Figuris & Modis Syllogismorum in genere, ac de prima Figura.

1. **C**onstitutis Syllogismorum Regulis, *Dialectici* eorum *Modos & Figuras* tradunt. *Modos* dispositionem Propositionum, secundum earum universalitatem & particularitatem, quæ notantur literis A, E, I, O: *Figuras* verò dispositionem trium terminorum, seu medii cum subjecto & prædicato Conclusionis conjunctiones varias, vocant.

2. Demonstrarunt iidem *Dialectici* esse tantum novemdecim *Modos*, in quibus Regula supra allata observari possint; sed quoniam hoc mera est speculationis, indicasse satis erit. Prædicatum verò & subjectum Conclusionis potest quadrupliciter cum Medio conjungi, in præmissis. I. Medium potest esse *subjectum in majore*, & *attributum in minore*, quod facit primam Figuram: II. *Est attributum in majore*, & *minore*, quod secunda Figura dicitur: III. *Est subjectum in utraque*, quæ conjunctio tertiam Figuram constituit: IV. *Est attributum in majore*, &

206 LOGICÆ PARS IV.

Et *subjectum in minore*, unde quarta nascitur Figura.

3. Figurarum harumce sunt certæ Regulæ, & certi Modi; quæ simpliciter proferemus, non additis rationibus, quæ cum alibi, tum in Gallica Logica, quæ *Portus-Regii* dicitur, inveniri poterunt. Ista enim sunt merè theoretica, adeoque exigui usûs.

4. Figuræ primæ duæ sunt Regulæ: 1. *Minor debet esse affirmativa*: 2. *Major universalis*.

5. Quatuor sunt in ea Modi, qui solent exprimi vocibus fictis *Barbara*, *Celarent*, *Darii*, *Ferio*, in quibus ad vocales tantum, quæ, ut diximus, universalitatem ac particularitatem significant, attendendum.

6. BAR- *Omnis A est B*;
BA- *Omnis C est A*;
RA- *Ergo omnis C est B*.

7. CE- *Nullus A est B*;
LA- *Omnis C est A*;
RENT- *Ergo nullus C est B*.

8. DA- *Omnis A est B*;
RI- *Aliquis C est A*;
LI- *Ergo aliquis C est B*.

DE ARGUMENTATIONE. CAP. IV. 207
 bit. Propterea observavimus, ut eadem litteræ
 eundem ubique usum præstarent, Medii, aut
 Extremorum. Hoc commodius visum, quam si
 vocibus aliquid peculiare, significantibus terminos
 expressissemus; quia res hic in considerationem
 non veniunt, sed tantum forma argumentorum.
 Philosophi utuntur exemplis scatentibus vocibus
 obscuris, quales sunt: *Animal*, *Vivens*, *Sensibi-*
le &c. quæ licet tantum exemplis formandis in-
ferviant, tamen ita paullatim animo tironum in-
feruntur, ut hi tandem se aliquid intelligere, in

eo quod nullo modo intelligunt, existiment.

C A P U T I V.

De Regulis & Modis trium reliquarum *Figurarum.*

1. **S**Ecundæ Figuræ hæ sunt duæ peculiæ Re-
 gulæ: 1. *Alterutram Præmissarum oportet*
esse negativam, ac proinde etiam Conclusionem,
secundum VI. Regulam generalem: 2. *Major de-*
bet esse universalis.

2. In hac Figura sunt tantum quatuor Mo-
 di, ex quibus aliquid concludi queat, quæ-
 que exprimentur technicis vocibus, *Cesare*,
Camestres, *Festino*, *Baroco*. Horum hæ sunt,
 exempla.

3. CE- *Nullus D est E;*
 SA- *Omnis F est E;*
 RE. *Ergo nullus F est D.*

4. CA.

4. CA- *Omnis D est E;*
 MES- *Nullus F est E;*
 TRES. *Ergo nullus F est D.*

5. FES- *Nullus D est E;*
 TI- *Aliquis F est E;*
 NO. *Ergo aliquis F non est D.*

6. BA- *Omnis D est E;*
 RO- *Atqui aliquis F non est E;*
 CO. *Ergo aliquis F non est D.*

7. In tertia Figura, primò *Minor debet esse affirmativa* : 2. *Conclusionem oportet esse particularem.*

8. In eadem sex sunt Modi, hisce vocabulis signati : *Darapti, Felapton, Disamis, Datifi, Bocardo, Ferison.*

9. DA- *Omnis G est H;*
 RAP- *Atqui omnis G est I;*
 TI. *Ergo aliquis I est H.*

10. DI- *Aliquis G est H.*
 SA- *Atqui omnis G est I;*
 MIS. *Ergo aliquis I est H.*

13. BO- *Aliquis G non est H;*
 CAR- *Atqui omnis G est I;*
 DO- *Ergo aliquis I non est H.*
14. FE- *Nullus G est H;*
 RI- *Atqui aliquis G est I;*
 SON- *Ergo aliquis I non est H.*

15. Quartæ figuræ, quæ obliquissima est probandi ratio, & ad quam rarò devenitur, hæ sunt regulæ tres: 1. *Quando major est affirmativa, minor semper est universalis*: 2. *Quando minor est affirmativa, conclusio est semper particularis*: 3. *In modis negativis majorem universalem esse oportet*. Reverà hæc Figura est tantum inversio primæ; nam cum in prima Medium sit subiectum in majore, attributum in minore, in quarta idem Medium est attributum in majore, subiectum in minore.

16. Sunt autem hujus quinque modi; *Barbari, Calentes, Dibatis, Fespamo, Frefisom.*

17. BAR- *Omnis K est L;*
 BA- *Atqui omnis L est M;*
 RI- *Ergo aliquis M est K.*
18. CA- *Omnis K est L;*
 LEN- *Atqui nullus L est M;*
 TES- *Ergo nullus M est K.*
19. DI- *Aliquis K est L;*
 BA- *Atqui omnis L est M;*
 TIS- *Ergo aliquis M est K.*

210 LOGICÆ PAR. IV.

20. FES- Nullus K est L;
 PA- Atqui omnis L est M;
 MO. Ergo aliquis M non est K.
21. FRE- Nullus K est L;
 SI- Atqui aliquis L est M;
 SOM. Ergo aliquis M non est K.

22. *Aristoteles* hanc figuram esse negavit, quòd sit tantum inversio primæ, affirmavit *Galenus*; sed est tantum λογιστική, quaeritur dumtaxat quæ sit definitio vocis *Figura*, uterque enim argumenta esse legitima concedit.

C A P U T V.

Methodus quæ cum argumentum validum sit, neglectis Figurarum Regulis, dignosci

1. **D**ialectici usum harum Regularum maxime commendant, quippe quæ hominibus rerum ignaro sæpe ad solvenda argumenta sufficere, ut illi existimant, possint. Nam cum omnis argumentatio, in qua memoratæ servan-

DE ARGUMENTATIONE. CAP. V. 211

gnitione; quoniam sapissimè sensum vocabulorum intelligere non possumus, adeoque an ad Regulas exactum sit argumentum dignoscere, nisi rem aliunde noscamus. Contrà, re cognita, sine Regularum usu, haud difficulter fallitatem ratiocinationis deprehendimus; unde colligere licet inania esse Logicorum pollicita, qui se effecturos spondent ut quispiam, ope solius Dialectices, possit quidlibet defendere & oppugnare.

3. Sanè rarè ab iis qui ratiocinatione pollent palam contra Regulas hasce, præsertim particulares peccatur, sed passim in aliud delabuntur incommodum, qui malè ratiocinantur; quòd si vitetur, aut retegatur, nullum est erroris periculum. Nempe, vocabulis utuntur obscuris, quæ aut ipsi non intelligunt, aut si intelligunt, adhibent de industria, ut eos quibuscum loquuntur fallant. Deinde ponunt quasi nota, & probata, quæ neque per se nota, neque demonstrata sunt. Hinc fit ut Propositionis, quam probare aggrediuntur, termini non possint distinctè cum tertia comparari idea; & falso fundamento posito, quod fit subsidio obscurarum phrasium, coniectaria quæ inde ducuntur, quo rectiora sunt, sed falsiora evadant.

4. Hic est pænè unicus fons falsarum ratiocinationum, in quas incidunt qui non prorsus ineptiunt; nec eas cum veris confundimus interdum, nisi quia iis nimis citò, priùs quàm eas probè intelligamus, adsentimur. Igitur ut argumentum, verumne an falsum sit, expendamus, primò videndum est quid probari oporteat, deinde quomodo probetur. Conclusio, quæ

quæ continet id quod probare adgreditur is qui ratiocinatur, prius est probè intelligenda; postea Medium, quod propterea adhibetur, clarè est percipiendum; quo peracto, facilè intelligemus comparisonem Medii cum extremis, & quid negandum, quid affirmandum videbimus; modò rem, de qua agitur, aliunde norimus. Nam de re ignota ex tempore ratiocinari, vel defendere aut oppugnare id quod verùmne an falsum sit nescimus, temerarium est.

§. Exemplo res clarior fiet, ponamus itaque hoc proponi argumentum:

*Qui est omnipotens potest facere ut unum idèmq
corpus sit in pluribus locis simul;
Atqui Deus est omnipotens;
Ergo Deus potest facere ut unum idèmq corpus
sit in pluribus locis simul.*

Primò intelligendā est Conclusio, quæ nisi intelligitur, stultum est ratiocinari ampliùs; nam is delirat qui nescit probè quid oppugnare, aut probare adgressus sit. Subjectum autem conclusionis est *Deus*, quæ vox æternum rerum omnium Creatorem significat. Reliqua sunt prædicatum, quod est complexum & constat hisce vocibus:
I. *Unum idèmq corpus*, quod debet intelligi

DE ARGUMENTATIONE. CAP. V. 213

7. Igitur qui utuntur hujusmodi argumento adgrediuntur probare *unum corpus numero*, quod unum manet, uno, eodémque individuo temporis momento, esse in pluribus locis simul; Lutetiæ, Romæ, Constantinopoli, Babylone, Alexandriæ &c. Hæc autem Propositio nullâ ratione potest intelligi, non magis quàm si dicatur unus nummus esse in duorum crumena, & duobus Mercatoribus dari, bis numerari; seu, quod idem est, duos non esse plures uno; & postquàm plura corpora numeravero, esse tamen unum. Itaque, quicumque ejusmodi argumenta proferunt, sunt rogandi ut priùs nos doceant quid probare velint, quod si non possint, neque nos etiam iis respondere possumus; quis enim respondeat homini qui nescit ipse quid probeat, aut non vult dicere?

8. Hoc autem urgendum, donec qui ita ratiocinatur intelligat quid velit, aut cogatur fateri se nescire quid sibi velit, quod eum ad silentium adiget. In argumenti allati Conclusionem, hæc continetur Propositio, *unum posse esse plura & plura unum*; quod quicumque dicet se intelligere mentietur, nec responsione ulla dignus erit.

9. At ponamus Conclusionem allati argumenti posse probè intelligi, adeoque admitti probandam; superest ut intelligamus quid significet Medium, seu tertiæ ideæ nomen, quod voce *Omnipotens* exprimitur. *Posse omnia* duo significare potest, nam significat *posse omnia possibilia*, ut *scire omnia* est *scire omnia scibilia* &c. *Possibilia* autem dicuntur quæcumque intelliguntur, seu quorum idea aliqua Menti obversari potest. Eadem

dem phrasīs significat etiam fortè, apud quosdam, id posse facere quod vocamus *impossibile* & *contradictorium*, seu cujus nullam ideam mente formare possumus; ut, unum esse duo, duo esse unum, circulum quadratum, montem sine declivitate facere.

10. Hoc ita constituto, si ad Majorem deveniamus, distinguendus erit *sensus* vocis *Omnipotens*. Nempe, qui potest facere repugnantia, is potest facere ut duo sint unum, nam hoc repugnat. At qui nequit facere contradictoria, sed dicitur tantum *Omnipotens* quod possibilia omnia queat; propterea facere non poterit ut unum sint duo. Ita, comparatis duobus sensibus medii termini cum majore termino, facile est videre an unum possit de altero affirmari, ei qui rem expenderit, quod semper ponimus.

11. Si autem is qui argumento simili respondere adgreditur non possit ipse terminorum ambiguitatem ostendere, oportet eum ab argumentante explicationem unius cujusque termini petere; quæ si negetur, certissimum indicium est aliquid latere fallaciæ, & quia nemo necesse habet homini, qui intelligi non cupit, respondere, tunc respondens quidquam reponere non cogitur.

DE ARGUMENTATIONE. CAP. VI. 215
re, adeoque falsam esse ratiocinationem; nisi
norit quotupliciter Natura *Omnipotens* dici queat,
nec scire poterit an negare debeat Majorem,
nisi Conclusionis prædicatum probè intelli-
gat.

C A P U T VI.

*De Syllogismis Conjunctivis & iis quorum Con-
clusio Conditionalis est.*

1. **S**Yllogismi *Conjunctivi* ii dicuntur, quorum
Major Propositio ita composita est, ut con-
clusionem includat, possuntque in tria genera
dividi, in *Conditionales*, *Disjunctivos* & *Copula-
tivos*.

2. *Conditionales* sunt ii, quorum Major con-
ditionalis est, & totam conclusionem complecti-
tur, qualis hic est:

*Si Deus est, mundus Providentiâ regitur;
Atqui Deus est;
Ergo mundus Providentiâ regitur.*

Major hîc constat duabus partibus, quarum prior
vocatur *antecedens*, quod continetur verbis: *Si
Deus est*: posterior *consequens*, quod est idem ac
Conclusio: *mundus providentiâ regitur*.

3. Possunt autem duplici modo hæc argu-
menta concipi, quoniam ex eadem Majore du-
plex nascitur Conclusio. Primò potest affirmari
consequens in Majore, antecedens in Minore,
secundùm hanc Regulam: *Posito antecedente, po-*
ni-

ritur consequens; ut in argumento modò allato fit. Secundò potest negari consequens, ut negetur antecedens, ut:

*Si Deus non est, casu omnia reguntur;
Atqui falsum casu omnia regi;
Ergo Falsum antecedens; nempe, Deum non esse.*

4. Possunt hi Syllogismi vitiosi esse, cùm in *materia*, tum in *forma*. Vitiosi sunt in materia ì quòrum consequentia Majoris falsa est; ut si quis ita ratiocinaretur: *Si in quibusdam fallimur, in omnibus erramus*. Vitiosi in forma sunt, in quibus antecedens ex consequenti deducitur; vel in quibus ex negatione antecedentis colligitur negatio consequentis, ut hæc argumenta:

*Si Sinenfes sunt Muhammedani, sunt infideles;
Atqui non sunt Muhammedani;
Ergo non sunt infideles.*
*Si Sinenfes sunt Muhammedani, sunt infideles;
Atqui sunt infideles;
Ergo sunt Muhammedani.*

5. Syllogismi *Disjunctivi* ì ducuntur, quorum Major Propositio est disjunctiva; hoc est, cujus partes habent inter se conjunctiones *aut*, *vel*, seu similes. Sunt duplicis generis; nam

DE ARGUMENTATIONE. CAP. VI. 217

6. Potest contrā, sed obliquiori ratiocinatione, servari una pars, ut altera tollatur, ut:

Testimonium Apostolorum est aut sincerum, aut mendax;
Atqui est sincerum;
Ergo non est mendax.

7. Hi Syllogismi tum sunt falsi, cū est aliquid medium inter partes oppositas Majoris, ut si quis ita ratiocinaretur:

Aut sequenda sunt placita majoris numeri, aut amittenda veritas;
Atqui non est amittenda veritas;
Ergo sunt majoris numeri placita sequenda.

vel:

Atqui non sunt placita majoris numeri sequenda;
Ergo amittenda veritas.

8. Syllogismi *Copulativi* sunt, in quibus ex duabus partibus Majoris negativæ, copulā conjunctis, una affirmatur ut altera negetur, uti:

Nemo potest servire Deo, & pecuniæ;
Atqui avari servant pecuniæ;
Ergo non possunt Deo servire.

Hi Syllogismi non sunt recti, quando una pars negatur, ut altera affirmetur, ut, inverso hoc argumento, liquet.

9. Syllogismi quidem perfecti constant tribus Propositionibus distinctis, quales sunt ii quos attulimus; at sæpe, in accuratissimis ratiocinationibus, ad Scholæ morem non formantur.

Tomus I.

K

sed

218 LOGICÆ PARS IV.

sed Propositiones miscentur, aded ut duæ tantum distinctæ sint, interdum etiam unica appareat.

10. Hic duæ occurrunt:

Qui plectit innocentes est injustus;

Ergo, si Deus plecteret innocentes, esset injustus;

Latent tamen tres, quæ possunt ita exprimi, ut concludatur absolutè:

Qui plectit innocentes est injustus;

Atqui Deus, secundum quosdam, plectit innocentes;

Ergo, secundum quosdam, est injustus.

11. Potest eadem ratiocinatio in unam Propositionem conditionalem contrahi: *Si qui plectit innocentes, est injustus, & Deus plectit innocentes, sequitur Deum esse injustum.*

12. Maximus ejuscemodi Syllogismorum usus fitus est in eo quod, ubi volumus aliquid persuadere, sæpe nobis statim concedi alicujus consequentiæ necessitatem expedit. Hoc autem facilius largitur is, cum quo res nobis est, quando ita proponitur; quoniam eam potest concedere,

DE ARGUMENTATIONE. CAP. VII. 219

Homines absolutè, ut possibiles, considerati sunt insontes.

Atqui Deus plectere decernit homines, ex Prædestinationum sententia, absolutè, ut possibiles, consideratos.

Ergo Deus plectere decernit insontes; quo concesso, injustus esset.

14. Ejusmodi ratiocinationibus pleni sunt Oratores, & quamvis possint ad Regulas Syllogisticas redigi, ut vis eorum ex Regulis expendatur; nemo paullò acutior non videt, ne cogitans quidem de Regulis, utrum legitimæ sint, necne; si modò terminos probè intelligat, ut ideas quarum signa sunt inter se comparare queat.

C A P U T VII.

De Dilemmate & Inductione.

1. **E**st genus Syllogismorum, de quo hactenus nihil diximus, & quod tamen haud infrequenter est usûs. Hoc Veteres *Dilemma*, aut *argumentum cornutum* dixere, quodd ex duabus partibus feriat. Est *ratiocinatio composita*, ubi postquam totum in duas partes est divisum, & utraque parte aliquid probatum est, idem de toto affirmativè aut negativè concluditur.

2. Exempli causa, in terris vitam beatam regi non posse, hoc Dilemmate, probare possumus:

Ut hic vivamus beatè, aut affectibus indulgendum, aut resistendum.

Si affectibus indulgeamus, brevi innumerata nascentur mala; si verò iisdem resistamus, hoc initio sine molestia non fiet, & mala nobis à malis conciliabit.

Ergo in hac vita beati esse non possumus.

3. Interdum in hac argumentatione omittitur Propositio, quia facile subintelligitur. Ita in hoc argumento, quo quispiam olim probabat à Republica esse abstinendum, subintelligitur Major:

Si sanctè Remp. administras, offendes homines;

si prave, Deus:

Ergo ab ea abstinendum.

Potest enim sic concipi:

Si Rempublicam administras, sanctè, aut prave eam geres.

Si sanctè &c.

4. Atque in hoc argumento rursus aliquid subintelligitur; nempe, *Hoc non est adgrediendum, quod sine offensione aut hominum aut Deorum fieri nequit; Atqui Respublica non potest sine alterutro geri; Ergo &c.*

Dilemma enim allatum est probatio hujus Minoris.

5. Ut sciamus quid ejusmodi argumentis reponi queat, seu ut eorum vim intelligamus, primò investigandæ sunt Propositiones quæ subintelliguntur, & diligenter expendendæ. Si enim falsæ sunt, tota argumentatio falsa est. Ita hic hæc

DE ARGUMENTATIONE. CAP. VII. 227
hæc Propositio : *Hoc non est adgrediendum ; quod sine offensione &c.* falsa est , nam offensio hominum est flocci facienda , si Numinis incatur gratia.

6. Secundò , in Disjunctiva Propositione , quæ nititur Dilemma , oportet esse plenam enumerationem partium rei de qua agitur ; si enim aliquid omittatur , hoc exceptionem suppeditat. Ita malè argumentabatur qui ducendam non esse uxorem sic probabat :

Si sit formosa , erit noni ; hoc est , communis ;

Si deformis noni ; hoc est , furia ;

Ergo non est ducenda.

Etenim sunt formæ plurimæ inter pulchritudinem , & deformitatem mediæ.

7. Propositiones , quibus aliquid de partibus affirmatur , aut negatur , debent esse necessario veræ (quod tertio loco observandum) ut valida sit argumentatio. Ita modò allata est inanis , quia non necessarium est formosam mulierem esse *communem* ; potest enim esse eâ pudicitia , ut amantes omnes repudiet , & soli adhæreat viro.

8. Quartò denique , ejusmodi debet esse Dilemma , ut retorqueri in eum nequeat , qui hujusmodi argumentatione utitur. Hoc Dilemma , quod allatum est , circa Reip. administrationem , retorqueri sic potest :

Si Remp. malè administres , placebis hominibus ;

Si rectè , Diis ;

Ergo est administranda.

Nempe , quacunque res cadat , inde nascetur emolumentum.

222 LOGICÆ PARS IV.

9. Est alia argumentatio, quæ *Inductio* dici solet, & cujus tota vis sita est in observatione secundæ & tertiæ Dilemmatis Regulæ. Est argumentatio in qua, enumeratis omnibus alicujus Rei partibus, adeo ut aliquid de iis affirmetur aut negetur, idem postea affirmatur aut negatur de tota Re. Ita possumus probare quod à Pontificiis jactatur de Episcopi Romani auctoritate, id nullo niti Novi Testamenti loco, hac Inductione:

Nihil est in Evangeliiis, quod Romani Episcopi auctoritati infinitæ faveat.

Nihil est in Actis, nec in Epistolis Pauli, quod eidem faveat.

Nihil est in Epistolis Catholicis, neque in Epistolis Joannis, quo defendi queat.

Nihil est in Apocalypsi, cujus ope propugnari possit.

Ergo nihil est in toto Novo Testamento, quod eam tueatur.

10. Differt hæc ratiocinatio à Dilemmate:

1. quod plures enumerentur partes, quam duæ:
2. quod nullam disjunctivam Propositionem necessariò adsumat:
3. Quod rariùs Propositiones ullæ subintelligantur, si Majorem exceperis;

DE ARGUMENTATIONE. CAP. VIII. 223
lustratione colligatur, si aliquā fuerit omiffa;
nam in ea fortè est quod in ceteris non observa-
tur. Neque minùs perspicuum est de Toto ne-
cessariò verum id esse non posse, quod ex par-
tium enumeratione concluditur, si de omnibus
partibus necessariò verum non sit; etenim Con-
clusio præmissis firmior esse nequit.

C A P U T V I I I

De Variis Sophismatum Generibus.

1. POSTQUÀM legitimarum ratiocinationum Re-
gulas tradidere Dialectici; præcepta, quo-
rum ope dignoscuntur vitiosæ, præscribunt, quæ
primo intuitu memoratis Regulis contrariæ non
videntur. Eæ vocantur *Sophismata*, vel *Para-
logismi*, & possunt ad novem potissima generare-
ferri, quæ paucis enumerabimus; quoniam tra-
ditis rectæ ratiocinationis Regulis, vix opus est
alio subsidio ad solvenda Sophismata.

2. Primum vocatur *ignoratio Elenchi*, quæ
est ignoratio aut vera, aut ficta ejus quod pro-
bandum est. Magnâ, scilicet, sæpe verborum
pompa probatur, quod nequaquam in quæstio-
nem vocatur. Plurimi sunt, qui ubi audiunt
dici, homines posse probos esse si velint, aut
contrà malos, nec quidquam esse quod inelu-
crabiliter ad bonum & malum eos compellat;
sunt, inquam, qui ut hoc falsum esse ostendant,
multis verbis probant homines pendere à Deo,
nec posse sine sacrilegio divinæ voluntati subdu-
ci. At nemo negarit Deum summum esse hu-
mani generis Dominum, qui ut id creavit, ita

224 LOGICÆ PARS IV.

etiam quamlibet mutationem in eo efficere posset. Quæritur tantum an Deus homines libertate illis concessa (quam si vellet adimeret) uti velit.

3. Secundum vocatur *Petitio Principii*, quæ id quasi compertum adsumitur, de quo controversia est, & inde conclusoria ducuntur. Ubi cum Pontificiis de dogmatibus, quæ in litem vocantur, sermo est, sæpe eos audias clamantes, audax esse facinus, quod qui ab iis secesserunt, contra Universæ Christianæ Ecclesiæ omnium sæculorum consensum, quædam oppugnare, aut defendere adgrediantur, indeque tragicis consequentiis invidiam Adversariis creare nituntur. Verum hoc ipsum, an omnium sæculorum Christianorum Ecclesiæ cum iis senserint, quæritur.

4. Tertium Sophismatum genus dicitur *non causa pro causa*, quo aliquid statuitur esse causa alterius Rei, cum non sit. Atque in hoc peccatum, duabus potissimum de causis, delabuntur incauti. 1. Cum quædam simul esse solent, aut aliquoties etiam unâ inspecta sunt, facile credunt esse inter ea certum nexum, quo fit ut unum alterum necessario sequatur. Cum *per accidens*, ut loquuntur, duo conjuncta sunt, passim unum alterius fingitur causa. Exempli gra-

DE ARGUMENTATIONE. CAP. VIII. 225

Quòd nihil in animo habeamus, antequàm ulla sensatio præcesserit, existimarunt Peripatetici motum, qui in corpore nostro fit, veram esse atque unicam omnium cogitationum nostrarum causam. 2.. Superbia Philosophorum, quàm factum ut res, prout par erat, nondum expensas perspectas tamen habere videri voluerint; ea, inquam, superbia passim eos adduxit, ut eas causas esse dicerent quarundam rerum, antequàm hoc satis constaret, ne viderentur aliquid ignorare. Verùm hoc vitium nos in Sophisma *non Cause pro Causa* rarò agit præcípites, ubi non occurrit conjunctio quorundam eventuum, de qua modò diximus.

5. Quartum Sophismatum genus *Enumerationis imperfectæ* nititur. Sæpe, re non satis perspectâ, Philosophi aliquid posse fieri negarunt, quod certo quodam modo ipsis noto fieri nequiret; cum debuissent cogitare omnes modos, quibus id fieri potest, sibi fortè non esse notos. Idem aliquid certâ ratione fieri, quod nullam aliam nossent, nimis temerè sæpe dixerunt. Ita olim erant, qui riderent quod à quibusdam de Antipodibus dicebatur; nec possent capere. * *quemquam, uti loquebantur, esse tam ineptum, qui credat esse homines, quorum vestigia sint superiora quam capita; aut ibi, quæ apud nos jacent, inversa pendere; fruges & arbores deorsum versum crescere; pluvias & nives & grandinem, sursum versum, cadere in terram.* At eventus quàm hæc inania sint satis docuit. Verùm nulla panè in Disciplina, frequentius committitur imperfectæ enumerationis Sophisma, ac in Critica, seu in

K 5

inters

* *Laëtant. Divin. Inst. Lib. III. cap. 23.*

226 LOGICÆ PARS IV.

interpretatione Veterum. Passim contendunt Critici loquutionis alicujus esse unum sensum, aut etiam geminum, ac triplicem; quo posito, unum amplectuntur, aut omnes rejiciunt, indèque locum corruptum esse judicant; cùm sæpe fiat ut ex memoratis sensibus nullus sit is, quem Scriptor in animo habuit, cujus rei exempla sat multa in *Critica Arte* protulimus.

9. Quinta Sophismatum classis à Dialecticis dicitur *Fallacia Accidentis*, & illic occurrit; ubi ex aliqua re, quæ *per accidens vera* est, deducitur Conclusio simplex & absoluta. Ita interdum ex eo quod remedio aliquo infeliciter usus fuit Medicus, colligitur remedium illud esse noxium, quæ ratiocinatio ejusmodi est:

*Hoc per accidens malum fuit;
Ergo semper & absolutè malum est.*

Sæpe etiam hoc nostro sæculo, quo sanè homines æquiores esse deceret, audito Theologo qui aut mendacia manifesta defendit quasi Cælo delapsa, aut ineptè Christianam Religionem propugnat, pravum de sanctissimâ Christi Doctrinâ fertur judicium. Quâ re nihil potest iniquius fingi, quid enim magis est ab æquitate remotum hac ratiocinatione? *Quidam explicans doctrinam, an-*

DE ARGUMENTATIONE. CAP. VIII. 227

7: Sextum genus Sophismatum vocatur *Fallacia Compositionis*, cui ex adverso opposita est *Divisionis Fallacia*. Nempe, in sermone conjunguntur interdum, quæ conjunctim sumta non sunt vera. Ita ubi Christus dicit *cæcos videre*, *surdos audire*, non vult cæcos, dum cæci sunt, videre, & surdos, dum surdi sunt, audire; sed eos, qui fuerant cæci & surdi, videre atque audire, recuperato oculorum & aurium usu. Simili sensu Deus à Paulo Rom. IV, 5: dicitur *justificare impium*, hoc est, eum qui impius fuerat pro justo habere. Hæ Propositiones veræ sunt tantum *sensu diviso*, ut loquuntur Scholastici, non *sensu composito*.

Alia sunt, quæ vera sunt dumtaxat *sensu composito*, ut cum Paulus dicit I Cor. VI, 9, 10. *Cynædos, Idololâtras, Mœchos, &c. non consecuturos regnum Cælorum*. Intelligit, nempe, eos, quos mors in horum peccatorum habitibus deprehendet; non eos etiam, qui, olim iis inquinati, ante mortem vitiis valedixerint.

Potest autem fieri ut ex Propositionibus sensu diviso veris eliciatur Conclusio, quæ sensu composito intelligenda erit, & vice versa, quod est Sophisma. Ita si quis ex Evangelio probare vellet repugnantes enunciationes simul posse esse veras, & uteretur verbis allatis; *cæci vident* &c. unde colligeret posse fieri ut aliquis sit cæcus, & tamen utatur oculis, transiliret à sensu diviso ad compositum. Si quis vellet probare sine sanctitate posse homines Dei misericordiam consequi, ex loco Pauli ad Rom. IV. in eundem scopulum inpingeret. Contrà si quis, sine perpetua per totam vitam sanctitate, beatitudinem

228 LOGICÆ PARS IV.

æternam separari non posse ex loco i Cor. VI. ostendere niteretur, à sensu composito ad divisum transiliret.

Ceterum, quamvis hæc distinctio certis locis legitima sit, & violari, sine Sophismate, nequeat, observandum tamen non posse in *sensu divisi* distinctionem peccari; nisi ubi termini Propositionis reipsâ dividi possunt, seu ubi res iis significatæ interdum separatim existunt. At quando numquam seorsim sunt, tunc nonnisi ineptè ea adhibeatur distinctio. Ita *Thomistæ* frustra utuntur distinctione sensûs divisi, quando illis obijcitur, si nullus Reprobis salutem consequi possit, eos damnari quod impossibile non præstent, iniquum autem hoc esse. Reponunt *Reprobos posse servari sensu diviso, non composito*; sed reprobatio æterna & salutis possibilitas unâ consistere non possunt, adeoque meritò semper quasi divisa spectantur.

8. Septima classis Sophismatum occurrit in ratiocinationibus, in quibus à dicto secundum quid transitur ad dictum simpliciter; hoc est, quando, ex eo quod certo tantum respectu verum est, colligitur Conclusio generalis & absoluta. Hoc Sophisma commiserit, qui sic ratiocinetur de Romana Historia: *Sunt fabulæ apud eos, qui Romanam Historiam scripserunt; Ergo nulla fides Romanis Historicis debetur.* Verè quidem Romanæ Historiæ mendacia inesse dicuntur, qualia sunt quæ dicuntur de Patre Romuli, & ejusdem in Cælum raptu, de Egeria uxore Numæ, de trecentis Fabiis, qui ad bellum exierint, relicto domi unico impubere &c. At falsum est reliquam omnem Historiam esse fictam. Æquè stultè

DE ARGUMENTATIONE CAP. VIII. 229
tè nonnulli Pontificii dixerunt in Codicibus Sacris
esse plurimas varias lectiones, ac menda Librario-
rum; ideoque non esse tutum soli Scripturæ ad-
hærere, ut cognoscatur Apostolorum doctrina.
Sunt quidem variæ lectiones, plurimis in locis,
& Librariorum errata; at longè plura, consen-
tientibus Codicibus omnibus, sana sunt. Itaque
à dicto *secundum quid ad dictum simpliciter* im-
meritò ratiocinantur.

9. Octava Sophismatum classis est *abusus am-
biguitatis terminorum*, de qua cavenda multa
suprà diximus Par. II. c. 12. & III. c. 10. ubi
egimus de *Definitione vocum*. Ad hoc Sophisma-
tum genus referri possunt omnia vitiosa argu-
menta, quæ habent quatuor terminos, seu
Medium sit duplex, seu termini aliter in Con-
clusionem, ac in præmissis intelligantur. Neque
ea est ambiguitas coercenda intra crassas ambi-
guitates, quibus nemo fallitur qui sapiat; sed
etiam ad omnes voces, & phrasas porrigenda
quæ plures capiunt sensus, & ideo interdum
etiam Doctos fallunt. Hujus Sophismatis exem-
pla quidem nimis multa occurrunt, in Univer-
sa Philosophia; sed præ ceteris peccant, hoc in
negotio, qui ex Veterum Scriptorum dictis ar-
gumentantur. Passim enim ex vocabulis aut
phrasibus ambiguis consecraria necunt quasi
necessaria, quibus falluntur. In Controversiis
quoque, sæpe videas utramque partem ambi-
guitate terminorum abuti. Ita ubi quæritur an
corpus Christi sit *verè* & *realiter* in Euchari-
stia? Pontificii affirmant, non contradicentibus
iis, qui alia prorsus sentiunt. Inde utrimque
aira necuntur argumenta, quorum vanitas illi-

co appareret, si ambiguis vocibus abstinere-
tur.

10. Solet addi nona Sophismatum classis, in
quam incidunt qui *ex Inductione non integra*
Universalem Conclusionem eliciunt. Sed quia hac
de re egimus in Cap. VII. & præterea recidit pæ-
nè ad id quod diximus. §. 5. de *imperfecta enu-*
meratione, de hoc Sophismate dicere amplius fu-
perfedebimus.

11. Si vellemus omnes errandi occasiones, aut
fallendi rationes persequi, & quæ ex iis nascentur
falsæ ratiocinationes ostendere, in immensum
Sophismatum excreverent genera. Verùm hac
de re egimus Par. II. c. 9. ubi de causis erroris;
& satis est ostendisse ad quot genera Sophismata
referri queant, secundum Dialecticorum re-
ceptam consuetudinem; quæ tamen accurata non
est, ut hoc obiter moneamus. Etenim suâ hac
Sophismatum divisione, non indicant omnes
errorum fontes; & quædam specialia memorant,
omissis generalibus. Attamen à nobis ea, cum
in eis usum, tum quia eorum observationes veræ
sunt, recensenda duximus.

12. Atque hîc esset finis imponendus Parti IV.
de *Argumentatione*, seu Arte disceptandi, pro
recepto Scholarum more; nisi aliam disceptandi

CAPUT IX.

De Socratica disceptandi Methodo.

1. **C**UM viro probo certum esse oporteat veritatem quærere, atque inventam aliis patefacere; non ut ingenium ostendet, aut aliorum arguat tarditatem; sed ut boni, quod hominibus in commune datum est, participes eos faciat; artem rixandi, quæ tamdiu in Scholis obtinuit, quæque nihil habet præter inanem acuminis ostentationem, prorsus esse viro sapiente indignam sequitur. Sed quoniam, sine Arte, veritas dilucidè sæpe cognosci aut probari nequit; ut hoc rectè fieri possit, ei Arti operam aliquam navasse necesse est. Sæpe etiam, ad retundendos Sophistas, qui se scire jactant quod reverà nesciunt, magna opus est solertia, quò, ignorantia suà intellectà, meliùs edoceantur.

2. Cùm Græcia semper hujusmodi Sophistis abundarit, tum præcipuè se jactare cœperunt, cùm Philosophia paullò diligentius culta est; hoc est, circa Socratis tempora. Hic autem vir, cùm esset naturà factus ad Sophistarum superbiam retundendam, nobis viam ostendit, quâ idem hodie, si necesse sit, facere possumus; quæ via cùm à Philosophis sequentium ætatum debuisset calcari, neglecta est, fortè quòd ipsi Socratici Sophistæ facti id scire videri voluerint quod ignorabant, & Artes Sophisticas propterea, omisâ viri sapientissimi pulcherrimâ methodo, coluerint.

3. At

232 LOGICÆ PARS IV.

3. At nos eam, cūm propter allatam rationem, tum quòd candori, quem probus quisque præ se ferre debet, convenientissima sit, in lucem, brevi explicatione revocabimus. Opus quidem est, ut ea feliciter utamur, acumine, & celeritate ingenii; sed sine his, ne ullā quidem aliā arte potest animus ad extemporaneas concertationes satis muniri.

4. Prima hujus Methodi Regula jubet eum, qui eā usurus est, *ita se gerere quasi ab eo, cum quo res ipsi est, vellet id. de quo certatur discere.* Ac sanè omnes ita debemus esse comparati, ut veritatem, undecumque veniat, libenter nos excepturos præ nobis feramus. Neque par est quemquam tam magna sentire de se, ut non putet se à quolibet aliquid posse discere; aut saltem incitari ad cogitandum de re, de qua fortè numquam cogitasset. Et præterquàm quòd unus quisque hoc sibi debet; ejusmodi animi affectio, quæ ex verbis & vultu apparet, aptissima est ad opinionem modestiæ & candoris in audientium animis pariendam, quā re. tutissima ad persuadendum via aperitur.

5. Secundò, priusquàm quidquam objicere aggrediamur, *oportet nos eum, cum quo loquimur, si utatur verbis obscuris, interpretationem rogare.* Sæpe evenit ut homines verbis quibusdam adsuc-

DE ARGUMENTATIONE. CAP. IX. 235.

definitione admitti, numquam hoc ei concedendum est; nec ulterius progrediendum, donec quid sibi velit perspicuè dixerit. Variis quæstionculis premi eum oportet, quàm mollissimis fieri poterit verbis; non ejus umquam incusanda ignorantia aut loquendi imperitia, sed nostræ semper tribuendum tarditati & inscitiae, quòd non adsequamur quæ ille intelligit. Interea nihil quidquam admittendum obscurum, quantumvis indigneretur; quod potest facillimè fieri, si dicamus nos paratos esse veritati adsentiri, sed eam prius intelligi oportere; quis enim Propositioni non intellectæ, præter fatuum, adsentiri par esse dicat? Si nullâ ratione clariores loquutiones possunt ab eo extundi, finis disceptationi statuitur; atque inde apparet eum nescire quid sibi velit. Hinc Auditores superbiam hominis intelligunt, qui de rebus ignotis loquatur; & sæpe etiam in ejus animo, pertinaci licèt, aculeus relinquitur.

§. 5. *Επιτάξεις* apud *Arrianum* Lib. II. c. 12. de *Socrate* :
αὐτὸν ἠνάγκαζε ἡ περὶ διαλογισμὸν αὐτῆς μαρτυρεῖν, ἄλλω
δὲ ὑδανὺς ὀδεῖτο μαρτυρῶ. πῶς γὰρ ἐξέω αὐτῆς λέγειν ὅτι τὴν
μὲν ἄλλω ἐὼ χεῖρειν, αὐτὴ δὲ τῷ ἀντιλήροντι ἀρεῇ μαρ-
τυρεῖ, &c. *Τὴν γὰρ ἐναρεῇ ὁτιδὲ τῆς ἀποτῆνις*, ὡς πᾶσι
ὄντα, ἀναιδανόμῳ τῆς μὲν, ἀναχρεῖται ἀπὸ αὐτῆς :
cum cum quo colloquebatur coegit testem esse contra se ipsum, nec
ullo alio teste indigebat. Itaque licebat asserere : valeant reliqui
enim, satis semper mihi est habere testem eum qui mihi contradi-
cit, &c. Tanta perspicacitate notiones proponebat, ut quicumque
pugnanti adgressus esset, ab ea recederet.

Ibid. *Quantumvis indignetur*] Hoc & alia ut observentur mo-
rita, qui alium ab errore revocare nititur, cum israeli nunquam
oportet, quz dos fuit Socratis: Μάλας ἰδοὺ Σωκράτης μω-
δίποτε παρῶν ἡμεῖς ἐν λόγῳ, μὴ δύναται λολῆσαι φρονεῖν γκα-
δαί, μὴ δὲν μὴ δύναται ὑβρίζειν, ἀλλὰ ἢ λολοῦμένῳ ἀντιχάδ-
ει.

καὶ παύειν μὲν : maximè proprium fuit Socratis , numquam irritatus in colloquio , neque quidquam convitiis proferre , aut contumeliosi , sed conviciantes ferre , Et componere litem .

6. Tertiò , si tandem eò devenit , ut clarè quod vult efferat , oportet eum rogare de doctrinæ omnibus partibus , ejusque consecutariis , non quasi quidquam in iis reprehendamus , sed ut plenius doctrinam percipiamus ; ita ut videatur Magister , nos Discipuli . Hisce interrogationibus patebit doctrinæ absurditas , si qua sit , melius quàm si aperte oppugnaretur ; modò dextrè & magno numero proponantur , ut idem sæpiùs repetere cogatur , ne possit negare aliquid à se dictum quod revera dixerit . Hoc in loco , ut amplior exsculpatur explicatio , expedit exemplis & similitudinibus uti , & quærere utrum hoc , vel illo modo , res se habeat . Quo fiet copiosius , eò magis liquebit opinionis falsitas .

§. 6. Hisce interrogationibus] Interdum utile est ab eo quem interrogamus non intelligi quò spectant illa prima inductiones , & ad quem sint exitum perventura . Nam qui videt , si ei rei qua primò rogetur rectè adanserit ; illam quoque rem qua sibi displiceat esse necessario concedendam , plerumque aut non respondendo , aut malè respondendo , longius procedere rogationem non finit . Quare ratione rogationis imprudens ab eo quod concessit , ad id quod

DE ARGUMENTATIONE. CAP. IX. 235

7. Ut plurimum perspicua doctrinæ cujuspiam, cum ejus confectariis, explicatio ejus absurditatem, si vera non sit, ostendit. At si ne hoc quidem satis est, tunc *querendum quibus argumentis nitatur*, & circa Argumenta eodem modo se gerendum, ac circa reliqua. Interrogandus qui nos persuadere nititur, quasi ab eo verum discere dumtaxat niteremur; nihil obscuri condonandum ei est; denique tota series ratiocinationum ita ab eo est audienda, ut in intelligenda cum ejus doctrina, tum fundamentis quibus inædificata est percipiendis, nihil supersit difficultatis.

8. Ubi hoc diligenter peractum est, necesse est eum qui doctrinam suam proponit quam sit falsa, aut quam levibus nitatur probationibus videre; quod si affectus non patiuntur, saltem id ab aliis qui adsunt animadvertitur, & honesta est excusatio non amplius congregiendi cum homine, si indignè ferat in suam opinionem non transiri, quamvis absurdam.

9. Hujus Methodi exempla sunt plurima, in *Platonis* Dialogis, quamquam hic Magistro *διδασκαλίας* multò est; & in *Xenophonte*, qui plurima refert Socratis colloquia, verè, ut videtur, habita, cum Plato multa finxerit. Sed ne procul exempla petenda sint, & usus pulcherrimæ Methodi, in hodierna controversia, appareat, hîc dialogum fingamus inter *Thomistam* & alium de divinæ Providentiæ efficacia disputantes.

10. A. Miror te esse usque ad eò inconsideratum, ut Deum *efficaciter operari* in hominum peccatis, negare ausis.

B. Ne-

B. Negavi dumtaxat me quomodo hoc fiat intelligere. Fortè, quia hebetior sum, rem aliis captu facilem non adsequor. Sed libenter audiverim, quâ te capiatur, ut enim quod nullâ ratione intelligo credere, ita neque damnare sustinuerim. Quid ergo intelligis hisce vocibus, *operari in hominum peccatis*? An hoc est *efficere peccata*?

A. Absit, nam Deus esset auctor peccati. Homines ipsi peccata committunt, non Deus.

B. Estne ergo *efficere ut homines ea committant*; seu *impellere homines ad ea committenda*?

A. Ne hoc quidem ita crudè dixerim, sed arcano quodam modo Deus ita peccatum *permittit*, ut necessariò contingat.

B. Antea usus es voce *operari*, jam uteris voce *permittere*, an idem significant?

A. Hæ voces non idem prorsus sonant, sed sunt unâ conjungendæ, ita ut quod Deus agit dicatur *missio efficax*; nam neque Deus ipse peccatum facit, neque tamen simpliciter permittit.

B. Igitur hoc tibi vis, Deum aliquid permittere, aliquid efficere, ita ut peccatum necessariò eveniat?

A. Hoc ipsum volo.



DE ARGUMENTATIONE. CAP. IX. 237

B. At in vulgari sermone, qui aggerem rupisset aquam marinam agris *immisisse* diceretur; nemo culpam ullam aggeri, aut mari tribueret; at tu, ut puto, culpam aliquam in hominem conjicis; dicisque ab homine, non à Deo, commissum peccatum. Videtur ergo nescio quid aliud tua *permissio efficax* sonare.

A. Annon animadvertis hoc esse, quoad res ipsas, maximum inter hæc discrimin? Nempe, homines sunt intellectu & voluntate præditi, quibus carent agger & mare; idè culpa hominibus peccantibus, non mari & aggeri, tribuitur.

B. Sed quæro an id quod facit ac permittit Deus sit ejus *efficacia*, ut non magis possint, eo posito, homines abstinere à peccato, ac mare in agros, per apertum aggerem, non influere?

A. Rectè dicis, hæc est mens mea.

B. Ergo ex tua sententia, eadem erit relatio, inter Deum & peccatum; quæ est inter hominem, qui aggeres aperit, & agrorum perniciem.

A. Est, quod ad eventum attinet, qui utrobi-que æque necessarius est.

B. Itaque actio utriusque, ex consuetudine sermonis quotidiani, eadem ratione exprimi potest; nempe, ut is qui aggerem aperit causa sterilitatis agrorum vocatur, quia id fecit, quod necessariò agros perdidit: ita Deus qui fecerit, quod necessariò hominem in peccatum induxit, causa peccati fuisse dicitur.

A. At jam à me crudas omnes eas loquutiones repudiari dixi.

B. Verùm, aut non intelligo quod dicis, aut eodem res recidit; debemus autem non solum vocabulorum, quo nihil significatur, sed potestatem attendere.

A. Vis, nempe, mihi leges sermonis, quasi loqui nesciam, præscribere.

11. Si cò tandem rediret Dialogus, nulla esset ratio ulteriùs colloquendi, atque inde appareret eum, qui designatur Litterà A, nescire quid sibi vellet, aut à vocibus magis quàm à re abhorreere; cuius rei causam (nam passim hoc evenit) aperimus in *Critica* P. II. S. 1. Cap. XV. Satis confutata haberi debet sententia, quam claris verbis efferre eum pudet qui eam defendit. Verùm ponemus rursus eadem de re sermones feri, ut tertiæ Regulæ usum ostendamus; priora enim primam & secundam satis illustrent.

12. A. Intellexisti satis hanc esse meam sententiam, Deum ita se gerere circa vitium, ut merus spectator non sit, sed usque ad eò agat, ut, eà actione posità, peccatum ab homine admittatur.

B. Nescio an satis mentem tuam adsequutus

DE ARGUMENTATIONE. CAP. IX. 239

B. Quid? an putas hominem solum non posse leges divinas perfringere?

A. Hoc ipsum nego, quando sine divinae Providentiae efficacia quidquam fieri nego.

B. Igitur quemadmodum Deus nos ad rectè, ita ad malè vivendum adjuvat.

A. Falleris, etenim in peccato distinguenda est *actio*, ab actionis *vitio*. Deus adjuvat nos ad *actionem* ipsam, sed non ad *vitium*. Verùm in bonis actionibus, ad virtutem etiam, quæ est in actione, subsidio est.

B. Doce me quæso quid *actionem*, quid actionis *vitium* voces.

A. Hoc exemplo liquidò tibi ostendam. In odio *proximi*, est actio ipsa odii, quæ per se indifferens est; & bona, quando in objectum licitum fertur, mala quando in illicitum. Deinde est actionis ipsius ad objectum *relatio*, quæ est mala. Ad hanc relationem non *concurrit* Deus, licet ad actionem necessariò *concurrere* eum oporteat, ut edatur.

B. Inde colligo te hoc velle, primò Deum generare in mente hominis odium in genere, quod neque est bonum neque malum, deinde accedere relationem odii ad objectum; exempli gratiâ, quando refertur ad proximum. An intellexi quid velles?

A. Partim quidem, at non prorsus, nullum enim esse puto odium in genere; quod postea convertatur ad certum objectum. *Experientiæ* hoc contrarium est.

B. An ergo Deus creat, exempli causâ, illud ipsum odium quod in proximum fertur?

A. Prorsus, sed non relationem.

B. Sed

240 LOGICÆ PARS IV.

B. Sed estne id odium, sine ea relatione?

A. Minimè, eo enim momento, quo in mente procreatur, est odium in proximum.

B. Igitur, ex tua sententia, Deus procreat odium quod cum vitiosa relatione ita *conjunctionum est*, ut non nisi abstractione ab ea distingui queat?

A. Procreat.

B. Hoc odium in humana mente genitum, potestne ab homine in objectum licitum, quale est Vitium, referri?

A. Non potest, etenim, positâ actione Dei, eventum certum sequi dixi.

B. Quæso te, si quis humeris alicujus onus imponeret, quod deicere semel onustus non posset, & inde necessariò sequeretur cratem ei costarum frangi; annon oneris impositor eodem loco haberetur, ac si fregisset ipse costas, si eventum suæ actionis præcognovisset?

A. Haberetur.

B. Si quis alium in ripa fluvii ambulanti pel-leret, ita ut is non posset obfistere quominus in flumen caderet, indèque submergeretur, annon impulsor submersisse impulsam diceretur?

A. Diceretur.

B. An Gens, quæ in Gili. Rianta. C. d. d. d. d. d.

DE ARGUMENTATIONE. CAP. IX. 241

nem nobis homuncionibus exhibere non necessē habet.

B. At si, ex tua sententia, idem facere statuatur ac peccatores; aut hi absolvendi, aut Deus unā damnandus.

A. An nescis *Dei vias non esse vias nostras, neque cogitationes ejus cogitationes nostras*? An vas in figulum indignabitur, questurum quare non aliter sit fictum?

13. Hinc à *Thomista*, litterā A notato, aut non intelligi quid dicat, aut Deum auctorem peccati statui omnes vident. Nam extremum responsum ostendit eum, qui eo utitur, ad angustias redactum, *πεπεισμένον εἰς ἄλλο γένος*, id dicendo quod non agitur, elabi velle. De reagere non decrevimus. Exemplum attulimus Socraticæ Disceptationis, ex quo de fundamentis opinionis allatæ, eadem Methodo disceptari queat, qua utebatur Socrates. Atque hæc quàm feliciter tertia observetur Regula, & tota Methodus commoda ac utilis sit, satis docebunt.

F I N I S.

I N D E X

C A P I T U M

IV. P A R T I U M

P A R S I.

D E I D E I S.

| | |
|--|------|
| C Ui præmissa est Prefatio de Origine, Natura, Usu & Divisione Logica. | p. 1 |
| CAP. I. De Natura & Generibus Idearum. | 9 |
| II. De Ideis simplicibus & Compositis. | 12 |
| III. De Ideis Substantiarum & Modorum. | 18 |
| IV. De Relationibus. | 22 |
| V. De Categoriis Aristotelis. | 26 |
| VI. De Ideis, quæ sine ulla Mentis operatione ei obversantur, & iis in quibus formandis intercedit aliqua Mentis operatio. | 30 |
| VII. De Ideis Individualibus, Particularibus & Universalibus. | 35 |
| VIII. Errores ex Vulgari de Universalibus doctrina nati. | 40 |
| IX. De Perspicuitate & Obscuritate Idearum. | 45 |
| X. De Ideis Adequatis & Inadequatis. | 50 |
| XI. De aliquot vocabulis, quibus Scholastici de- | |

I N D E X.

| | |
|--|-----|
| II. De Propositionibus Universalibus & Particularibus. | 63 |
| III. De Propositionibus Oppositione. | 66 |
| IV. De Propositionibus Simplicibus & Compositis. | 70 |
| V. De Propositionibus exponibilibus, seu sensu compositis. | 74 |
| VI. De Propositionibus Complexis & Incidentibus. | 77 |
| VII. Quid sit Veritas & Falsitas, atque an detur certum utriusque discrimen. | 80 |
| VIII. De variis Perspicuitatis gradibus, & Verisimilitudine. | 85 |
| IX. De Propositionibus dubiis, Falsitatis suspectis, & falsis. | 97 |
| X. De Fide. | 109 |
| XI. De Propositione, quæ Diviso dicitur. | 114 |
| XII. De Propositione, quæ Definitio dicitur; & primum quidem de Definitione nominis. | 119 |
| XIII. De Definitione Rei. | 124 |

P A R S III.

D E M E T H O D O.

| | |
|---|-----|
| CAP. I. D E Methodo, cæque Analytica & Synthetica. | 129 |
| II. De Attentionis necessitate & subsidiis quibus comparari potest. | 134 |
| III. De Mentis capacitate, ejusque augenda ratione. | 142 |
| IV. Methodi Analytica Leges. | 149 |
| V. De tribus Axiomatibus, quibus nititur quævis Methodus. | 154 |

INDEX CAPITULUM

IV. PARTIUM

PARS I.

DE IDEIS.

| | |
|--|------|
| C ui præmissa est <i>Præfatio de Origine, Natura, Usu & Divisione Logica.</i> | P. I |
| CAP. I. <i>De Natura & Generibus Idearum.</i> | 9 |
| II. <i>De Ideis simplicibus & Compositis.</i> | 12 |
| III. <i>De Ideis Substantiarum & Modorum.</i> | 18 |
| IV. <i>De Relationibus.</i> | 22 |
| V. <i>De Categoriis Aristotelis.</i> | 26 |
| VI. <i>De Ideis, quæ sine ulla Mentis operatione ei obversantur, & iis in quibus formandis intercedit aliqua Mentis operatio.</i> | 30 |
| VII. <i>De Ideis Individualibus, Particularibus & Universalibus.</i> | 35 |
| VIII. <i>Errores ex Vulgari de Universalibus doctrina nati.</i> | 40 |
| IX. <i>De Perspicuitate & Obscuritate Idearum.</i> | 45 |
| X. <i>De Ideis Adequatis & Inadequatis.</i> | 50 |
| XI. <i>De aliis vocabulis quibus Scholastici de-</i> | |

I N D E X.

| | |
|--|-----|
| II. De Propositionibus Universalibus & Particularibus. | 63 |
| III. De Propositionibus Oppositione. | 66 |
| IV. De Propositionibus Simplicibus & Compositis. | 70 |
| V. De Propositionibus exponibilibus, seu sensu compositis. | 74 |
| VI. De Propositionibus Complexis & Incidentibus. | 77 |
| VII. Quid sit Veritas & Falsitas, atque an detur certum utriusque discrimen. | 80 |
| VIII. De variis Perspicuitatis gradibus, & Verisimilitudine. | 85 |
| IX. De Propositionibus dubiis, Falsitatis suspectis, & falsis. | 97 |
| X. De Fide. | 109 |
| XI. De Propositione, quæ Diviso dicitur. | 114 |
| XII. De Propositione, quæ Definitio dicitur; & primum quidem de Definitione nominis. | 119 |
| XIII. De Definitione Rei. | 124 |

P A R S III.

D E M E T H O D O.

| | |
|---|-----|
| CAP. I. D E Methodo, eaque Analytica & Synthetica. | 129 |
| II. De Attentionis necessitate & subsidiis quibus comparari potest. | 134 |
| III. De Mentis capacitate, ejusque augenda ratione. | 142 |
| IV. Methodi Analyticae Leges. | 149 |
| V. De tribus Axiomatibus, quibus nititur quavis Methodus. | 154 |

I N D E X.

| | |
|---|-----|
| VI. De prima Analytices Regula. | 159 |
| VII. Secunda & tertia Analyticos Regulae. | 163 |
| VIII. Quarta, quinta, sexta & septima Analyticos Regulae. | 167 |
| IX. Syntheseos Regula. | 172 |
| X. Leges Definitionum. | 178 |
| XI. Regula Axiomatum. | 180 |
| XII. Regula Demonstrationum. | 185 |
| XIII. Quare in aliis disciplinis rara occurrant Demonstrationes, quae in Mathematicis solae adhibentur. | 190 |

P A R S I V.

DE ARGUMENTATIONE.

| | |
|--|-----|
| CAP. I. DE Natura, Partibus & Generibus Argumentationis. | 197 |
| II. Regulae Generales Syllogismorum. | 201 |
| III. De Figuris & Modis Syllogismorum in genere, ac de prima Figura. | 205 |
| IV. De Regulis & Modis trium reliquarum Figurarum. | 207 |
| V. Methodus quâ an Argumentum validum sit, neglectis Figurarum Regulis, cognosci potest. | 210 |
| VI. De Syllogismis Coniunctivis & disjunctivis. | |

DISSERTATIO
PHILOSOPHICA
DE
ARGUMENTO
THEOLOGICO
AB
INVIDIA DUCTO.

Horatius Sat. Lib. II. Sat. 2.

*Invidiam placare paras, virtute relicta;
Contemnere miser.*

248 DE ARGUMENTO THEOL.

contrà & Evangelii & Magistratum ; sçcordia esset , non prudentia , de ea re diutiùs tacere. Quà tamen in tractatione , abstinébimus ab exemplis nimum recentibus , quamvis sint frequentissima ; ne se nonnulli homines peti , potiùs quàm sua vitia , arbitrentur.

2. *Invidiam* hîc quidem vocamus , more Romano , non *invidentiam* , quæ tristitia est ex alienis bonis concepta ; sed odium , quo *invisi* persæpe etiam boni viri facti sunt ; quamquam huic odio frequentissima quoque comes est invidentia. Argumentum verò hinc petitum *Theologicum* dicimus , quòd adhibeatur potissimum ab iis qui vocantur Theologi , atque ex Theologicis præsertim dogmatibus peti soleat. Igitur *argumentum Theologicum ab invidia ductum* , est ratiocinatio fallax , quæ imperitos incendit in homines innocentes , qui eâ ratiocinatione *invisi* eis facti sunt. Quò Theologica ceteris omnibus , quæ in controversiam veniunt , majoris momenti & sunt & habentur ; eo faciliùs illorum ope odium iis conflatur , qui à vulgo locorum , in quibus vitam agunt , dissentire in Religionis negotio audent. Hoc autem odio , ubi semel altiores radices egit , nihil ad perdendos adversarios excogitari potest exitialius. Qui eo nituntur , pro

248 DE ARGUMENTO THEOL.

contrà & Evangelii & Magistratum ; sçcordia esset , non prudentia , de ea re diutius tacere. Quam tamen in tractatione , abstinemus ab exemplis nimium recentibus , quamvis sint frequentissima ; ne se nonnulli homines peti , potius quam sua vitia , arbitrentur.

2. *Invidiam* hæc quidem vocamus , more Romano , non *invidentiam* , quæ tristitia est ex alienis bonis concepta ; sed odium , quo *invisi* persæpe etiam boni viri facti sunt ; quamquam huic odio frequentissima quoque comes est invidentia. Argumentum verò hinc petitur *Theologicum* dicimus , quòd adhibeatur potissimum ab iis qui vocantur Theologi , atque ex Theologicis præsertim dogmatibus peti solet. Igitur *argumentum Theologicum ab invidia ductum* , est ratiocinatio fallax , quæ imperitos incendit in homines innocentes , qui ea ratiocinatione *invisi* eis facti sunt. Quòd Theologica ceteris omnibus , quæ in controversiam veniunt , majoris momenti & sunt & habentur ; eo facilius illorum ope odium iis conflat , qui à vulgo locorum , in quibus vitam agunt , dissentire in Religionis negotio audent. Hoc autem odio , ubi semel altiores radices egit , nihil ad perdendos adversarios excoGITARI potest exitius. Qui eo nituntur , pro

Qui paullo acutiùs vident, nec ita affectu propediti sunt, fidere tamen quodammodo amittunt non satis expediunt quid sibi sit agendum. Ne errore labantur, non sunt securi; * *nihil enim salacius est quam prava Religio. Ubi Dei namque pretenditur sceleribus, subit animam timor, ne fraudibus humanis vindicandis divini juris aliquid immixtum violemus.* Ad aliquem fortasse Dei metum, cujus majestatem violare nefas, accedit multò major hominum; qui præter modum in hisce commoventur. Quæ cum ita sint, hominibus, aut dolo malo uti consuetis, aut cæco affectu percitis, quando rationes non suppetunt, quibus adversarium vincant; illico ejus odio Theologico mactandi occasionem quaerunt, atque ante omnia, ne æquis auribus audiatur, infamiam ei quantam maximam possunt inurant.

3. Variis autem modis creatur invidia, sed qui videntur ad hæc posse referri. I. Sententia, quæ oppugnatur, malè explicatur. II. Nominibus invidiosis infamatur. III. Cum invisorum hominum dogmatibus confertur. IV. Exaggeratur momentum questionis. V. Invisi redduntur boni, quòd vocibus nonnullis à Theologis inventis uti nolint. VI. Studiosè occultantur rationes, quibus refutanda sententia nititur. VII. Tacentur incommoda, quibus premitur sententia deferenda. VIII. Prætermittuntur ea quæ invidiam amoliri possent. IX. Invidiosa consecraria deducuntur ex sententia eorum qui oppugnantur. X. Malignis suspicionibus præsumptæ. XI. Novitas illis objicitur, quasi crimen. XII. Consensu hominum potentiorum opprimuntur. XIII. Mitten-

tu

INDEX CAPITULUM

IV. PARTIUM

Pars I.

DE IDEIS

| | |
|--|------|
| C ui præmissa est Prefatio de Origine, Natura, Usu & Divisione Logica. | p. 1 |
| CAP. I. De Natura & Generibus Idearum. | 9 |
| II. De Ideis simplicibus & Compositis. | 12 |
| III. De Ideis Substantiarum & Modorum. | 18 |
| IV. De Relationibus. | 22 |
| V. De Categoriis Aristotelis. | 26 |
| VI. De Ideis, quæ sine ulla Mentis operatione obversantur, & iis in quibus formandis intercedit aliqua Mentis operatio. | 30 |
| VII. De Ideis Individuilibus, Particularibus & Universalibus. | 35 |
| VIII. Errores ex Vulgari de Universalibus doctrina nati. | 40 |
| IX. De Perspicuitate & Obscuritate Idearum. | 45 |
| X. De Ideis Adequatis & Inadequatis. | 50 |
| XI. De aliquot vocabulis, quibus Scholastici de- | |

I N D E X.

| | |
|--|-----|
| II. De Propositionibus Universalibus & Particularibus. | 63 |
| III. De Propositionibus Oppositione. | 66 |
| IV. De Propositionibus Simplicibus & Compositis. | 70 |
| V. De Propositionibus exponibilibus, seu sensu compositis. | 74 |
| VI. De Propositionibus Complexis & Incidentibus. | 77 |
| VII. Quid sit Veritas & Falsitas, atque an detur certum utriusque discrimen. | 80 |
| VIII. De variis Perspicuitatis gradibus, & Verisimilitudine. | 85 |
| IX. De Propositionibus dubiis, Falsitatis suspectis, & falsis. | 97 |
| X. De Fide. | 109 |
| XI. De Propositione, qua Diviso dicitur. | 114 |
| XII. De Propositione, qua Definitio dicitur; & primum quidem de Definitione nominis. | 119 |
| XIII. De Definitione Rei. | 124 |

P A R S III.

D E M E T H O D O.

| | |
|---|-----|
| CAP. I. D E Methodo, eaque Analytica & Synthetica. | 129 |
| II. De Attentionis necessitate & subsidiis quibus comparari potest. | 134 |
| III. De Mentis capacitate, ejusque augenda ratione. | 142 |
| IV. Methodi Analyticae Leges. | 149 |
| V. De tribus Axiomatibus, quibus nititur quavis Methodus. | 154 |

252 DE ARGUMENTO THEOL.

*lerum reos, Deorum, Imperatorum, Legum, morum, & naturæ totius inimicos, ut docent Tertullianus in Apologetico, ceterique prisci defensores Christianæ Religionis, quorum loca proferre facile esset. Sed Christiani postea ipsi quoque tetrīs illis artibus in dissidentes sunt usi; quemadmodum Hieronymus, contra Vigilantium & alios. Solis fere Scriptis contra Vigilantium utemur, in quibus hominem, ut quidem videtur, innocentem omnibus invidiæ telis confixit, ut in sequentibus ostendemus. Est illi Vigilantius non modò *os fœtidum, sed Samaritanus & Judeus, qui corpora mortuorum pro immundis habeat. Denique conviciorum plaustra in eum congerit.*

6. *Tertiò, infamanda sententia confertur cum Dogmatibus invisorum hominum; ut auditâ collatione, omnes cohorrescant & insurgant in miseros quasi in reos errorum publico judicio dudum damnatorum. Pharisei Christum æquiparabant Magis, miraculâque, auxilio Cacodæmonis, facere dicebant. Iste non ejicit Dæmonia, nisi per Beelzebulem, principem Dæmoniorum. Matt. XII, 24. Hieronymus Vigilantii doctrinam confert cum doctrinis hominum dudum infamatorum. O portentum, inquit, in terras ultimas depor-*

Spiritus, iste, inquit, inquit immundus, qui hæc te cogit scribere, sæpe hoc vilissimo tortus est pulvere, imò hodieque torquetur, & qui in te plagas dissimulat in ceteris confitetur; nisi fortè in morem Gentilium, impiorumque, Porphyrii, Eunomiisque has præstigias Daemonum esse consingas, & non verè clamare Demones, sed sua simulare tormenta. Qui hæc legebant, & suspiciebant *Hieronymum*, facile credebant Vigilantii dogmata non esse saniora quàm doctrinam Caianorum, Eunomianorumque, imò & Porphyrii-infensissimi Christianæ Religionis hostis. Sic infelix Vigilantius odio plebeculæ objiciebatur, nec peccari à se existimassent *Hieronymi* amici, si eum eodem loco ac teterrimos homines habuissent.

7. *Quartò*, ut infametur doctrina, in qua quispiam ab aliis dissentit, summo opere exaggeratur momentum controversiæ etiam levis; quasi admissis adversariorum dogmatibus, Religio ipsa Christiana in periculo versaretur, aut convellerentur fidei Christianæ fundamenta. Conantur invidiam moventes * magnitudine rei sic occupare animos eorum qui audiunt, ut difficilis aditus veritati relinquatur. Ac sanè motis semel affectibus omnia magna videntur, & quæ ab hominibus nulla affectu præpeditis spernerentur, aut certè levia haberentur delicta, ea quasi gravissima odiis acerrimis premuntur. Sic *Hieronymus* non parum momentum controversiarum, quas movebat Vigilantius, adauxit. Verè dicebat neque Martyribus, neque eorum reliquiis cultum ullum Religiosum deberi, quem

* Cicero, pro Fonteio c. v.

254 DE ARGUMENTO THEOL.

autquam Apostoli commendarunt, aut sibi proba-
 ri vel uno verbulo significarunt; sed concedamus
 errasse *Vigilantium*, an propterea coelum terra
 miscendum fuit? Dignus erat cui ignosceretur,
 qui non alia de causa abstinendum à cultu Mar-
 tyrum dicebat, quàm quia Apostoli ea de re si-
 luerant. An propterea exclamandum erat: *ô præ-
 cedendam Linguam à Medicis, imò insanum cu-
 randum caput, ut qui loqui nesciat discat aliquan-
 do tacere.* Ego vidi hoc aliquando portentum,
 & testimoniis Scripturarum (absurdè explicatis)
 quasi vinculis Hippocratis, volui ligare furiosum
 — Fatebor tibi dolorem meum. Sacrilegium
 tantum patienter audire non possum. Ipsi quo-
 que Hieronymo invidia mota est ab Augustino,
 cùm ex Hebraïca Lingua Vetus Testamentum
 denuo vertere aggressus esset, quod faciendum
 fuisse non putabat Augustinus; qui hanc discre-
 pantiam inter se & Hieronymi ita exaggerat,
 quasi omnia in Ecclesiis turbanda essent, si apud
 Latinos versio Hieronymiana legeretur. * Perdu-
 rum, inquit, erit, si tua interpretatio per mul-
 tas Ecclesias frequentius coeperit lectitari, quòd
 à Græcis Ecclesiis Latine Ecclesie dissonabunt;
 maxime quia facile contradictor convincitur,
 Græco prolato libro, id est, Lingua notissima.

possunt aliud respondere ; ut tu solus necessarius videaris , qui etiam ipsos possis convincere ; sed tamen qui iudicet , mirum si potueris invenire . Nam quidam frater noster Episcopus , cum lectitari instituisset in Ecclesia cui præest , interpretationem tuam , movit quiddam longè aliter abs te positum , apud Jonam Prophetam , quàm erat omnium sensibus , memoriæque inveteratum , & tot ætatum successionebus decantatum . Factus est tantus tumultus in plebe , maximè Græcis arguentibus , & inclamantibus calumniam falsitatis ; ut cogeretur Episcopus , ea quippe civitas erat , Judæorum testimonium flagitare . Utrum autem illi malitiâ an imperitiâ hoc esse in Hebraicis Codicibus responderunt , quod & Græci & Latini habebant ? Quid plura ? coactus est homo , velut mendositatem , corrigere , volens , post magnum periculum , manere sine plebe . Facillimum erat totam hanc litem componere , si , quod verum erat , intellexisset Augustinus ; nimirum , LXX. Interpretes non fuisse magis periculo erroris exemptos , quàm alios , & sæpe errasse ; itaque à studiosis Scripturarum consulendas & alias versiones , quales aliquot dudum exstabant Græcè , & Hieronymianam , quemadmodum alias ; quibus expensis , constitisset omnes ad summam Judaicæ Historiæ & Religionis quod attinet , inter se consensisse , quamvis nonnullis in locis dissentirent . Hæc fuissent coram plebe ab Episcopis dicenda , neque umquam commota fuisset , cum à Rectoribus potissimum soleat commoveri . Si quis contradixisset , facile apparuisset litem eam esse nullius momenti . At facilius erat , renequaquam

256 DE ARGUMENTO THEOL.

expensâ, movere invidiam *Hieronymo*, qui, ut vidimus, & ipse magnus artifex odii excitandi fuit.

8. Quod si contingat ut ii, qui infamandi suscipiuntur, nolint uti vocibus quibusdam, plurium auctoritate vel usu consecratis, quod eas non intelligant, aut incommodas judicent; eis facillimè, quod *quinto* loco animadvertendum, ingens conflatur invidia; quasi dogma ipsum rejicerent, quod vocibus illis exprimi solet. Ejus rei exemplum luculentum nobis suppeditabit *Hieronymus*, in Epistola ad Damasum, in qua sic queritur: *Post Nicanam fidem, post Alexandrinam, juncto pariter occidente, decretum, trium hypostaseon, ab Ariano- rum Præsule & Campensibus, novellum à me homine Romano nomen exigitur. Qui: quæso ista Apostoli prodidere? Quis novus magister gentium Paulus hæc docuit? Interrogemus quid tres hypostases posse arbitrentur intelligi. Tres personas subsistentes aiunt; respondemus nos ita credere. Non sufficit sensus, ipsum nomen affligit, quia nescio quid veneni in syllabis laet. Clamamus, si quis tres hypostases, aut tria enhypostata, hoc est, tres subsistentes personas non confitetur, anathema sit. Et quia vocabula non ediscimus, heretici iudicamur. Si quis autem

cum iis ceteroqui consentiret. Facile esset alia ejusmodi exempla congerere, nisi brevitati stude-
remus.

9. *Sextò*, cùm nihil aptius sit ad leniendam invidiam, quæ in sententiam quampiam accen-
ditur, quàm rationes aut firmæ, aut verisimi-
les, quibus solet defendi; rationes omnes illæ
studiosissimè occultantur, quo fit ut imperiti
existiment eam sententiam in medium esse pro-
latam, aut novarum rerum dumtaxat studio, aut
pravo etiam consilio, ab iis à quibus vix crede-
batur. Sic Ethnici olim clamitabant in Chri-
stianos, accusabantque eos Isretorum Numi-
num, quæ vulgò colebantur, & conculcatæ
patriæ Religionis; nequaquam prolatis eorum
rationibus, quas omnino ignorabant; ut ex *Ta-
cito*, *Plinio*, ac *Suëtonio* satis constat, qui su-
persutionis novæ eos insinularunt; rationibus,
quibus eorum fides nitebatur, prorsus ignora-
tis. *Hieronymus*, hac etiam arte usus est in
Jovinianum, cujus rationes brevissimè profert,
cùm multis in eas invehatur. Damnabat ille
studium illud inconsultum aut fucatum Virgini-
tatis, quo videbat Christianos sui ævì nimium
flagrare; cùm propter multas graves rationes,
quæ colliguntur potiùs ex iis quæ reponit *Hiero-
nymus*, quàm ex aperta & ingenua earum ex-
positione; tum etiam quia experientia satis do-
cebat homines illius ætatis, paucos esse qui in-
cœlibe vita satis castè viverent, & ea admitte-
rentur vulgò ab illis personatis virginibus, quæ
ostendebant eos id vitæ institutum temerè esse
ingressos. Certè numquam in eam speciem ex-
ternam singularis castitatis ausus esset *Jovinianus*.

nus insurgere; nisi ea vidisset, quæ postremis hisce sæculis ab acutioribus, in eodem genere hominum, animadversa sunt. At *Hieronymus* non attingit ejusmodi rationem, quæ vel sola omnem ejus inanem eloquentiam vincere potuit. Nolim quidem omnia *Joviniani* dogmata tueri, cum nullum ejus monumentum superfit, ex quo hominis sententiam accuratè intelligere possimus. Ut non habeo fidem ejus adversario: ita nec *Jovinianum* absolvo; sed sine dubio rectè sentiebat, qui dicebat virtutes conjugum æquè gratas atque acceptas Deo esse, quam virginum.

10. *Septimò*, si quæ sententia defendenda suscipitur contra aliam, in quam movetur invidia; incommoda quibus premitur sententia defendenda, diligenter dissimulantur, dum mirum in modum exaggerantur quæ possunt adversariis objici. *Vigilantius* ita alloquutus fuerat eos quos videbat reliquias martyrum nimio cultu profèqui: *Quid necesse est te tanto honore non solum honorare, sed etiam adorare illud nescio quid, quod in modico vasculo transferendo colis?* Hoc verè factum esse satis constat ex aliis Scriptoribus, & ex iis quæ ab illa ætate ad nostram propagata sunt. Quid tamen reponit *Hieronymus*? Negat quod ipse etiam non nesciebat. *Quis*, inquit, *ô insanum caput, aliquando martyres adoravit? Quis homines putavit Deum?* Atqui adorari etiam possunt ii, qui non creduntur Dii, cum iis cultus omnis externus deferatur, qui cum Dei adoratione conjunctus esse solet. Coram iis genua flectantur, invocenturque absentes, quasi, domini, secun-

secundum Deum, bonorum omnium. Hæc erit adoratio, quam meritò superstitionis suæ ætatis objiciebat *Vigilantius*. Ob illud solum incommodum, eliminandus fuit ex Ecclesia Christiana totus ille novitijs cultus; nec aliter visum esset æquis iudicibus, si res iis ob oculos posita fuisset, qualis erat. Vidissent hæc redolere superstitionem Ethnicam, quæ & inferiora Numina haud abfimili modo colebat. Objecerat idè *Vigilantius*, præpè ritum *Gentilium* videri, sub prætextu Religionis introductum, sole adhuc fulgente, males cereorum accendi. Verum hoc erat, & inde liquebat superstitionem Ethnicam alio nomine revocari. At *Hieronymus*, cereos, inquit, non clarâ luce accendimus, sicut frustra calumniaris; sed ut noctis tenebras hoc solatio temperemus. Vñne *Hieronymum* ex ipso *Hieronymo* confutare? Lege sequentia verba: Quod si aliqui, propter imperitiam & simplicitatem sacrarium hominum, vel certè religiosarum feminarum — hoc pro haurire martyrum faciunt; quid inde perdis? Itaque hoc fiebat, quamvis illico negarit *Hieronymus*, saltè ab imperitis. Verùm illis imperitis præiverant Antistites sacrorum: qui idgenus Ethicorum rituum pompâ simplicitatem Religionis Christianæ ornandam, an onerandam? sibi esse censuerant, ut ipse docet *Hieronymus*, in sequentibus: Per totas, inquit, *Orientis Ecclesias*, quando legendum est *Evangelium*, accenduntur luminaria, jam sole rutilante; non utique ad fugandas tenebras, sed ad signum lætitiæ demonstrandum. Ergo & ad monumenta Martyrum interdum cerei accendebantur, ad lætitiæ demonstrandam. Imò verò,

ad 2

260 DE ARGUMENTO THEOL.

ad ita honorandos Martyras, ut Ethnici colebant Deos suos. *At*, ut ait idem *Hieronymus*, *illud fiebat idolis, & idcirco detestandum est hoc fit Martyribus, & idcirco recipiendum est.* Damnarat etiam *Vigilantius* pervigilia ad sepulcra Martyrum, quæ cum nihil facerent ad bonos mores, occasionem libidinosi hominibus præbebant corrumpendarum muliercularum. Hoc unum incommodum, cum res pietatem minimè juvaret, adducere debuit Rectores Ecclesiarum ad consuetudinem illam cohibendam, ac tandem adduxit. Quid verò ad hæc *Hieronymus*, in Epist. ad Riparium? Ex Scriptura probat esse *vigilandum*, ex locis in quibus vigilantia animi, non corporis præcipitur. Sed nihil de gravissimo illo pervigiliorum incommodo. At cum *Vigilantius* graviter in id invecusset, non licuit prorsus dissimulare quodd nimis notum erat; sed quam brevissimè potuit rem perstrinxit. *Error*, inquit, *& culpa juvenum, ac vilissimarum mulierum, qui per noctem sæpe deprehenditur, non est religiosi hominibus imputandus; quia & in vigiliis Paschæ tale quid fieri plerumque convincitur, & tamen paucorum culpa non præjudicat Religioni.* At posteri, hac in re, sapientiores; hæc omnia, ob rationem allatam, merito sustule-

hoc licet ex *Hieronymianis* responsis intelligere. Poterat ejus sententiæ, apud contrâ sentientes, invidiam detrahere, quod eam proponeret bono animo; ne, nimirum, vulgus ignarum in superstitionem Ethnicam paulatim prolaberetur; neu fraudulentis & avari Sacerdotes, quales numquam defunt, hinc occasionem nanciscerentur fingendarum reliquiarum & falsorum miraculorum, ut plebem in Ecclesias, quibus præerant, allicerent; neu in nocturnis illis conventibus, nimis frequentibus, multa pudenda committerentur. Pone *Vigilantium* id quod licitum est, ex legibus Evangelii, damnasse; attamen hi ejus laudabiles fines hominis errori, si fuisset error, omnem invidiam detrahere potuerunt; nam etiam licita, cum minimè necessaria sunt, vitantur; si multò magis noceant, quàm juvent. Hoc quoque invidiam lenire potuit, quod ex mutatis illis nuperis consuetudinibus, nullum *Vigilantium* caperet emolumentum; cum manifestum esset lucrum Sacerdotum, in quorum Ecclesiis plures erant, aut esse credebantur Martyrum reliquæ; quia populi in eas concurrentes plures ac copiosiores oblationes conferebant. Verùm hisce omnibus ommissis, quæ *Hieronymo* tamen minimè latuisse crediderim, cælum terræ miscet orator vehemens, ut omnium iram & odium in eum concitet. *Non est, inquit, crudelitas pro Deo, sed pietas.*

12. *Nondò*, ut accendatur invidia, non modò invidiosissimè exponuntur ipsa dogmata; sed & confectionaria invidiosa ex iis deducuntur, seu fal-

falsa ea sint, seu vera, sed nequaquam pro legitimis consecrariis ab iis qui oppugnantur agnoscenda. Sic cum *Vigilantius* negasset adorandas esse reliquias Martyrum, consecratorum falsissimorum, sed apud imperitos verissimilium, invidiâ ambustus obticuit. Ergo, inquit adversarius consecraria illa proponens, *Petri & Pauli immundæ sunt reliquiae?* Ergo *Moyfi corpusculum immundum erit, quod, juxta Hebraicam veritatem, ab ipso sepultum est Domino?* Et quotiescumque Apostolorum & Prophetarum & omnium Martyrum Basilicæ ingredimur, toties Idolorum Tempia veneramur? Accensique ante tumulos eorum cerei idolatriæ insignia sunt? Plus aliquid dicam quod redundet in auctoris caput, & insanum cerebrum vel sanet aliquando, vel deleat, ne tantis sacrilegiis simplicium animæ subvertantur. Ergo & Domini corpus, in sepulcro positum, immundum fuit? &c. Nemo non videt hæc aliena fuisse à mente *Vigilantii*; sed nihil potuisset dici aptius, ad plebem commovendam.

13. Decimo, præter hæc omnia, augetur invidia suspicionibus, quæ pro ira & malignitate disceptantium, modum accipiunt; aut potius nullum habent, cum nullum suspicandi finem faciant homines irati, aut maligni. *Vigilantium*

num non requirere. Quod eum dixeris, imo. ETSI NON DIXERIS, ITA HABEBERIS QUASI DIXERIS. Qui enim reliquias Martyrum adseris calcandas esse, prohibes sanguinem fundi, qui nullo honore dignus est. Eum etiam Hieronymus variarum Hæresium suspectum facere nititur; cum ex iis quæ dicebat de ejus sententia esset judicandum, non ea ei affingenda quæ nequaquam aperuerat.

14. Undecimo loco, invidia movetur vel auge-
tur, objectione novitatis; quia plerique homi-
nes parum Veritatis amantes, & de se magna
sentientes, ac præsertim Theologi, se ignorantie
aut inscitie argui putant, cum quæpiam quæ
antehac ignoraverant docentur. Igitur contra
eos qui nova, aut quæ nova judicantur afferunt,
vehementissimè invehuntur, cum non tam pro
antiquis dogmatibus, quàm pro sua existimatione
pugnent; cui tuendæ contravim Veritatis si ne-
quaquam sufficiunt, tum verò eos videas Majores
suos & olim famâ celebratos ad vitam veluti re-
vocare, ut eorum saltem auctoritate novos do-
ctores obruant. Sic se gesserunt Ethnici, contra
Christianos, ut ex Veterum scriptis constat. Pro
Ethnicis loquatur disertissimus eorum patronus
*Symmachus; Si longa ætas auctoritatem Religio-
nibus faciet, servanda est tot sæculis fides, & se-
quendi sunt nobis parentes, qui feliciter sequuti
sunt suos. Respondeat verò Arnobius, homo
non indifertus, pro Christianis, cujus hæc sunt
verba, in Libro II. Nam quod nobis objectare
consectis NOVELLAM esse Religionem, &
ante dies natam propemodum paucos, neque vos
potuisse antiquam & patriam relinquere, & in
bar-*

264 DE ARGUMENTO THEOL.

hæc ritus peregrinosque traduci; ratione illud excenditur nulla. Quid enim? si hoc modo culpam velimus infligere prioribus illis, atque antiquissimis seculis, quod inventis frugibus glandes spreverint? &c. — Itaque cum nobis intenditis aversionem ex Religione priorum, causam convenit ut inspicatis, non factum, nec quid reliquerimus opponere, sed sequuti quid finis potissimum contueri, &c. Attamen vix ullâ criminatione frequentius usi sunt inter se disceptantes Veteres & Recentiores Christiani, ita ut exemplis minimè indigeamus.

15. Duodecimo loco, non levis invidia conflatur sententiæ, objectione paucitatis eorum qui eam tuentur, multitudinis verò oppugnantium. Firmè enim pertinaces, aut superbi videntur, qui pauci plurimorum suffragiis audent obistere. Quo factum ut non raro viri eruditi coacti sint scriptis eam opinionem oppugnare, quæ penes multitudinem veritatem esse statuit. Ac sanè si hæc valuisset opinio, veteres Judæi, qui à reliquo humano genere dissentiebant, potuissent jure damari; nec immeritò Christiana Religio ab initio fuisset rejecta. Digna est lectu, hanc in rem, *Athanasii* dissertatio *πρὸς τοὺς πλείους μόνον κελύουσας τὴν ἀλήθειαν*, adversus eos qui diiudicant veritatem ex sola multitudine: quæ

tem, sine demonstrationibus, comprobans apta quidem est ad terrendum, sed nequaquam ad persuadendum. Subjiciam & verba, quibus eam disputationem claudit, quoniam ad hoc nostrum negotium multum faciunt: *πλήθος τὸ ψεύδος κεραινοῖς; ἰδεῖσθαι δὲ δεῖν τῇ ἐπίστασι, ὅσα γὰρ πλείους ἐστὶν κακὰ, τοσούτοις μείζων ἡ συμφορὰ: multitudo mendacium roboras? Mali magnitudinem ostendisti. Quò enim plures malo sunt implicati, eò major est calamitas. Res est clara, nec eò fecius Theologi, quoties possunt, multitudinem ad confirmandam causam suam & infamandos adversarios adducunt. Audi Hieronymum Vigilantio, multitudine aliter sentientium, gravem invidiam creantem: OMNES Episcopi non solum sacrilegi, sed & fatui judicandi, qui rem vilissimam, & cineres dissolutos in serico & vase aureo portaverunt. Stulti OMNIUM Ecclesiarum populi, qui occurrerunt reliquiis.*

16. Decimo tertio loco, invidia concitatur, non modò re ipsà, aut iis quæ aliquam affinitatem cum ea habent, sed & alienis multis rebus, quæ tractantur, permittis; quia apta sunt ad excitandum odium. Nolebat Vigilantius pervigilia esse ad Martyrum sepulcra, sed non omnia pervigilia contendebat abolenda. Attamen Hieronymus ei invidiam facit, quasi de pervigilio etiam Paschatis, quod in honorem Christi dudum celebrabatur, lis inter eos fuisset. Si ideo, inquit, pernottationes existimas respuendas, ne sæpe videamur Pascha celebrare, & non sollemnes post annum exercere vigilias. — Quod semel fecisse bonum est non potest malum esse, si frequenter fiat; aut si aliqua culpa vitanda est, non ex

AB INVIDIA DUCTO. 267

17. *Decimo quarto loco*, cum multa fiant in vita, quæ per se nec bona sunt, nec mala, & possunt tamen in deteriorem partem accipi, ac interpretationibus malignis premi; invidiæ artifices in adversariis talia avidissime arripiunt, atque in ea omnibus eloquentiæ suæ velis invehuntur. Interesse convivio, si in eo te modeste geras, ut laudi non habetur, sic nec vitio verti potest. Durius vivere, nisi fiat de certis ac laudabilibus per se causis, nullam meretur laudem; sed nec vituperari potest, nisi malum in finem fiat. Attamen Pharisæi prius in Christo, posterius in Joanne Baptista invidiose carpebant. *Venerat enim Joannes, nec edens, nec bibens, & aiebant: demonium habet. Venerat filius hominis & edens & bibens, & dicebant: ecce homo edax & vini potor, publicanorum & peccatorum amicus.* Matth. XI, 18, 19. Christiani tempore persecutionum, noctu cogebantur convenire, quod potuit caste fieri, atque ex legibus Christianæ sanctimonie debuit; propterea tamen infamabantur, quasi nefandis libidinibus, extinctis lucernis, operam darent; quod constabat aliquando factum, in nocturnis Bacchi sacris; ut ipsi Ethnici testantur, qua de re consulatur *Livius Lib. XXXIX, c. 13.* & Senatûs-consultum quod etiamnum ea de re exstat. Hinc Christianorum adversarii occasionem arripiebant infamandorum innocentissimorum hominum. *Dicimur, inquit, Tertullianus Apol. c. VII. sceleratissimi de sacramento infanticidii, & pabulo inde, & post coitum incesto; quod everfores luminum canes, lenones, scilicet, tenebrarum & libidinum impiarum inverecundia procurent.* Ethnico Oratori, apud *Minutium Felicem*, dicuntur idco

268 DE ARGUMENTO THEOL.

Christiani : *plebs profane conjurationis, quæ nocturnis congregationibus, & jejniis sollemnibus & inhumanis cibis, non sacro quodam, sed piaculo fœderantur, latebrosa & lucifugax natio, in publico muta, in angulis garrula.* Ita se gerebant Judæi atque Ethnici in Christianos; sed & Christiani inter se, mutatâ personâ, sæpe iisdem malis artibus usi sunt, ut adversariis suis invidiam crearent. Jam à multis sæculis, statâ jejunia & virginitas ita laudantur, quæ per se indifferentia sunt, nisi cum ceteris virtutibus Christianis conjungantur; quasi illis Deo gratiores fierent homines. Ausus erat *Vigilantius* eam opinionem, vanam profectò, & plenam supercilio ascetico, castigare. Illico ab *Hieronymo*, quasi homo Veneri ac gulæ deditus, invidiosissimè traductus est: quemadmodum paria ab eodem, eadem de causa, passus jam erat *Jovinianus*. *Exortus est, inquit, Vigilantius, seu potius Dormitantius, qui immundo spiritu pugnet contra Christi spiritum; — dicit esse — continentiam heresin, pudicitiam libidinis seminariam.* Paullò pòst: *in isto, inquit, Joviniani mens prava surrexit. — Ille Romanæ Ecclesiæ auctoritate damnatus, inter phasides aves & carnes suillas, non tam enisit spiritum, quàm eructavit. Iste caupo Calagurritanus, & in perversum,*

mus conviciator effundit. Similem comœdiam, an tragœdiam? vidit sæculum præteritum, à Christo nato. decimum sextum; cum castissimi & summæ sobrietatis viri quasi mulierosi atque hel- luones traducerentur, à patronis virginitatis & jejuniorum, nihilo propterea melioribus, ut no- runt omnes qui ab illis histrionibus sibi imponi non patiuntur. De re ipsa hîc non agimus, sed quod multorum sæculorum experientiâ notum est, quali compertum adsumere apud homines peritos nos posse putamus.

18. *Decimo quinto loco*, invidia ingens sæpe conflata est innocentibus, dum accusati sunt apud eos qui de re, cujus insimulabantur, minimè judicare poterant. Demagogi imperitam plebem facillimè commovent specie pietatis, & zeli, ita ut eos quasi sceleratos habeat, nec velit ampliùs au- dire, quos peritiores sine dubio absolverent. Deinde, quia sine periculo commotæ semel plebi ad- versari non licet, ipsi doctiores, ignaviâ ac timi- ditate, simulant se ei adsentiri; & sic odio publi- co miseri, & quidem interdum eruditi mactan- tur. Sic Athenis *Socrates* traductus est apud popu- lum ab *Aristophane*, in Comœdia quam inscripsit *Nubes*, priusquàm apud Judices accusaretur ab *Anyto* & *Melito*; & nisi populus favisset *Aristophani*, numquam fortè fuisset damnatus. Sed cum libenter Populus Atheniënsis impudentissima Co- mici mendacia audisset, & quasi impium haberet Socratem; vix eum Arcopagitæ absolvere potue- runt. Revocat hoc mihi in memoriam prudens responsum *Stilponis* Philosophi, * quem cum ro- gasset *Crates*, an dii adorationibus & votis gau-

M 3

des

* *Diog. Laërt. Lib. II. §. 117.*

derent? Noli me, inquit, fatue, in via de hisce rogare, sed solum ac seorsum. Invidiam plebis, nimirum, metuebat, quam sibi etiam conciliavit, vero de Pallade iudicio; & quam amoliri à se non potuit, ne Arcopagitis quidem iudicibus. Res apud *Diogenem Laërtium* legatur. *Hieronymus* nimis callidus erat Orator, quàm ut omitteret hanc artem, *Vigilantium* infamaturus. Ejus rei argumenta aliud agentes attulimus, nec ulla rationationes habet, nisi ad captum populi accommodatas. Quin & eum iudicem simul & vindicem suæ sententiæ facit, ubi ex *Vigilantii* dogmate sequi contendit, ut sint *stulti omnium Ecclesiarum populi, qui occurrerant sanctis reliquis* (*Samuelis Prophetæ*) & tanta letitiâ, quasi præsentem viventemque Prophetam cernerent, susceperant, ut de *Palæstina* usque *Calchodonem* jungerentur populorum examina. Quin & ipse se mulierculis conjungit, ut eas in *Vigilantium* incendat. *Rideas, inquit, forsitan & muliercularum deliramenta subsannes. Non erubescō earum fidem, quæ primæ viderunt Dominum resurgentem — Tu ructato cum sæculi hominibus, ego jejunabo cum feminis.* Quis dubitet quin homines plebei & mulierculæ, hisce auditis, *Vigilantium*, si se se fortè objecisset, lapidibus obruissent? Sic & hodie passim è suggestu difficillimæ controversiæ Theologicæ, quas ne ipsi quidem Demagogi satis intelligant, tractantur coram plebe; & tanta apud eam adversariis conflatur invidia, ut parata sit eos lacerare, si Magistratus permitterent.

19. *Decimo sexto loco*, invidia innocentibus movetur, dum infamantur quasi perturbatores publicæ tranquillitatis; quòd ignota Veritas, si sit ali-

alicujus momenti, vix sine animorum motu, introumitti in Rempublicam possit; quamvis qui eam veritatem tuentur omnia Reipublicæ jura sancta atque inuolata esse velint, neque ea vel minimum labefactare tentent. Sacerdotes publici cum Judæorum, tum Ethnicorum; quorum intererat Religiones atque opiniones receptas nequaquam immutari; Christum, ejusque discipulos dictabant res novas moliri. Eos accusabant non modò læsæ Majestatis Divinæ, sed & spretoꝝ Magistratuum & Principum, violatarumque sanctissimarum Legum; quibus, injussu Magistratuum, quidquam in Religione mutari vetabatur. Hanc Pharisei & Sacerdotes Ethnici prætexebant criminationibus suis speciem, quæ minus acutos facillè fallere poterat, & summis Potestatibus Christianos inuisos reddebat. Nihil enim prioribus animis excipitur ab iis, qui summæ rerum præfunt; quàm quod facit ad amplificandam, tuendamque eorum auctoritatem; nullis magis succensent, quàm iis qui vel minimum eam tentare velle videntur; quod judicantur omnes facere qui, illis inconsultis, in societate aliquid mutare, legibus sancitum, adgrediuntur, ut qui nova de Religione dogmata proferunt. Itaque callidi homines, quorum interest errores nequaquam emendari, credulitati Magistratuum & Principum insidiantur; nec difficulter persuadent quod volunt, quia ipsis utilia asferre videntur. Ideoque hanc calumniam diligentissimè adgressi sunt olim confutare Religionis Christianæ patroni, ut vel ex Apologetico *Tertulliani* liquet, Cap. XXVIII. & seqq. Periculosissimæ erant hac in re insidiæ calumniatorum, qui non unâ arte inuisos Christianos sum-

272 DE ARGUMENTO THEOL.

mis potestatibus faciebant. Juebant eos non modò per Deos Romanorum jurare, aut iis sacra facere, quod in recusantes satis acriter vindictum fortè non esset; sed *per genios Caesarum & pro eorum salute* thus in accensam aram conjicere. Negantes Christianos continuò reos Majestatis agebant, apud Principes; *si quidem*, ut inquit *Tertullianus*, *majorè formidine & callidiorè insiditate Casarem observabant, quàm ipsum de Olympo Jovem.*

20. Non eodem modo, si objectiones seditionum exceperis, Christiani; sub Christianis Principibus, movent invidiam Christianis; sed alio, non minùs exitiali. Qui dissentiunt à summa potestate, in Religionis negotio, illi infamantur, quasi eam stultitiæ aut impietatis damnarent. Eotelo, & quidem valido brachio contorto, petitus est ab *Hieronymo Vigilantius*, cujus opinionem de reliquiis Sanctorum non colendis, invidiosissimis hisce consecrariis premit: *Ergo sacrilegus fuit Constantinus Imperator, qui sanctas reliquias Andree, Luce & Timothei transtulit Constantino-*
polin, apud quas Dæmones rugiunt — Sacrile-
gus dicendus est & nunc Augustus Arcadius, qui
ossa beati Samuelis, longo post tempore, de Judæa
transtulit in Thraciam. Possumus Imperatoribus
subiicere Episcopos, quorum in eiusmodi rebus

mino sacrificia, & tumultus eorum Christi arbitratur altaria. Et non solum unius urbis, sed totius orbis errant Episcopi, qui cautionem Vigilantium contemnentes, ingrediuntur basilicas mortuorum. Non ita pridem similia, apud excultissimam Europæ gentem, audita sunt; cum quærent Sacerdotes ab iis qui à Rege in sacris dissentiebant, nam existimarent Regem, Religionis suæ causâ, æternis suppliciis addictum iri. Si affirmarent, rei læsæ Majestatis habebantur; si negarent, quærebant cur ab ea Religione abhorrent, in qua fatebantur homines æternam salutem consequi. Hoc quoque illis perpetuè occinebatur, æquum esse eos Religionem Regis sequi, nisi vellent rebelles haberi; nec quidquam fuit periculosius ejusmodi argumentis, quamquam inutilibus; quia sine gravissima invidia eorum inutilitas ostendi non poterat.

21. Hæ sunt potissimæ artes, quibus invidia movetur, quas & latius diducere & multò pluribus exemplis illustrare faciliè potuissémus; verùm hæc cordatioribus satis erunt, pravis verò ingeniis nihil posset satis esse. Pauca tamen adjiciam de foeditate invidiæ; bonis viris malis artibus creatæ, deque ea curanda, aut, si curari nequeat, vincenda. Summus Orator, cum A. Cluentium defenderet, & invidiam falsam quidem illam, sed maximam tollere adgrederetur, exordio utitur, quod nonnihil immutatum meum facere, cum bona Lectoris venia, me posse existimo. Equidem cum apud animum meum reputo quàm frequenter à Theologis invidia mota sit & moveatur, quò me vertam nescio. Negem fuisse antiquorum illum morem, aut recentiorum? Negem il-

lam rem agitatam in concionibus, jactatam in circulis, usurpatam in Synodis? Evellam ex animis hominum tantam opinionem, tam penitus insitam, tam vetustam? Non est nostri ingenii, at est auxilii bonorum omnium, innocentiae, in calamitosa fama, quasi in aliqua perniciosissima flamma, atque in communi incendio subvenire. Etenim sicut, alios apud populos, parum firmamenti & parum virium Veritas habet: sic apud eos, qui solam Christi & Apostolorum auctoritatem sequi se velle profitentur, falsa invidia imbecilla esse debet. Dominetur apud barbaros, aut supersticiosos; jaceat in verè Christianorum judiciis. Valeat in opinionibus ac sermonibus imperitorum; ab ingeniis prudentium repudietur. Vehementes habeat repentinos impetus, spatio interpolito, & causâ cognitâ consenescat. Denique illa definitio judiciorum æquorum, quæ nobis à Christo & Apostolis tradita est, retineatur; ut in judiciis & sine invidia culpa damnetur, & sine culpa invidia ponatur. Quamobrem à Lectoribus meis hæc postulo; primum, id quod æquissimum est, ut ne quid huc præjudicati adferant; etenim non modò auctoritatem, sed & nomen judicium amittimus, nisi ex ipsis causis judicamus; ac si ad causas, nondum cognitâs, judicia jam facta adferamus. Deinde, si quam opinionem jam suis mentibus comprehenderunt, si eam ratio convellet, si res ipsa labefactabit, si denique Veritas extorquebit, ne repugnent; eamque animis suis, aut libentibus, aut æquis remittant.

22. Veritate & caritate Christianis nihil debet esse antiquius, eorûmque omnium animis insculptum sit oportet divinum hocce moniam,

ΑΛΗΘΕΥΕΙΝ ΕΝ ΑΓΑΠΗ, *veritatem unā cum caritate consecrari.* Hoc autem nullo modo fieri potest, si ex invidia judicia de alienis sententiis feramus, odiūque pro firmis rationibus, eis reponamus. Nemo non fateatur ejusmodi affectu homines ad retegendam Veritatem minimè adjuvari; sed quia quisque putat sibi sat notam ac perspectam esse Veritatem, alios verò in errore versari; age, ostendamus creare invidiam non esse ejus qui Veritatem tuetur, neque ejusmodi artibus errorem rectè propulsari. An odium acutiores nos reddit, ad intelligendam alienam sententiam, ut eam accuratius confutare possimus? Minimè gentium. Imò contrà, animo irā æstuanti nebulam objicit, quā sit ut mimimè adsequamur quod adversarii dicunt; atque impatientiam audiendi tantam injicit, ut vix eorum rationes sibi paucis exponi patiatur; nedum ut magna volumina sustineat expendere, quod tamen interdum necesse esset, ut mendacium probè confutaretur. An odium firmiora argumenta in adversarios suggerit? Imò verò ita occæcat animum, ut levissima, & quæ à sedatis hominibus fidentur, gravissima habeantur. Odio atque irā percito stipulæ in trabes mutantur, maseæ in carnelos. An utroque illo affectu præpediti Veritatem melius defendunt, aut errantibus amabiliorem reddunt, quàm si animo sedato rem aggrederentur? Contrà neque satis sciunt quid dicant, & imprudentiā suā latis nudum adversariis ferendum præbent; ac Veritatem infamant, quam armis mendacii defensionem volunt. Inimici sunt Veritati illi affectus, amici mendacio; quod eo

satellitio cinctum plerumque prodit, atque ex eo à multis agnoscitur. Itaque pro Veritate mendacium sibi proponi putant, qui illam nonnisi odio atque irâ stipatam vident. Pulchrè *Tertullianus*, initio fermè Apologetici, questus Christianam Religionem inauditam damnari ab Ethnicis; *hanc*, inquit, *primam causam apud vos collocamus iniquitatis O D I I*, erga nomen Christianorum. Quam iniquitatem idem titulus *Œ* onerat *Œ* revincit, quod videtur excusare; ignorantia, scilicet. Quid enim iniquius, quàm ut oderint homines quod ignorant, etiamsi res meretur odium? Tunc enim meretur, cùm cognoscitur an mereatur. Vacante autem meriti notitiâ, unde odii iustitia defenditur, quæ non de eventu, sed de conscientia probanda est? Ponamus *Hieronymum* verum defendisse contra *Vigilantium* (quod non pauci hodie ex Christianis contendunt, nos non putamus) an illà ratione creandæ illi invidiæ, apud æquos iudices, causæ suæ profuit? An sententiæ adversarii falsitatem, accuratâ ejus explicatione, in clariori luce collocavit? An argumenta firmiora, quibus sententiam ipse suam tueretur, aut dogma *Vigilantiæ* confoderet, invenit? Tantùm abest, ut eorum quidquam sit adsequutus, ut contrà nimio affectu suspectum se Lectoribus fecerit, credibiliorem adversarii sententiam reddiderit, & puerilia argumenta pro demonstrationibus inaniter vendiderit. Plura exempla antea protulimus, quibus tamen hîc unum adjiciemus. Objecerat *Vigilantiis* sanctorum animos non posse audire preces, quibus ubique invocantur. Quid ad hæc adversarius? Si, inquit,

agnus

AB INVIDIA DUCTO. 277

agnus ubique; ergo & hi, qui cum agno sunt, ubique esse credendi sunt.. Tales ratiocinationes ira & odium, acutis ceteroqui viris, subjiciunt; quas sedati ingenii homines vix febricitantibus condonarint. Sed legantur ejus in *Jovinianum & Vigilantium* scripta, & plus satis exemplorum suppetet.

23. Caritatem, quam Ethnici *φίλος Σωτήριος & humanitatem* vocabant, odio violari qui non sensit, is helleboro non ratiocinationibus indigebit. Itaque homines callidi, qui invidiam movent iis, pro quibus Christus mortuus est, negant se odio laborare; hunc suum affectum sanctiori velant nomine, & *Zelum* vocitant. Crudelitatem, quā insectantur eos, quos in errore versari aiunt, *pietatem* esse dicunt; pro illa definitione *Hieronymi*, jam à nobis prolata: *non est crudelitas pro Deo, sed pietas..* Sed ut alia omittam, ad quæ digredi institutum meum me non patitur, quæro an non possint mendacium confutare rationibus solis, absque ulla invidiæ, aut *zeli*, si ita loqui velint, mixtura? Si possint, quidni faciunt, cum sine dubio Veritate dignior futura ea sit confutatio, quemadmodum ostendimus, imò & efficacior apud errantes? Si nequeunt, patiantur eos credere id fieri ex arcana conscientia infirmitatis causæ, quæ tantis affectibus occultatur, quia ratione non potest defendi.. Si quid firmum habuisset *Hieronymus*, tot convicia in *Vigilantium* non profudisset. Humanitas ipsa, quā omnes complecti debemus, nos jubet eorum ingeniis ita orationem adtemperare, ut eos ab errore revocemus; non convicii obruere, non invidios omnibus, quatenus licet, reddere, ut eos offendamus. Humanum, imò verò

278 DE ARGUMENTO THEOL.

hominem, se dicere nequit, qui in sui similem, sub zeli specie, ita debacchatur, ut capitales hostes acrius non possint. Pium, aut Dei timentem se esse frustra jactarit, qui maximum Evangelii præceptum, quo jubemur nos invicem amare, tam protervè conculcat. Nam ex amore proximi nasci conflationem gravissimæ invidiæ si quis dixerit, non nisi apud insanos fidem inveniet.

24. Quæ cum ita sint, videtur turpissimus ille affectus posse curari, si viri boni & eruditi, conjunctis operis, illum ubique allatis, aliisque similibus rationibus aggrediantur, nec desinant eas repetere donec profecisse se intelligant. Sed & docendum qui homines probi, & Veritatis amantes, qui invidiâ premuntur, possint eam vincere. Duplex est ad eam victoriam via, sed utraque magno animo est ineunda, & ad finem usque constanter tenenda. In utraque, hoc primum studendum Veritatis, etiam oppressæ, amanti; ut animo agitet contraria omnia iis, quæ ab invidiæ concitatoribus fieri solent; quæ singillatim non exponam, cum ex rationibus conflandæ invidiæ, à me ante memoratis, facillè intelligi possint. Si velit adversariis reponere, (quæ altera est viarum quas dixi) necesse est id faciat cum summa prudentiâ, ne verbulum proferat, quod cum aliqua veri specie in deteriore partem accipiatur. Christo non semel insidiosis interrogationibus invidiam facere conati sunt Judæi, quos ille prudentissimis responsis elusit. Cum eorum contumaciam castigasset, & poenas, nisi resipiscerent, daturam significasset, *observantes enim miserunt insidiatores, qui se justos simulabant, ut caperent eum in sermone, & traderent imperio ac potestati Præsidis.* Qui interro-
gave-

gaverunt eum dicentes: Magister, scimus te rectè dicere & docere, nec accipere personam, sed viam Dei in veritate docere. Licetne nobis dare tributum Cæsari, annon? Animadvertens verò illorum dolum, dixit eis: quid me tentatis? ostendite mihi denarium. Cujus habet imaginem & inscriptionem? Respondentes dixerunt: Cæsaris. Ille autem respondit eis: reddite ergo quæ sunt Cæsaris Cæsari, & quæ sunt Dei Deo. Luc. XX, 20. Sic frustra conati ei invidiam facere aut apud Præsidem Romanum, si negaret esse solvendum tributum; aut apud Judæorum Zelotas, si affirmaret; sapientissimo responso, repressi abierunt. Addam & hominis Ethnici inligne exemplum declinatæ, dexteritate ingenii, invidiæ; quâ alioquin oppressus fuisset, si ab affectu vel minimùm transversum agi se passus esset. Is est Plinius junior, qui ita rem narrat Epist. V. Lib. I. Aderam Arrionilla Timonis uxori, rogatu Aruleni Rustici. Regulus contrà. Nitebamur nos, in parte causæ, sententiâ Vectii Modesti, optimi viri. Is tunc in exsilio erat à Domitiano relegatus. Ecce tibi Regulus: Quæro, inquit, Secunde, quid de Modesto sentias? Vides quod periculum, si respondissem, bene; quod flagitium si, malè. Non possum dicere aliud tunc mihi, quàm Deos, adfuisse. Respondebo, inquam, quid sentiam, si de hoc Centumviri judicaturi sunt. Rursus ille: quæro quid de Modesto sentias. Iterum ego: solebant testes in reos, non in damnatos interrogari. Tertio ille: Non jam quid de Modesto, sed quid de pietate Modesti sentias quæro. Quæris, inquam, quid sentiam? At ego ne interrogare quidem fas puto, de quo pronunciatum est. Conticuit, me laus & gratulatio.

280 DE ARGUMENTO THEOL. &c.
*latio sequuta est; quod nec famam meam aliquo
responsa, utili fortasse, inhoneſto. tamen laſeram;
nec me laqueis tam infidiose interrogationis invol-
veram.*

25. Si ita invidiam superare non liceat, at alte-
ra via est, quâ coërceri possit; nimirum, pruden-
ti silentio, non quo Veritas opportuno tempore
diffimuletur, sed quo conviciis, contumeliosisque
dictis nihil reponatur. Defendenda est modestè ac
fortiter veritas, sed prætermittenda omnia ejus
adversariorum acerbè dicta, aut facta; ita ut li-
quidò appareat hominibus quidem parci, menda-
cio verò æternum bellum indici. Certè qui levissi-
mis rationibus pondus addere se putant, conviciis,
& creatione invidiæ, ii nullo digni sunt alio respon-
sione? Visne probare infirmitatem perspicuè exponito,
& validis argumentis firmato. Visne ostendere ho-
minum nequitiam? Aliter planè vivito ac loque-
re, quàm illi solent. Tua te virtus, & virtute digni
sermoneſ simul tuebuntur, & vitia adversariorum
patefacient, ac venenata dicta confutabunt; quam-
vis ita te geras, & ita loquaris, quasi nullos um-
quam adversarios habuiſſes.

ONTOLOGIA,

S I V E

DE ENTE,

IN GERE.

11

-

11

11

ONTOLOGIA,

Sive

DE ENTE,

IN GENERE.

P R Æ F A T I O.

De Natura & Uſu Ontologiae.

1. **U**T de rebus omnibus cogitare ac loqui ordine poſſimus, & reperta noſtra, aut aliis ignorata iis tradere, & viciffim, ipſi ab aliis doceri; univerſales ideas, & generalia nomina, ad quæ referamus Entia omnia, ſecundum ea quæ iis inter ſe communia, aut diſcrepantia ſunt, habeamus necceſſe eſt. Exempli cauſâ, cum cogitamus de rebus quæ *Spirituales* vocantur, ad certam quamdam Entium claſſem oportet eas referamus; nec reſpondere poſſumus, cum rogamur noſtra de earum natura ſententia; niſi utamur nomine generali, quæ ſunt *Entis*, aut *Subſtantie*; ut ſi dicamus eſſe *Entia cogitatione prædita*, aut *Subſtantias cogitantes*.

2. Hinc Philoſophi Diſciplinam, quæ generalia de omnibus Entibus Axiomata traderet, ſibi

sibi inveniendam esse existimarunt ; ut & cogitationibus ordinem præscriberent , & sermonis necessaria suppeditarent vocabula. Eam scientiam *Aristoteles* μετὰ φυσικὴν tradidisse dicitur , unde nomen *Metaphysicæ* , apud Scholasticos , nata est. Alii μετὰ τὴν φυσικὴν *trans* , seu *supra Physicam* , quasi , nempe , scientiam supra contemplationem corporum positam interpretantur. At undecumque id nominis duxerit , scire nostrâ parum interest ; atque , ut omnem circa nomen quæstionem vitaremus , eam Disciplinam *Ontologiam* , id est , ἐπιστήμην τοῦ ὄντος *Scientiam de Ente* vocavimus.

3. Attamen hoc nomen , ut hoc obiter moneamus , optimè cum ipsa , quam tradit *Aristoteles* , hujus scientiæ definitione consentit. * Ἐν , inquit , ἐπιστήμη τις ἡ διαπρὶ ὄν , ἢ ὄν , καὶ τὰ τούτῳ ὑπέρχοντα κατ' αὐτό : *est scientia quæ contemplatur Ens , quatenus Ens , & quæ ei insunt per se*. Paullò tamen clariùs *Ontologiam* definire malumus : *Scientiam de Ente in genere , ejusque proprietatibus*.

4. Hinc objectum hujus Disciplinæ esse *Ens in genere* intelligimus. Hujus autem idea animo obversatur nostro , cùm abstractione cogitamus , de iis quæ videmus esse communia om-

5. Igitur tota hæc Disciplina circa ideas Ab-
stractas verlatur ; unde intelligere est certissima
 esse posse , quæ hîc traduntur , quandoquidem
 de ideis penitùs nobis notis agimus. Hîc nec
 quid sit in Naturis singularibus , nec causas ullius
 peculiariis affectûs docemus. Contemplamur tan-
 tum ideas nostras , deque iis solis iudicium feri-
 mus. Itaque si modò nihil affirmemus , nisi
 quod videmus in ideis nostris , quæ cautio adten-
 tis difficilis sanè non est , extra omne erroris peri-
 culum sumus.

6. Tum nos in erroris aleam conjicimus ;
 cum abstractas ideas singularibus Naturis , extra
 nos existentibus , aptamus ; seu cum esse in sin-
 gulari Natura quidpiam , quod ideæ nostræ ab-
 stractæ simile est , judicamus. Etenim facilè ac-
 cidit ut in ejusmodi opinionem incidamus , li-
 cèt judicii ferendi nulla sit legitima ratio ; iis de
 causis quas in Logica memoravimus , ubi de
 occasionibus erroris egimus. At rariùs de solis
 nostris ideis agentes , id nos in iis videre affir-
 mamus , quod non videmus. Itaque Metaphy-
 sica , seu Ontologia , certissima continet Princi-
 pia , nec iis facilè abutimur.

7. Fines hosce , in hac Disciplina , adsequi
 nitimur. I. Ut positis indubitatis Axiomati-
 bus , quæ omnibus ideis nostris conveniunt , in-
 de subsidia cum ad inventionem veri , tum ad
 vitandum errorem , habeamus. II. Ut in cer-
 tas classes omnia Entia , ad vitandam in cogi-
 tando confusionem , digeramus. III. Ut nomi-
 na generalia , quæ possint tribui Naturis omni-
 bus , quibus est aliquid commune , inveniamus.
 Atque hos duos postremos fines initio attigimus ;
 sed

sed & hosce & primùm exemplis aliquot illustrare, hoc in loco, non erit inutile.

8. Ontologia nos docet, exempli causâ, quid sit quod *impossibile* vocatur; nempe, id impossibile dicimus, quod nullomodo intelligere possumus; seu cujus nullam ideam formamus, quamvis nitamur. Impossibile est intelligere *Mortem sine declivitate*, ideoque fieri posse negamus; ut mons sit sine declivitate. Igitur si quis quidpiam se intelligere, aut credere dicat, cujus nullam prorsus ideam effingere nobis licet; id esse nobis persuadere nequit. Dicentibus esse humanum corpus unicum, quod tamen in pluribus locis est simul; reponimus nos non posse adfentiri, quodd corpus unicum, & multiplex simul, capere nullâ ratione queamus. Contendimus id debere inter impossibilia referri, nosque ullum posse adsensum præbere Propositioni sensu carenti negamus. Ejusmodi Axiomata plurima suppeditat Ontologia, ex quibus, ad vitandum errorem, veritatēque inveniendam ac defendendam, non exigua subsidia ducimus.

9. Metaphysica docet omnia quæ intelligimus posse ad certas classes referri; esse omnia, exempli causâ, *substantiam*, *accidens*, aut *relationem*. Atque inde fit ut rei cujusvis naturam investigantes ante omnia utrum sit Substantia, vel Accidens, vel Relatio quæramus; quo invento, generales proprietates, quæ conveniunt ei Entium classi ad quam refertur, rei tribuimus. Exempli gratiâ, si quærat *quid sit Arbor?* primùm scire nos oportet Alborem non esse Substantiam, neque Relationem; quo posito, sequitur ut sit Accidens, ac proinde ut de eo quod de

de Accidentibus compertum est dicamus. Tum si quis Alborem se vidisse narret, qui nulli corpori albo inhæreret, sed per se esset; ex Axiomatibus positis, eum falli cognoscimus.

10. Denique constitutis generalibus ideis, rebusque omnibus notis in certas classes distributis, inveniuntur vocabula quibus ideæ generales significantur; quæ sunt, ad participes alios nostrarum cognitionum faciendos, planè necessaria. Exempli causâ, si ab homine de *Hippopotamo* loquente, ignarus significationis, ejus vocis quærat quid sit Hippopotamus? reponet *Animal amphibium, equo aliquatenus simile esse*. Utetur vocabulo *Animal*, quod est generalis & abstractæ ideæ nomen, & quo audito, is qui rogat quid sit Hippopotamus? ad quam speciem rerum, quod eâ voce significatur, referendum sit intelligit. Atque hoc, in omnibus accuratis Definitionibus observatur, in quibus Genus proximum semper, secundum Dialecticorum Canonas, exprimitur.

11. Hi sunt Ontologiæ usus, qui ex ipsa Disciplinæ natura manant. Addi potest alius accidentalis; nempe, ejus ope cognosci sensum loquutionum multarum Scholasticarum, & opiniones addisci, quas ignorare nunc non licet; quod per plura sæcula per totam Europam viguerint, & etiamnum hodie per maximam ejus partem defendantur. Imò ex hac Disciplina, plurima dogmata in ipsam irrepsere Theologiam Christianorum; quæ jam, sine aliqua Metaphysicæ cognitione, intelligi nequit.

12. Usibus Metaphysicæ memoratis, de abusibus haud pauciora dicere possemus; sed unum, qui, præ ceteris, plurimos errores peperit, attigisse
hîc

hîc satis erit. Diximus versari hanc Disciplinam circa ideas abstractas; hinc autem factum ut qui non satis cauti sunt in philosophando, dum animus abstractionibus ejusmodi nimium adfuefcit, nihil putent esse in rebus ipsis, præter id quod in abstractis ideis vident; & quia sunt admodum perspicuæ, sibi distinctissimè rerum naturam nosse videantur. Exempli causâ, ideam abstractam *Animalis* claram formamus, cogitando de corpore, quod ita est dispositum, quocumque modo id se habeat, ut augeri, ali & moveri possit. Hoc animo versantes, nec ulterius in corporis illius intimam naturam inquirendi cupidi, ideam Animalis habemus nobis obversantem adæquatam; idea enim adæquata est, ad nos quod attinet, quæ nobis clarè objicit quidquid in ea considerare volumus; licèt ipsi rei, ex cujus occasione eam contemplamur, adæquata non sit. Existimarunt autem Philosophi se perspicuè admodum intelligere naturam Animalium, quòd clarè ideam generalem & abstractam intuerentur, qua in re summopere errarunt. Quæritur enim quænam sit ea dispositio corporis, quâ fit ut animalia alantur, augeant, & moveantur; non qui sint dispositionis illius externi effectus.

13. Theologia & Philosophia Scholastica referatæ sunt definitionibus idearum abstractarum; quas definitiones Theologi & Philosophi cum definitionibus rerum ipsarum, unde ideæ abstractæ originem ducunt, perperam miscuerunt. Atque hîc est maximus Metaphysicæ abusus, quo fit ut ideas, quarum nulla exstant Archetypa, & quæ à nobis pendunt, obtrudant Theologi & Metaphysici discipulis suis, pro rebus ipsis; quas sibi perspectissimas, errore illo delusi, existimant.

ONTOLOGIA.

CAPUT I.

De Ente, ejusque proprietatibus in genere.

1.



Ræfationis §. 4. quid fit Ens in genere, & quâ ratione fiat ut ejus idea nobis obverſetur, diximus. Ea voce, latiffimâ ſignificatione, quidquid eſt aut eſſe poteſt, denotatur. Sed quia

duplici ratione Entia exiſtere intelliguntur, aut in ſe, nimirum, aut in aliis, etiam dupli- ci modo Ens ſumitur. Sunt Entia quæ per ſe ſunt, ac ſine aliis eſſe poſſunt; qualis eſt, exempli cauſâ, lapis. Sunt quæ in aliis exiſtunt, nec ſeorſim poſſunt eſſe, ut rotunditas, quæ ineſt corpori rotundo. Atque hæc poſteriora Entia magis propriè *modi Entium* dicuntur.

2. Præterea quædam alia, abſtractione, à Metaphyſicis intelliguntur, quæ neque ſunt Entia, neque Modi Entium, neque tamen ut merum nihil animo concipiuntur. Ejusmodi ſunt *Privationes*, *Denominationes externæ* ſeu *Relationes*, & *Entia rationis* omnia. Hæc enim neque exiſtentiam habent propriam, neque aliis rebus inſunt, neque dici propriè poſſunt merum nihil; quandoquidem notiones eorum formamus, & ideis variis adjuncta ſunt.

Tomus I.

N

3. *Privatio* est absentia attributi in subiecto, in quo esse solet. & potest. Ita cum lapis, qui est in certum usum destinatus, destitutus est figurâ, quæ ei inesse deberet ac posset, dicitur Metaphysicis esse *privatione* illius figuræ affectus. Distinguenda est autem Privatio à *Negatione*, prout hæc vox à Scholasticis usurpatur; nam Negatio est absentia attributi cuiuspiam in subiecto, in quo neque solet, neque potest esse. Ita in lapide est Negatio intellectus; quod lapis neque intelligere solet, neque possit. Privationem porro, licet non sit Ens, neque Modus Entis, non considerari quasi merum nihil, inde liquere volunt, quod qui affirmat lapidem, exempli gratiâ, privatum esse certâ figurâ, aliquid amplius dicit, quàm si nihil affirmaret, aut etiam diceret dumtaxat lapidem non intelligere; quia significat aliquid in lapide non esse, quod in eo esse posset. Itaque idea abstracta Privationis, aliquid Menti offert, quod non est merum nihil; neque tamen Ens, aut modus Entis dici potest.

4. *Denominatio externa*; est attributum rei, quod non est in subiecto cui attribuitur, sed ad id pertinet seu refertur, quales sunt omnes *Relationes*. Cum res quæpiam dicitur pars alterius, vocula *pars* nihil significat quod sit per se, aut subiecto illi insit, cui id nominis tribuitur; neque tamen est signum, seu nomen meri nihili; hoc enim si esset, quicumque affirmaret *brachium* esse *partem hominis*, nihilo plus diceret, quàm si affirmaret brachium esse *phlattotrat* hominis, quandoquidem vox *pars* nihil amplius quàm *phlattotrat* significaret.

5. *Ens rationis* dicitur quidquid Menti obversatur, quod nullum habet extra ideas nostras Archetypum, neque habere posse intelligitur; quales sunt ideæ omnes abstractæ; ut, *Rotunditas* in genere, *Homo* in genere &c. Ideæ illæ non sunt imagines meri nihili, nam de nihilo nihil affirmatur; quod Menti offerunt nulli inhæret subiecto, neque etiam seorsim existit; nullibi enim sunt Rotunditas & Humanitas in genere. Igitur cum nèque sint Entia, neque Entis Modi, attamen merum nihil dici nequeunt.

6. Hæ sunt generalissimæ ideæ Entis, Modi, & eorum quæ ad alterutrum nequeunt referri, de quibus multis agunt Metaphysici, nos verò plura non addemus; quoniam, ad veri investigationem, quæ solent hac de re agitari inutilia sermone sunt. Hic tantum præcipuas proprietates aut affectiones Entis, de quibus sumus in sequentibus acturi, enumerabimus.

7. I. Omne Ens dicitur *Unum*, *Verum*, *Bonum*, quodam sensu Metaphysicis peculiari, quem postea indicabimus. Ad Unitatem pertinent quæ solent tradi de *Identitate*, *Distinctiōe*, *Oppositione* & *Ordine*. II. Quod est aliquamdiu, id durare dicitur; quamobrem in Ontologia agitur de *Duratione*, ejusque speciebus. III. Est *totum*, aut *pars* alterius; ideoque Metaphysica totum & partes expendit. IV. Est *Causa* vel *Effectus*, ac proinde Metaphysici contemplationem *Causæ*, & *Causati*, ut loquuntur, à se prætermitti posse non putant. V. Cum Entia intelligentia agant propter *Finem*, & quidquid est corporei ab Entibus intelligentibus regatur, in Ontologia de variis *Finiū* speciebus agi solet.

VI. Cùm omnia Entia considerari instar *Subiecti*, aut instar *Adjuncti*, queant, etiam hac de re aliquid hîc dici necesse est. VII. Quandoquidem quæcumque sunt, aut eveniant, possunt ad has quatuor classes referri, *necessariorum* aut *contingentium*, *possibilium* aut *impossibilium*, committere non possunt Metaphysici, ut naturam idearum harum abstractarum non expendant. VIII. Eadem de causa, disputant de *Potentia* & *Actu*, quoniam nihil intelligimus, quod non sit aut *potentiâ*, aut *actu*. IX. De *Perfecto* & *imperfecto*, propterea etiam disceptant. X. De distributione Entium in varias classes, agunt. Atque hæc potissimum, in Ente in genere, considerari possunt, ideoque intra hæc continetur ea Disciplina, quam *Metaphysicam* vulgò vocant, nos *Ontologiam* diximus.

8. Metaphysici quidem ulteriùs eam porrigunt, cùm in ea de Deo, Angelis & Mente humana disputare etiam soleant. At limites, quos huic Disciplinæ posuit Aristoteles, ut colligere est ex definitione *Præf.* §. 3. allata, transgrediuntur. Quæ enim de Deo & Spiritibus creatis quæri solent ad Entis, in genere considerati, ideam non pertinent. Nos itaque iis, ad aliam Philosophiæ partem rejectis, hîc abstinemus; ne, dum quæstiones diversi planè generis miscemus, dissimiles ideas confundamus, & perturbationem etiam in iudiciis pariamus.

CAPUT II.

De Uno, Vero & Bono.

1. **M**etaphysicorum de *Uno, Vero & Bono* doctrina; quamvis & ingeniosa, & in plerisque vera; tam exigua est utilitatis, ut paucis eam tradidisse, *in eis inna*, satis nobis futurum sit; nec per omnia inanum quæstionum diverticula vagari, sine gravi temporis jactura, nos posse existimemus.

2. Omne Ens abstractè consideratum *unum*, hoc est, *indivisum in se*; & *distinctum ab omni alio dicitur*. Si, exempli causâ, triangulum contemplemur animo, ita id unicum comperiemus, ut in duo triangula secari nequeat; servatâ, nempe, eadem præportione ac magnitudine. Si plantam Mente consideremus, intelligimus eam ita non posse dividi in duas, ut una habeat dimidiam partem proprietatum, altera alteram, sine speciei mutatione.

3. Hoc autem pertinet tantum ad ideas abstractas, adeoque ad cognitionem ipsarum rerum consequendam parum prodest. Hinc tantum colligimus ideam unitatis & ideam multiplicis planè esse *diversas*; quod omnes quidem sciunt, & profiterentur, nisi quidam Christiani, divinâ potentiâ, contrarium fieri contenderent, in humano corpore, quod unum & multiplex simul esse dictitant.

4. Unitas in *numericam*, & *specificam* seu *genericam* dividitur. Unitas numerica dicitur alicujus

294 ONTOLOGIÆ. CAP. II.

jus singularis Entis, seu Individui, ut *Titii & Caji*, quorum uterque seorsim unus homo est. *Specifica* verò est eorum Entium, quæ unius speciei esse dicuntur. Ita natura omnium circulo-
rum perfectorum dicitur esse *Una*, non quòd sit unica numero natura in omnibus circulis; esset enim unicus, in rerum universitate, individuus circulus; sed quia omnes circuli, quotquot sunt, & esse possunt, similibus planè proprietatibus sunt præditi.

5. Hæc distinctio Unitatis, licèt manifesta & facilis, tamen digna est quæ altè memoriæ mandetur, si velimus Veteres Philosophos intelligere, præsertim Platonicos, qui modò plures Deos, modò unicum Numen esse dicunt. Nimirum, existimabant *plures* esse *numero* & *ἁριθμῶς* (quod apud eos idem valet) *unicum* verò *specie*, ἢ *Θεῶν ὁμοιωσιν*; quòd, secundùm eos, omnium Deorum natura similem essentiam haberet, saltem Deorum quos *Νοῦς*, *intelligibiles*, vocabant. * Multi postea, Platonici dogmatibus imbuti, eodem modo de Deo loquuti sunt; nec faciliè ubique, utrum de unitate numerica an de specifica loquantur, intelligas.

6. Hæc quoque, quæ dicuntur de unitate specifica, parum faciunt ad cognitionem rerum ipsarum, si intimam earum naturam spectemus. Quando enim plura individua unum esse specie dicimus, hoc tantùm volumus. 1. Certum numerum proprietatum, quæ in subiecto unà sunt, constituere id quod *speciem* vocamus. 2. Deinde in omnibus individuis, de quibus loquimur, eas unà esse proprietates. Verùm an
id.

* Vide Plotini *Ennead. V. Lib. I.*

id subiectum ignotum , in quo proprietates illæ unà sunt , sit in omnibus planè simile , ignoramus.

7. Quod Unitatem hætenus vocavimus , id interdum *Identitas* dicitur , & in eadem genera dividitur. Quia tamen res difficultate non caret , & interdum utilis est cognitu , mutato rei nomine , iterum de ea , ne omiſſa videatur Identitatis confideratio , aliquid dicemus. I. Dicitur ergo *idem* , *ſpecie & numero*. Idem fluvius ſpecie dicitur aqua quæ hodie fluit , ac ea quæ heri fluebat , non numero ; unde *Heraclitus* , *nos in idem flumen bis deſcendere* negabat ; quamvis aquâ tranſmiſſâ , maneat idem fluminis nomen. II. Idem dicitur *formâ* , atque idem *materia*. Navis Theſei , quæ per aliquot ſæcula reſecta fuerat , eadem dicebatur , licet ne tabula quidem ex iis quas Theſeus unà compegerat ſupereſſet ; quia ſimilis , ſeu eadem ſervata fuerat forma. III. In ſuperioribus exemplis , facilis res eſt , ſed ubi de Animali , aut Homine fermo eſt , impeditior videtur. Corpora eorum acceſſionibus & effluviis perpetuò mutantur , & tamen vulgò eadem dicuntur , contradicentibus licet nonnullis Philoſophis : *Nemo noſtrûm* , ait *Seneca* , Ep. LVIII. *idem eſt in ſenectute , qui fuit juvenis*. *Nemo eſt mane , qui fuit pridie*. *Corpora noſtra rapiuntur fluminum more*. Si *idem* dicatur homo , quia eadem numero in eo remanet eſſentia Mentis , nulla habetur ratio corporis ; adeoque quodcumque corpus Mens habeat , ſeu *Euphorbi* , ſeu *Pythagoræ* , idem erit homo. Idem homines reſurgent , etiamſi diverſa ſit eorum corporis materia , unò & forma ;

296 ONTOLOGIÆ. CAP. II.

quandoquidem nulla discriminum juventutis ac senectutis ratio habetur. Sin verò eadem numero materia corporis postuletur, senex & juvenis non erit idem homo. Si eandem etiam numero formam corporis velis, ut idem homo appelletur is tantùm cui inest, vix quoque senex & juvenis idem homo censebitur; & post resurrectionem quidem manifestò diversi erunt. Hæc ad animum revocare eos oporteret, qui tam acriter, *circa identitatem corporum post resurrectionem*, disceptant.

8. Hisce Unitatis & Identitatis generibus variæ opponuntur Multiplicitates, de quibus in Capite sequenti agemus. Hic quæ de duabus proprietatibus Entis, *Veritate* & *Bonitate*, dici solent, quia à Metaphysicis cum Unitate conjunguntur, trademus.

9. De *Veritate* non agimus, quæ ad Enunciationes, seu Judicia pertinet, de qua diximus in Logica P. 2. c. VII. & quæ sita est in convenientia Propositionum aut Judiciorum cum naturarum. Metaphysici in sermone quotidiano plurima observarunt *vera* dici, quæ nullam tamen negationem aut affirmationem continent. Ita subinde dicimus *verum* esse aurum, *verum* hominem, *verum* Deum, & similia. Hæ autem voces *verum aurum* &c. sine additione verbi substantivi, seu *copulæ*, nullam propositionem faciunt; sed significant metallum, cui insunt omnes proprietates, quæ in animo nostro, essentiam constituunt ejus metalli, quod *aurum* vocamus. Hinc Metaphysici veritatem quamdam, quæ ad judicia non pertinet, & quæ sita est in convenientia rei cum ejus definitione, com-

commenti sunt ; unde hanc veritatem esse tantum conversionem alterius , quæ est convenientia definitionis cum re definita , liquet.

10. Hæc Veritas *nominalis* , altera verò *realis* dici potest , hac de ratione. Observavimus in certo quodam subjecto , cui usus nomen quodpiam imposuit , quale est *aurum* , unà esse proprietates quasdam. Hinc confecimus Canonem : Quodcumque metallum , in quo omnes illæ deprehenduntur proprietates , *aurum* , & quidem *verum* ; quodcumque verò , in quo non occurrent omnes sed quædam tantum , *falsum* aurum dictum iri. Ergo verum *aurum* est id cui convenit definitio nominis *auri* , prout id definimus ; falsum cui non convenit. Non quærimus an id , cui nomen auri negamus , sit substantia , anve habeat proprietates , quod quasi indubitatum ponimus ; sed an habeat eas proprietates , quarum collectioni nomen *auri* tribuimus. Hinc colligere est veritatem hancce non pertinere ad intimam rerum cognitionem , sed tantum experientiâ nostrâ & verborum constitutioni usu niti.

11. *Bonum* , apud Metaphysicos , omne Ens dicitur ; quod habeat quidquid id oportet habere , ut eum usum præstet , ad quem à Creatore Entium omnium destinatum est. Quia autem , in operibus suis , falli nequit Creator , ideo omnia Entia bona , seu ei fini consequendo , propter quem ea creavit , apta sunt. Observandum probè est *bonitatem* hanc metaphysicam multum à *bonitate* , quæ *moralis* dicitur , differre. Bonitas moralis sita est in mansuetudine & benignitate , nec in alias Creaturas , præter intel-

298 ONTOLOGIÆ CAP. II.

ligentes, cadit. Ab ea etiam Entia creata intelligentia deficere possunt, & plurima re ipsâ defecerunt. At metaphysica bonitas, ut in omnia Entia cadit: ita ab Entis natura, nisi ipsum Ens pereat, divelli nequit. Quando enim definit Ens habere, quod in suo genere id habere oportet, ut fini Creatoris respondeat, tum definit esse id quod fuit.

12. Hanc bonitatem nonnisi summam in plerisque Entibus cognoscere possumus, quia duobus ut plurimum aut prorsus ignoramus, aut partim tantum (saltem singulorum Entium respectu) novimus. Primum ignotus nobis est, magna ex parte, finis propter quem Deus singula Entia creavit; seu quidquid sibi, creatione singulorum Entium, efficere proposuit, nescimus, aut non satis videmus. Secundò, ut plurimum, quâ viâ ad eum finem perveniat nobis non constat; quia neque intimam substantiam Entium, neque omnes eorum proprietates notas habemus. His autem duobus ignoratis, aut confusè notis, *bonitatem* singulorum Entium nos fugere necesse est.

13. Itaque bonitas hæc metaphysica nihil est præter abstractam quamdam Ideam, obscuram & generalem; circa quam ii demum diu hærent, qui tempus in inanibus disquisitionibus absumere non verentur.

CAPUT III.

De Multiplicitate, Compositione, Distinctione, Oppositione & Ordine.

1. **H**Æc omnia Unitati ac Identitati opposita sunt, nec per se ad rerum cognitionem multum conducunt; aut ita omnibus nota sunt, ut Philosophi nihil præ ceteris hinc norint, nisi quibus nominibus Metaphysici res notissimas appellarint. Ideoque in unum Caput compegimus, quæ plurium materiam præbere solent.

2. Ut Unitas duplex, ita quoque Multiplicitas duplicis est generis. Multiplicitas enim est ubicumque plura possunt distinguere, aut dividi; at quæ dividuntur, ut plura ejusdem speciei individua & ideæ, aut ut diversæ speciei ideæ & individua possunt considerari. Prior potest *Multiplicitas numerica*, posterior *specificæ*, aut *generica* dici.

3. Multiplicitas fundamentum est *Compositionis*, quæ in tres præcipuas dividitur species, *Realem*, *Rationalem* & *Modalem*. Realis est Compositio, quâ diversa Entia, ut Totum ali-quod component, conjuncta sunt. In corporea omnia realis cadit Compositio, quia constant partibus reverâ distinctis, & quæ seorsim esse possunt. Compositio rationalis est in iis rebus, in quibus plura concipimus, quorum quædam sunt ideæ abstractæ, quarum Archetypa nulla extra Rationem, seu Mentem nostram sunt.

300 ONTOLOGIÆ CAP. III.

Sic est compositio rationalis inter Ens & ejus Relationem, seu Denominationem externam. Cum *Ens creatum*, quatenus tale, contemplamur, obversatur Menti nostræ idea rationaliter composita ex generalis idea Entis, & relatione, quæ inter rem creatam & Creatorem intercedit. Compositio *Modalis* est, quæ est inter rem & modum rei; ut quæ est inter corpus rotundum, & rotunditatem.

4. Compositioni admodum affinis est *Distinctio*, quæ, summam, à Metaphysices Magistris dividi solet in duo genera; *Distinctionem*, nimirum, *ex natura rei*, & *Distinctionem Rationis*. Ut à posterioris explicatione initium faciamus, *Distinctio Rationis* fluit ab intellectu nostro, qui interdum unam *eandemque rem aliter atque aliter apprehendit*. Rursus hæc à Scholasticis in *distinctionem rationis ratiocinantis*, & *rationis ratiocinatæ*, subdividitur. Distinguuntur ratione ratiocinante variæ ideæ quæ sunt rei uni, cujus imagines sunt, æquæ adæquatæ. Ita ideæ, quibus respondent hæc duæ propositiones, eo pacto differunt: *Pallas est filia Jovis*, & *Minerva est filia Regis Deorum*. *Distinctio* hæc nullum habet, ut loquuntur, in re ipsa fundamentum; nec sanè ulla est in ipso intellectu, nam mutatio nominis ideam non mutat. Alteri distinctioni rationis ratiocinatæ est tenue fundamentum in natura rei, licet nulla sit in re diversitas, seu multiplicitas Archetyporum, quæ ideis respondeant. Sic, inter *acclivitatem* & *declivitatem*, est distinctio rationis ratiocinatæ. Hæc re ipsâ non differunt, & unum altero continetur, sed Mens abstractione, adscensum, aut descen-

ONTOLOGIÆ CAP. III. 301

descensum, quatenus talem, prout libet, magis contemplatur. Scholastici hanc distinctionem esse inter rem & ejus essentiam, inter definitionem & definitum &c. volunt. Sed reverâ vocabulis hîc prorsus abutuntur, & inutilibus in quæstionibus agitandis tempus terunt; neque hæc nugæ, nisi in Theologiam Christianorum irrepissent, memorassemus.

5. Distinctio ex natura rei non est ab intellectu, sed ex re ipsa nascitur, estque inter ea quæ separari possunt. Ita distinguitur Rex singularis à regia potestate, quia posset esse ea potestas in alio, eo mortuo. Hæc porro distinctio subdividitur: I. In *positivam* & *negativam*. Positiva est inter duo Entia, ut inter membra varia corporis; negativa est inter Ens, ejusque negationem, hoc est, non Ens; inter facultatem, ejusque privationem, ut sunt visus & cæcitas &c. II. In *Essentialem* & *Accidentalem*. Prior est inter ea quæ differunt genere, aut specie, quæque adedò diversam habent essentiam; posterior inter ea quæ accidentalibus tantum discrepant. III. In *Realem* & *Modalem*. Prioris generis sunt distinctiones allatæ; distinctio modalis est, quâ res una eadèmq; differt à se ipsa, prout est variis modis vestita, ut homo sedens ab eodem homine ambulante.

6. Sunt variæ *Convenientiæ* species oppositæ Distinctionum speciebus, sed eas non enumerabimus; quòd sit tantum de iis dicendum contrarium iis, quæ de Distinctionibus diximus. Sanè omnes hæ Scholasticæ observationes, licet veræ, sunt adedò inutiles, ut ne memoratu quidem dignæ essent; nisi Scholastici sermonis esset

302 ONTOLOGIÆ. CAP. III.

aliqua cognitio, propter consuetudinem, comparanda.

7. Hic esset aliquid, eadem de causa, de Oppositis dicendum, sed jam nomina Oppositorum indicavimus in Logica P. I. Cap. V. §. 6. Axiomata tantum quædam de hisce trademus. 1. *Contradictoria de una re neque simul negari, neque simul affirmari possunt.* Aliquid non potest esse unum & non unum simul, aut simplex & multiplex; eodem, nimirum, respectu. 2. *Nulla prorsus est inter ea convenientia, aut immediata, aut in tertio Ente.* 3. *Igitur quæ conveniunt in tertio Ente, vel immediate, non possunt esse inter se contradictoria.* Hæc sunt evidentissima Axiomata, licet sit inter Metaphysicos gravis contentio circa hanc questionem, *utrum repugnantia possint esse simul vera?* Verum ea questio non ex difficultate rei agitari coepit, sed quod, ex Theologia quorundam, Deum hoc posse affirmandum esset. Hac de re agemus, ubi de *impossibili.*

8. *Ordo* ad ea pertinet quæ prius & posterius, aut simul esse dicuntur. Quæ observant hic Metaphysici pertinent ferè ad usum vocabulorum, non ad naturam rerum, quæ sunt probè distinguenda. Itaque prius, posterius, aut simul observant quinque modis dici. 1. *Tempore:* 2. *Naturâ:* 3. *Dispositione:* 4. *Dignitate:* 5. *Cognitione.*

9. Ad *prioritatem, posterioritatem, aut simultaneitatem* temporis quod attinet, non opus est explicatione ullâ; quia tum voces hæc propriè & usitato sensu sumuntur. Prius *naturâ* duplici sensu aliquid dicitur, *consequentia, & causalitate.*

tate. Prius est *Ens*, quàm *Substantia*, per consequentiam, quia posito esse *Substantiam*, est *Ens*, non vice versâ: prior est causa effectu suo, causalitate, licet interdum tempore prior non sit. Ita Pater, quatenus Pater, non est prior Filio; quia tum demum Pater esse incipit, quando liberi ei nati sunt. Simul naturâ sunt quorum neutrum est causa alterius, sed inter quæ is est nexus ut semper unâ sint. Ita simul naturâ sunt, in corpore, *extensio* & *divisibilitas*.

10. Prioritas, Posterioritas, & Simultaneitas, ratione *dispositionis*, & *dignitatis*, faciles sunt intellectu., nec ad Metaphysicam propriè pertinent.

11. Apud Aristotelem aliquid dicitur prius *cognitione*, aut posterius, duplici sensu. Nam cum generaliter loquens vocet *γινωσκώτερον* *facilius cognitu*, vult dici *γινωσκώτερον* aut *κατὰ φύσιν*, aut *καθ' ἡμᾶς*. *Secundum naturam* *γινωσκώτερον* est quod est simplicius, qualia sunt prima principia Metaphysices, pertinentia ad Entia in genere; quæ faciliora sunt intellectu, quàm singulorum Entium naturæ. Sed *secundum nos*, hoc est, ordinem quem sequimur in adipiscendis nostris cognitionibus, priora cognitu sunt singularia Entia, quàm Universales ideæ; ad quas devenimus ope abstractionum, post multam experientiam. Verùm hoc in negotio abutitur Aristoteles voce *γινωσκώτερος*, quæ est relativa, & significat tantum ea quæ à nobis possunt cognosci, nullâ eorum naturæ ratione habitâ. Licuit ei quidem vocem in novum detorquere sensum, modò aliquid obseveraret quod utile aut ignotum antea foret, nec vocem:

304 ONTOLOGIÆ. CAP. IV.

vocem commodiorem ad mentem exprimendam haberet. At hîc, ut sæpe aliàs, rem facilem, & facile usitatis vocibus exprimendam, adhibitâ inusitatâ, obscuravit.

C A P U T IV.

De Essentia, & Existentia.

1. **A**Ntequàm de Duratione agamus, pauca de *Essentia & Existentia* Entis in genere prælibanda sunt. Scholastici, qui nihil minus quàm perspicuitatem & proprietatem verborum, curant, *Essentiam & Existentiam, principia incomplexa* Metaphysicæ vocarunt: uti *complexa Definitiones, Postulata & Axiomata*. Essentia, nimirum, & Existentia sunt principia Entis, ejusque attributorum; quæ necessariò Ens habere Essentiam, & existere supponunt. Definitionibus verò, Postulatis & Axiomatibus ad demonstranda ea quæ docent in Metaphysica, ut fit in reliquis Disciplinis, utuntur.

2. Verùm, ne de verbis contendere videamur, hæc mittemus; atque observabimus Essentiam, quæ definitur: *id per quod res est id quod est*, esse ideam abstractam, quæ solâ ratione distinguitur ab Ente. Neque enim Ens est in Essentia, aut Essentia in Ente, quasi in subiecto; neque possunt separari; sed interdum omisâ consideratione Entis, quatenus est idea universalis, quæ pluribus inferioribus communis est; abstractione contemplamur id per quod Ens constituitur; hoc est, naturam Entis in

ge-

genere, seu ipsum Ens, sine respectu ad inferiora.

3. Cap. I. qua in re sita sit essentia Entis in genere, ubi hujus definitionem tradidimus, dictum est. Sed est inter Philosophos de Essentia in genere ingens controversia, quam indictam omittere, etiam in hoc Compendio, nefas esset. Quæritur, an *Essentiæ rerum æternæ sint*? Hoc est, an id per quod unaquæque res est id quod est fuerit ab æterno immutabile. Alii affirmant, alii negant, Deumque potuisse, & posse mutare rerum essentias contendunt.

4. Tota tamen lis, quantumvis magnâ contentione agitata, solâ definitione vocum quæ hic adhibentur, faciliè componi potest. Essentias rerum esse æternas & immutabiles qui dicunt, obscure rem quæ ab omnibus eodem modo intelligitur, nec aliter intelligi potest, efferunt. Nempe, volunt id per quod Ens est id quod est, seu ipsum Ens, non posse à nobis intelligi esse aliud Ens, & simul idem; itaque si Deus ab omni æternitate habuerit ideas Entium nunc existentium, qualia sunt, illas necessariò easdem fuisse ac nunc sunt. Alioqui non fuissent ideæ eorumdum Entium, si diversæ esse potuerunt, nisi mutarentur species Entium. Quis autem hoc negare sustineat, si nullâ perturbatione laboret, & ex animi sententia loquatur?

5. Non quærimus an Deus alia Entium genera potuisset creare, his, quæ nunc sunt, omis-
sis, utrimque hoc admittitur; sed an in iisdem hisce, quæ sunt, Essentiis, potuerit aliqua mutatio fieri, ita tamen ut remanerent eadem? inq̃, an potuerint prorsus immutari? Exempli

cau-

306 ONTOLOGIÆ. CAP. IV.

causâ, natura numeri quaternarii in eo sita est, ut sit ternario unitate major. At sunt qui affirmant voluntate divinâ fieri potuisse, ut quaternarii numeri essentia in alia re sita esset, imò ut is numerus esset minor ternario. Si dicerent nomina potuisse mutari, ita ut ternario nomen quaternarii impositum fuisset, nemo rem in dubium revocaret, pendent enim ea ex arbitrio hominum; sed ideam mutari horum numerorum, dum iidem manent, id demum repugnat; adeoque neque intelligi, neque sine audientium ludibrio affirmari potest.

6. Fuere tamen Viri Magni, qui ausi sunt dicere id à Deo potuisse fieri; & quod nos hodie non intelligimus, quia intellectus noster rebus, quales nunc sunt, aptatus à Deo est; id nos intellectuuros fuisse, si res aliter à Numine constitutæ fuissent; quia tunc intellectus quoque noster alius fuisset.

7. Sed primò libenter quod concedunt accipimus; nempe id quod affirmant intelligi non posse, neque proinde ipsos intelligere quod dicunt. Deinde, quærimus quo jure propositioni, quam neque nos intelligimus, neque ipsi, adsentiri quis possit? Sanè earum rerum, quas nullo modo intelligimus, seu quarum nullam

rum qui talia affirmarunt, ita loquutos esse, ut ne fidem dogmatibus Theologicis Ecclesiæ suæ detrudere viderentur. Statuerant essentiam corporis in extensione esse sitam, quod non poterant cum Transsubstantione conciliare; nisi essentias rerum, divinâ potentiâ, esse mutabiles dixissent.

9. Cùm Ens existens consideramus, & omis-
sis aliis omnibus ejus attributis, abstractione Ex-
sistentiam animo contemplamur; deinde Ente
illo singulari prorsus misso, Existentiam Entis
in genere Mente intuemur; ea generalis *Existen-*
tia, de quâ hîc agunt Metaphysici, tunc nobis
obversatur.

10. Cùm soleant omnia, etiam quæ per se
clara sunt, definire, Existentiam, *id per quod*
aliquid reverâ existit, atque extra suas causas est
definiunt. Scilicet, docent effectus omnes in cau-
sa efficiente esse *potentiâ*, ut loquuntur, prius-
quàm *actu* existant. Ita Terra hæc nostra, quæ
ante sex annorum millia creata est à Deo, in eo-
potentiâ erat, priusquàm *actu* extra eum existeret.
Sed cùm nemo de potentiali Existentia cogitet:
ubi simpliciter de Existentia loquitur, ejusmodi
circumloquutione opus non erat.

11. Existentia autem Modus est simplicissi-
mus, qui continetur in ideis omnibus, aut po-
tentialis, aut actualis. Nihil intelligimus quod
non actu sit, aut saltem esse posse animo concipi-
atur; contradictoriorum enim nullæ sunt prorsus
ideæ.

12. Ceterùm Metaphysici Essentiam & Exsi-
stentiam aiunt distinguere *ratione ratiocinâtâ*; quod-
cùm una sine altera intelligi nequeat, attamen
potest

potest Ens quatenus existens animo versari à nobis, de ejus Essentia non cogitantibus; & quatenus Essentia quadam præditum, licet distinctè non addit Existentiæ abstractè consideratæ idea.

CAPUT V.

De Duratione, ejusque generibus.

1. **Q**Uando cogitamus de Existentia in genere, per abstractionem, deinde eam quasi aliquamdiu durantem consideramus; tum observatur animo nostro idea *Durationis*, quæ proinde nihil aliud est, quàm *continuatio Existentiæ*. Potest quidem abstractione intelligi momentum unicum, in quo nulla sit duratio, seu continuatio Existentiæ; sed tunc simplicem Existentiam, sine durationis consideratione, animo intuemur.

2. Duratio autem dividitur in durationem *finitam*, & *infinitam*. Finita est, quæ initium & finem habet, qualis est Accidentium, seu Modorum duratio; etenim incipit subinde novus esse aliqua in re Modus, qui postea desinit, quod in Plantis & Animalibus potissimum observare est.

3. Duratio infinita duplex est. Vel initium ei fuit nullum finem habituræ, vel utroque caret. Ita novimus quidem Substantias, exceptâ unâ, initium habuisse; sed iis ullum esse finem non videmus. Substantia, quæ semel alias existere voluit, fortè eam voluntatem suam nunquam est mutatura; aded ut ne unica quidem
for-

fortasse substantia finem sit habitura. Saltem hoc de Animis hominum, ex divina revelatione, esse decretum scimus.

4. Duratio infinita ab initio, & à fine, seu quæ utroque caret, soli convenit Deo. Omnia enim ab eo procreata sunt, adeoque initium existentiae suæ acceperunt; quod probari facile potest, sed non est hujus loci.

5. Scholastici, post veteres * Platonicos, contendunt esse alterum discrimen, inter durationem quæ Deo tribuitur, & eam quæ convenit Creaturis. Nempe, secundum eos, duratio Creaturarum constat partibus sibi invicem succedentibus, sed duratio Dei omni successione caret; unde à Boethio definita est: † *Interminabilis vita tota simul & perfecta possessio*.

6. In hanc sententiam delapsi videntur Platonici, & qui eos sequuti sunt, quod immutabilitati Dei repugnare, ejus existentiam non omnem simul esse, existimarent; quippe qui amississe partes præteritas, possidere præsentem, futuras posthac habiturus alioqui videretur. Ceterum quando ab iis quæritur, quæ Naturam durare, & existentiae successivæ Creaturarum coexistere sine successione capere queant? rem esse fatentur quæ non potest intelligi, & imbecillitatem nostram superat.

7. Verum si agnoscamus, ut omnino oportet, Deo ab omni æternitate inesse omnes omnium rerum proprietates, neque ullam accedere aut decedere, ut perfectior aut minus perfectus evadere queat; denique existentiam Dei per se esse prorsus necessariam, ut repugnet eum definire esse;

* Vide Platonem in *Timæo*. † *Consolat. Philos. L. V. Prof. VI.*

210 ONTOLOGIÆ. CAP. V.

esse; Si, inquam, hæc agnoscamus, quæ evidenter possunt probari, quid Deo detrahetur, si successio in ejus duratione, quæ aliter non potest intelligi, esse dicatur?

8. Is Dei immutabilitati detraheret, qui Deum acquirere aut amittere quasdam perfectiones seu proprietates, aut posse interire; affirmaret; sed qui utrumque negant, ii immutabilem Deum prorsus agnoscunt. Ea successio in duratione, si in se & abstractè consideretur, cum sit tantum denominatio quædam externa, quæ rei nihil detrahit neque addit, nihil imperfectionis involvit.

9. In Creaturis quidem successio est cum aliqua imperfectione conjuncta; quia dum senescunt, aliquam proprietatem aut adquirunt, aut amittunt. Sed si neutrum fieret, idè imperfectione non censerentur. Itaque neque in Deo, si modò id quod diximus teneamus, propterea erit ulla imperfectio.

10. Agnoscendum etiam est nos non posse Dei durationem, ut nostram, repetitione dierum, hebdomadum, mensium, annorum; sæculorum &c. metiri; nam cum prorsus initio careat, in æternum repeterentur annorum inmyriades, priusquam exhauriretur. Neque si in aliqua immensæ illius durationis parte, qualis ea est quæ ab initio mundi ad hunc usque diem porrigitur, distinguerentur à nobis dies & anni, possent illi dies, illive anni aliter, quam respectu nostri, numerari. Partes etiam quæ accedunt non augment infinitam durationem, quæ jam præterit; neque enim magis infinita fieri potest, quam est.

311 ONTOLOGIÆ. CAP. V.

11. Igitur non immeritò dixeris ideam Platoniam æternitatis, cùm revelatione non nitatur, esse inter ejus Philosophi μεταβολήματα habendam; nec ullam esse rationem cur eam admittamus, cùm nullo modo intelligi queat. Fateor infinità illà Durationis succeffione animum nostrum veluti absorberi, cùm eam contemplatur adtentiùs; sed si in nos descendamus, eò tamen animum nostrum necessariò ferri, ut ita æternitatem concipiat, sentiemus. At ea de re paulò pluribus, ubi de Finito, & Infinito sub hujus Opusculi finem, agemus.

12. Nihil hoc in loco addemus; nisi, ut intelligatur Scholasticorum sermo, *Ævum* ab iis Durationem quæ initium habuit sine caritura, *Tempus* verò Durationem, cui initium & finis, dici. Hoc definit Aristoteles *numerum*, seu *mensuram motus, secundum prius & posterius*; quâ definitione videtur respexisse ad motus Astrorum, Solis potissimùm & Lunæ, quorum Periodi numeratæ tempus constituunt. Verùm hoc tempus potiùs est mensura externa Durationis, quàm ipsa Duratio; quæ non minùs haberet partes, quarum aliis aliæ succedunt, si Astra nulla essent. Pro hac *Ævi & Temporis* distinctione, in *æternas & temporales*, Naturas creatas dividunt.

CAPUT VI.

*Observationes circa Durationis Mensuram &
Axiomata circa Existentiam seu Du-
rationis initium, ejusque con-
tinuationem.*

1. **P**ostquam de Duratione in genere ejusque generibus, prout à Metaphysicis distingui solent, egimus; ad alia properandum esset, nisi hic quædam observatu non indigna animo nostro se se objicerent, quibus Caput singulare tribuendum censuimus.

2. Diximus à nobis Durationis formari ideam ubi de Existentiæ nostræ continuatione cogitamus; præterea continuationis existentiæ nostræ ex cogitationibus, quas sentimus perpetuò aliis alias succedere, nos nobis esse conscios observandum. Quicumque in se descendet veluti quamdam idearum pompam, sine intermissione, coram Intellectu transire, saltem dum vigilat, sentiet. Eandem prorsus ideam, aut quæ nulla prorsus in re, nec detractioe, nec additione mutetur, diu animo nostro non obversari unusquisque experiri poterit; si conetur de una quapiam re ita cogitare, ut nihil accedat, neque decedat primæ cogitationi. Cum vix per momentum id fieri queat, faciliè ex perpetua illa idearum mutatione nos sentire existentiam nostram continuari, intelligere est.

3. Atque hoc etiam ex eo apparet, quod cum idearum animo nostro ordine obversantium successio

cessio definit, tum nullomodo nos durasse cogitemus; & præterlapsum tempus, nostri respectu, sit quasi nullum fuisset. Ita ubi quis noctem sine somnio, cujus saltem supersit memoria, totam dormiit; interstitium illud temporis, quod fuit inter id momentum quo somno oppressus est, & id quo evigilare cœpit, non animadvertit.

4. Hoc posito, intelligimus quare qui jucundè aliqua in re tempus terunt, aut magno affectu cupiam labori incumbunt, iis tempus videatur breve: contrà verò qui cum calamitatibus aut doloribus conficiantur, vel cupiam rei molestæ inviti operam dant, iis dies sint longiores. Nempe, quibus gratæ obversantur ideæ, illi eas diutius, sine magna mutatione, considerant; quia iis, quæ nobis voluptati sunt, quàm diutissimè possumus, immoramur. Hinc fit ut tempus cum voluptate prætermisum, quò pauciores ideæ vidimus, brevius fuisse censeamus. Contrà, ubi molesta idea nobis adest, eam fugare nititur animus, aliasque ejus loco substituire; illi detrahit, addit, & varia irrequies versat, propter dolorem aut molestiam, in quibus adquiescere non potest. Atque inde fit ut dormire nequeant qui dolent, & longissimas noctes, dum se jactant per lectum, experiantur. Immenso illa idearum copia, quæ incredibili rapiditate animum, ut ita dicam, cui se ostentat, brevissimo tempore prætervehitur, facit ut sibi diutius durasse videatur, quàm alioquin existimaret.

5. Huc accedit quòd qui ideam quæ non displicet, occupantur, si de duratione sua, vel temporis fluxu, ne cogitent quidem: contrà verò

qui dolore, aut anxietate cruciantur numerent horas & momenta, & quàm maximè tempus, quod fluit, adtendant. Priores necopinios tempus præterlabitur, posteriores ita afficit, ut omnibus ejus momentis prætereuntibus adtenti sint. Ubi ingruit nox, auroram apparere; ubi oritur dies, advenisse vesperam optant; atque hæc illis adeò lentè sibi videntur succedere, ut horæ diebus, eorum judicio, dies hebdomadibus æquiparentur. Hinc scitè * apud Comicum, servus, cui nox longa videbatur, hæc dicens inducitur:

*Neque ego hac nocte longiorem me vidisse censeo,
Nisi item unam, verberatus quam pependi perpetem.*

Ad eam anxiam temporis præterfluentis penfitionem incitantur, qui morbi quidpiam patiuntur; quia eum diu, aut semper saltem duraturum non sperant. Itaque quò longius tempus in malis sibi abiisse vident, cò se propiores secundiori valetudini putant.

6. Hac eadem de causa, qui jucundum quidpiam expectant, illis tempus, quod interjacet inter expectationem & fruitionem, longissimum videtur. Nimis, scilicet, præterlabentis momenta adtendentes, ea molestissimè, paucis prætermisfis, numerant; atque unumquodque momentum est idea nova, ab anterioribus diversa, quibus anxius animus, dum præsentia essent, occupatus fuit. Imò & ei cogitationi immiscetur futurorum & præteritorum consideratio.

* *Plaut. Amphit. Act. I. S. 1.*

ONTOLOGIÆ. CAP. VI. 315

7. Hinc animum nostrum solum tempus non posse metiri, colligimus. Itaque si nulla alia ratio constans & immutabilis dimetiendi esset temporis, hominibus omnibus eadem; numquam hominibus inter se conveniret, de longitudine temporis. Infelices diutissime viverent, felicium brevis esset vita. Expectans temporis spatium longissimum diceret, quod in fruitione alicujus rei jucundæ breve vocasset.

8. Verum commodum nobis à Deo datæ sunt Solis & Lunæ Periodi constantes & immutabiles, ut saltem in iis memoratu dignam inconstantiam animadvertere nequeamus; quibus omne ævum metiremur. Igitur motus eorum Astrorum non sunt tempus ipsum, sed mensura temporis, ut jam observavimus. Quævis alia constans cujuspiam rei revolutio eundem usum præstitisset; ut si Solis discus constanter crescere ac decrescere certis intervallis videretur, aut aliquid simile fieret.

9. Hisce de tempore, ejusque dimetiendi ratione, traditis; observandum præterea est temporis partes, seu in infinitam dividi queant, seu tandem in indivisibilia resolvantur momenta, nullo necessario vinculo esse connexas, nisi respectu rei quæ necessario existit. Ex eo quod Creatura nunc est, non sequitur eam post aliquot momenta futuram; sed alia est Dei ratio. Cum necessario sit, & repugnet eam non esse, momenta ejus existentiae ita sunt connexa, ut dato uno dentur reliqua. Atque hoc est maximum, inter Creaturarum & Creatoris existentiam, discrimen.

316 ONTOLOGIÆ. CAP. VI.

10. Hinc colligunt Philosophi nonnulli, si Creaturæ durent aliquamdiu, id non fieri vi propriæ earum existentiae, quæ sit per se indissolubilis; sed voluntate ejus, qui primum existendi momentum illis concessit. Quemadmodum enim quando Deus voluit Creaturas existere, fuerunt: ita eodem volente ut porro esse pergant, sunt, eodemque nolente, non essent.

11. Ut autem Creaturæ vi suâ sibi existentiam conservare non possunt; ita nec quidquam per se è nihilo, ut ita dicam, emergere & sibi existendi initium dare potest. Atque hoc Metaphysici expresserunt Axiomate: *Ex nihilo nihil fit*; quod non est contrarium sententiæ Theologorum, qui Mundum ex nihilo creatum volunt. Mundus enim ab his non dicitur per se è nihilo emergisse, quandoquidem à Deo, in quo tamquam in causa prius erat, creatum eum contendunt. Sed factum aiunt è *nihilo*, quòd cum mundus nondum extra Deum esset, adeoque nihil esset, volente Deo, exstiterit.

12. Est alterum Axioma, circa existentiae substantiarum finem: *in nihilum nihil*, quo Metaphysici, ex quo semel aliqua esse coepit substantia, eam in nihilum naturâ suâ non redire significant. Atque hac in re duplex est Philosophorum sententia, alii enim putant ut substantia in perpetuum sit, oportere tantum ut Deus ei existendi initium semel faciat, eamque porro esse vi naturæ à Deo acceptæ. Alii verò, ut diximus, quoniam partes existentiae Creaturarum nullo necessario vinculo sunt connexæ, contendunt oportere accedere Dei voluntatem, ut esse pergant. Verùm hæc sunt abstrusiora, quam ut de

ONTOLOGIÆ CAP. VII. 317

ius iudicium certum ferri queat. Hoc dumtaxat certò affirmari potest, eum solum qui substantiis existentium primum dedit, posse eandem eis eripere; nam. ut factum est ut, Deo solo volente, exstiterint: ita Deo solo nolente, esse diutius non possent.

[§. 12. *Tempus verò &c.*] Eleganter etiam tempus, prout certis mensuris dividitur, definiit Cicero Lib. I. de Invent. cap. 26. his verbis: *tempus est pars quadam aternitatis, cum alicuius annui, mensuris, diurni, nocturnive spatii certa significatio.*

CAPUT VII.

De Toto & Partibus.

1. **T**otum denominatione externâ id dicitur, cui nihil ad id præstandum, ad quod comparatum est, deesse censetur. Ita tota domus est, cui ad omnes usus domus præstandos, nihil deest. *Pars* verò dicitur id quod intelligitur factum ut alteri rei conjungeretur, quòd usus, quibus aptum est, omnes præstare possit. Conclave pars est domus, quia omnes usus quibus destinatum est, nisi domui jungatur, præstare nequit.

2. Omnia porò Entia, in quibus partes esse intelliguntur, seu propriè, seu minùs propriè dictæ, possunt dici *Tota*; atque ejusmodi sunt omnia quæ novimus Entia, exceptis simplicissimis, quæ sensationibus animadvertimus, aut abstractione intelligimus. Unum porò idèmq; Ens potest esse Totum, & pars simul: Totum respectu quorundam usuum, pars respectu aliorum;

318 ONTOLOGIÆ. CAP. VII.

ut Conclave dicitur Totum, respectu partium. Conclavis, quando nulla earum deest, quæ postulatur ad integrum Conclave constituendum. Idem respectu totius domûs, quam solum constituere nequit, pars est.

3. Metaphysici varias species Totius distinguunt, quarum præcipuas tantum adtingemus; sunt enim quæ hîc proferunt, licet vera, parum utilia. Primum igitur est *Totum per se*, & *Totum per accidens*. Totum per se dicitur id quod partibus suis essentiale est, seu sine quo partes non sunt; vel quoddam essentialibus tantum partibus constituitur. Ita Totum per se *Substantia* in genere, respectu *Corporis* & *Spiritus*, quibus essentiale est ut sint substantiæ: vel Totum est per se *Homo*, qui necessario Mentem & Corpore, ut partibus essentialibus, constat. Totum vero per accidens est id, cuius partes quasi accidentia considerantur. Sic Totum per accidens est homo, respectu albi & Æthiopis; homo enim potest in album, & nigrum dividi, quæ sunt accidentia, non partes hominis essentialia.

4. Totum per se rursus quadruplex est, *Logicum*, *Metaphysicum*, *Physicum* & *Mathematicum*. I. Totum Logicum dicitur idea Universalis, quæ sub se alias continet; ut Genus & Species. Generis partes sunt species inferiores; speciei infimæ partes, individua. Figuræ in genere partes sunt species omnes figurarum: unius infimæ speciei partes sunt omnes individua figuræ; ut, *trianguli isosceli omnia triangula isoscela*. II. Totum Metaphysicum constat Genere & Differentiâ, ut quando in re quapiam duo considerari posse dicuntur, unum quod est ei commune cum rebus

rebus ejusdem generis; alterum quod eam ab omnibus aliis distinguit. Hoc respectu, Circulus dici potest totum Metaphysicum, si consideretur quatenus constat ideâ generali *Figure*, hoc est, rei quæ lineis finitur, & ideâ speciali rei cujus circumferentia undequaque æqualiter à centro distat. III. Totum Phycum dicitur quod constare intelligitur partibus, quarum una alteri inhæret, ut forina dicitur inesse materiæ. Ita globus cereus constat cerâ, quasi materiâ, & figurâ sphericâ, quæ inest Ceræ. Hæc dici possunt *partes Phycæ* globi cerei. IV. Totum Mathematicum est quod habet partes, extra partes, realiter distinctas, & quæ seorsim esse possunt. Ita Corpus dividi potest in partes, quæ etiam seorsim erunt. Hoc Totum vocatur etiam *totum integratum*, & partibus *integrantibus* constare dicitur. Aliis quoque nominibus indignantur scilicet qua Tota, quæ modò diximus; ut ea nomina, brevitatis causâ, ut & alias subdivisiones Totius, omittimus.

5. Duo Axiomata ad Totius naturam pertinent. Unum est *Totum esse majus suâ parte*, seu *Partem esse minorem Totu*. Alterum est, *Totum identificari cum partibus omnibus collectivè sumtis*, nam ex omnibus partibus conjunctis constat Totum. Hæc Axiomata longiori interpretatione non indigent.

6. In hisce generalibus numquam peccatur; sed quod causam esse hominibus omnium malorum, * priscus dixit Philosophus, idem innumerorum errorum fontem merito dixeris. *Notiones communes rebus singulis aptare nescimus.*

* Epictetus apud Arrianum Lib. III. c. 25.

320 ONTOLOGIÆ. CAP. VIII.

Qui utilitates proprias, exempli causâ, communibus totius Societatis præferunt, ii non ignorant *partem minorem*, adeoque *minoris momenti esse* *toto*: sed præ affectu verissimum, vel ipsis iudici-
bus, Axioma rebus suis non aptant.

C A P U T VIII.

De Supposito & Persona.

1. **I**N antecedente Capite, Totum & Partes contemplati sumus, cui materiæ valde affine est quod à Metaphysicis traditur de *Supposito & Persona*; nam hæc quoque Tota quædam sunt, & eo respectu à Metaphysicis considerantur.

2. *Suppositum* vocant id quod neque est pars, neque adiunctum alterius rei. Ita *suppositum* est Canis, aut quodvis aliud animal; quod neque est pars alterius animalis, neque illi inhæret, *Suppositum* caput, aut crus, aut aliud membrum, quod sit pars Totius, dici nequit. *Suppositum* etiam non est rotunditas capitis, aut figura totius corporis, quod sint adjuncta substantiæ. Ejusmodi autem Entia dicuntur *incompleta*.

3. *Suppositalitas*, seu id quo fit ut aliquid *Suppositum* vocetur, dicitur etiam vulgò *subsistentia*, & *Supposita* affirmantur *subsistere*; dum Entia incompleta, quæ *Supposita* non sunt, *subsistentiâ* propriâ prædita esse negantur. Ita *caput*, *pes* animalis in se non subsistunt, sed in animali; cum animal propriâ præditum sit *subsistentiâ*.

4. Sup-

4. Suppositum dividitur in duo genera; sunt enim Supposita *intelligentiâ destituta*; sunt quæ *intelligunt*. Hæc propriè vocantur *personæ*; & ejusmodi sunt *homines*, *Angeli*, *Deus*. Itaque Persona definitur *Suppositum-intelligens*.

5. Dissident Metaphysici de natura Supposititalitatis, & in varias eunt sententias, quas non referemus. Quidquid dicant, Supposititalitas aut Personalitas sunt denominationes externæ; quæ significant potius Relationem cum qua Ens consideramus; quàm quidquam quod rei aliquid addat, si accedat, aut detrahat, si dematur. Hinc fit ut immutata prorsus rei natura amittat, aut adipiscatur Supposititalitatem. Ita gutta aquæ, dum seorsim est ab omni alia, catenus est Suppositum; sed si alteri miscetur, perit utriusque propria Supposititalitas, exsurgitque tertia quæ ad majorem aquæ guttam pertinet. Rursus, si hæ guttæ sejungantur, utraque denud propriam recipit Supposititalitatem. Eadem est ratio plantarum & animalium, quæ dum seorsim existunt Supposita sunt; si verò ita conjungerentur, ut plures plantæ unum corpus quod eodem succo, per communes tubos fluente, aleretur; utque plura animalia machinam unam constituerent, desinerent esse singula supposita.

6. Hæc doctrina quando & quem in usum sit inventa si quis quæsierit, responsum accipiet ad usum quod attinet, eum unice eò spectare ut abstractas quasdam ideas nominibus certis appellemus. Nihil enim de natura intima Suppositorum amplius novimus, ubi didicimus ea *supposita* aut *personas* vocari; sed hinc quibus

322 ONTOLOGIA CAP. VIII.

vocibus, certo quodam respectu considerata, appellari queant discimus. Neque hoc incommodum est, postquam usu Scholarum invaluit ut de ejusmodi respectibus sermones inter homines essent; quem usum induxit paulatim hominum, circa divina potissimum, curiositas.

7. Ad tempus quod spectat, quo ejusmodi voces primùm inventæ sunt, id non potest certo definiri. Hoc tantum constat de earum in questionibus Theologicis usu, *Platonicos*, præsertim qui post Christum vixerunt, coepisse dicere esse * *varias ~~varietatis~~ divinas*, easque seorsim consideratas *diversimodè subsistere*. Apud hosce Philosophos *varietatis*, duplici sensu sumitur.

1. *existentiam* abstractè consideratam, seu *subsistentiam*, quæ res seorsim ab omni alia subsistit: 2. rem ipsam quæ ita subsistit, seu existit: hoc est, *supposititalitatem & suppositum* significat.

8. Cùm autem Christiani ceteris omnibus Platoniam præferrent Philosophiam; quòd magis ad Christianam Religionem accedat quàm ceteræ; ubi de Patre, Filio & Spiritu Sancto, item de Christo coeperunt disceptare, libenter his vocibus usi sunt, quibus postea Scholastici sequentium sæculorum, qui omnia subtiliùs persequuti, alias addiderunt.

9. Dixerunt in Deo uno tres esse *divinitatis*, seu *personas*, quod duplicem sensum capit; nam potest significare, substantiam divinam communem esse tribus Naturis numero diversis, quales sunt *Petrus, Joannes & Paulus*, sed ad unicam

* Vide Plotinum Ennead. V. L. I.

cam speciem pertinentibus; aut, esse unicam numero essentiam, seu naturam tribus diversis modis subsistentem, seu in qua sint tres personæ, quarum una neque est pars, neque adjunctum alterius. Prior fuit sententia Platoniorum, posterior Scholasticorum. Sed ut Platoniorum sententia potest intelligi: Scholasticorum doctrina capi nequit.

10. Postquam coorta sunt dissidia de Christi Naturis, alii dicebant in Christo duas esse *Personas*; hoc est, duas Naturas existentis distinctis præditas, divinam & humanam; alii esse unicam *Personam*, seu duas illas Naturas conficere unum Suppositum, quoddam Naturæ humanæ non esset peculiaris subsistentia, sed subsisteret in Divinitate.

11. In Homine quidem, qui duabus Naturis constat, Mente & Corpore, duæ illæ Naturæ ita concurrunt in unum compositum, ut *subsistentia* communis utrique pariter conveniat. Sed propter dissimilitudinem, quæ est inter Divinam & humanam naturam, Theologi paria tribuere Divinitati & Humanitati Christi nolentes, dixerunt Divinam Naturam suam æternam Personalitatem retinuisse, atque huic Naturæ adjunctam fuisse humanam Personalitatem carentem, quæ proinde in Divinitate subsistit.

12. At cavendum monent ne credamus humanam naturam subsistere in Divinitate, ut adjuncta alia subsistunt in rebus creatis. Exempli causâ, crines in homine sunt adjunctum, quod adhæret corpori hominis, quasi implantatum, atque in eo subsistit. Humanitas non ita subsistit in Divinitate, quæ dicitur sustentare

324 ONTOLOGIÆ CAP. IX.

humanitatem , modo quodam quem non capimus.

13. Litem movere Scholasticis nolim , propter meras voces , quibus sanè licet , prout volunt , utantur ; sed iis non uti , hoc in negotio , præstitisset ; quoniam cum , ipsis fatentibus , res de qua proferuntur ignota sit , vereri debuissent uti verbis , quorum significationes ignorant , & ut ne satis idoneis nominibus res *καταλαβάνῃς* exprimerent.

C A P U T IX.

De Causa & Effectu.

1. **C**Um omnia Entia possint instar *Cause* , aut *Effectus* considerari , hac de re etiam agunt Metaphysici. Causam definierunt *principium cuius vi res est* , quæ definitio parum erat necessaria ; quandoquidem vox *principium* non est clarior voce *causa* , quâ solo usu satis notum est designari id quo fit ut aliquid sit. Effectum etiam obscuriùs *causatum* vocant , idque quod per *causam est* definiunt.

2. Causa potest considerari concretè , cum tota sua natura , vel abstractè quatenus est causa ; unde nascitur idea *causalitatis* , quæ est relatio quæ intercedit , inter causam & causatum ; quæ relatio nititur actione causæ , quâ gignitur effectus.

3. Ceterum causarum varia sunt genera , quorum hæc quatuor præcipua censentur : *Materialis* , *Formalis* , *Efficiens* , & *Finalis*. *Materialis*

ONTOLOGIÆ CAP. IX. 325

rialis causa est ipsa materia, seu id quo constat res aliqua; ut lutum, quo vas conflatum est. *Formalis* est forma, quâ accedente, materia ita disponitur, ut res formâ suâ individuâ ab omnibus aliis rebus, etiam ejusdem speciei, differat. *Efficiens* causa est, quâ fit ut materia accipiat formam; sic figulus lutum ita format, ut certæ figuræ, certive coloris vas effingat. *Finalis* est finis, quem sibi proponit Causa intelligens, quando aliquid adgreditur; neque enim est intelligentis Causæ, sine fine sibi proposito, agere.

4. Veteres Peripatetici, qui crediderunt, aut mundum ipsum, aut saltem ejus materiam initio carere; in causa efficiente nihil, præter dispositionem materiæ, seu inmissionem formæ in materiam agnoverunt. Sed Scholastici Christiani, addiderunt esse unicam causam efficientem, quæ ipsam materiam eduxisset, à nihilo; nempe, Deum. Merito materiæ, in qua nihil videmus præter extensionem, divisibilitatem, impenetrabilitatem, seu soliditatem; quæ semetipsa non movet, neque ullam dispositionem per se induit; quæ non intelligit, neque se ipsa novit; merito, inquam, materiæ æternitatem tribui non posse statuerunt. Nam carere prorsus initio proprietas est, quæ multò majoris est momenti, quàm intelligere, & movere; neque, si materia æternitatem haberet, ullo modo quare proprietatibus minoris momenti destitueretur intelligimus. Fateendum tamen simplicis extensionis initium nos non satis animò adsequi. Intelligere enim nitentibus, quid ante mundum hunc adspectabilem fuerit, non substantia modò cogitans, sed

326 ONTOLOGIÆ CAP. IX.

extensio quædam corporibus seu solidis destituta, ac sine limitibus obversatur, quam frustra amoliri conemur.

5. Ceterum variæ afferuntur causarum cum Efficientis, tum Finalis divisiones, quas unâ serie recenscimus; quod hic tantum de vocibus, ex usu aut vulgari, aut Scholastico definiendis, sermo sit.

I. Est causa *Physica*, quæ verè & per se significat effectum; ut quando causa movens immotam antea materiam, suâ vi, movet.

II. Causa *Moralis* non ipsa agit, sed occasio est propter quam, secundum ordinem naturæ, aliquid fit; aut impellit aliam causam Physicam, ad agendum. Ita absentia *Naucheri* dicitur causa naufragii navis, non quod is navem submerferit, sed quia si adfuisset; ut adesse eum oportuerat, submersionem impediisset. Qui suadet homicidium, nec occidit ipse manu suâ, causa est moralis, ob quam aliquis interficitur.

III. Est *Totalis & Partialis* causa. Prior gignit sola totum effectum, ut causa motus, quæ sola facit ut corpus moveatur; posterior conjunctim cum alia agit, ut si, vento velum impellente, præterea remis navis agatur, ventus & impulsio maris causæ erunt motus navis partiales.

IV. Est causa *Principalis & Instrumentalis*, quarum prior per se agit in instrumentalem, ut instrumentalis, quæ alioquin actura non erat, effectum, quem vult principalis, edat. Artifex, qui malleo aliquid peragit, est causa principalis, malleus instrumentalis.

V. Non

V. Non multùm, à præcedente Causæ distinctione ; abludit distinctio in *mediatam* & *immediatam* ; cum posterior dicatur causa cujus vis, nullâ aliâ interveniente, effectum gignit ; prior quæ, non nisi interventu alterius, eum edit. Ita Nauclerus agit in navem, interposito gubernaculo ; gubernaculum verò immediatè navem dirigit.

VI. Est causa *per se*, & causa *per accidens* : Prior est quæ gignit effectum quem cupit, si sit intelligens, aut cui comparata est, si sit intelligentia destituta. Ita causæ per se characterum chartæ illitorum sunt vir qui vult scribere, penna, atramentum &c. Causa per accidens est quæ contra voluntatem, aut destinationem naturæ agit ; ut, si quis medicamento, sed extra tempus propinato, ægrum interficiat.

VII. Deus est causa *Prima*, creaturæ verò *Secundæ* ; quòd priusquàm hæ egerint, à prima causa eas cum omnibus proprietatibus suis procreari oportuerit.

VIII. Sunt cause *subordinate*, quæ non possunt sine superioribus causis agere. Ita Causas omnes secundas aiunt esse subordinatas primæ ; quòd sine ejus concursu agere posse negentur, qua de re in *Pneumatologia* dicemus.

IX. Causa *universalis* dicitur Deus, *particulares* Creaturæ ; quòd ille universa procreaverit. Entia, & ea conservet ; hæ verò nonnisi in res particulares agant. Simili ratione generaliores causæ possunt, specialiorum respectu, universales dici.

328 ONTOLOGIÆ CAP. X.

6. Hæ sunt præcipuæ distinctiones Causarum, quibus alias addere haud difficile esset; si id alicujus usûs foret. Satis erit summatim observasse unam eandemque rem posse esse interdum Causam alicujus effectûs, variis modis; ideoque distinctiones. modò allatas non esse eo animo à nobis recensitas, quasi Metaphysici existimarent semper uno respectu causam eo nomine affici; sed perspicuitatis tantùm, & ordinis causâ.

7. Vix opus est monere unicuique causæ respondere ex adverso suum effectum, ac proinde totidem Effectuum species posse distingui, ac Causarum; hæc enim manifestò sunt correlata, ut posito altero ponatur alterum.

CAPUT X.

Axiomata Metaphysica de Causa.

1. **P**ostquàm Causarum varia genera recensuimus, superest ut quædam Axiomata, circa Causas, hic proponamus. Pertinent ea ad Causas efficientes, & quidem totales & immediatas, quæ propriè dictæ Causæ: & tria potissimè sunt.

2. Primum est *inter Causam propriè dictam & effectum oportere esse necessarium nexum*; adeò ut, positâ actione causæ, sequatur necessariò effectus. Cùm Deus vult aliquid efficere, id necessariò eveniat oportet; quia cùm Deus sit omnipotens, nec ullo ullius rei subsidio indigeat ad agendum, positâ ejus solâ actione, necessariò sequitur effectus.

3. Quia

3. Quia autem ejusmodi nexus non cernitur inter causas creatas & effectus, nonnulli causas secundas, seu creatas, suâ vi agere negarunt. Negant corpora à corporibus moveri, quod inter motum corporis, & motum eorum in quæ incidit nullus deprehendatur uexus; adeò ut moto corpore A, necesse sit moveri corpus B, cui colliditur. Idem quoque negant corpora à spiritibus moveri, quia inter voluntatem spirituum & motum corporum nullam connexionem animadvertunt.

4. Fatendum à nobis hujusmodi connexum nullum cerni, nec sequi ex eo quòd corpore moto id, in quod incidit, movetur; aut ex eo quòd mente volente, corpus agitur, corpora, & mentem esse veras motûs causas. Fieri posset, ut occasiones tantum essent, quibus positis, alia causa ageret. Verum sicuti, ex ejusmodi possibilitate, non collegeris rem ita se habere: ita nec eò quòd non adsequeris aliquid, consequens est ut nihil sit; nisi aliunde probaveris tibi esse earum rerum, de quibus agitur, adæquatam ideam, aut rem repugnare.

6. Possunt inesse corporibus motis, & spiritibus facultates ignotæ, de quibus judicium nullum, aut negando aut affirmando, ferre possumus. Itaque ex æquo peccant, qui affirmant inesse iis certò facultates efficiendorum quorundam, quæ an ab iis fiant ignorant: & qui negant quicquam inesse corporibus & spiritibus, nisi quod non in iis perspicue norunt.

6. Secundum Axioma, de Causis, hoc est:
Causam esse primam effectui, quod Metaphysici
 cum

330 ONTOLOGIÆ. CAP. X.

cum de prioritate *naturæ*, tum de prioritate *temporis* interpretantur. Aiunt enim esse causas, quæ non sunt citius quàm effectus, ut sol non est luce suâ prior. Talia sunt quæcumque necessariò & naturâ suâ aliquid gignunt, non enim prius est *ca* natura, quàm effectum necessarium edat. Sunt aliæ causæ, quæ priores sunt effectibus suis, etiam tempore; qualis est Mens; exempli causâ, respectu cuiuspiam cogitationis. Atque huiusmodi sunt omnes causæ libere, & quæ necessitate naturæ non agunt.

7. Tertium Axioma est: *nihil esse in effectu quod non sit in causa*, seu *neminem dare quod non habet*. Hoc evidentissimum cum sit, conceptum est etiam iis verbis quæ explicatione non indigent; aded ut omnes statim ei intellectu adsentiri necesse sit.

8. Quidam addunt Axiomati voces *eminenter* aut *formaliter*, adiunguntque omnem effectum inesse causæ suæ propriè dictæ alterutrâ ratione: aut *formaliter* qualis in se est, ut nigror, qui inest atramento, chartæ illitus est, formaliter in atramento, ut postea in charta apparet: aut *eminenter*; hoc est, modo quodam præstantiori, aded, ut quod est in effectu contineatur in eo quod fuit in causa ut *minus* in *majori*. Ita dicunt in Deo, qui est omnium substantiarum causa, contineri substantiam spiritualement & corpoream. Cum Mentes intelligentes creaverit, ipse etiam intelligit, sed excellentiori ratione. Cum corporeas naturas genuerit, earum proprietates omnes reales ei inesse oportet; sed sine imperfectionibus, quæ in corporibus sunt.

9. Alii ipsum Axioma, non rationibus, sed exemplis oppugnant; quibus id interdum inesse effectui, quod in causa nullo modo est, constare putant. Dicunt è luto, à Sole Insecta gigni, quæ vivunt; cum neque Sol, neque lutum ullatenus vitam in se habeant. Verùm præterquàm quòd non definiunt clarè quid *vitam* vocent, adsumunt quod nullo modo probare possunt. Insecta enim ex luto à Sole calefacto non nasci, probarunt nostri sæculi Philosophi.

10. Verùm tamen, licèt Axioma abstractè & generaliter consideratum verissimum illico videatur, nec ulla objiciantur exempla, nisi soluta facilia; fatendum à nobis non intelligi quomodo in Deo sint simul proprietates reales omnium Creaturarum, seu eas omnes quæ aliquid Entitatis involvunt. Ut Dei probare existentiam, seu ostendere esse aliquam Causam omnium rerum æternam facile est: ita naturam ejus Causæ introspicere mortaliū non est. * *Cum ad illum mentis humane intentio & acumen, & memoria pervenerit; quasi subductis & consumptis omnibus viis, subsistit, heret, deficit: nec est aliquid ulterius, quò progredi possit.*

11. Neque in angusta illa Natura, ex qua ceteræ omnes profluxerunt, sola eam difficultatem experimur; sed & plurimarum aliarum substantiarum existentiam & aliquot proprietates demonstramus; dum subiectum ipsum, cui proprietates inesse oportet, tenebris nullâ ingenii luce collustrandis obvolutum manet, & manebit, ut alibi ostendimus.

12. Hinc

* *Lactant. Lib. 5. de Fals. Relig. §. 7.*

332 ONTOLOGIÆ. CAP. XI.

12. Hinc veritatem Axiomatum Metaphysicorum, non pendere ex aptatione eorum quibusdam singularibus Naturis colligere est; quoniam non minùs vera sunt, licèt aptationis ratio intelligi nequeat. Duas ideas abstractas immediatè comparare, earumque relationes certissimè cognoscere possumus; unde, sine erroris periculo, affirmamus, omnia inter quæ eadem est ratio, quæ est inter eas ideas, iisdem iudiciis subjacere. Verùm, ubi ad res ipsas devenimus, quì possit Axioma ex abstractis ideis collectum eis applicari, difficillimum scitu est; inò interdum nullo modo sciri potest.

C A P U T X I.

De Fine.

1. **C** Apitis IX. §. 3. inter Causas, *finalem* numeravimus. Metaphysici operosè agunt non tam de Finis natura, quàm de ratione, ob quam inter Causas recensetur; dum quærunt quare *Causa* vocetur, quæ est mera disceptatio de vocibus. Hoc vitio sæpe laborant Peripatetici, quo traditis vocum definitionibus, quare in sermone quotidiano aut Philosophico iis vocabulis res designentur, multis docere adgrediuntur.

2. His omiſſis, observabimus primùm *Finem* dici *causam externam cujus gratiâ res est*. Metaphysici proferunt hîc etiã plurima de fine, qui non potest esse nisi quod nobis bonum aut est, aut videtur; & ostendunt finem optari propter se, quæ

ONTOLOGIÆ. CAP. XI. 333

quæ verò adhibentur, ad eum consequendum, propter finem; quæ vera quidem sunt, sed omnibus notissima, & circa quæ nemo mentis compos erraverit.

3. Secundo, solent variz finis classes constitui, quorum præcipuas enumerabimus.

I. Est finis *cujus*, & finis *cui*. Prior est quem sibi proponit adsequendum is qui aliquid operatur, ut cum Medicus sibi sanitatem ægrorum curæ suæ commissorum proponit. Posterior finis est, in cujus gratiam prior expetitur; ut æger, cui sanitatem restituere nititur, arte suâ, Medicus.

II. Finis *cujus* est aut *actio* aliqua, aut *opæ*, aut *usus* utriusque. Finis Musicæ, exempli causâ, est cantus; artium mechanicarum opera, ut domus Architectonicæ; finis virtutis est fructus, qui nascitur ex bonis actionibus, in tranquillitate animi, & spe felicitatis futuræ situs.

III. Alius est finis *Artis*, alius finis *Artificis*. Finis artis dicitur, id quod arti ipsi propositum est, seu id ad quod tendit; ut finis Musicæ est tradere leges bene canendi, & efficere, ut aliquis bene canat. Finis verò artificis est finis, qui nihil ad artem pertinet, sed quem ipse appetit; qualis est. lucrum, quod Musicus quærit.

IV. Finis est *primarius*, vel *secundarius*. Prior est quem præcipuè spectamus; ut cum vestibus utimur, ad tegendum corpus. Posterior, quem post alterum consequi cupimus; ut quando vestibus non tegitur modò, sed & ornatur corpus. Potest etiam hæc distinctio paulò aliter intelligi, nimirum, ut secundarium finem eum vocemus, quem

334 ONTOLOGIÆ. CAP. XI.

quem aliquis consequi optat non unà cum primario, sed si primario excidat. Ita cùm aliquem vitiis deditum monemus ut redeat ad meliorem frugem, id facimus eo potissimum fine ut vir probus fiat; sin minùs, ut officio nostro defuncti saltem simus, ne Deus à nobis rationem repetat vitæ non probæ proximi, quem emendare fortè poteramus.

V. Est *finis ultimus*, & *subordinatus*. Finis ultimus est qui ad ulteriorem nullum refertur, sed propter se expetitur. Summa beatitudo est finis, ad quem referuntur omnes alii, & quem propter se expetimus. Sed potest esse finis ultimus omnium omnino finium, qualis est beatitudo, ad quam omnes nostræ actiones tendunt: vel finis ultimus in certo genere rerum, ut domus est finis ultimus Architecti, qui propterea ligna fecat, lapides, calcem &c. comparat. Finis verò subordinatus est qui ad ulteriorem finem tendit; ita Architectus it ad lapicidas, ut lapides comparet; neque in eo consistit, sed comparat ut ædificet. Igitur quando dicitur ivisse ad lapicidas, *eo fine* ut lapides compararet, is finis est subordinatus ultimo; extructioni, nempe, ædium.

VI. Est finis *proximus* & *remotus*, quæ distinctio ferè eadem est cum antecedente, quia finis ultimus remotus, subordinati proximi sunt. Attamen hoc est inter eos discrimen, quòd in serie finium subordinatorum possint distingui proximi & remoti, antequàm ad ultimum deveniatur. Ita iturus Lutetiam, proficiscor ut eam *Harlemum*, hic est, proximus finis itineris; dein scapham conscendo, ut eam *Lugdunum*, hic finis

nis est remotior, respectu antecedentis, & sic porro.

4. Atque hæc satis superque, ut intelligatur Metaphysicorum, eorumque, qui hinc vocabula mutantur, sermo; quod plurima, quæ hîc traduntur, spectant. Hîc aliquid de quæstione multò graviori, quæ in sæculo nostro mota est, addemus. Quæritur nempe, an in Physica locus esse possit considerationi finium, propter quos Deus Universitatem rerum, variâque ejus partes creavit? Occasio quæstionis inde orta est, quod nonnulli Physici multa probare niterentur ex finibus Dei; dicerentque varia in rerum natura ita se habere, uti putabant; quia hoc esse oportebat, ut convenirent fini quem Deus sibi in iis gignendis, ut opinabantur, proposuit. Neque in Physica sola, sed in Theologia etiam ejusmodi ratiocinationes à multis proferuntur; ut quando dicitur Deus auctoritatem ἀναμάρτητος instituisse in terris, quia hoc necessarium videtur ad dubia omnia ex hominum animis amolienda, & imperitos ad salutem deducendos.

5. Cùm igitur multi abuterentur ea ratiocinatione, R. Cartesius negavit nos posse cognoscere ullum finem Dei, in creatione Naturarum corporearum, nisi Deus eum ipse revelaverit; indeque hoc deduxit consectarium, malè eos ratiocinari, qui ex finibus Dei quidquam colligerent. Verum hoc Cartesii effatum, ita generaliter sumtum, vix admitti potest. * Si enim po-

na.

* Consulendus hac de quæstione Anglicus Illustris Vîri R. Boilei libellus inscriptus: *A disquisition about final causes of natural Things*, &c. Londini 1688.

336 ONTOLOGIÆ. CAP. XI.

namus Deum intelligentem esse Naturam, quod sanè agnoscit Cartesius, quædam autem eorum quæ fecit aptissima sint ad insignem effectum edendum, eumque necessariò, mechanicà suà dispositione, edant; quis negarit Deo hunc finem fuisse, ut effectum memoratum ea res ederet? Oculi sint exemplo, qui summâ arte dispositi sunt ut eum præstent usum, quem præstant. An Deus, humani corporis auctor, oculos cum in finem creavisse non censëbitur? Potest quidem fortè & alius esse oculorum usus nobis ignotus, sed hunc saltem est fatendum à Deo fuisse spectatum.

6. Verùm in eo peccarunt Physici, quòd aliquando finem Dei non ex ipsis ejus operibus collegerint; sed ex temeraria assumptione cujuspiam finis, ad operis dispositionem, argumentati sint. Ut Sol, Stellæ fixæ, & Planetæ circa Terram, quasi centrum, agerentur; quòd omnia Terræ nostræ causâ facta sint, consequens esse dixerunt. Si ita ratiocinati essent, postquàm certis argumentis Terram in centro hujus vorticis stare immotam comperissent, potuisset ferri ratiocinatio; sed ex incertissima hypothesis, Terram immotam esse oportere, collegerunt.

7. Licet ergo Physicis ex usu necessàrio creaturarum, colligere Creatoris fines; non ex finibus, quos fingunt, rerum dispositiones de quibus non constat deducere. Idem licebit etiam Theologis circa fines Dei, in administratione rerum humanarum. Quandoquidem nullum ducem habemus, præter Scripturam & Rationem, meritò Deum voluisse nos iis uti, in vesti-

Ecclesiam infallibilem, ut servari queant idiotæ, qui non possunt veritatem examine agnoscere; quia alio quopiam modo Deus idem efficere potest; nempe, si illi simplices & indocti, pro sua cognitione, bene se gerant, eamque augere nitantur; quod facile foret ostensu, si res esset hujus loci.

CAPUT XII.

De Subjecto & Adjuncto.

1. **H**ic Subjectum vocatur, *id quod per se est*, seu *Substantia*; dividiturque in subjectum *adhesionis*, & *inhesionis*. Prius est, cui aliquid extrinsecus adhæret, ut vestes adhærent homini. Posterius id in quo res aliqua est, ut cera cui inest figura. Hinc colligere est Subjectum vocem esse relativam, quæ includit considerationem *Adjuncti*; quo nomine designatur *quidquid adhæret, vel inhæret cuipiam subjecto*, quo in numero sunt vestes & figura.

2. Nemo negat id quod extrinsecus rei adhæret esse ejus naturæ, ut possit seorsim esse, est enim substantia. Sed gravis, ex quo Transsubstantiatio credi cœpta est, inter Philosophos agitur quæstio; utrum, nempe, Adjuncta inhærentia, seu Accidentia prædicamentalia possint sine subjecto cui inhærent, saltem divinâ potentiâ, esse? Qui Transsubstantiationem tuentur affirmant, quia accidentia panis, sine pane, esse credunt in Eucharistia. Alii, quos nullum dogma Theologicum à rectæ Rationis tramite transversos egit, præfractè negant.

338 ONTOLOGIÆ. CAP. XII.

3. Constat utrimque Accidens dici id quod per se non est, sed subjecto inhæret; nec posse id seorsim intelligi, nisi abstractione. Rotunditas, exempli causâ, potest quidem abstractè considerari; sed sine materia cui inest, quasi existens, intelligi nequit. Quantumvis nitamur, non possumus efficere ut animo nostro obversetur idea rotunditatis existentis, sine ulla materia cui inhæreat.

4. Cùm hoc agnoscant Transubstantiationis patroni, quod non intelligimus, nec intelligere possumus, id divinâ tamen potentiâ fieri autumant. Verùm eodem res redit, ac si dicerent se credere à Deo aliquid fieri quod quid sit ignorant, & cujus nulla ullo respectu idea animo ipsorum obversatur. Igitur idem credunt ac alii, sed verba eorum ideis consentanea non sunt.

5. Theologicam aliud dogma, hac in re, alterum inter Philosophos Christianos dissidium creavit. Qui credunt Christi corpus esse in Eucharistia, nec tamen Transubstantiationem admittunt; ut tuerentur suam illam *præsentiam realem*, excogitarunt Ubiquitatem corporis Christi, quam ita à se probari posse sperarunt. Nempe, contendunt post adscensum Christi, quem metaphoricè intelligunt, ejus humanam naturam suscepisse proprietates divinas, inter quas est Ubiquitas. Theologica argumenta hîc non expendemus, ne limites Ontologiæ transiliamus.

6. Hinc nata est quæstio, an proprietates possint communicari? Hujus quæstionis est duplex sensus. Potest enim quæri, an ex re proprietas possit in aliam transire, adeò ut eadem numero pro-

proprietas, quæ inerat cuipiam subiecto, in alio esse incipiat? Huic quæstioni respondent ii, qui credunt accidentia sine subiecto esse non posse, se etiam non intelligere quæ proprietates è subiecto in alterum transferri queat; quia eo momento, quo transiret, esset sine subiecto. Præterea Accidens singulare (nam Accidens in genere non est) ita est Accidens ejus substantiæ cui inhæret, ut alterius esse nequeat. Exempli gratiâ, rotunditas globi, ita ejus est cui inhæret, ut sine illo singulari globo intelligi nequeat, nec possit ei adimi, quin ea simul intreat. Ponamus, animi causâ, esse globum, cui subito auferatur sua rotunditas, ut in aliud corpus transferatur; eo momento, quo rotunditas deseret prius corpus cui inerat, erit rotunditas in genere; neque enim ulli inhærebit corpori, quo nihil absurdius excogitari potest. Sed Metaphysici, dum abstractionibus animum suum aduſefaciunt, tot Entia esse seorsim existentia, quot sunt in eorum animo abstractæ ideæ, paulatim sibi persuadent; deinde ex iis Entibus componi ea, quæ vident, judicant.

7. Alter quæstionis allatæ sensus hic est, an duæ res naturâ diversæ possint ita conjungi, ut utriusque proprietates, non tantum de utraque prædicentur, sed & utrique insint? Seu an Dæ proprietates, exempli causâ, inesse possint, ut subiecto, humanæ naturæ; anve humanæ proprietates inhære possint Deo? Hoc affirmant plurimi ex iis, qui *Martini Lutheri* doctrinam sequuntur; alii negant.

8. Qui aiunt, eos ante omnia oportet intelligere quod affirmant; propositionis enim, cu-

340 ONTOLOGIÆ. CAP. XII.

ius nullus est sensus, etiam nulla est fides. Non opinor autem eos intelligere, qui in una natura Divina sint proprietates contrariæ, ut cœpisse & non cœpisse. Idem de omnibus proprietatibus divinis & humanis, quæ in humana natura esse dicuntur, judicium ferendum est. Sanè ipsi rem esse ἀκαταληκτόν, hoc est, se eam non intelligere, fatentur. Itaque dum sibi aliquid credere videntur, nihil credunt, uti nec Transsubstantiationis Patroni.

9. Secundò in * memoratum incommodum incidunt, oportet enim eos dicere eadem numero attributa divinæ & humanæ naturæ inhærere, aut transire ex una in alteram; quorum nec prius, nec posterius intelligi potest, sũntque omnibus nostris cognitionibus contraria. Atque hujusmodi sunt ut plurimum dogmata Philosophica, in quæ delabimur non veritatis, per necessaria ex indubitatis principiis consectaria deducta; sed propter utilitatem Partium in quibus sumus, quibus expedit ea videri vera.

10. Metaphysici Subjecti & Adjuncti alias afferunt divisiones, sed quoniam nihil fermè habent dignum observatu, quod à nobis in † Logica, aut in hoc Opusculo ‡ dictum non sit aliis verbis, & alio loco, ea prætermitemus. Eadem de ratione, quæ possent dici de identitate * proprietatum & subjecti, non repetemus.

* §. 6. † P. I. c. 3. & 7. ‡ Cap. 1. * Log. P. 1. c. 7.

CAPUT XIII.

De Necessario & Contingenti.

1. **C**Um nihil sit quod dici nequeat, aut necessario esse, aut ejus naturæ ut possit non esse, ad proprietates generales Entis referri debent *Necessitas & Contingentia*, quarum definitiones, & genera tradere, hoc Capite, adgredimur.

2. *Necessarium* in genere dicitur, quod non potest non esse; cui est oppositum *impossibile*, seu quod non potest esse, de quo in sequente Capite. *Necessitas* porro variè dividitur & subdividitur à Metaphysicis, quorum præcipuas tantum hîc indicabimus sententias.

3. *Necessitas* ergo est vel *Exsistentiæ & Simplex*, vel *Coëxistentiæ & Composita*. Prior est quæ aliquid ita est, ut non possit non esse; atque hæc rursus duplex est, *Absoluta & Hypothesica*. Deus absolutâ necessitate est, quia naturâ suâ est, & eum non esse repugnat. Creaturæ verò existunt, necessitate tantum *Hypothesicâ*, hoc est, ponendo Deum velle eas existere. Nam licet à nulla alia re creata eripi eis existentiâ possit; attamen, qui eam dedit eam eripere potest.

4. *Necessitas Coëxistentiæ*, quæ & *Cohærentis*, dicitur, quæ res nonnullæ unâ necessario conjunctæ sunt, aut coëxistunt. Duplex quoque est, diciturque vel *Consequentis & Naturalis*, vel *Consequentiæ & Hypothesica*. *Necessitas consequentis* est, quæ res ita conjunctæ sunt,

342 ONTOLOGIÆ. CAP. XIII.

ut numquam possint, incolumi earum naturâ separari. Ita à triangulo non potest divelli proprietas, quâ duo latera simul sumta majora sunt tertio, quin natura trianguli pereat. Igitur necessitate consequentis, Triangulo eam inesse proprietatem necessarium est. Necessitas consequentiæ ea est, quâ duæ res naturâ suâ non conjunctæ, certo tamen tempore non possunt non conjunctæ esse; seu id à causa externa oritur, seu quòd ita rem se habere ponamus. Ita globus, & motus non sunt necessariò conjuncti, sed si vis major globum, vi non æquali ad resistendum præditum, impellat, tunc necessariò moveri dicitur. Quando etiam ratiocinando aliqua in re plura conjuncta esse ponimus, non possunt quasi divulsa considerari, nisi destruatur hypothesis; neque ullum necessarium consequarium deduci potest, nisi hæc illibata maneat. Ita posito hominem peccato deditum esse, nec per totam vitam id habere, quod necessariò postulatur ad habitum peccati exuendum; inde colligimus, necessitate consequentiæ, hominem in peccato mansurum, nec ullâ ratione vitaturum poenas peccatori debitas impoenitenti.

5. Quamvis hîc veluti gradus quidam in Necessitate distinguantur, quorum est 1. necessitatis consequentiæ: 2. consequentis: 3. existentiae hypotheticæ: 4. absolutæ; attamen effectus causarum necessariorum, quocumque tandem horum sensuum sint necessariæ, æquè necessariò & ineluctabiliter eduntur. Ita licet peccatum non sit cum humana natura conjunctum, aded ut alterum sine altero esse nequeat; attamen, ex allata modò hypothesi, homo æquè necessariò & inelucta-

ONTOLOGIÆ. CAP. XIII. 343

eluctabiliter malus est, ac si malus necessitate consequentis esset.

6. Cum porro Jurisconsulti omnes, imò humanum Genus universum judicet homines necessitate excusari, seu non esse reos ejus rei, quam impedire supra vires eorum est & semper fuit; necessitas consequentiæ non minùs excusat, quàm necessitas consequentis; neque enim magis impedire possumus effectum prioris, ac posterioris; seu, ne sit ambiguitas in voce *posse*, utrumque supra vires nostras est. Hinc colligere est illos distinctione eà abuti, qui putant se hominem inexcusabilem facere, cum dicunt eum esse peccatorem necessitate consequentiæ, non consequentis. Verùm hoc Theologicum est.

7. *Contingentia*, ut ex definitione allata apparet, contraria est Necessitati, & posset æquè multipliciter distingui, seu dividi, ac Necessitas; verùm hoc nullius esset usus, & facile potest ab unoquoque fieri. Quærendum est potius quibusnam in rebus inveniri queat Contingentia, deinde an omnino sit?

8. Substantiæ nobis notæ sunt duàm generum; *corporeæ* & *intelligentes*. In rebus merè corporeis, quoad nobis notæ sunt, certum est nullam esse contingentiam; nam agunt & aguntur, secundùm regulas quasdam mechanicas, quæ ab iis violari nequeunt. Necessè est, necessitate consequentiæ, minorem vim cedere majori, ideòque quotiescumque corpus minùs firmum ad hærendum in loco ab alio impellitur majore vi actò, minùs firmum à firmiori loco pelli neceffe est.

344 ONTOLOGIÆ. CAP. XII.

9. Superest ergo ut, si quæ sit Contingentia, quærat in Naturis intelligentibus. In hisce autem Naturis sunt quatuor 1. intellectio ac imaginatio: 2. sensatio: 3. volitio: 4. libertas. Ad hæc refertur quidquid in nobis sentimus, quod in Pneumatologia ostendemus. Ergo in quonam horum sit Contingentia, videndum.

10. Quando aliquid intelligimus, aut imaginamur id coram mente nostra versatur, & ita eam afficit ut eam ad se convertat; nisi cogitatio, seu idea validior aliò Mentem avertat. Statuamus nos cogitare de triangulo, tamdiu de eo cogitabimus, quamdiu nulla alia idea sese Menti nostræ offeret, quæ eam ad sui contemplationem alliciat. Nihil est in ea re contingens, Mens enim est instar oculi semper aperti, qui omnia objecta quæ se se ei offerunt necessariò videt.

11. Ad sensationem quod attinet, Experienciâ nobis constat hanc esse inviolatam legem, ut commoto certo modo corpore, Mens certas sensationes habeat. Itaque neque hîc ulla est contingentia; quoniam, Deo volente, sensationes animi sunt cum motibus corporis inviolabili nexu conjunctæ.

12. Volitiones sunt duplicis generis; quædam necessariò, & quidem necessitate, ut videtur, consequentis sunt in nobis, ut volitio quâ optamus bonum, & malum refugimus, & volitiones quibus adquiescimus in idea distinctissima. Non possumus nobis infortunia optare, neque possumus non adsentiri propositioni evidenti. Hîc ergo, nulla est Contingentia.

13. Aliæ

ONTOLOGIÆ CAP. XIII. 345

13. Aliæ volitiones versantur circa res; quas neque bonas, neque malas nobis esse credimus; seu quæ bonæne, an malæ sint dubitamus; aut circa quasdam propositiones dubias, five non satis claras. Ad hæc volitiones nullâ necessitate adducimur; atque hisce in rebus propriè sita est Contingentia, quod ut clariùs appareat, paullo pluribus persequemur.

14. Omnia nostra judicia feruntur 1. de iis quæ *bona* vocantur, hoc est, quibus nobis creari potest voluptas, aut lætitia; vel de *malis*, aut ex quibus aliquis dolor, aliquæve tristitia potest ad nos redire; & de iis quæ dicuntur *indifferentia*, quæ nec bona, nec mala sunt: 2. de *veris* aut *falsis*, & *dubiis*, quæ solius contemplationis ergò consideramus. Quidquid animo nostro observatur ad hæc duo rerum genera referri potest. Actiones, circa bona, aut mala, & indifferentia; contemplationes meræ, circa vera aut falsa, & dubia versantur.

15. Ut à prioribus ordiamur; quando animo disquirimus an facturi simus, quod neque bonum, neque malum esse putamus; exempli causâ, an simus domo seriùs aut citiùs exituri, ubi planè id perinde esse existimamus, nec quidquam inde boni, aut mali ad nos redibit, utrumvis eligamus; cùm, inquam, dubitamus, & post dubitationem sine ulla causa, quam proferre queamus, alterutrum eligimus, tum contingens fuit hancne horam ad exeundum electuri essemus, necne. Nulla enim erat ratio, ex re ipsa petita, exeundi, aut non exeundi certo tempore; nulla quoque in nobis fuit, quæ nos invictè impelleret ad alter-

P 5. utrum,

346 ONTOLOGIÆ. CAP. XIII.

utrum, quandoquidem nullius nobis conscii sumus.

16. Igitur Contingentia primum agnoscenda in iis quæ scimus, aut nos scire putamus esse planè indifferentia. Est quoque in iis quæ dubitamus an nobis sint conducibilia, necne; hoc est, quæ non novimus perspicuè nobis prodesse, aut obesse posse facta, aut omissa. Tunc enim nihil est, neque in nobis, neque in re ipsâ, quod nos ad agendum, aut actionem cohibendam necessariò impellat. Sentimus nos posse, si velimus, agere aut ab agendo superfedere; neque ullam rationem videmus, quæ nobis dubitationem eximat. Exempli causâ, est mihi negotium, in quo favore Caji, aut Titii fortasse indigeo. Priusquàm eum mihi conciliare adgrediar, oportet me iudicium hoc ferre. *posse mihi favorem Titii aut Caji prodesse.* Statuamus autem me nullam rationem habere, quâ mihi certò constet eum favorem mihi conducere posse; sentio me posse iudicare eorum favorem non futurum inutilem, vel contrà futurum inutilem; nullo pondere animum meum huc, aut illuc trahente.

17. Ita res habet, in omnibus rebus dubiis; sed quoniam, ut in II. Logicæ Parte vidimus, sunt varii gradus dubiarum propositionum, iudicia nostra sunt quoque magis aut minùs contingentia. Ubi res est maximè dubia, tunc est maximè contingens facturine aliquid simus, an cessaturi. Ubi verò rationes sunt, quæ nos possint magis ad alterutram partem inclinare, aut affectus, vel quidpiam simile; quamvis non sint evidentes rationes, nec affectus, aut alia

alia ejusmodi, ut iis resistere nequeamus ; attamen judicia tunc videntur minùs contingentia, quia est aliquid quod nos ad alterutrum trahat, licèt non necessariò, quod in altera parte non est

18. Hinc colligere est omnem Contingentiam, ubi ferendum est judicium, ex quo sequitur nos quidpiam facturos aut omissores, pendere ex eo quòd nulla certa ratio animo obversetur, neque aliud quidquam sit ; quod nos ad agendum invictè impellat, aut ab agendo deterreat.

19. Ubi ferendum judicium de re merè theoretica, unde nulla actio pendet ; exempli causà, an vivat nunc Japonensium Rex, necne ? an duæ lineæ sint æquales ? ubi, inquam, ejusmodi ferendum judicium, si nulla sit ratio evidens, quæ nos in alterutrum trahat, primò quidem dubitare possumus, utrum judicaturi simus necne ; deinde, si judicemus, potest esse judicium affirmativum, aut negativum, pro arbitrio. Igitur utrum judicaturi simus, necne, in ejusmodi casu contingens est. Contingens item est, utrum affirmaturi simus, an verò negaturi, ubi simile quid dijudicandum nobis proponitur.

20. Igitur Contingentia occurrit, in iis omnibus seu actionibus, seu judiciis ; in quibus nulla ratio evidens aut agendi, aut judicandi nobis suppetit. Potest tamen hîc aliquid obijci solutu difficile ; nempe, ut diximus, ad judicia ferenda, adeoque ad agendum, non tantum rationibus intellectui nostro obversantibus, sed etiam affectione animi, & perturbationibus

348. ONTOLOGIÆ CAP. XIII.

impellimur; quo posito, videbitur quidem quidpiam contingens, respectu rationum, quibus ad judicandum aut agendum commovemur; non verò, si spectetur animi nostri affectio. Exemplo illustrari potest hæc objectio, quo solutu difficilior fiet. Ponamus virum librorum amatorem, qui nec animum curis ullis distractum habeat, neque oculos objecto vividiori, aut alia quapiam de causa, averfos sibi sentiat, à via in qua ambulat. Statuamus ei ambulanti fortè offerri ante pedes libros plurimos, pulchrè compactos, quorum & argumentum & dominum ignoret; quæritur an sit contingens eum libros illos arripere, ut videat quinam sint, aut non arripere? Si dicatur esse contingens, eò quod nulla invicta ratio ejus animo occurrat, ob quam necessariò libris manum injiciat; inde oriatur hæc difficultas, rei contingentis eventum præstitutum esse; nemo enim vel minimùm dubitet, an vir, litterarum studiosus manum sit libris admoiturus. Si negetur esse contingens, sequetur quædam non esse contingentia, in quæ tamen nullâ evidenti ratione, nullo invicto affectu inclinamur, adeoque falsa esse quæ diximus; imò nos non posse judicium ferre de contingentibus, quandoquidem nulla est certa ratio, quâ ea dignoscamus.

21. Huic objectioni reponimus, I. nos fateri hominum actiones & judicia non minùs ab animorum affectione, quàm ab ideis eorum animis obversantibus fluere; II. superesse quæstionem, an ejusmodi affectioni resistere nequeamus, necne; vel an in nobis sit facultas cohibendæ, aut exserendæ actionis; seu ad eam
animi

animi affectione impellamur, aut ab eadem deterreamur? III. eam facultatem, quæ *Libertas* solet vocari, non aliter posse cognosci, quàm ex nostro ipsorum sensu. Neque enim aliter an sit, in nobis facultas aliqua, quàm conscientia, scire possumus. Non est spectandus eventus, quoniam posset in nobis esse facultas non faciendi quod facimus, aut faciendi quod non facimus. Hic autem conscientiam eorum, qui agunt in ejusmodi rebus dubiis, aut de incertis judicant, appellamus, & oramus dicant an non sentiant in se vim abstinendi actionibus & judiciis, licet libentissimè agant, eo ipso tempore quo agunt? Si ex nobis aliorum animum æstimare licet, affirmabunt sibi inesse ejusmodi facultatem, quam exferere possent in contrariam partem; quæ facultas nulla est, ubi de summo bono, aut veritate evidente agitur. Sentimus enim, uti non possumus non amare summam felicitatem, neque ad sensum negare veritati evidenti: ita nos, in aliis omnibus bonis & veritatibus, in alterutram partem, sine invicta ratione, ferri.

22. IV. Longo habitu fieri potest, ut aliquid libenter & cum voluptate faciamus; aded ut, certis positis circumstantiis, id nos facturos aded verissimile sit, ut vix possit in dubium revocari, uti liquet exemplo allato. Attamen, etiam illis circumstantiis positis, quamvis habitu contractio illuc feramur, sentimus habitus vim non esse tantam, ut nequeamus ei resistere. Exempli causâ, ponamus hominem vino deductum, fruentem prosperâ valetudine, animo curis vacuo, & sitientem ingredi locum, ubi combibet

350 ONTOLOGIÆ. CAP. XIII.

nes inveniet unâ potantes; vix dubitare possumus quin, nullo interdicto impeditus & invitatus, cum iis bibiturus sit. Attamen quis dubitet quin idem ille vir, si pignore contendisset cum aliquo se non bibiturum, eo in loco, posset habitui & invitationi amicorum obsistere? Hinc quoniam spe alicujus lucri, aut gloriolæ cujuspiam, potest ab eo abstinere, quo maximè delectatur, eum ad eam voluptatem ineluctabiliter non ferri colligimus.

23. Hinc jam videmus *Libertatem* esse *Contingentiæ* fundamentum, ut non possit poni *Libertas*, quin *Contingentia* agnoscat. Vice versâ, non potest agnosci *Contingentia*, quin admittatur *Libertas*. Quoniam autem ejusmodi *Libertas* est tantum in *Naturis* intelligentibus, ex iis solis oritur eventuum *Contingentia*; non ex merè corporeis, ut antea jam diximus.

24. Sed quandoquidem ita *Naturæ* intelligentes sunt conjunctæ cum *Corporeis*, ut hæc volentibus illis agantur, & moveantur, quocumque tandem modo hoc fiat; eveniunt etiam multa in corporibus *contingentia*, ubi iis miscentur intelligentes *Naturæ*. Humana corpora, & quæcumque possunt hîc à nobis moveri, non modò mechanicis causis, ut merè machinæ; sed præterea à nobis variè, pro liberæ *Naturæ* arbitrio, moventur; unde fit ut multa in iis eveniant *contingentia*, non respectu quidem *Corporum* ipsorum, sed causarum moventium. Fortè & in aliis *Corporibus*, quæ sunt aut à nobis remota, aut supra vires nostras posita, contingunt mutationes, operâ aliarum *Naturarum*.

ONTOLOGIÆ CAP. XIV. 351
tararum intelligentium , ut jam Deum omittamus.

25. Quæri solet , an à Deo eventus contingentes præcognosci possint? verùm hac de Quæstione, *Pneumatologiæ* Sectione Tertiâ , ubi de Deo, agemus.

C A P U T XIV.

De Possibili & Impossibili.

1. **P***ossibile* generaliter dicitur quod potest fieri, nec tamen fit; *impossibile* quod neque est, neque esse potest. Sed præterea à Metaphysicis dividitur impossibile in tres classes, 1. *absolute*, 2. *certo respectu*, 3. *ex hypothesis*. *Absolute* impossibile est quod involvit contradictionem, ut dari circulum quadratum, aliquid esse & non esse. *Certo respectu*, quod non involvit quidem contradictionem, sed ab Hominibus fieri nequit; ut solem extinguere, terram ad eum accedere magis, aut recedere. *Ex hypothesis*, quod suâ quidem naturâ fieri posse intelligitur, sed, positâ quadam conditione, eventum fortiri nequit; ut posito Deum nolle ut densissimæ nubes in pluviam à vento cogantur, quamvis hoc suâ naturâ fieri possit, non fiet tamen.

2. Si hîc Scholasticos imitari vellemus, ex sermone, possibilitatis aliquot genera, ut & impossibilitatis hîc addere possemus. Exempli causâ, passim dicimur non posse facere quod aut nolumus, aut licitum non est, & contra posse facere contrariis; hoc est, ea legi esse, aut voluntati nostræ consentanea. Verùm vocabulorum ob-

352 ONTOLOGIÆ CAP. XIV.

observatio ad Criticem, non ad Metaphysicem, pertinet. Potius hîc paucis naturam possibilitatis & impossibilitatis, prout à nobis intelligitur, explicabimus.

3. Cum omnia judicia nostra complectantur, comparationem duarum minimùm idearum, quando dicimus aliquid esse possibile; comparatis inter se duabus ideis, nos videre inter eas ejusmodi connexum, ut possint unà esse, affirmamus. Ita fieri posse, ut Adamas crassitie caput humanum æquet autumamus; quia, nempe, humani capitis magnitudinem cum Adamantis natura esse posse cernimus. Dicimus posse fieri, ut Mons in pulverem comminuetur; quòd ex consideratione partium, quibus Mons constat, colligamus eas posse dividi eò usque, ut pulveris æquent tenuitatem.

4. Veritas autem horum judiciorum pendet ex cognitione rerum, de quibus judicamus. Cum enim certò novimus proprietatem aliquam rei cujuscpiam, cum qua esse potest alia, tum verè dicimus eam rem cum alia illa proprietate esse posse. Ita scimus rupium partes posse frangi & conteri, cum qua proprietate idea minutissimi pulveris conjuncta est; atque hinc meritò Montem posse in tenuissimum pulverem comminui contendimus.

5. Quando verò ita ignoramus naturam rei, ut cum nulla ejus proprietate nota connecti quæpiam alia intelligatur, quidquam de eo affirmare nexu nequimus. Ita non possumus respondere huic quæstioni, an materia, quâ ferrum constat, possit admittere omnes proprietates; quas in argento aut auro novimus? Quî enim dicemus,
pon-

pōndus, colorem &c. auri aut argenti esse posse cum proprietatibus ignotis ferri? Quī scimus an non sit aliquid in ferri natura, quod eas proprietates penitus respuat?

6. Igitur tunc demum possibile aliquid tutò dicimus, ubi perspicuè nexum videmus inter prædicatum & subjectum propositionis, quā eam possibilitatem affirmamus. Temere ii loquerentur, qui dicerent fieri posse, ut Corpora cogitent; quia nulla est Corporum proprietas nobis nota, quæ nexum aliquem, aut convenientiam habeat cum cogitatione.

7. Impossibile vice versâ quīdpiam dicimus, cū duas ideas ita dissentireprehendimus, ut se invicem destruant, nec ullā ratione eas conjungere, aut conjunctim considerare Mente possumus. Sic negamus posse dari circulum quadratum, quia idea circuli, & idea quadranguli planè dissentiunt, neque stare unā possunt, cū una alteram evertat. Ubi sunt anguli, non potest intelligi circumferentia æqualiter undecumque à centro remota; atque ubi est hujusmodi circumferentia, anguli inveniri ulli nequeunt.

8. Impossibilia igitur dicere non possumus, quæ nescimus, an unā consistere queant, nec ne; hoc autem nescimus quando eorum, quæ comparamus, natura nobis ignota est. Exempli causâ, dicere non possumus, fieri non posse ut cogitatio & extensio in uno eodēque subjecto sint; quia ignota nobis sunt subiecta, quibus insunt cogitatio & extensio. Possumus quidem, sine periculo, affirmare cogitationem non esse extensionem, aut motum,

454 ONTOLOGIÆ. CAP. XIV.

tum, quoniam earum rerum ideæ sunt prorsus diversæ; sed de subjectis ignotis, quibus insunt, nullum satis certum ferri potest iudicium.

9. Hoc in negotio, multò arctiores limites humanæ sunt cognitionis, quàm vulgò creduntur. Etenim cùm subjecta substantiarum sint ignota, affirmare non licet quidquam de *convenientia* eorum, aut *disconvenientia*, ut ita loquar; hoc est, unum esse simile aut dissimile, adversari aut non adversari alteri. Ad ideas verò, quod attinet, proprietatum abstractas, licet paulò ulterius humana porrigatur cognitio; attamen innumeræ occurrunt, de quibus quidquam affirmare, ubi quæritur utrum unà esse possint, quia nulla certa habent *analogias* iudicia, temerarium esset. Ita si quæritur an cum certa dispositione corporis esse queat cogitatio, quis neget quidquam hîc, aut affirmet, sine temeritate? Si nossemus subjectum in quo sint, & unde profluunt, possemus fortè dicere quæ à natura ejus manare queant; sed cùm sit prorsus ignotum, aqua nobis hæreat necesse est.

10. Non defuerunt, inter recentiores Philosophos, qui negarint etiam ullum nos posse certum iudicium de *analogiis* ferre. Aiunt enim nos à Deo accepisse intellectum, statui rerum præsentis aptatum; statum autem illum, absolute loquendo, potuisse esse diversum, adeoque divinâ potentiâ posse fieri id quod nos repugnare judicamus. Sic, ut putant, bis duo esse quatuor intelligimus, quia cùm Deus bis duo quatuor esse voluerit, ita intellectum nostrum affe-

affecit, ut rem aliter intelligere nequeamus. Sed si Deus voluisset bis duo esse sex, quod ab illo pendeat, id quoque intelligeremus, quod nunc non possumus. Atque hinc à nemine quidquam absolutè impossibile, ne potentia quidem divinà, pronunciari posse dicunt.

11. Hanc sententiam jam confutavimus Cap. IV. hujus Opusculi, ubi Essentias rerum esse æternas ostendimus. Nec quisquam tam abscondita umquam affirmasset, nisi eò vi aliquà majore, quàm est ratiocinatio, delatus fuisset; nempe, metu offendendæ Ecclesiæ Pontificiæ, cui addicti erant hujus sententiæ patroni.

12. At solent nonnulli revertere à nobis ergo limites poni divinæ potentiæ, qui dicimus aliquid à Deo fieri non posse. Verùm facile est intellectu Dei Potentiam nequaquam minui, quando repugnantia facere posse negatur; cum merum Nihilum, qualia sunt illa, divinæ potentiæ objectum non sit. Deus potest efficere ut quod non erat incipiat existere, & ut quod inceperat desinat; sed quid fieri queat ut Deus faciat ut aliquid sit, & ut ne sit simul? Hoc sane est merum nihil, quod latet sub vocabulis, seorsim quidem aliquid significantibus, sed conjunctim nullum prorsus sensum fundentibus. Idem dicunt hinc, dum divinam potentiam extollere videri volunt, ac qui magnificà voce inclamaret, *Deum esse omnipotentem, quod possit facere* BLITRI, quæ vox nihil significat. Deo certè, sibi, & aliis illudunt, qui tragicis querelis omnia miscent, & superstitionis fulgine re-

rum

356 ONTOLOGIÆ. CAP. XV.

rum adspæctum intercipere nituntur; ut absurda ejusmodi dogmata intrudant, quæ admitti nequeunt nisi sensui communi, si consentanea saltem agenda sint, valedicatur.

C A P U T XV.

De Potentiâ & Actû.

1. **Q**UOD subtilius de *Potentiâ & Actû* agunt Metaphysici, eò paucioribus rem attingemus; quoniam quæ de hoc negotio habent, ea, si vera concedantur, prorsus sunt ad veritatis ignotæ ac utilis investigationem inutilia. Hiò tantùm tradunt, quæ nomina ideis quibusdam Abstractis imposuerint; quas ideas diu contemplari planè supervacaneum est.

2. Summatim ergo dicemus *Potentiam & Actum* esse correlata. Id *potentiâ esse* dicitur, quod nondum est, sed esse potest; & *Potentia facultas id faciendi, aut patiendi*. Ita cogitatio de Triangulo in quovis homine dicitur esse potentiâ, cùm nondum eam animo præsentem habet; quia potest quivis de Triangulo cogitare. In massa cerea dicitur esse potentiâ quælibet figura, quia, quamlibet figuram admittit.

3. *Actu* verò id est quod non tantùm potest, esse, sed re ipsâ est. Ita cùm cogito de Triangulo, inest Menti meæ actualis de Triangulo cogitatio; cera, in quadratam formam ducta, dicitur actu habere quadratam figuram. Res verò dicitur *transire ex potentia in actum*, ubi quod antea poterat esse re ipsâ est.

4. *Quantum*

4. Quamvis hæc distincta sint, tamen arcto nexu sibi invicem cohærent, ut alterum succedat alteri. Atque hinc fortè factum ut Metaphysici aliquatenus eorum misceant nomina. Dividunt Actum in *primum & secundum*, & *primum* quidem vocant ipsam rei essentiam, aut existentiam; *secundum* verò, operationem uniuscujusque rei. Ita Gratiam in *actu primo*, & in *actu secundo*, distinguunt. Gratia in *actu primo* est ipsa Gratia, in se spectata; in *actu verò secundo*, ejus effectus, seu Gratia respectu effectus considerata. Ille autem actus primus æquè commode, si Scholasticis visum esset, *potentia prima* dici posset.

5. Haud absimili ratione, Potentiam in *proximam & remotam* dividunt. Potentiam proximam vocant eam, quæ ejusmodi est, ut ad eam exserendam nihil, præter volitionem, desideretur; Potentiam verò remotam, eam quæ est ejusmodi, ut nisi fiat aliqua mutatio in agente, volitio accedere numquam possit. Sic aiunt viro, qui jam habitum agendi convenienter virtuti contraxerit, nulla alia re, præter volitionem, opus esse. At homini vitio cuiquam dedito, & longo habitu corrupto, numquam evenit ut constanter velit rectè agere; nisi prius habitum illum vincere adgressus fuerit, & tandem superarit. Hic dicitur habere *potentiam remotam* virtutis colendæ, quia præditus est Mente, quæ si alio imbuta esset habitu, posset virtuti adhærere. *Potentiam* verò *proximam* habet vir probus rectè vivendi, quia jam habitum ad hanc rem necessarium contraxit.

358 ONTOLOGIÆ. CAP. XV.

6. Solent quoque Scholastici dividere *Actum* in *parum* & *impurum*, *Actum parum* vocant, qui cum nulla potentia conjunctus ab illis censetur. Ajunt Deum esse *Actum parum*, quòd in Deo, ut putant, nihil sit nisi *Actu*, quippe qui planè est immutabilis. Contrà omnibus Creaturis tribuuntur *Actus impari*, quòd multa Creaturis, quæ in iis non sunt, esse queant. Verum quidem est Deo nihil accedere, nihilve decedere, quòd aliquam proprietatem ei inferat, vel detrahat; sed nulla ratio est quare in eo non possint esse actiones quædam, quæ non sunt. Imò hoc omnes agnoscant oportet, quoniam à Deo multa fieri posse, quæ non frunt, fatentur.

7. Hæc sunt, quæ de Potentia & *Actu* potissimum observanda duximus; & quæ ad intelligendum Scholasticorum sermonem, infervere queant. Jam pro iis, quæ solent ab iis hæc pluribus diduci, paucis dicemus quæ Potentiæ, aut Facultatis formetur in nobis idea.

8. Observantes quotidie cùm in rebus quæ extra nos sunt, multa immutari, adèd non semper eadem animo nostro ideas offerant; tum in nobis ipsis, prout volumus, interpolari eas in quibus contemplandis animus noster versatur; inde colligimus in iisdem objectis, eodem modo, in posterum evenire posse mutationes quasdam; & nos, quòd nunc facimus, posthac etiam facturos, ut quotiescumque voluerimus certas contemplari ideas; aut volitiones edere, id facere possimus. Ita quoniam sæpe vidimus plumbum igni injectum liquefieri, hinc igni facultatem liquefaciendi plumbi; plumbo verò liquidi
cva-

evadendi potentiam inesse didicimus. Quia sæpe cogitavi, ubi volui, de aliqua actione edenda, aut de quopiam objecto; inde me habere potentiam, quotiescumque vellem, iterandarum earum cogitationum sensi.

9. Indidem duplicis potentiaë ideam mihi obversari sentio, *passiva*, nempe, & *activa*. Passiva potentia est in plumbo, liquidi evadendi, vi ignis; igni videtur inesse activa liquefaciendi, quamquam hac de re sunt magnæ dubitandi rationes, quas hîc non afferemus. At certè ex animi nostri actionibus, facultatis activæ ideam colligimus. Sentimus enim nos ab alio non agi, neque impelli ad volendum; cùm corpora mota agantur ab aliis causis, ut alibi ostendemus.

10. Ceterùm si quis quærat quid voce *Potentia* aut *Facultatis* intelligamus, an sit substantia quæ per se sit, an accidens quod substantiæ inhæreat? Respondebimus ideam Facultatis esse abstractam, quæ neque substantiæ, neque accidentis ideam includit, adeoque nos non posse dicere accidens aut substantiam eâ voce designari. Significatur tantùm Ens illud, quodcumque tandem sit, quo substantia agit aut patitur. Sed si quærat non quid cogitemus, cùm ea vox *facultas* profertur, sed quodnam sit Archetypum (si Archetypum dici possit) illius ideæ, quam tunc contemplamur? Archetypum illius ideæ, seu id quod nobis ejus contemplandæ occasionem præbuit, esse accidens; seu proprietatem subjecto cuius inhaerentem, respondebimus. Ita in plumbo liquidi evadendi potentia, nihil esse aliud videtur, præter dispositionem,

360 ONTOLOGIÆ. CAP. XVI.

nem, seu figuram & situm particularum insensibilem, quibus plumbum constat.

II. Distinximus hic, quod & aliàs facere conducibile est, ideam abstractam Facultatis ab ejus Archetypo; quòd Scholastici dum ea confundunt, ita loquantur de rebus ipsis, quasi in iis esset nescio quid prorsus simile ideæ earum abstractæ; quod nec sit accidens, neque substantia. Interdum etiam substantias censent, quæ proprietates sunt; unde natæ *formæ substantiales* corporum, hoc est, substantiæ quædam à materia diversæ, in quibus facultates quas in corporibus animadvertere se putabant, & potissimum quidem activæ essent; quæ formæ an sint ullæ, admodum dubium est.

C A P U T XVI.

De Perfecto & Imperfecto.

I. **I**nter ideas abstractas, quibus considerandis occupantur Metaphysici, non ultimum locum tenent *perfectio* & *imperfectio*, quia longè maximus est vocabulorum *perfectus* & *imperfectus*, in sermone cùm Philosophico, tum quotidiano, usus. Sunt quidem inter recentiores Philosophos viri eximii, qui volunt adeò perspicuum esse quid sit *perfectum*, ut ea vox non magis definitione, quàm vocula *esse*, indigeat. At ex sequentibus eos hallucinari satis liquabit.

2. Vox *perfectus* petita est ab rebus, quæ arte fiunt, & quæ *perfectæ* dicuntur, ubi nulla re indigent

digent ampliùs ad eum usum præstandum, cui ab Artifice destinatæ sunt. Ita perfectum esse dicitur Horologium, cui nihil deest eorum quæ ad Horologii usus præstandos necessaria sunt. Similiter, apud Græcos, *τέλειον* dicitur, cui *τέλειον*, hoc est, *finis*, impositum est.

3. Deinde ea vox ab rebus arte humanâ confectis, etiam ad res spirituales & metaphysicas ideas translata est. Unde de perfectione Dei, Spirituum, virtutum, ratiocinationum &c. loquimur. Hinc quoque gradus perfectionum animo fingimus, dicimusque esse animalia alia aliis perfectiora, Spiritus esse perfectiores corporibus &c. Ubi autem hæc vox ad res ejusmodi efferendas adhibetur, non est unius significationis.

4. Generaliter quidem perfectum esse dicitur quidquid omnibus proprietatibus, quæ ad ejus essentiam pertinere putantur, præditum est; sed præterea multas ea vox habet potestates.

5. I. Perfectum vocare solent *absolutè*, aut *secundùm quid*. Absolutè *perfectus* dicitur *Dens*; quod licet interpretatione indigere non putet *Cartesius*, attamen paucis explicabimus. Quando ergo dicimus Deum esse *perfectissimam*, nihil aliud intelligimus; nisi Deo omnes omnium rerum proprietates reales, sine ullius defectûs mixtura, inesse; quod inde colligimus, quod omnia creaverit, & in se potentia habuerit, priusquam actu existerint; atque, ex iis quæ creavit, innumera alia, ac denique quidquid animo concipimus ab eo posse fieri intelligamus. Omnia itaque omnium rerum quæ sunt ac esse possunt in-

352 ONTOLOGIÆ. CAP. XVI.

cludit genera. Verùm hoc copiosius & planius in Pneumatologia ostendemus. Ceterùm Deo collatæ Creaturæ *imperfectæ* omnes dicuntur ; hoc sensu, quòd tot proprietatibus, quot Deus, nulla prædita sit.

6. II. *Perfectum est secundum quid*, aut *quoad speciem*, id cui nihil deest eorum, quæ existimamus ad singularem ejus speciem pertinere. Exempli causâ, perfectum est triangulum æquilaterum, quando tres ejus anguli sunt æquales. *Imperfectio*, quæ huic opponitur perfectioni, sita est in privatione proprietatis, quæ rei, pro ejus genere, inesse deberet. Ita triangulum diceretur imperfectum, cujus aliquod latus deesset aliqua ex parte, aut pro angulo sectionem aliquam circuli haberet.

7. III. *Perfectum est, quoad partes*, sive *integritatem*, id cui omnes partes ejus, quod perfectum dicitur, insunt. Ita integrum est triangulum, quod tres suos angulos & latera integra habet. Imperfectio huic perfectioni opposita est *mutatio*, quâ pars rei, de qua agitur, deest.

8. IV. *Perfectio est graduum*, ubi rei proprietates sunt in suo genere absolutissimæ. Imperfectio, in gradibus sita, inde oritur, quòd proprietates magis intendi possint. Eo sensu res unius, ejusdemque generis inter se conferuntur, & aliæ aliis perfectiores esse dicuntur ; licet ad speciem quod adtinet, æquè sint perfectæ, neque una plures habeat partes quàm altera. Ita perfectissimum dici potest aurum, quod est coloris flavissimi, ponderis maximi & minimam omnium igne exploratum patitur
di-

diminutionem ; contrà minus perfectum quod colore pallidiore , levius est , & minuitur magis igne doctum . Vir est perfectissimus , qui maxime omnium illis pollet virtutibus , illque eminentissimis , quæ virum decent ; minus perfectus , in quo sunt minores eiusmodi virtutes .

9. V. Perfectio est *essentialis* , vel *accidentalis* . Prior ibi est , ubi omnia ad sunt quæ ad essentialiam necessaria sunt , ut in circulo circumferentia æqualiter undequaque à centro distans . Posterior , ubi sunt quædam accidentia , quæ ad ornatum aut maiorem rei usum faciunt ; ut virtutes homini , quippe accidentales perfectiones , quia iis destitutus non minus homo esset .

10. VI. Perfectio est *speciei cum specie collata* . Ita quadrupedes bestię dicuntur esse perfectius animal piscibus , & avibus ; Angeli perfectiores Hominibus ; Deus perfectior Angelis . Perfectio illa est sita in eo quod in una specie sint , aut plures perfectiones seu proprietates quàm in alia , aut proprietates latius patent . Ita in Deo sunt proprietates , quæ non sunt in Angelis ; & præterea eæ proprietates , quæ sunt communes Deo & Angelis , in Deo latius patent . Deus in se continet omnium rerum proprietates , quâ proprietate carent Angeli . Deus item intelligit , Angeli que intelligunt ; sed Dei intellectio ad plura porrigitur , quàm Angelorum . Hoc uno modo possunt species inter se conferri , præsertim si habeant inter se aliquid commune , qualis est intellectio , quâ Deus , Angeli , & Homines præditi sunt . Quando verò nihil est inter eas species commune , numerantur specierum quæ comparantur proprietates & defectus ;

364 ONTOLOGIÆ. CAP. XVI.

atque ea species quæ habet plures proprietates & pauciores defectus, perfectior dicitur. Ita Spiritus perfectiores Corporibus, quod plures sint in iis proprietates, minores defectus, habentur. Corpora sunt tantum extensa, divisibilia, impenetrabilia, solida, variarum figurarum *capacia*, mobilia; sed se ipsa non movent, destituta sunt omni cognitione & sensu, non possunt obitare quin comminuantur vi majore &c. Spiritus verò cognoscunt, sentiunt, corpora agunt innumeris modis, &c. sunt ab omni corporeo impetu tuti, non indigent alienâ ope ad cogitandum, &c. Hoc exemplo usus sum, non quod mihi compertum sit quidquid modò dixi esse verum; sed quia verum vulgò creditur, eoque posito, Spiritus perfectiores dicuntur Corporibus. Ceterum meminisse nos oportet, valde periculosum esse eas diversorum generum inter se conferre; quoniam in enumeratione proprietatum, eas tantum attingimus quæ sunt nobis notæ; ideoque potius ideas nostras inter se, quàm res ipsas conferimus. Accidit autem faciliè ut ideæ duarum rerum non sint pariter adæquate, hoc est, ut norimus rem quampiam melius, quàm aliam; quo fieri posset ut temerè perfectiorem judicemus eam quæ notior esset, tantum quia minùs notæ nobis proprietates alterius essent.

CAPUT XVII.

De Finito & Infinito.

I. **O**Mnia Entia, cuiuscumque tandem sint naturæ, finita sunt aut infinita, ideoque doctrina de Finito & Infinito pertinet ad eam partem Philosophiæ, quæ de iis quæ omnibus Entibus conveniunt; agere solet. Ac sanè sunt hoc in negotio nonnulla Philosophorum meditatione dignissima; quod ex sequentibus liquidum futurum speramus.

2. Ad id quod *Finitum* vocatur quod adinet, nulla est difficultas; quoniam *finitorum*, vel *finium* ideam perspicuam habemus. Quidquid est hac in re obscuri Infinitum spectat; quod etiam non potest expendi, quin eo ipso Finiti natura clarius explicetur. Igitur statim de Infinito verba faciemus, & ante omnia infiniti posse quatuor genera constitui observabimus. Est Infinitum 1. *extensione*: 2. *duratione*: 3. *numero*: 4. *perfectione*. De hisce quatuor ordine agemus.

3. I. Cum unicuique nostram insint idæ certarum mensurarum finitarum, variarumque magnitudinum; sentimus nos posse mensuras ejusmodi unâ addere; quoties volumus. Tantam facultatem progrediendi, in hisce additionibus, in nobisprehendimus, ut quantumvis addiderimus, nulla sit ratio consistendi major, quam cum eas bis, aut ter addidimus; neque nos unquam fini additionum possibilium propiores sentiamus, quam antea.

366 ONTOLOGIA. CAP. XVII.

4. Ita nobis obversatur idea infiniti spaciū, nam sanè id extensione infinitum est, in quo nullos fines esse statuimus; quale est spaciū, quod numquam additionibus quantarumvis magnitudinum exhaustire possemus. Quando autem consideramus eam potentiam, quæ æternū mensuris novis metiri spaciū possumus, nec exhaustire tamen, eam *Infinitem* vocamus.

5. Hic autem probè distinguere nos oportet ideam *Infiniti* ab idea *Infinitoris*, una enim multò clarior est altera. Quando animo nostro obversatur idea spaciū cuiuspiam, quod infinitum vocamus, ea valde est confusa; quoniam simul duo conjungimus, quæ conjungi nequeunt, finitum cum infinito. Etenim nullum spaciū clarè concipere possumus tantum, cui aliquid addi nequeat; adeoque omnis idea spaciū, actu intellectui nostro obversantis, est finita. Attamen dicimus id spaciū, quod animo concipimus, esse infinitum; quia simul animo ideam *inexhaustibilitatis*, si ita loqui licet, aut ἀνεξάντησις, si Græcâ voce fictâ uti quis malit, intuemur.

6. Itaque si id eloqui velimus quod intelligimus, nec ulterius progredi, dicemus: 1. nos ideam claram habere *inexhaustibilitatis*, quæ tamen est negativa, nihil enim tunc intelligimus, si propriè loquamur, in abstracta illa idea; præter negationem limitum, vel *haustibilitatis*, ἀνεξάντησις. At observandum hanc ideam negativam statuere esse aliquid positivum, nempe, extensionem, quam meram negationem nemo dixerit; & quæ majorem Entitatem involvit, quam

quàm ea omnia quæ finibus inclusa esse existimamus. Si enim Extensio parva est aliquid positivum & reale; multò magis ea, quæ infinita est. 2. Nos ideam quidem aliquam, eamque positivam animo obversantem habere, quando cogitamus de re infinita in concreto, sed ei propriè non convenire infinitatem, quandoquidem nullam extensionem, cui nihil possit addi, actu capimus.

7. Sub hoc Infinitatis genere continetur alia Infinitas, quæ potest dici *Divisionis*. Nam quemadmodum materiæ, seu extensioni partes possent in infinitum addi: ita eidem in infinitum detrahi possunt, cum nulla sit tam parva extensio, quâ minor intelligi nequeat. Quod diximus de Infinitate additionum, quâ quantumvis progrediamur, numquam ad finem pervenimus; id intelligi etiam debet de Infinitate detractionum, quâ quantumvis retrogrediamur, numquam ad partem, ex qua nihil detrahi queat, devenimus. De Divisibilitate, pluribus agemus in *Physica*.

8. II. Alterum genus Infiniti est *infinitum duratione*, & duplex quidem; ut ostendimus, ubi de Duratione egimus. Est enim infinitum cum ratione præteriti, tum etiam futuri temporis; & infinitum, ratione futuri tantum.

9. Eodem modo philosophandum de Infinitate durationis, ac de Infinitate extensionis. Scilicet, nullam tantam posse durationem fingi, cui addi aliquid non possit. Si adderentur in æternum infinitæ *Periodi Julianæ*, numquam ad finem perveniretur; nam addere in æternum, & numquam ad finem pervenire unum idemque

368 ONTOLOGIÆ. CAP. XVII.

sunt. Hic quoque *ἀειδιαντλήσιμον*, negativo conceptu, satis clarè intelligimus; sed durationis *ἀειδιαντλήτου* idea, quæ animo nostro præsens esse videtur, quando de ea cogitamus, omnino fallax est, & ex duabus *ἀσυμπληρωταῖς* ideis, finita, nempe, duratione, & negatione terminorum, constat.

10. III. Cùm non adipiscamur ideam extensionis, aut durationis infinitæ, vel potius *ἰνfinite extensa & durans*, nisi postquàm deprehendimus esse in nobis vim addendi inexhaustam; hoc ipso ideam tertii generis Infinitatis, quæ pertinet ad *Numeros*, formamus. Ideoque nullum est discrimen inter hanc Infinitatem, quod ad ejus naturam adtinet, & alias. In aliis considerantur Entia quædam, in hac numeri abstracti, sine Entibus; quod ad ipsam Infinitatis naturam nihil facit.

11. Potest tamen hoc discrimen, inter tres memoratas Infinitates, externum statui. In *Numeris*, quando incipimus ab Unitate, videmur esse veluti in extremitate lineæ, quam ex altera parte in infinitum porrigimus. In *Duratione* utrimque infinitos revolutionum quarumdam numeros, in præteritum & futurum, extendimus. In *Spacio*, sumus veluti in centro quodam, ex quo quaquaversum repetitas in infinitum mensusuras ex æquo projicimus.

12. IV. Infinitas *perfectionis*, quod quartum genus est, tribuitur soli Deo, & duplex quidem esse potest. 1. Perfectiones, seu proprietate Dei (nam hisce vocabulis idem significari ostendimus) sunt infinitæ numero. 2. Sunt infinitæ *intensione*, si ita loqui liceat, seu gradibus.

13. Proprietates Dei dicuntur numero, infinitæ, quod nulla res animo concipi queat, quam efficere non possit; nulla natura intelligi, quam creare nequeat. Quoniam autem nemo dat quod non habet, si potest dare proprietates omnes possibiles; sequitur eas omnes in Deo esse, adeoque infinitis eum gaudere perfectionibus; cum possibilia infinita sint, hoc est, tanto numero ut numquam exauriri queant.

14. Eædem perfectiones gradu infinitæ sunt, quod ad omnia objecta ad eas pertinentia porrigantur; nec ulla dici possit perfectio divina subsistere in gradu, quo ulterior aliquis detur. Exempli gratiâ, Potentia divina extenditur ad omnia possibilia, nec ulla res possibilis dici queat esse ultra divinæ Potentiæ fines; quos nullos habet, non magis quam rerum possibilium numerus. Scientia divina similiter porrigitur ad omnia quæ sciri possunt, nec quidquam est ejus generis, quod divinam Scientiam superet.

15. Verum hac de re rursus, in tertia Pneumatologiæ Sectione, ubi de Deo agemus.

C A P U T XVIII.

De Divisione Entium in Genera & Species.

1. **A**D ea quæ de Ente in genere dicuntur, pertinent quæ solent de Entium in Genera & Species divisione tradi; quæ divisio, duplici de ratione, est à Philosophis instituta. Primum in philosophando, ordinem sequendum sibi aliquem duxerunt, qui nullus fuisset, nisi

Q 5

Entia

370 ONTOLOGIÆ. CAP. XVIII:

Entia ad certas referrent classes, secundum quas de iis agerent. Secundò, constitutà naturà Generum & Specierum omnium Entium, de singulis tutius se philosophaturos judicarunt. Postquam enim natura Substantiæ, exempli causà, semel constituta est; cum devenitur ad Ens quod ad Substantiarum ordinem refertur, jam eo ipso quòd numeretur inter Substantias, nobis constat de eo nihil dici posse, quod sit cum natura substantiæ *divisum*; & contrà quidquid de Substantia notum est, de eo posse affirmari.

2. Lustratis omnibus quæ norant Entibus, propriè dictis, Philosophi nullum animo suo occurrere deprehenderunt, quod non posset referri ad hæc duo summa genera, *Substantiam* aut *Accidens*. Substantiam vocant id *quod non indiget subiecto ad existendum, sed per se est*. Ita Corpus est Substantia, quia nulli subiecto inheret, sed seorsim ab omni alio est. Accidens est *quod subiecto inheret, nec sine subiecto esse potest*, ut figura quæ sine corpore figurato esse nequit.

3. Substantiam rursus & Accidens Philosophi subdividunt in varias species. Accidentis divisiones non ita accuratè persequuntur, quia sunt nimio numero; nam quamvis novem tantum species, in Aristotelicis Categoriis, recenscantur, possent multò plures memorari.

4. Missis ergo Accidentis divisionibus, Substantia primùm dividitur in *Increatam*, & *Creatam*, seu *Creatorem* & *Creaturas*. Increata est Deus; de quo vide Pneumatolog. Part. III. reliquæ omnes, quæcumque tandem sint, creatæ.

5. Crea-

5. Creatæ Substantiæ dividuntur in Substantias *Vitales & Non-vitales*. Substantiæ Vitales sunt, quibus inest principium *Vitæ*, quæ est vis quædam agendi, quæcumque sit, quæ non extrinsecus advenit, sed inest ipsi rei viventi. Substantiæ verò Non-vitales sunt quæ nullum ejusmodi principium habent, sed sunt dumtaxat passivæ; quales sunt mera & nuda extensio, & Substantiæ corporeæ, in quibus ad extensionem accedit soliditas & divisibilitas. Hæ enim sunt per se omni vitali principio destitutæ, nec quidquam possunt agere. Distinguuntur iterum in *Corpora simplicia*, seu *homogenea*: & *mixta*, seu conflata ex variis corporum generibus. Mixta rursus sunt *organica*, ut Plantarum & Animalium; vel organis destituta, ut metallorum, lapidum &c. corpora.

6. Substantiæ Vitales sunt autem *conscientiâ internâ præditæ*, vel ea sunt destitutæ; hoc est, sentiunt se vivere, seu agere; vel non sentiunt. Conscientiâ internâ sunt præditæ, quæcumque sentiunt, aut intelligunt, ac ratiocinantur. Ea verò carent, quæcumque vegetantur quidem internâ vitâ, sed nequaquam sentiunt.

7. Ut à posterioribus pergamus Entia in classes suas dividere, *Substantiæ Vitales vegetativæ* sunt quæ curant formationem & vegetationem Plantarum & Animalium; hæc enim solis mechanicis causis fieri non videntur. Quemadmodum nemo intelligat prima rudimenta Animalium & Plantarum, quæ seminibus continentur, solis mechanicis legibus fieri, ita ut sine interventu ullius principii activi formentur: sic nec, sine principio activo, vegetari, ali ac mo-

372 ONTOLOGIÆ. CAP. XVIII

veri queant. Possumus quidem, ut alibi diximus, ostendere quæ sit mechanica ratio corporis Plantarum & Animalium, & quibus viis iis administratur alimentum, quibûsve organis moveantur; sed præter hæc Philosophi contendunt esse principia quædam activa, quæ œconomiae Vegetabilium præfunt; quemadmodum præferunt primæ eorum formationi. Constat quidem in nobis hæc non fieri, operâ Mentis nostræ, seu Substantiæ cogitantis quæ est in nobis; quoniam nescit quomodo hæc fiant, nisi ope sensuum & meditationis, neque potest ea curare, promovere, aut impedire. Imò ne sentimus quidem hæc in nostro corpore fieri; neque enim Mens nostra sentit motum liquorum, qui per corpus nostrum moventur tantâ rapiditate, per tot varios tubos, qui Anatomis demum, & ne omnes quidem noti sunt. Igitur in nobis principium intelligendi, ac sentiendi non idem est, ac principium vegetationis. Idem dicendum de principio motûs, quamvis enim Mens nostra imperet motibus nonnullis corporis, attamen eos ipsa non exsequitur, nec novit quomodo imperia illa sua exsequutioni mandentur, ut observavimus *Pneumatologiæ* Sect. I. cap. 6. Sed ut meris Mentis imperiis, corpus moveri jubentis, parere non potest solus Mechanismus: ita nec solus vegetationis & nutritionis œconomia sufficere potest.

8. *Substantiæ vitales sensitivæ* sânt Animalia, quæ in duos ordines dividuntur, quorum alia *Bruta* dicuntur, alia *Rationalia*. In utrisque præter vegetativum principium, est principium sensitivum, seu Substantia Vitalis sentiens, & quæ

ONTOLOGIÆ. CAP. XVIII. 373

quæ etiam ratiocinatur; quamvis non eadem sit præstantia ejus principii; in Brutis & Rationalibus, ut ostendimus Physicæ Lib. IV. Cap. 12. Idèd hominibus collatæ pecudes *brutæ* dicuntur, non quòd sensu & ratiocinatione omni sint prorsus destitutæ; sed quòd earum ratiocinatio, ad humanam, nequaquam accedat. Nec negandum est gradibus perfectionis variari speciem, cum ejus axiomatis Scholastici nulla sit certa ratio. Iterum Animalium brutorum possunt constitui varii gradus, seu species, ut diximus Physicæ Lib. I. Cap. IV. §. 28. Sed rem hîc accuratius proponemus.

9. I. Infimus gradus Substantiarum Vitalium sentientium est earum quæ sunt conjunctæ cum corporibus eorum Animalium, quæ loco cui-dam adfixa sunt, nec inde moventur; ut Ostreæ, aliâque Conchyliorum genera, quæ nullo sensu prædita sunt, præter tactum; nulla enim reliquorum sensuum organa, aut indicia in iis deprehenduntur. II. Supra hæc Animalia sunt, quæ duos sensus habent, tactum & gustum, cum facultate se se movendi; sed organis omnibus sunt destituta, præter musculos; ut Cochleæ, seu Limaces qui testam circumferunt. III. Proximè superiores sunt Vermes, qui habent eosdem duos sensus & ungues, sed sine cruribus ac pedibus. Unguibus utuntur ad progrediendum facilius in corpore, cui adhærent. IV. Supra hos sunt Eruce, quæ habent præterea pedes unguibus instructos, quibus adscendunt in arbores, foliisque suspenduntur. Verum temerè moventur & lentè, quia carent oculis. V. Ad superiorem ordinem pertinent,

374 ONTOLOGIÆ. CAP. XVIII.

quæ sunt præterea visu prædita, & motum habent. facilem & celerem, ope crurum & alarum, qualia sunt Insecta volantia. VI. Superius collocandi sunt Pisces, qui & odoratu sunt instructi, sed sunt muti & furdi. VII. Hinc gradus fit ad Aves, & Quadrupedes, quæ habent præterea auditum & vocem. VIII. Supremus denique ordo est Hominum, qui sermone & intelligentia sunt præditi, quibus multum reliqua omnia Animalia superant.

10. Præter Vitalem illam Substantiam, quæ à nobis *Mens Humana* vocatur, possunt esse aliæ Vitales Substantiæ, eâ præstantiores variorum ordinum. Quemadmodum enim sunt in Animalibus & varia corpora & varii ordines principiorum vitalium: sic in rebus Intelligentibus facile possunt capi varii gradus, quorum aliis alii præstantiores sunt; antequàm perveniat ad eum, cujus præstantiæ nihil addi potest; nimirum, Deum. Nec tantum possunt intelligi varii illi ordines Substantiarum Intelligentium sed omnino esse videntur; si de immaterialibus Dei operibus iudicium ferre ex materialibus liceat. Cur enim tantam Naturarum varietatem, totque perfectionum gradus in materiali mundo creasset; in intellectuali verò, nihil præter Mentem Humanam fecisset? Cur tot vitalium naturarum genera infra hominem creasset, nullum verò supra hominem collocasset? Immensus profectò est hiatus inter Humanam Mentem & Deum, qui nisi ordinibus variis Intelligentiarum, aut Spirituum impleretur, quoad licet, dissimilis sibi in suis Operibus esset Deus. Ac sanè Sacræ Litteræ nos doceant esse Angelos,
e6f.

ONTOLOGIÆ. CAP. XVIII. 375

eosque variorum ordinum inter nos & Deum; ita ut Revelationi optimè conveniat, cum eo quod Recta Ratio dicitur.

11. Possunt esse I. Angeli, qui sint compositi tenuiori corpore & Intelligentiâ, quæ ope illius corporis sentiat; sed præstantiori modo quàm nos, quàmvis eum non adsequamur. Etenim ut qui sunt cæci nati non formant sibi ideam nostri visûs: sic possunt esse sensus, in præstantioribus naturis, quorum ideam nullam habemus. Quis scit annon sint Intelligentiæ huiusmodi, quæ amplissimum Universi spaciûm integrum simul videant, ut aliquot Vortices, cum omnibus eorum Planetis, eâ magnitudine quæ sunt reverâ, omnibusque quæ in iis sunt & fiunt, siue ulla lucis corporeæ opera? Annon etiam in hac ipsâ re innumeri queant esse gradus? II. Possunt capi Intelligentiæ, tametsi omni corpore exutæ, tamen Imaginatione, qualis est nostra, præditæ; adeoque obnoxie incommodis, quæ ex Imaginatione profluunt. III. Possunt esse Intelligentiæ aliis aliæ perfectiores, in ipsa intelligenti ratione, quàmvis Phantasiæ imaginibus essent destitutæ. Hisce de rebus copiosius agere possemus, nisi satius duceremus conjecturis modum imponere; quàm in nimio errandi periculo versari. Sed de his variarum Intelligentiarum ordinibus, ceterisque omnibus, quibus divina opera distinguuntur, adeundus vir acutissimus *Nebehemias Grewius*, Libro II. Cosmologiæ Sacræ.

12. Nemo autem à nobis possulet accuratas definitiones omnium generum Entium, quæ memoravimus; prostemur enim Substantiarum infinitas.

376 ONTOLOGIÆ. CAP. XVIII.

timas naturas nobis esse ignotas, nec quidquam de iis proferre possumus, nisi proprietates quasdam, experientiâ tantum atque à posteriori nobis notas. Satis autem est compertas nobis esse hasce proprietates, ut adfirmare possumus esse Naturas quibus insunt, neque enim sunt Accidentia sine Substantiis; nec Substantiarum varietates ac discrimina aliunde haurire solemus, quam ex differentia proprietatem nobis notarum.

13. Hic essent plurima in medium afferenda, quæ jam exposuimus *Logices*, P. I. C. VII. & VIII. ubi de Generibus & Speciebus egimus; idem enim est hic erroris periculum, quod ex doctrina vulgari de Generibus & Speciebus oritur. Verum quæ locis *Logices* laudatis diximus inde peti, atque huic aptari loco poterunt.

F I N I S.



IN-

INDEX CAPITUM ONTOLOGIAE.

| | |
|---|----------|
| P <i>Refatio.</i> | Pag. 283 |
| CAP. I. <i>De Ente, ejusque proprietatibus in genere.</i> | 289 |
| II. <i>De Uno, Verō & Bono.</i> | 293 |
| III. <i>De Multiplicitate, Compositione, Distinctione, Oppositione & Ordine.</i> | 299 |
| IV. <i>De Essentia & Existentia.</i> | 304 |
| V. <i>De Duratione ejusque generibus.</i> | 308 |
| VI. <i>Observationes circa Durationis mensuram & Axiomata circa Existentiā, ejusque continuationem.</i> | 311 |
| VII. <i>De Toto & Partibus.</i> | 317 |
| VIII. <i>De Supposito & Persona.</i> | 320 |
| IX. <i>De Causa & Effectu.</i> | 324 |
| X. <i>Axiomata Metaphysica de Causis.</i> | 328 |
| XI. <i>De Fine.</i> | 332 |
| XII. <i>De Subiecto & Adjuncto.</i> | 337 |
| XIII. <i>De Necessario & Contingenti.</i> | 341 |
| XIV. <i>De Possibili & Impossibili.</i> | 351 |
| XV. <i>De Potentia & Actu.</i> | 346 |
| XVI. <i>De Perfecto & Imperfecto.</i> | 360 |
| XVII. <i>De Finito & Infinito.</i> | 365 |
| XVIII. <i>De Divisione Entium in Genera & Species.</i> | 369 |

F I N I S.

THE
JOURNAL OF THE
ROYAL ANTHROPOLOGICAL INSTITUTE
OF GREAT BRITAIN AND IRELAND
VOLUME 100
PART 1
1970

